

111

D

37.39

NAPOLI

111

D

37-39

83

8

34

**H O M E R I
I L I A S**

LATINIS VERSIBUS EXPRESSA.



HOMERI ILIAS

LATINIS VERSIBUS EXPRESSA

A RAYMUNDO CUNICHIO

R. A G U S I N O.

PROFESSORE ELOQUENTIAE ET LINGUAE GRAECAE
IN COLLEGIO ROMANO.

ADJICIUNTUR

EPIGRAMMATA SELECTA

ANTHOLOGIAE GRAECORUM

EX EODEM CUNICHIO

Ad Amplissimum Virum

BALTHASSAREM ODESCALCHIUM

PRIMA EDITIO VENETA.

T O M U S P R I M U S.



V E N E T I I S,

CIO. MDCC. LXXXIV.

EXCUDEBANT HÆREDES BALLEONII.,

Superiorum Permissu, ac Privilegio.

AD BALTHASSAREM
ODESCALCIUM
LIVII II. BRACHIANI
DUCIS FILIUM

SS. CAESS. RR. AA. MM. CUBICULARIUM ET COMMENDATARIUM
INCLYTI ORDINIS S. STEPHANI HUNGARIAE
REGIS APOSTOLICI

ILIADIS LATINO CARMINE VERTENDAE
AUCTOREM ATQUE AUSPICEM

RAYMONDI CUNICHI

ELEGIA:

Magnanime hortator vatū dūstorque tuis qui (1)
Clam populo carmen ludimus in laribus,
Quo nunc me, horrentem fluctus mergique timentem,
Parva jubes vasto pandere vela mari;

Immen-

(1) Est enim princeps Oecultorum, qui ejus in aedibus, longe a populari strepitu, atque ab omni ambitione, sua interdum carmina recitant, *exigui numero, sed bello virida virtus*. Hunc ego in coetum cooptatus, atque Iliadem poetice vertere jussus, haec scribo. quorum summa est: me operis magnitudine perterrefieri, sed tamen Virgilianis opibus confisum de eo aliqua cum laude conficiendo nequaquam desperare.

Immenſa & valida fulcat qui caerula puppi,
 Pone ſequi lembo Maeonidam exiguo?
 Nil tibi ego poſſum, BALTHASSAR magne, negare,
 Quem toto admirans pectore ſuſpicio,
 Atque colo. eximiis clarum virtutibus (1), artes
 Complexum doctae Palladis omnigenas,
 Muſarumque artes varias (2), comemque, bonumque,
 Accessu & facilem, ſuavis & alloqui
 Hand parcum; utque brevi dicam ſimul omnia diſto,
 Patrique & matri moribus aſſimilem.
 Quos, verum cupiam ſi ponere nomen utrique,
 Urbis

(1) In quibus quidem virtutibus ineſt etiam illa ſingularis Modestia animi longiorem ſuorum decorum commemorationem non ferentis. quae mihi, muſa dicere, atque, ut in libris dicandis fieri ſolet, liberius in omnes clariffimi viri laudes excurrere cupienti, manum quodammodo injicit, atque invitum in his paucis, quae vix attingo, conſiſtere cogit.

(2) Utraſque ille artes ac diſciplinæ, tum ſeveriores, quibus Minerva, tum hilariores, quibus Muſae praeſeſſe dicuntur, a puero adamavit; multam utriſque operam dedit; complevis pectus optimarum rerum ſcientia, linguam procudit, atque ad omnem orationis elegantiam ſedulo exercuit. quibus rebus eſt aſſequutus, ut, quae ſcribit, mirifice probentur omnibus, qui aut rerum cognitione, aut verborum cultu delectantur; nec ejus carmina vel philoſophis inani, vel poetis auſtera videantur. Hoc, quo ille praeſtat, ſcribendi genus, plenum gravitatis atque elegantiae, cujuſmodi ſit, facile perſpici poteſt, ut alia praeteream, vel ex eo carmine, quo hoc anno PII VI. providentiſſimi ac publicae utilitatis ſtudioſiſſimi Pontificis in Academia Eccleſiaſtica reſtituenda ſapientiam laudavit; vel ex eo, quo anno ſuperiore Octaviam ſororem praetantiſſimam foeminam, aequè praetanti viro Joſepho Roſpilioſo Zagaruoli duci nubentem, ſuaviſſimis atque optimis verſibus eſt alloquutus; nec, uſurato more poetarum hymenaeos canentium, nugae egiſſet: ſed copioſe ac graviter de conjugio diſſerens, docuit, virtutem unam eſſe, qua adjuncta conjuges feliciffimi, qua remota miſerrimi atque acrumnoſiſſimi evadant,

Urbis jure queam dicere delicias;
Foeminei hanc generis rarum decus, hunc decus ingens,
Jactat queis sese Romula terra, virum;
Conspicuos proavum claro fulgore suorum,
Ambo luce sua sed mage conspicuos;
Exemplar gnatis geminum virtutis avitae.

Quod tu, avida inspectum mente oculoque, refers.
Haec tibi ego propter dulci devinctus amore
Quid ni me praestem morigerum & docilem;
Ac subeam jussus duri quodcumque laboris;
Vel si me pennis carpere praepetibus
Aeriosque velis tractus & nubila caeli,
Tentantem Icarias sidera ad alta vias?
Te tamen est aequum tam duris parcere jussit,
Nec velle id, vates quod tuus, ingenium
Omne licet promam solers, atque impiger omnes
Contendam nervos, efficere haud valeam;
Ut certe haud valeo, quod mandas, dia Latinis
Maeonidae magni carmina carminibus
Vertere sic, vates summo ut contendere vati
Ardore ac pulchris haud dubitem numeris:
Nec malus interpret faciam, fecere quod olim
Multi, qui, dictis omnia frigidulis
Complentes, verbum verbo sunt reddere tantum
Conati; atque meram barbariem attulerunt
Pro cultu, obscuras pura pro luce tenebras,
Stridorem cantu pro liquido horrifonum,
Sic, jure irasci vatum ut queat optimus ille,
Si gressum Elysiis huc ferat e domibus,
Et Venere adspiciat sese omni, omnique lepore

Exutum, & Graji floribus eloquii,
 Horrentem foede, balbumque, & verba sonantem
 Vilia, quae spernat vel puer e trivio,
 Mirari & foli possint, queis nulla venustas,
 Nulla & inest fatuo in pectore mica salis;
 Literulas docti venari, nilque pusillum
 Negligere; obliti tot bona, Maeónides
 Queis valet, ac mira complet dulcedine mentes,
 Imaque flexanimo carmine corda subit.
 His tu me similem non vis, nec verba Latine
 Sola jubes, cultum vatis at eximii
 Expressere, ingentesque animos, sacrumque furorem.
 Verum id quam durum sit, reor, ipse vides,
 Quamque alias vires, nervosque in carmine poscat,
 Quam mihi Castaliae quos tribuere deae,
 Quippe etenim, ut rebus, lingua sic praestat Homerus;
 Verbaque mirifice, mirifice numeros
 Contribuens, formas pulchri se vertit in omnes;
 Qualis, qui Nerei per vada falsa gregem
 Caeruleum pascit Proteus, & nunc fluit undae
 Assimilis, flammās nunc abīt in rapidas.
 Nam modo sedatus fertur, velut amnis in alveo
 Ingenti sese cum tacito evoluit
 Ingentem cursu placidus, ripamque virentem
 Illimi tardus lambere gaudet aqua:
 Hinc atque hinc teneras errant armenta per herbas,
 Et Zephyri arboreas vix ciet aura comas:
 In medio sternit late se vitreus humor,
 Inque udis ludunt Naiades thalamis.
 Sic vates leni fundit se carmine, mentes

Et

Et blando ille^{tas} irrigat eloquio.
 Nunc ruit, idem auctus multo velut imbre, soluta
 Et nive, mugitu cum fremit horrifono,
 Et ripam super exundat, moleſque ſuperbus
 Proruit, everſis amnis & aggeribus
 It campo ſpumanſque tumenſque, & pingua culta
 Turbidus immani diluit eluvie,
 Et nemora & celſas annoſo robore ſilvas
 Contorquet rapidis in mare vorticibus:
 Jamque greges tulit & paſtorum agreſtia ſepta:
 Flent moeſti attonitis mentibus agricolae,
 Et pavidi fugere micanti pectore Fauni,
 Atque altis abdunt ſe Dryades latebris.
 Talis: talem ajo? multo pol grandior ille,
 Amplior & multo, viribus & validis
 Auctior, exſultatque fremens & corda legentum
 Miſcetque & variis turbat agens numeris;
 Ac partes raptans quo vult contorquet in omnes.
 Me certe, Phoebæ tactus ut incaluit
 Praeſenti vates, divini & peſtoris alto
 Exprompſit carmen grandiloquum ex adyto,
 Sic agit, attonitumque animi ſibi vindicat, aures
 Sic mi concentu complet Apollineo,
 Sic mi omnes alto miſcet ſub peſtore ſenſus,
 Cuncta mihi ut videar non legere, aſt oculis
 Uſurpare ipsis manifeſta in luce diei.
 Bellantum in denſos abripior cuneos,
 Ardet ubi faevus medio in certamine Mavors,
 Atque virum atque alti cornipedum fremitus,
 Et galeae, clypeique, horrendum & tela fragorem
 Dant

Dant late : nigro in pulvere semianimes ,
 Flos juvenum , duro confossi pectus ab aere ,
 Languidulo extremos ore cient gemitus ;
 It multo largus passim de vulnere sanguis ,
 Purpureo & subter flumine terra madet :
 Seu Troum furit in turmas acer Diomedes (1) ,
 Palladia & divum numina fretus ope
 Haud dubitat faevisque minax incessere dictis ,
 Atque hasta impavidus figere vulnifica :
 Sive aciem rapit in Danaos male turbidus Hector (2) ,
 Urere deprensas & parat igne rates ,
 Spem relictas dulcem injectis & perdere flammis ;
 In nocte Argivam fumifera & fobolem
 Mactare extremum jam ponti ad litus adactam ,
 Incertam rerum consilii que inopem ,
 Et Jovis adversi pulsam domitamque flagello ;
 Ajax ni magnus praesidio subeat ,
 Fortiaque adversis opponens pectora telis
 Extremum fociis arceat exitium :
 Seu Phrygiam Xanthi pubem conturbat in alveo (3) ,
 Fulmineoque virum milia multa neci
 Dat ferro Aeacides , trepidoque , & rauca frementi
 Praepedit aggesta caede vias fluvio ;
 Virque deum , toto supra caput impendentem
 Amne , celer campo sustinet in viridi ;
 Excitus Aetnaeo ripas dum corripit igni .
 Atque nemus flammis Mulciber involuit
 Circum omne , ac tumidum vesano gurgite flumen
Sistit-

(1) Iliad. lib. V.

(2) Lib. XV.

(3) Lib. XXI.

Sistitque, in mediis & ferus urit aquis.
 Victor at exsultans animis ingentibus heros
 Versa fuga curru proterit aerifono
 Corpora cornipedumque virumque, ac turribus ardet
 Sub Phrygiis leto sternere Priamiden (1)
 Invisum, saeva Patrocli caede madentem.
 Quem muris miserum prospicit e patriis
 Infelix genitor, visuque exterrita mater
 Heu volvi foedo in pulvere feminecem!
 Heu celeri extinctum raptari ad litora curru!
 Attoniti &, scissis vestibis, exululant,
 Canitiem & manibus foedant: circum omnia planctu
 Foemineo, atque virum questibus anxiferis
 Infonuere; alto ceu si de culmine Troja
 Igni ulta extremos corruat in cineres.
 Agmina quid Grajum variis cum fortia ludis (2),
 Justa ubi Patroclo reddita sunt, hilarat;
 Atque inter sese committit prima virorum,
 Caestu, arcu, lucta, cursibus & rapidis,
 Fulmineaque hasta, vesani & pondere disci
 Ferre avidos magno munus ab Aeacida?
 Quid coetu in populi cum fuscitat alta sonantem
 Nunc Laertiaden grandiloquum, Pylum (3)
 Nestora nunc, placido cui se vox fundit ab ore
 Et melle & dulci dulcior ambrosia?
 Quid cum alto vates infert se magnus Olympo,
 Et divum haud dubitat pingere concilia (4)?

Juppi-

(1) Iliad. lib. XXII. (2) Lib. XXIII. (3) Lib. II.
 (4) Lib. VIII.

Juppiter in medio fedet arduus, omnipotenti
 Nutu orbem & genitor concutit astraferum,
 Et maria, & terras omnes, atque profundam
 Noctem Erebi. fantem caelicolae attoniti
 Mirantur, gelido perculsi corda pavore:
 Augusto ille graves intonat ore minas:
 Divum audax quicunque suo sine numine Troum
 Gentem, vel gentem juverit Argolicam,
 Dejecturum infra Titanas Tartara in ima
 Supremo caeli e vertice praecipitem,
 Horret ubi obscuro longe depressior Orco
 Immani carcer ferreus in barathro.
 Haec ut ego aggrediar versu tentare Latino?
 Haec ut ego possim vertere sic, facies.
 Rerum aequae ut maneat clara & manifesta, colorem
 Quidque suum & fervet, mentem animi & penitam
 Illabens, aequae capiat teneatque legentem
 Cantu & Museis implicitum illecebris?
 Id nec ego, quisquam nec possit, ni pater alta
 Ipse virum Phoebus Pegasidum in nemora
 Ducat, & Aonii supremo in vertice montis
 Tingere Hyanthæo labra sinat latice
 Fontibus ex istis, multo se proluit amni
 Unde facer vena e divite Maeonides.
 Hoc sibi sed nemo speret; quod Musa Maroni,
 Divinam ut Latio conderet Aeneida,
 Possè dedit soli, potu dignatus eodem,
 Carminis ut summa par quoque laude foret.
 Salve magne Maro vatū exaequare parentem
 Cui dedit heroa Calliopea tuba;

Quem

Quem docuit solum numerosque & verba, referri
 Queis posset pulchri Graecia quidquid habet.
 Salve iterum vates, vatium & pater. unus Homerum
 Tu poteras dignis vertere carminibus,
 Atque sui similem Romano ostendere cultu.
 Id quando haud placuit, verba mihi, ac numeros,
 Vimque tuam, & clarum clara mage luce nitorem
 Suffice; si cultor te tuus a puero
 Dilexi multis vatium prae milibus unum;
 Si tua pervigili scripta lego studio;
 Aurea si cupido tua dicta in pectore condo,
 Oblito ne quid defluat ex animo.
 Audior? an spernit vates mea grandia vota?
 Audior: en votis annuit ille meis.
 BALTHASSAR, renuo jam nil tentare pericli;
 Nec metus est vires ne grave frangat onus,
 Hic mihi si facilem det sese, ac praebeat omnes
 Linguae, quas docto in carmine condit, opes.
 Ut Juno, captum forma sopire Tonantem (1)
 Vellet in Idaeis cum dea verticibus,
 Blanditias, mollesque jocos, omnesque poposcit
 Verborum Idaliæ delicias Venerem.
 Illa, ubi cuncta inerant, cession dedit: hæc, ubi cepit
 Continuo æthereis digrediens domibus

Inque

(1) Græcam vocem Græco flexu extuli Martialem sequutus. ea
 vox si cui minus placet, legat *zonam*, aut *lorum*. est enim cæsus
 lorum, seu cingulum acu pictum: in quo inerant, ut est apud Ho-
 merum Iliad. lib. XIV. amor blandiloquentia, cetera quibus animi
 hominum amore inflammanitur. quæ hujusmodi vim habent, a Græci-
 sis, itemque a Latinis Græco vocabulo, *philtæ* dicuntur.

Inque Idam venit, praestanti & munere compos
 Difficilis facta est, haud mora, propositi:
 Sic mihi Mantons sua det si philtra poeta,
 Linguae cultus ubi mirus inest, lepidi
 Verborum & flores, aurique & mentibus apti
 Conventus; philtra haec ne modo defuerint;
 Mens quod avet, mandas quod tu mihi, dulcis amice,
 Quod pote vix fieri, forsitan efficiam:
 Felicemque operis, functum & mea munera pulchre
 Fors erit ut tu aliquo captus amore legas;
 Tuque, tuus tecum & frater (1), spes altera magnae
 Magna domus. fratrem dicere, proh superi!
 Cogor enim, geminos licuit nec dicere fratres,
 Ut volui infelix, dicere ut institeram.
 Quippe alter fratrum (2) tristi, haec dum scribi mus ipsa
 Ereptus fato, proh dolor! occubuit.
 Et caros luctu nec opina morte parentes,
 Germanos luctu & perdidit unanimos,
 Et fidum attonitae perculsa mente forori
 Obruit immensa pectus amaritie.
 Quis mite ingenium juvenis, formaeque leporem,
 Et

(1) Antonius eques Hierosolymitanus; in quo ego adolescentulo non solum spem, atque indolem virtutis inesse video, sed multa alia praeterea, quae etiam in viris solent laudari.

(2) Iosephus Abbas Claravallensis, qui annum duodevicesimum vix ingressus, in ipso aetatis flore jam caelo maturus, obiit suo magis, quam reipublicae tempore; cui praestantissimum adolescentem propter excellentem ingenium, & eximiam virtutem, cum primum aetate se corroborasset, magno usui ac praesidio futurum nemo dubitabat. Natus est XIII. Calendas Apriles MDCCLIX. excessit e vita XIII. Calendas Majas MDCCLXXVI.

Et verba Hyblaeo dulcia melle magis,
 Doctrina & cultum pectus, mentemque sagacem,
 Suetam & res miro expendere iudicio,
 Innocuum & vitae constanti lege tenoram,
 Virtutisque ardens eximiae studium,
 Dignaque tot bene dicta omni bene factaque laude
 Res nulla oblito diluet ex animo,
 Quin, desiderio fixi acri, in flore iuventutis
 Exstinctum leto nocte dieque vocent,
 Exstinctum leto? vesano haec ille dolori
 Ignoscat felix tristia verba precor.
 Exstinctum nec enim leto est fas dicere, dulci
 Compositum somno sustulit astringeras
 Quem divum ad sedes Virtus, caeloque locavit
 Ipsa novum gaudens caelicolam in folio;
 Regnat ubi, fruiturque sua jam forte, procellas
 Nec tristes metuit, nec mare navifragum
 Vitae hoc, quo miseri iactamur, nocte sub atra
 Infanis acti per vada turbinibus.
 Aequius est nostro quos certe horrere periclo,
 Illi quam fletus fundere luctificos,
 Qui tenuit portum, tuta & statione receptus
 Aeternae gaudet gaudia laetitiae.
 Parcite jam lacrimis, clamo, neu tristia moesto
 Quis fletu faxit funera caelicolae.
 Clamo iterum: lacrimis non fas violare beatum
 Est juvenem, caeli quem tenet alta domus;
 Pulchrior, & melior cui parta est vita. suprema
 Rursum nascuntur luce boni, haud pereunt.

Haste-

Haecenus haec, dulci nimium provectus amore.

Nunc magnum accingor vertere Maeonidam.

En age, jam da hora: feror quo mittis, & audax,

Ut res cunque cadet, jussu opus aggredior.



OPERIS RATIO

EIDEM CL. V. AB INTERPRETE REDDITA.

TRia sunt, BALTHASSAR optime, atque optimarum artium amantissime, (te enim unum iterum affari, tibi uni hujus tuo jussu elucubratae interpretationis rationem reddere placet) tria, inquam, omnino sunt, quae ad omne opus, ut recte ac laudabiliter fiat, necessario requiruntur. Primum ut vere judicemus quid fieri oporteat, deinde ut id facere possimus, postremo ut velimus. Quorum trium, quamquam duo illa priora, si forte desint, nobis merito exprobrari non possunt, tertium potest; utpote quod in nostra manu, ac potestate sit positum: tamen ex omni scriptorum numero multo plures reperias, qui dicant sibi voluntatem, quam qui aut judicium, aut facultatem defuisse. Qui tamen ipse, quem fatentur, atque adeo interdum profitentur, voluntatis defectus, ut omni culpa vacare putetur, alii alias causas plerumque parum probabiles asserre consueverunt. Poetis quidem illud imprimis usitatum esse animadverti, ut languoris, ac desidiae suae hanc potissimum causam fuisse dicant, quod illis defuerit patronus aliquis prisco illi Maecenati non absimilis, cujus ope se humo attollere, atque ad laudem eniti possent. Scitum est enim ingenii culpam fortunae tribuere, & comminisci aliquid, unde id, quod assequi non potueris, alieno potius, quam tuo vitio nequaquam
b sequu-

sequutus esse videre. Hanc ego excusationis latebram, in qua multi poetae vel mediocres, vel etiam mali saepenumero delitescunt, mihi omnino praeclusam esse video; cui ad hanc Homericæ Iliadis interpretationem rite conficiendam, ut cetera omnia defuerint, patronus certe non defuit. Eum enim huic operi meo in te patronum, eum hortatorem, adiutoremque sum nactus, quo, si optio data esset, nullum potuissim optare, mihiq; ex omni copia deligere meliorem; virum summa nobilitate, summis opibus, summo ingenio, summa in re poetica intelligentia; qui me tua sponte post versa Anthologica, tibiq; dicata, ut eodem modo Iliadem verterem humanissimis, gravissimisque verbis es cohortatus; qui semel impulsus urgere ad extremum, & currentem, quod ajunt, incitare non destitisti; qui opus ubi esset confectum, tua id impensa in lucem edere liberalissime, munificentissimeq; jussisti, non multa exemplaria, quibus amicos munerares, tibi reservare, cetera omnia magno numero mihi habere, tuæ in me, quam ego omnibus muneribus antepono, benevolentiae monumentum. Hujusmodi patronus cui obtigerit, non est credibile me in scribendo minus quam potuerim contendisse, ac non potius dedisse operam diligenter, ut te talem virum tui de me judicii, tuæque in me liberalitatis minime poeniteret. Quamobrem si quid peccavi, immo vero ubi aliquid peccavi; multa enim in opere tam longo, ac tam difficili peccasse minime dubito; nolo me quisquam defendat hoc modo: Potuit melius, verum hunc locum neglexit. quidni, quod Homero concessum est, ut interdum dormitaret, id Homérico etiam inter-

interpreti concedatur? Homero enim suo arbitrato illa canenti, si uspiam negligentior fuit, quod non facile adducor ut Horatio concedam, sine flagitio esse negligenti licebat: mihi tuo jussu, a quo singulari benevolentia & liberalitate essem provocatus, eadem interpretanti, certe non licebat. Itaque si quis defendere volet, alia me quavis potius quam ista ratione defendat. Dicat nimio ejus rei, quae mandata erat, exequendae studio plus aequo festinasse; dicat gravissimo, ac laboriosissimo instituendae juventutis muneri addictum, ac verentem, ne quid privatis studiis de opera publica detraxerem, ad omnia, quemadmodum cupiebam, limanda & perpolienda non satis otii habuisse; dicat carmina, quae ab Ovidio non nisi animo sereno deducta provenire dicuntur, scripsisse temporibus turbulentis, animo anxio, atque sollicito; dicat postremo, quidquid libuerit, modo hoc firmum, fixumque maneat, me non oscitanter meo munere functum esse, atque ibi etiam, ubi quod agebam parum successit, tamen sedulo fecisse, quod potuerim. Satis, opinor, intelligis ex his, quae dixi, me adhuc non tam de versibus, quam de moribus meis tibi probandis esse sollicitum, nec tam laborare, ut bonus interpret, quam ut bonus vir esse existimer. Boni enim viri officium definitur hac una, quam mihi praesto fuisse dico, sedula studiosaque voluntate; boni interpretis, non item. Affert quidem voluntas, ut ad alia magna atque praeclara, sic etiam ad bene interpretandum permultum momenti. opus enim natura sua implexum, ac perdifficile bene fieri non potest, nisi fiat sedulo, ac diligenter: verumtamen omnis sedulitas,

quantacunque fuerit, ac diligentia frustra erit, nisi interpretres adhibuerit praeterea illa duo, quae a me initio sunt posita, iudicium, quo vere statuerit, quid fieri opus esset, ac facultatem, qua id efficere potuerit, quod optimum esse iudicarit. Quamobrem, siquidem tibi non modo me, sed opus etiam meum probari velim, ostendam necesse est, horum neutrum mihi defuisse. Quod quidem facere conabor, sed ita, ut ad iudicium quod attinet, fidenter, & sine ullo erroris metu affirmare non dubitem, genus interpretandi, quo sum usus, optimum esse: quod autem pertinet ad meam in eo genere facultatem, dicam aliquid timide, ac pedetentim, nihil tam metuens, quam arrogantiae reprehensionem, a quo me vitio cum in omni vita, tum in iis, quae scribo, profiteor abesse quam longissime. Primum igitur sic habeto: duo esse interpretandi genera, duas veluti scholas, sectasque interpretum: altera est eorum, qui verbum e verbo convertunt, singulas voces religiose, atque adeo superstitiose adnumerant, nihil eo quo positum est loco, mutare audent, qui denique, sola, quam unam in ore habent, atque assidue depraedicant, fidei ratione contenti, omne praeterea ornamentum, omnem Latinae linguae concinnitatem, omnem aptae verborum collocationis venustatem aspernantur. Hi, si eos vertant scriptores, qui rerum, non verborum, gratia expetuntur, possunt profecto non solum ferri, sed etiam probari, & consequi primum hanc laudem, ut ejus linguae, ex qua verterint, periti, ejus, in quam verterint, non imperiti fuisse existimentur; deinde etiam illam, quae multo est major, ut putentur minime aberrasse a veritate

tate , & rerum notitias , quae fere unae in hujusmodi scriptoribus quaeruntur , maxime sinceræ , atque incorruptas suo illo simplici , quamvis inculto , atque horrido sermone conservasse . Veruntamen hoc vertendi genus , quo in aliis plerisque contenti esse possumus , si quis transferat ad oratores , aut ad poetas , qui non magis rerum pondere , quam verborum splendore commendantur , necesse est , injucundum , ineptum , omni ex parte vitiosissimum inveniri . Quum enim potissima , vel sola potius laus interpretis hæc sit , ut eum , quem exprimit , & cujus quamdam velut imaginem spectandam proponit , scriptorem sui quam simillimum repræsentet ; qui hoc genere utetur , repræsentabit profecto sui dissimillimum . Quis enim Demosthenem , aut Homerum inquinatæ , quis frigide , quis hiulce , atque aspere loquentes possit agnoscere ? alterum sine oratorio , alterum sine poetico illo concentu , quo aures hominum capiuntur , ac mentes ipsæ mirandum in modum demulcentur , ac percelluntur . Homero quidem versum qui adimunt , mihi propemodum Herculi clavam , Jovi fulmen adimere videntur . id enim eripiunt , quo ille plurimum valet ; quo sublato , poetæ fortasse nomen retinere potest , propterea quod in illa ipsa tam absurda , atque absorta verborum congerie , tamen , quod Flaccus de dissolutis Ennii versibus affirmabat , etiam disjecti poetæ membra inveniantur ; at summi certe poetæ , & patris ac principis poetarum decus retinere non potest . Me quidem miseret divini hominis , quum eum audio sine cantu , ac prope sine voce aliena lingua balbutientem , rudem , inconditum , enervem , nihil venuste , nihil suaviter , nihil su-

plate, ut solet, ac granditer efferentem. Itaque & stomachari soleo interdum, & dicere, parum fortasse probabiliter, sed, ut arbitror, vere: nullos mihi interpretes minus fideles videri, quam eos, qui in oratoribus, ac poetis de sua fide maxime gloriantur, eamque sibi, non sua scribentibus, sed aliena vertentibus, non solum praecipue, sed etiam unice cordi fuisse affirmant. Quae enim, malum, est ista fides, quae poetam exhibet sui dissimillimum, omni poetico instrumento, ac suppellectili spoliatum, ex grandi exilem, ex numerofo absonum, ex puro inquinatum, ex dulci insuavem, ex vehementi & concitato segnem ac remissum; poetam denique, ut brevi omnia complectar, non suo, sed alieno more loquentem? Ut volet quisque sentiat: mihi profecto is erit maxime fidus interpret, qui ab archetypi virtutibus minime aberrarit; qui sive oratorem, sive poetam ita fuerit interpretatus, ut non solum eadem, sed etiam eodem modo dixerit, Demosthenica, ut ita loquar, Demosthenice; Homerica Homerice. Atque hoc est alterum ex duobus illis, quae supra dixi, genus interpretandi, praeclarum sane, atque magnificum, verum adeo difficile, atque impeditum, ut multo sit minus operosum sua scribere, quam aliena hoc pacto interpretari. Verumtamen sic judico, aut abstinendum ab hujusmodi scriptoribus aliena lingua explicandis, aut, si eos explicare volumus, hoc omnino genere utendum esse, quod unum est illorum splendori, granditati, suaviloquentiae accommodatum. Quod genus qui repudiant, ac, ne aliquam voculam, interdum nullius pretii, Graeci sermonis propriam, Latino parum aptam, deperdant, superius illud

lud genus exile , atque horridum amplectuntur , nec eorum quos vertunt dignitati satis consulunt , nec suae : quippe qui ob eam rem a minuto aliquo litteratore , & graeculo fortasse laudantur , ab hominibus non ineptis , vereque litteratis magnopere vituperantur , & optimorum scriptorum non illustratores , sed corruptores esse dicuntur : quibus jure objici possit illud idem , quod Terentius , approbante , ut mihi persuadeo , ac plaudente populo Romano , objecit aemulo poetae nimis anxie , sed parum eleganter Graecas fabulas vertenti :

- - - bene vertendo , & easdem scribendo male , ex
Graecis bonis Latinas fecit non bonas .

Itaque dum inconsulto , ac praeter modum boni interpretes haberi volunt , hoc assequuntur , ut mali scriptores , ac de pulcherrimis aliorum scriptorum , quae corruerint , operibus , male omnino meriti deprehendantur . Quanto rectius , quantoque consultius facerent , si ejus operae , quam totam in bene vertendo , hoc est in verbis Latinis ad verba Graeca accommodandis consumunt , partem seponerent , atque in bene scribendo , hoc est in omnibus , quibus praestat is quem interpretantur , virtutibus aemulandis , ac repraesentandis collocarent ? si recentiorum quorundam , nihil sani hac in re praecipientium , fatuitatem , atque ineptias contemnerent , veteres illius aurei saeculi scriptores audirent , atque imitarentur ? quos , quum & utriusque linguae naturam haberent plane perspectam atque cognitam , & iudicio essent acerrimo , profecto credibile est , ut in

ceteris artibus , quae ad humanitatem pertinent , sic etiam in hoc interpretandi negotio , vidisse omnium optime quid fieri oporteret . Verum hoc tempore tantum est fastidium vetustatis , tanta novitatis veluti prurigo , ut multi a proposito sibi fine aberrare turpiter malint , quam usitatis antiquorum itineribus eodem pervenire . Qui hoc morbo , atque adeo hac insania laborant , sua instituta , suaque commenta sibi habeant , me hominem e veteri disciplina veterum institutis uti patiantur . Hos ego , optime BALTHASSAR , qui mihi in humanioribus studiis , quod de Tiresia etiam apud inferos Homerus ait , *soli sapere videntur , ceteri umbrarum vagari modo* , hos , inquam , habui auctores , & magistros ; hi mihi facem quodammodo praetulerunt , meque eadem , qua ratio impellebat , auctoritate , exemploque suo deduxerunt . Nec vero ipsum tantummodo genus indicaverunt , sed etiam eo genere quemadmodum utendum esset quasi intento digito commonstrarunt . Mitto Plautum , Terentium , Catullum , Horatium , Virgilium , quorum multa sunt conversa e Graecis , nihil fervili illa ratione , quam improbo , omnia liberali hac , ut ita dicam , & generosa , quam nemo sanus possit non probare . In uno M. Tullio placet consistere , disertissimo illo , ut ait Catullus , Romuli nepotum , ac digno praeter ceteros ; unde in omni dicendi ratione & praecepta , & exempla petantur . Utinam divini hominis praestantissima hoc in genere monumenta extarent , duae illae orationes inter se contrariae Aeschinis , ac Demosthenis ; quas , ut Romanos quosdam oratores , Atticorum nomine abutentes , doceret quid esset Attice dicere , ex

Grac-

Graecis fecit Latinas . Extaret profecto optimae interpretandi rationis exemplar absolutissimum ; atque ad illud liceret , quasi ad quandam formulam , revocare omnes quicunque eloquentium virorum scripta interpretantur . Nunc illae , nescio quo malo rei litterariae fato , vel hominum potius , a quibus eas diligentissime servari oportebat , incuria , vel periere , vel , quod sperare fas est , alicubi abditae in pulvere , atque in tenebris delitefunt . Cujus tamen jacturae incommodum farciunt aliqua ex parte pauca illa verba , quibus idem ipse Tullius exponit rationem , qua est usus in iis convertendis . Quae sane verba si rite intelligantur , omnem mihi videntur hujus rei doctrinam continere .

CONVERTI , inquit , NON UT INTERPRES , SED UT ORATOR . Quid ais , M. Tulli ? convertisse te illas orationes affirmas , ut interpretem convertisse negas ? quid est aliud convertere , quam interpretari ? qui porro interpretantur , quo eos alio , quam interpretum , nomine verum est appellari ? Ego vero , inquit , etiam quum meas orationes scribo , utor scientia litterarum , quam qui solam profitentur , grammatici vocantur ; sed , quod huic eloquentiae quasi fundamento amplissimum totius eloquentiae velut aedificium impono , atque superstruo , eas sine ulla controversia scribo non ut grammaticus , sed ut orator . Est hoc nimirum in omni opere usitatum , ut ex eo , quod ibi potissimum est , artifices nominentur . Audio , atque , ut mihi videor , intelligo , quid dicat . Duas nobilissimas orationes convertit non illo genere exili , & strigoso , quo qui utuntur , satis habent , si utcunque Latine loquantur , sed illo altero amplo , at-

que

que opimo , pleno succi , atque nervorum , quod qui adhibent , omnes explicant divitias orationis . duos summos oratores sic est interpretatus , ut eos ad summam dicendi laudem non serviliter subsequi , sed socialiter comitari videretur ; ut non solum indicaret , quid illi admirabiliter Graece dixissent , sed etiam ostenderet , illa eadem quam aequè admirabiliter ipse Latine posset dicere . Id qua ratione assequi sit conatus , operae pretium est considerare . Et quoniam omnis oratio constat sententiis & verbis , in utraque re quid sibi faciendum putarit , attente inspiciamus . SENTENTIIS IISDEM , ET EARUM FORMIS TANQUAM FIGURIS . In sententiis nihil arbitrio loci esse credidit . Jure id quidem , non enim aliae sententiae verae sunt apud Graecos , aliae apud Latinos ; non aliae sententiarum formae , quibus Athenis , aliae quibus Romae , vel res demonstratur , vel animi hominum aut concitantur , aut leniantur ; ut quae Atticus orator , exempli gratia , interrogando extulerit , ea Romanum oratorem efferre oporteat affirmando . nec vero , mutatis sententiis , illa jam conversa ex Aeschine , atque ex Demosthene , sed ab ipso potius Tullio excogitata , jure dicerentur . Age , qui in sententiis conservandis tuit summa religione , qualis fuerit in verbis audiamus . VERBIS AD NOSTRAM CONSUE- TUDINEM APTIS : quae videlicet , vel singula , vel plura inter se nexa & copulata , nihil haberent insolens . & odiosum , sed essent haec Romanorum , aequè ac illa erant Atticorum auribus accommodata . IN QUI- BUS NON VERBUM PRO VERBO NECESSE HABUI RED- DERE . Immo vero id nequaquam facere necesse habui- sti ,

sti, siquidem insolentiam orationis, quam ambo illi oratores, sed Demosthenes praesertim, omni opere vitabant, effugere volebas, eaque afferre, quae tuorum civium consuetudo minime repudiaret. Vidit hoc sane vir prudentissimus, atque omnis ad orationem pertinentis artificii scientissimus. Quid ergo fecit? singula verba servare non potuit: SED GENUS, inquit, OMNIUM VERBORUM VIMQUE SERVAVI. Usus sum verbis, quorum, si minus forma, certe genus ac natura esset eadem, aequae propriis, aequae agentibus, eodem modo rem demonstrantibus, atque in animos hominum influentibus. Addit causam, cur id fecerit: NON ENIM EA ME ADNUMERARE LECTORI PUTAVI OPORTERE, SED TAMQUAM APPENDERE. Praeclare, nihil enim refert, totidem ne, an pluribus, an paucioribus verbis Graeca verba converteris; neque id quaerunt lectores, si modo aliquid sapiunt; sed illud potius: quae Latine scripta sunt, Graecisne sint leviora, an vero pari, ut ita dicam, momento, & iis, quarum in oratoria dictione ratio habetur, virtutibus aequae ponderosa. Atque hoc quidem de numero verborum ab iis velim diligenter animadverti, qui, ubi aliquid serviliter, sive, ut ipsi ajunt, fideliter verterint, quasi magnum aliquid fecerint, gloriantur totidem se illa versibus, aut etiam, si superis placet, totidem verbis transtulisse. Apage istas ineptias. *Hoffem qui seriet, mihi erit Carthaginensis, Quisquis erit*, ait apud Ennium summus ille imperator: sic mihi, eximii aut oratoris, aut poetae optimas sententias, optimis verbis, sive multis, sive paucis, qui expresserit, is erit optimus interpres; nec merus modo interpres, sed etiam, si ita appel-

appellari volet, vel orator, vel poeta. Multa hoc loco exempla afferri possunt, ex quibus manifesto appareat, Latinos scriptores, dum Graeca interpretarentur, nequaquam sollicitos fuisse de verbis numerandis, sed contraxisse interdum orationem, saepe autem produxisse, ita ut est visum, atque ut res postulabat; nec ob eam rem minori laude esse dignatos. Equidem Catulli elegiam de coma Berenices quum lego, eam sic probo, ut valde suspicer Graecum poetam esse a Latino superatum. In qua tamen video summum interpretem hunc, quem dico, verborum ac versuum numerum, in quo minutuli interpretes magnopere occupantur, usque eo non curasse, ut illos versus, qui fere soli ex tota, quae intercidit, Callimachi elegia supersunt, atque apud Arati scholiasten leguntur, quatuor ille versibus convertere non dubitarit. Quum enim Graecus scripsisset:

Ἦ δὲ Κόνων μ' ἔβλεψεν ἐν ἡμέρῃ τὸν Βερενίκης
Βόσφυλον, ὃν κείνη πᾶσιν ἔθηκε θεοῖς,

noster convertit,

*Idem me ille Conon caelesti in lumine vidit,
E Bereniceo vertice caesariem
Fulgentem clare; quam multis illa deorum
Levia prosedens brachia polliceta est.*

Quanto hoc rectius, quanto venustius, & magnificentius, quam si duobus itidem versibus sic extulisset:

*Meque Conon caelo vidit flavum Berenices
Cirrum, quem cunctis obrulit illa deis.*

In quibus ipsis flavum illud addidi, vel ut versum explerem,

plerem , vel ut ille cirrus lectori minus displiceret . Sed hunc omitto : redeo ad Tullium ; cujus ratio in Graecis convertendis qualis fuerit , satis arbitror ex iis , quae dixi , perspicui potuisse . Summus videlicet dicendi , & interpretandi magister duas Aeschinis & Demosthenis contrarias orationes , quod etiam Hieronymus , qui eas legerat , in epistola ad Pammachium testatur , sic transtulit , *ut multa in illis praetermiserit , multa addiderit , multa mutaverit , ut proprietates alterius linguae suis proprietatibus explicaret* . Haec igitur sit nobis veluti norma , qua oratoriam interpretationem dirigamus ; hanc eandem sine ullo erroris metu ad poeticam interpretationem , ubi opus fuerit , transferamus . Est enim finitimus , ut ait idem Tullius , oratori poeta ; in quo etiam venustiore orationis cultum , & ornamenta floridiora , & numeros accuratiores esse decet . Quarum rerum causa quum oratori concedatur illa , quam dixi , libertas in verbis suo more deligendis , atque ad omnem rerum varietatem , ita ut linguae ratio postulat , accommodandis , multo est aequius eandem poetae concedi . Quae quidem libertas nec anxia sit , nec meticulosa , sed iusta , sed legitima , sed moderata ; quae id , quod erit visum , addat , detrahat , mutet , faciat denique omnia quae velit , sed nihil velit non consentaneum rationi . Nam si ultra legem , ultra morem , ultra omne rationis praescriptum progredi coeperit , illa jam erit , non libertas , sed , inani specie , falsoque nomine libertatis abutens , licentia ; qua nullum est in interprete vitium majus , & quo animi hominum magis offendantur . Utinam ego essem ejusmodi , ut moderatae illius libertatis
exem-

exempla ex me peti possent . Ea certe passim in toto opere mihi usus esse videor , non temere & inconsulto , sed ita ut ratio vel postulabat , vel , ut levissime dicam , patiebatur . Nec vero dubito , ut hoc etiam adjungam quod valde ad rem pertinet , multa esse loca , in quibus hoc jus legitimae libertatis .usurpassè putabar , quum tamen minime usurparim , ac potius Homero servierim voluntariam quidem , sed fidelissimam feruitatem . Exemplo esse potest vel primus ille versus ,

Μῆνιν αἶεϊδε θεὸν Πηληϊάδεω Ἀχιλῆϊ
Iram cano dea Pelidae Achillis ,

in quo convertendo , vocem μῆνιν expressi , non uno verbo *iram* , sed duobus *iram truce* . scripsi enim :

Iram , diva , truce Pelidae concine Achillei ,

non ut inani vocabulo versus quasi lacunam explerem ; quod aequè facile alia ratione assequi potuissèm , sed ut Homero pressius haererem , ac fervarem illud Tullianum de verbis lectori non annumerandis , sed appendendis . Vocem enim μῆνιν ; quaecunque demum ejus vocis origo sit , quod grammaticis , de illa inter se digladiantibus , quaerendum ac statuendum relinquo , equidem didici ex Phocyllide , majus quiddam , quam ὄργην , id est simplicem iram , significare . Ait enim :

Ὅργη δ' ἐστὶν ὄρεξις • ὑπερβαίνουσα δ' ἐ, μῆνις
Ira est appetitus ; ac modum supergressa μῆνις .

Quum

Quum ergo vox Latina levior esset, quam Graeca, ad-
jeci illud ponderis veluti complementum, ut ex utra-
que parte quasi momenta essent aequalia. Id mihi Ho-
ratus itidem fecisse videtur (lib 1. O. 6.) quum, ean-
dem Homericam vocem intuens atque exprimens, (quod
& Bentleius animadvertit, & cuilibet eum locum legen-
ti facile apparet), non satis habuit scribere *Pelidae*
STOMACHUM, sed scripsit, *GRAVEM Pelidae STOMA-*
CHUM cadere nescii. Eodem pertinet illud Virgilii de
ira Junonis, huic Achillis irae quamsimillima: *Junonis*
GRAVIS IRA & inexsaturabile pectus. Irae videlicet ma-
gnitudinem, quae propter Latinae linguae egestatem uno
verbo exprimi non poterat, pluribus verbis expressit.
Vides igitur, me in primo Homeri versu, atque adeo
in prima voce, nequaquam nimis liberum, sed fortasse
nimis anxium fuisse. Eundem hunc versum Helius Eo-
banus Hessus ita convertit, ut mihi videatur, quasi de-
dita opera in ipso aditu sui operis immoderatae liber-
tatis exemplum posuisse. Scripsit enim:

Dic mihi magnanimi Pelidae, Musa, furorem.

quem versum, non inelegantem, nec similem multorum,
qui apud eum occurrunt inculti & iuvenusti, ne forte
videar improbare sine causa, singula verba cum Home-
ricis collata cujusmodi sint consideremus. DIC. atqui
Homerus *canendi* verbo est usus in Iliade, quam, ut
rei dignitas postulabat, exordiri voluit magnificentius:
dicendi verbum ad Odyssæam, poema submissius ac paca-
tius, reservavit. MIHI. etiam hoc pronomen peti ex
Odyf-

Odyssea, atque huc obtrudi non oportuit; in quo inest fortasse quaedam suavitas, granditas non inest. id sentimus ita esse, quum legimus aut illud Theocriteum, *Εἰπέ μοι, ὃ Κορύδων, τίνας αἰ βίης*; aut illud Virgilianum, *Dic mihi, Dameta, cujus pecus?* quorum utrumque ipsa tenuitate commendatur, & est pastoritio sermoni ordiendo valde accommodatum. MAGNANIMI. qui vir fuerit Achilles, docet Homerus (*l. 20. v. 467.*) hisce verbis:

· Οὐ γάρ τι γλυκύθυμος ἀνὴρ ἦν· ἔδ' ἀγαρόφων,
· Ἀλλὰ μάλ' ἐμμεσῶς.

*Haud etenim vir mitis erat, lenisque, sed ultra
Morem acer.*

eundem, Homeri vestigiis insistens, Horatius in Epistola ad Pisones talem jubet induci, ut

*Impiger, iracundus, inexorabilis, acer
Jura neget sibi data, nihil non arroget armis;*

eumque ipse idcirco alibi vocat *pervicacem, superbum, insolentem*. Qui hujusmodi sit, eum post Aristotelem philosophi omnes quotquot de moribus scripsere, si rogentur, *magnanimum* esse negabunt; ac dicent longe esse transgressum eos fines, intra quos magnanimitas continetur. Ego magnanimum, si minus sapientum, certe vulgi judicio, a quo non abhorrent poetae, fuisse concedam: praesertim quum meminerim ab ipso Homero, semel ut opinor, *μεγαθυμόν* appellari. Quid ergo displicet?

cet? hoc nimirum, quod nemini sano placere possit: quum Homerus in re proponenda nullam magnanimitatis mentionem fecerit, eam ab interprete apponi de suo; quum Homerus de Achillis ira se acturum profiteatur, interpretem quiddam amplius profiteri; se videlicet acturum de ira Achillis *magnanimi*, id est, ita acturum, ut illum in ira exercenda nusquam non magnanimum esse appareat. hoc enim suscipere ac polliceri videtur, si quidem illa vox *magnanimi* non est supervacanea, sed necessaria, cujusmodi esse debent omnes omnino voces, quae in rei, de qua dicturi sumus, propositione adhibentur. Quod si ita se res habet, necesse est unius voculae adjectione, facta eo loco, in quo nihil adjici fas erat, totam Homeri Iliadem mirifice corrumpi: quippe quum in ea multa occurrant, quae ad magnanimitatem referri non possunt, quaeque idcirco reticere oportuisset ab illo, qui eam laudem, in poemate exordiendo, heroi suo tanquam propriam tribuisset. PELIDAE: cujus Pelidae? nam etiam Pyrrhus, is, qui apud Trojam Neoptolemi nomen invenit, atque ob eximiam virtutem cantari potuit, est *Pelides*; quae vox non magis Pelei filium, quam Pelei nepotem significat. Hanc ob causam Homerus Achillis non modo genus, verum etiam nomen declarandum putavit. interpretes cur genus expressit, nomen dissimulavit? cur scripsit *Pelidae*, non, ut Homerus, *Pelidae Achillis*? MUSA. Homerus Calliopen, epici carminis praesidem, in Odyssea vocat *musam*, heic in Iliade *deam*; quo nomine honor magis significatur, mihi has voces inter se commutari, ac musam in Iliadem sine ulla causa interpretis arbitrato transferri

non placet. FUOREM. Initio carminis, ubi rem proponimus, verbis maxime propriis utendum est, atque omnis ambiguitas fugienda. nihil enim anteceffit, ex quo possit id quod est anceps dignosci, atque id quod est obscurum illustrari. Jam si *furor* hoc loco proprie dicitur, quid aliud possumus intelligere, quam dementiam, sive, ut Tullius definit, *mentis ad omnia caecitatem*, qua qui laborant, mente capti perhibentur: sin autem *furor* non proprie dicitur, quaero qua ratione aut ego, aut alius quisquam possit divinare, quem potissimum furorem poeta, vel interpretes velit intelligi. nulla est enim animi cupiditas impotens & effraenata, quae non aliquam habeat cum furore similitudinem, atque ob eam rem non interdum furor nominetur. multi enim mortales, quod Cicerones pueri (Att. lib. 6. epist. 1.) de magistro suo Dionysio dicebant, furenter irascuntur; multi furenter amant; sunt qui furenter aut doleant, aut laetentur. Quid vaticinatores, ac poetae, qui etiam ipsi suo modo furere dicuntur, nec unquam plus sapere, quam quum sacro illo furore inflammantur? Animadverti alia quoque ratione furoris vocem a Virgilio usurpari, atque illos, qui perditae amantur, amatorum suorum *furorem* appellari. Itaque Gallum (Eclog. 10. v. 37.) sic loquentem inducit:

*Certe siue mihi Phyllis, siue esset Amyntas,
Sen quicumque furor.*

quo modo Achillis *furorem* quum audimus, quid vetat quominus Briseidem significari suspicemur? In his, inquam,

quam, tot furoribus, quaero quis possit dispicere, aut divinare, quem potissimum furorem interpret velit intelligi? Notum est, inquit, in Iliade agi de ira. Unde notum? nempe, ut opinor, ex hoc ipso versu Homeri, quem tu, Heli, interpretaris; cui te lucem affundere, non lucem ab eo mutuari oportebat. Est enim alienum a rei natura, & prorsus ridiculum, quum interpret poetam explicandum suscepit, mutatis partibus, non poetam ab interprete, sed interpretem a poeta explicari. Nec vero plus ages, si ad *ἔτυμον* confugias, ac dicas te vocem *μῆνιν* duxisse a *μαίνεσθαι*, quod est *furere*. primum enim, id *ἔτυμον* falsum esse, docet Eustathius ex doctrina veterum grammaticorum; atque affirmat, quod res est, a verbo *μαίνεσθαι* non *μῆνιν*, sed *μανίαν* derivari. deinde, quaecunque esset hujus vocabuli origo, Latinae linguae rationem haberi oportebat, neque in re, de qua esset agendum, proponenda, eam vocem adhiberi, quae si proprie diceretur, falsa esset; si non proprie, ambigua & perobscura. Satis, ut arbitror, ostendi Eobanum ea libertate, quae poetae interpretanti conceditur, licenter abusum esse in primo versu. in quo quidem consisto, nec postulo, ut ex eo fiat conjectura de ceteris; nec usurpo Ovidii illa (Fast. I.)

principiis omen inesse solet.

Ad primam vocem timidas advertimus aures,

Et primum visam consulit augur avem.

Haec, inquam, non usurpo: praesertim quum videam, me quoque, si minus in primo versu, certe in iis, qui

primum proxime consequuntur , non quidem egressum esse fines legitimae libertatis; sed tamen fuisse aliquanto liberiores, quam vellem; ac deinde, in opere progredientem, ipsa exercitatione assequutum esse ut Homero arctius adhaererem. Sed haec omitto, in quibus fui aliquanto fortasse verbosior, nec tamen, ut mihi videor, excessi e via, neque aberravi a proposito, verum hoc egi, quod in optimo interpretandi genere constituendo magni momenti est, ut, prolato aliquo exemplo, licentiam a libertate segregarem, quasque fraenum injicerem interpreti ab auctore suo longius; quam par est abscedenti. Rédeo jam ad Tullium; quem mihi unum hujus itineris, lubrici sane, atque infesti periculis, ducem ac demonstratorem esse volui; cui quid placeret perquam diligenter exquisivi, cujus auctoritate-gravissimoque iudicio si me tueri potuero, aliorum, si qui erunt, qui contra sentiant, iudicia non magni facienda esse arbitror. Hic igitur tantus vir, quem mihi in his, quas tracto, disciplinis unum omnium instar esse profiteor, in oratoribus quod genus interpretandi optimum putarit, ostendi; atque id quale esset, ipsius verbis cum propositis, tum etiam expositis, declaravi; idemque genus ob easdem causas dixi adhibendum esse multo etiam magis in poetis. Nec vero arbitror Tullium, si voluisset exponere quomodo convertisset aut Aratea, aut alia Graecorum carmina, quae, in ejus libris leguntur, non aequae de his scripturum fuisse, quod scripsit de illis duabus a se conversis duorum Atticae eloquentiae principum orationibus: se videlicet ea convertisse, non ut interpretem; sed ut poetam, servantem easdem sententias & ea-

rum

rum formas; verba eo, quo supra demonstratum est, modo, ad Latini sermonis consuetudinem accommodantem. Haec in poetis ita, ut dico, ab illo esse facta, qui Graece sciunt, facile perspicient; si eius carmina cum eorum, quos interpretatus est, carminibus comparabunt: qui autem Graece nesciunt, idem tamen assequuntur, si ea conferent cum interpretamentis, quae suo illo more, verbum verbo exprimentes, ac nullam litteram, aut apicem negligentes; grammatici elaboraverunt. Id porro ubi fecerint, genus Tullianum, vel priscum potius; eo enim sunt usi omnes, qui aliquid sunt interpretati, prisci illi aurei saeculi scriptores, atque, ut me illos, eorum singularem eloquentiam, atque acerrimum in his humanissimarum artium studiis iudicium, non sine causa admittentem, scripisse memini, heroes

nati melioribus annis;

Judicium nondum abstulerat, sensumque decoi

Juppiter, effundens noctem caliginis aethrae.

hoc inquam, genus, ubi Latina cum Graecis contulerint, quale sit, certius judicabunt; mihi quoque erunt, quemadmodum spero, multo aequiores, quum viderint, quorum vestigia presserim, quae mihi exempla proposita duxerim ad imitandum. Horum ego exemplorum, ne sim longior, cetera quidem, Balthassar eruditissime, tibi, atque aliis, si qui erunt tui similes, qui laborem minime fugiant, quaerenda, ubi sunt, & contemplanda relinquo. unum esse video, quod ab Homero interpreti, de optima, & usitata veteribus interpretandi ra-

tione agente, sine flagitio, certe sine legentium quæ-
la, dissimulari, ac prætermitti non possit. Is est Ho-
meri locus, ubi (Iliad. lib. 2. v. 98.) Ulysses inducit,
ostentum decem passerum, a serpente devoratorum, &
Calchantis ea de re vaticinationem, commemorantem.
quem locum noster se conversum exhibuit in libro se-
cundo de divinatione. Hunc nos contueamur sane dili-
genter, atque in eo quantum opus erit immoremur. Ac
primum quidem proferantur

VERSUS HOMERI.

- Τλῆτε, φίλοι, κὴ μέναιτ' ἐπὶ χρόνον, ὄφρα δαῶμεν
Εἰ ἐτεὸν Κάλχας μαντεύεται, ἢ κὴ ἐκί.
Εὖ γὰρ δὴ τόγ' ἴδμεν ἐνὶ φρεσὶν, ἐς δὲ πάντες
Μάρτυροι, ὥς μὴ κῆρες ἔβαν θανάτοιο φέρουσαι.
5 Χθιζά τε κὴ φραίζ', ὅτ' ἐς Αὐλίδ' αἴψ' Ἀχαιῶν
ἤγερτο· κακὰ Πριάμῳ κὴ Τρῳαὶ φέρουσαι,
ἡμεῖς δ' ἄμφ' περὶ κρῖν' ἰεὺς κατὰ βωμὸς
ἔρδομεν ἀθανάτοισι ταλπύσσας ἱκατόμβας,
Καλῇ ὑπὸ πλατανίσῳ, ὅθεν ῥέει ἀγλαὸν ὕδωρ.
10 Εἴθ' ἐφάνη μέγα σῆμα· δράκων ἐπὶ νῶτα δαροινὸς,
Σμερδαλίῳ, τὸν ῥ' αὐτὸς Ὀλύμπῳ ἦκε φέωσθε,
Βωμῷ ὑπαίξας, πρὸς ῥα πλατάνισον ὄρεσεν.
Εἴθ' αὖτ' ἔσαν στυθοῖο νεοσσοί, νήπια τέκνα,
Ὅζω ἐπ' ἀκροτάτῳ, πετάλοισι ὑποπεπτηῶτες,
15 Ὅκτώ· ἀτὰρ μήτηρ ἐνάτη ἡδ', ἣ τέκε τέκνα.
Εἴθ' ὅγε τοὺς ἐλεηνὰ κατήσθιε τετραγῶτας.
Μήτηρ δ' ἀμφοτέρωτ' ἐδυρομένη φίλα τέκνα.
Τίωδ' ἐλεμζόμεν' ἔπερυγ' λάβεν ἀμφιαχυῖαν.

Αὐτὰρ

- Αὐτὰρ ἐπεὶ κατὰ τέκν' ἔφαγε στυθοῖο, κὴ αὐτῶ,
 20 Τὸν μὲν ἀρίζηλον θῆκεν θεός, ἵσπερ ἔφλεε·
 Λᾶν γάρ μιν ἔθηκε Κρόνῳ παῖς ἀγκυλομήτεω·
 Ἡμῶς δ' ἐσαάτες θαυμάζομεν ὅσον ἐτύχθη·
 ὣς δ' ἐν δεινὰ πέλωρα θεῶν εἰσῆλθ' ἐκατόμβας,
 Κάλχας δ' αὐτὶκ' ἔπειτα θεοτροπίων ἀγόρδε,
 25 Τίττ' ἄγεω ἐγένεσθε καρηκομῶντες Ἀχαιοί;
 • Ἡμῖν μὲν τόδ' ἔφλεε τέρας μέγα μπίετα Ζεὺς,
 Ὀψιμον, ὀψιτέλεσον, ὅς κλέῃ ἔποτ' ἐλαῖται·
 ὣς ἐτ' κατὰ τέκν' ἔφαγε στυθοῖο, κὴ αὐτῶ,
 Ὅκτα, ἀτὰρ μήτηρ ἐνάτη ἠδ', ἥ τέκε τέκνα·
 30 ὣς ἡμεῖς πύσσαυτ' ἔτα πτολεμίξομεν αὔδι,
 Τῷ δεκάτῳ δὲ πόλιν αἰρήσομεν Δρυάυσιαν·
 Κεῖνός δ' ὥς ἀγόρδε· τὰ δὴ νῦν πάντα τελεῖται·
 Ἀλλ' ἄγε μίμνετε πάντες, εὐκνήμιδες Ἀχαιοί,
 Αὐτῷ, εἰσόκεν αὖτε μέγα Πριάμοιο ἔλωμεν.

his Homeri versibus addatur, eorum gratia qui Graece nesciunt,

INTERPRETATIO TOTIDEM VERBIS

Tolerate, amici, & manete aliquandiu; ut sciamus

An verum Calchas vaticinetur, an & non.

Probe enim hoc scimus animo; estis autem omnes

Testes, quos non Parcae incefferunt mortis auferentes;

Herique & nudius tertius, quando in aulidem naves

Achivorum

5

Congregabantur, mala Priamo & Trojanis ferentes,

Nos autem circumjecti circa fontem, sacris in altaribus

Faciebamus immortalibus perfectas hecatombas,
Pulchra sub platano, unde fluebat limpida aqua:
Illic apparuit magnum signum: draco rubris maculis dor-
so distinctus, 10

Horribilis, quem ipse Olympius misit in lucem,
Ex imo altari prolapsus, ad platanum concitatus perrexit:
Ibi erant passeris pulli pusilli nati,
Ramum super summum sub foliis latentes,
Octo: verum mater nona erat, quae pepererat natos: 15
Ibi ille hos miserabiliter voravit stridentes:

Mater vero circumvolabat lugens dilectos natos:
Hanc autem implicans alaprehendit valde clamitantem.
Sed postquam natos devoraverat passeris, & ipsam,
Hunc quidem mirabilem fecit deus, qui ostenderat: 20
Lapidem enim ipsum fecit Saturni filius versuti:

Nos autem stantes admirabamur quale factum esset.
Sic igitur terribilia portenta deorum subiere hecatombas,
Calchas vero statim deinde vaticinans concionabatur,
Cur muti facti estis comantes Achivi? 25

Nobis quidem hoc ostendit signum magnum providus
Juppiter,

Serum, feri exitus, cujus gloria nunquam peribit.

Ut hic natos devoravit passeris & ipsam,

Octo, ac mater nona erat, quae pepererat natos:

Sic nos tot annos bellabimus ibi; 30

Decimo autem urbem capiemus spaciosas vias habentem.

Et ille quidem sic concionatus est: quae nunc omnia
complentur;

Verum age, manete omnes, bene ocreati Achivi,

Heic, quousque urbem magnam Priami ceperimus.

Haec

Haec descripsi ex interpretatione Samuelis Clarkii, quam ipse, in operis praefatione, ait, esse, *non elegantem nec venustam*, sed ita confectam, ut *verbis verba*, singulis singula respondeant, Graecis Latina. Age jam proferatur ea, quam laudavi,

INTERPRETATIO M. TULLII.

Ferte viri, & duros animo tolerate labores;
 Auguris ut nostri Calchantis fata queamus
 Scire, ratos ne habeant, an vanos pectoris orfus:
 Namque omnes memori portentum mente retentant,
 Qui non funestis liquerunt lumina fatis. 5
 Argolicis primum ut vestita est classibus Aulis,
 Quae Priamo cladem, & Trojae, pestemque ferebant:
 Nos circum latices gelidos, fumantibus aris,
 Aurigeris divum placantes numina tauris,
 Sub platano umbrifera, fons unde emanat aquai, 10
 Vidimus immani specie, tortuque draconem
 Terribilem, Jovis ut pulsu penetrabat ab ara.
 Qui platani in ramo foliorum tegmine septos
 Corripuit pullos: quos cum consumeret octo,
 Nona super tremulo genitrix clangore volabat. 15
 Cui ferus immani laniavit viscera morsu.
 Hunc, ubi jam teneros volucres, matremque peremit,
 Qui luci ediderat, genitor Saturnius idem
 Abdidit, & duro firmavit tegmine faxi.
 Nos autem timidi stantes mirabile monstrum 20
 Vidimus in mediis divum versarier aris.
 Tum Calchas haec est fidenti voce locutus:

Quid-

Quidnam torpentes subito obstupuistis Achivi?
 Nobis haec portenta deum dedit ipse creator,
 Tarda, & sera nimis, sed fama ac laude perenni. 25
 Nam quot aves tetro mactatas dente videtis,
 Tot nos ad Trojam belli exantlabimus annos;
 Quae decimo cadet, & poena satiabit Achivos.
 Edidit haec Calchas; quae jam matura videtis.

Vides inter superiora illa & haec proxima quantum inter-
 sit: illa esse rudia & incondita, contexta, vel potius
 congesta verbis cuiusmodi, ita ut casus tulit, sine ul-
 lo artificio coniectis; haec levia, & numerosa, coag-
 mentata lectissimis verbis, certa lege, ac solertia non
 mediocri dispositis & collocatis: ibi interpretem ita lo-
 qui, ut putes, Graecum hominem, quum singulas tan-
 tummodo Latinas voces didicerit, Latine loquendi ra-
 tionem, id est proprias Latinorum formulas ignoret, in
 aliena lingua patriae linguae consuetudine utentem, ita
 orationem conformare, nihil ut in ea non appareat in-
 solens & peregrinum; heic alterum interpretem, vel ma-
 gis poetam, illa eadem sic effari, ut credas te audire
 civem Romanum, in media urbe natum & educatum,
 illi advenae praecipientem, & ostendentem, ea, quae
 dixerit insolenter & perabsurde, quemadmodum dici
 oportuerit, ut Latinis auribus apta essent. id ut prae-
 stet, uti scienter praeclara illa & generosa libertate,
 quam saepe jam laudavi, & oratori oratorem, poetae
 poetam interpretanti necessariam esse dixi; sententias
 easdem

easdem retinere, verba, ita ut res postulat ac ratio praescribit, commutare, addere, omittere, contrahere, dilatare; eorum vim ac pondus conservare, de multitudine vel paucitate nihil omnino laborare; postremo id assequi, ut, quae scribit, non adveſta e Graecia, sed in Latio nata videantur; nec vero, nisi aliunde id constet, facile statui possit, ille ne Homerum, an eum Homerus converterit. Haec igitur carmina mihi decrevi optimi generis interpretandi tanquam exemplar & formam esse debere; haec quasi regulam, ad quam referrem ea, quae ipse facerem; haec veluti mensuram, qua adhibita, intelligerem, concessa interpreti libertas quo impune progredi possit, quem ad finem, sine ulla reprehensione prudentium hoc in genere virorum, pervenire. Quem ego finem, errore atque inscientia, fortasse non raro sum transgressus, verum ut sciens & prudens non dico transilirem sed attingerem, meumque jus omne usurparem, a me ipse impetrare vix unquam potui; atque id quod Tullius praeclare fecisset admirans, tamen ipse facere non sum ausus. Grammaticorum enim calumniam, quam ille vir summus, summa dignitate & auctoritate praeditus, non metuebat, mihi tanto minori, non sine causa, metuendam esse putavi. Hoc ita esse facile intelligi poterit, si cum Tulliana interpretatione conferatur eorundem Homerum versuum

ME A I N T E R P R E T A T I O

O focii, durate, atque heic subsistite paullum,
Ipsa dum pateat re tandem, verane Chalchas

Vati-

Vaticinans, an falsa canat. res cognita cunctis,
 Quam memoro; testes cuncti, fatalia vitae
 Quois nondum tristes ruperunt stamina Parcae. 5
 Quippe olim, atque adeo nuper, cum se Aulide Graeae
 Denfarent puppes Priamo, Phrygibusque ferentes
 Exitium; ad fontem fierent cum sacra virenti
 Sub platano, purae qua sese illimis agebat
 Rivus aquae; monstrum confestim apparuit ingens, 10
 Convertitque oculos ad se, tremefactaque corda.
 Namque draco horrendus, magni quem rector Olympi
 Miserat in lucem, squama fulgente, cruentis
 Et dorsum insignis maculis, prorepfit ab ara;
 Tum celeri platanum lapsu petit efferus. illic 15
 Passeris, in summo ramorum vertice, pulli
 Implumes octo sub densa fronde latebant,
 Nonna parens nidum servabat. protinus atro
 Stridentes querula nequidquam voce voravit
 Ore draco: mater circumvolitabat acutum 20
 Lugens. lugentem trepida foras arripit ala,
 Postremamque vorat. post haec, mirabile visu,
 Immanem durum in lapidem Saturnius anguem
 Induit. obrigit mutatis artubus ille:
 Nos animi attonitos circum stupor altus habebat. 25
 Haec sacris visa in mediis portenta deorum.
 Tum Calchas prompsit veraci has pectore voces
 Vaticinans: Nam cur muti sic statis, Achivi?
 Hoc Jovis augurium ferum, seroque futurum
 Eventu; at cunctis clarum, & memorabile in oris. 30
 Passeris ut pullos octo, nonamque voravit
 Ipsam etiam serpens matrem, sic Pergama circum

Et

Et nobis totidem bellandum haec monstra per annos
Portendunt: urbem decimo vastabimus anno.

Haec vates: matura suo quae tempore jam jam 35

Omnia complentur, tantum perstate volenti

Heic alacres animo, bello quassata biluſtri

Pergama dum noſter ſubvertat denique Mavors.

Mea haec ſi conferas cum Tullianis, majore illum, ut
par eſt, fiducia ſcribere animadvertes: at genus, quo
utimur, eſſe idem; idem utrique propositum eſſe, ut
Homerum videlicet ſui quam ſimillimum repraeſentet,
utrumque, id ut efficiat, ſententias eaſdem ſervare, ver-
ba, eadem vi, atque pondere, ad Latinae linguae con-
ſuetudinem ſic aptare, ut ſaſiſfacere poſſint lectori non
fatuo, illa expendenti potius, quam numeranti. Satis
multa mihi videor dixiſſe, cur hoc genus interpretandi,
quo me judicavi uti oportere, optimum debeat exiſti-
mari. Reliquum eſt ut dicam aliquid de mea hoc in
genere facultate, quod & partitio illa poſtulat, a qua
ſum exorſus, & vero ſupra ego me faſturum eſſe pro-
miſi, parum fortasſe conſiderate: ſed initio videndum
fuit, quid pollicerer; nunc, re promiſſa, fides aliquo
modo liberanda eſt. Hoc ut paucis tranſigam, nec diu
conſiſtam in eo ſermone, in quem veni oppido non li-
benter, ſic equidem ſtatuo: facultatem, qua de agimus,
tribus rebus definiri; utriuſque linguae Graecae ac La-
tinae, & poetici artiſicii ſcientia: haec quanta ſint in
interprete, tantam eſſe interpretandi optimo illo genere
facultatem. Jam de me ipſe quid dicam? hoc primum,
quod mihi videor ſine ullius offenſione poſſe dicere:

me

me in illis, quæ posui, quid possim nescire; scire hoc unum ut possem aliquid, magnis meis laboribus, & diuturna multorum annorum exercitatione contendisse: deinde hoc etiam (quid enim loquens cum homine amicissimo quidquam dissimulem?) meam hoc in genere facultatem, quantulacunque est, mihi videri aliquanto majorem, quam, quantam ad idem opus conficiendum olim attulit, scriptor sæculi XVI., Helius Eobanus Hessus; a quo uno, quod sciam, ante me, non pars aliqua Iliadis, ut ab aliis, sed tota Ilias Latino carmine fuit reddita. Cui, laboriosissimi operis consorti & socio, ne parvo, pravoque animo videar obrectare; & ne quis mihi objiciat illud Hesiodum

Καὶ κεραμεὺς κεραμῇ κοτεῖ, καὶ τέκτωνι τέκτων,
Καὶ πτωχὸς πτωκῇ φρονέει, καὶ αἰδοῦς αἰδοῖται.

sive, ut ego meo more converti,

*Fictori fictor, fabro faber invidet; odit
Mendicus mendicum, oisique poeta poetam:*

haec ne quis mihi objectet, quid inter me & Eobanum intersit, quanta sit utriusque eodem in genere facultas, tibi atque aliis idoneis lectoribus, ut consideretis, ac statuatis, permitto; meque polliceor de me, deque illo, non aliud judicaturum, quam quod a vobis sensero judicari. Id judicium ut possit fieri, erit profecto non inopportunum, si eorundem, quos supra recitavi, Homeri versuum, post Tullianam, & meam, afferatur etiam haec

H E-

HELII EOBANI HESSI INTERPRETATIO.

Quare agite, o focii, reliquum durate, brevesque
 Temporis expectate moras, dum scire queamus,
 Verane vaticinans praedixerit omnia Calchas,
 Aulidis in portum piscosae quando subistis
 Navibus Argivi, Priamo Trojaeque ferentes 5
 Exitium. quia vos illic ad sacra fuistis
 Exta deum testes, praeter quam, quos mala fato
 Parca tulit. meminisse potestis tempore ab illo,
 Quo nos ad positam dis immortalibus aram 10
 Sacra parabamus, densis qua plurima ramis
 Umbrabat platanus, subter quam frigida puro
 Unda resultabat rivo; quo tempore visum
 Est ingens nobis monstrum. draco terga cruentis
 Distinctus maculis, arae sublapsus ab imo
 Profuit pede; sic Saturnius ipse volebat. 15
 Ipse vago lapsu ramos amplexus in altam
 Evasit platanum, tetigitque cacumina, quorum
 Nidus in arce fuit, numero bis quatuor intus
 Passeris includens pullos; qui frondibus altis
 Haerentes exsultabant implumibus alis. 20
 Quos omnes, vano matrem stridore vocantes,
 Cum draco pestifero depastus dente fuisset,
 Ipsam etiam matrem, circum sua pignora frustra
 Sollicitas querulis quatientem vocibus alas,
 Corripuit, nonamque avidam demisit in alvum. 25
 Protinus in saxum mutatum Juppiter ipsum
 Conspicuum posuit: sed nos horrenda deorum

Con-

Constitimus stupido mirantes omina visu,
 Praecipue quam ratione ad sacra deorum.
 Tam dirum venisset opus, monstrumque nefandum. 30
 Tum Calchas, divina tenens miracula, fatur:
 Cur vos tanta novi subit admiratio monstri,
 Crine graves Danaï? prudens nam Jupiter istud
 Prodigium immisit, veniet quo gloria nobis
 Sera & tarda quidem, sed fama & laude perenni. 35
 Sicut enim serpens avido crudelis hiatu
 Oestonos pullos nona cum matre voravit,
 Sic nos fata novem mittunt in bella per annos
 Saeva, gerenda manu spatiosae ante inclyta Trojae
 Moenia, quae decimo tandem capiemus in anno, 40
 Atque everfa solo dabimus. fore talia Calchas
 Praedixit. quae nos nunc omnia perficiemus.
 Quare, agite, obdurate, supremum & ferte laborem,
 O fortes Danaï, donec victricibus armis
 Evertamus opes Trojae, Priameia regna. 45

In his ego versibus meum iudicium non interpono: nec dico, quid mihi videatur scriptum heic esse contorte ac perturbate, quid frigide, quid parum numerose, atque etiam parum Latine; horum, inquam, nihil dico, ac tantummodo volo eos versus conferri cum meis; &, si mei forte, quemadmodum spero, meliores, vel, ut verius loquar, tolerabiliores videbuntur, hoc postulo, ut Homeri amatores habeant mihi aliquam gratiam, quod Iliadem Latino carmine sic expresserim, ut aequiore animo legi possit; optent autem, quod ego me, non tam de mea laude, quam de operis perfectione, ac de

com.

communi utilitate cogitantem, optare profiteor, ut post me existat aliquis, qui, meis hisce minime contentus, scribat ipse multo meliora, quae possint homines Latinae linguae studiosi non modo ferre, sed etiam admirari. Equidem arbitrabor, me laboris mei fructum cepisse non poenitendum, si multorum studia commovero, meoque exemplo, aut heic Romae, aut uspiam terrarum, excitare aliquem interpretem tanta facultate, quantam rei magnitudo requirit; qui efficiat id, quod ego, hac ingenii, & doctrinae tenuitate, atque his occupationibus, efficere non potuerim; qui denique Homerum exhibeat Latine loquentem non modo eodem carminis genere, quo ille usus est, verum etiam eadem vi, & eadem suavitate orationis. Hunc ego jam nunc animo prospicio, hunc admiror, huic faveo, hujus veluti formam mihi effingens, excellentiam & magnitudinem contemplan, me ipse contemno, & meam hanc interpretationem prorsus despicio. Quae tamen; dum expectabitur is, quem dixi, Homero dignus interpres, & erit nemo praeter Eobanum, qui Latino carmine Iliadem converterit, nisi omnia me fallunt, non est profecto cur debeat omnino repudiari. Habes jam ea omnia, quae mihi hoc in sermone dicenda esse constitueram; de cura non mediocri, qua tua mandata sum exsequutus, de optimo interpretandi genere, quo sum usus, de mea in eo genere facultate. quam tu si parem operi difficillimo fuisse judicabis, tuam ego agnoscam in me benignitatem, qui mihi plus tribuas, quam quantum veritas patiatur: sin autem imparem, meam tu agnosces in te

d

obser-

observantiam, qua fit, ut tuae voluntati obsequi coner
non solum in iis, quae praestare atque efficere possum,
sed etiam in iis, quae non possum.




I M P R I M A T U R.

Si videbitur Reverendissimo Patri Sacri Palatii Apostolici Magistro.

F. A. Episcopus Montis Alcis ac Vicegerens.

A P P R O B A T I O N E S,

 Uod literati homines bene multi, sed in Graecis literis non admodum versati jamdiu vehementer optabant; tandem aliquando repertus est, qui cum Graece Latinequa optime sciret, tum poetarum omnium facile principem Homerum ita verteret, ut non illius modo sententiam utcumque adumbraret, sed latinis versibus elegantissime exprimeret. Is enim est stili nitor atque elegantia, ea latini earminis majestas ac dignitas, ut hic unus veteres omnes interpretes, qui magno numero idem conati sunt, longe antecesserit, primusque omnium mihi effecisse videatur, ut Homerus latine legi cum voluptate possit. Hanc ob causam ago equidem gratias Reverendissimo S. Palatii Magistro, qui hanc pulcherriam versionem legendam mihi, probandamque tradiderit. Cui etiam sancte affirmo, atque testificor nihil, in

ea esse, quod sanctissimae Religionis puritati, optimaque morum disciplinae adversetur.

Datum ex Aedibus Quirinalibus die 20. Augusti 1776;

Philippus Bonamicus
SS. D. N. ab epistolis latinis.

Quam-

Uamquam Homericæ Iliados Poema , aetatum ac nationum omnium plausu atque admiratione celebratum , jam inde ab litterarum in Italia restauratione , sapientissimorum Principum cura latinis versibus reddi coeperit ; constat tamen , nullam ad hanc usque diem Epici incomparabilis versionem prodissè , quæ aut germano latini sermonis nitore , aut exacta Homericarum venustatum repræsentatione , aut denique numerosa quadam ac sublimi versuum magnitudine delicatis harum rerum aestimatoribus undecumque satisficiat , Dolendum quidem est , viros aliquot eruditissimos , qui superioribus sæculis ad hanc scriptionem animum appulerant , Philelphos scilicet , Politianos , Floridos , sive morte interceptos , sive alijs lucubrationibus disteptos , inceptum opus urgere , atque ad umbilicum perducere minime potuisse . Nam , qua erant ingenii præstantia , & graecarum latinarumque litterarum scientia , fortasse difficilem hanc , quam animo præceperant , metam feliciter attigissent . Philelphus quidem maximis a Nicolao V. propositis præmiis hanc provinciam incredibili ardore suscepit ; Pontifex enim doctissimus idem ac munificentissimus , præter aedes in urbe pulcherrimas , & lautissimum prædium in agro Romano , decem millia aureorum nummum eidem dare constituerat , si Iliada atque Ulyssæam latine vertisset . At inopinata tanti Pontificis mors effecit , ut Philelphus spe ingentium præmiorum frustratus , alio industriam suam , cogitationesque converteret . Politianus

autem non tam Magni Laurentii Medicis liberalitate & patrocinio illectus, quam, ut ipse de se fatetur, natura atque aetate ad Homeri blandimenta proclivior, quum Homericam tubam jam inde ab adolescentia latinis versibus tractare coepisset, incredibilem in Italia universa de se expectationem excitaverat. Neque dubium erat, quin in difficillimo opere perficiendo caeteris omnibus palmam esset praerepturus. Inerat enim ei praeter admirabile ingenium, judicium etiam acerrimum, & tanta rerum cognitio, atque ubertas verborum, ut solus ad graecas videretur pro dignitate exprimendas comparatus. Equidem Cardinalis Papiensis, cui suae versionis partem Politianus legendam tradiderat, splendidissimam ait sibi visam esse, & ad omne venustatis genus compositam; orationem latinam in primis & illustrem, plenos etiam versus, & suis numeris magnifice auribus fervientes. Sed tantam expectationem Medicae Gentis calamitas primum, mox immaturus ipsiusmet Politiani interitus miserabilem in modum corrumpit, sexto vixdum Iliados libro absoluto. Quod idem fatum subiisse visus est etiam Franoisci Florici Sabini viri eruditissimi in Homero vertendo conatus. Nam quum octo Odissæe libros latinis carminibus elegantissime redditos immortalis illi omnium optimarum artium Maecenati Francisco I. Galliarum Regi dedicasset tamquam specimen quoddam reliquorum Homeri operum, quae latine interpretari constituerat, Rexque ipse Graecarum literarum scientificus hominem humanissimis & verbis & pollicitationibus in proposito confirmasset, vix uno aut altero elapso

pſo anno, & Rex beneficentiſſimus interiit, & Poeta ſingulari doctrina atque induſtria praeditus florente etiamnum aetate inimicorum fraude ſublatus eſt. Verum haec literariae Reipublicae incommoda longo nunc intervallo compenſat V. Cl. Raymundus Cunichius excellenti hac & abſolutiſſima Iliados verſione: quam cum juffu Reverendiſſimi Patris S. Palatii Apoſtolici Magiſtri accurate diligenterque perlegerim, ita elegantem eſſe deprehendi, ita numeroſam, totque verborum & ſententiarum luminibus ornatam, ut Graecum Epicorum principem Virgilianis coloribus egregie depiſtum, exactiſſimeque expreſſum intueri mihi viſus fuerim. Nam, quod ad interpretationem attinet, ea quidem fidelis eſt in primis, & Graeco textui penitus adhaerens, niſi quando latinae linguae genius ſententias aliquot redundantes contrahere, aut in verbis compoſitis epithetiſque expremendis quodam quaſi temperamento uti ſuaſerit. Conſtat enim, latinas Muſas Graecis multo ſeveriores pleraque reſpuere, venuſta illa quidem apud Graecos atque elegantia, ſed quae frigidum quippiam in latino carmine & plane infacetum ſonarent. Equidem arbitror in hoc praecipue optimorum interpretum induſtriam verſari oportere, ut non ſemper verba verbis, ſed ſententias ſententiis, quantum utriuſque linguae ratio patitur, reddendas curent, ſtudeantque iis potiſſimum & verbis & ſententiis uti, quibus Poeta Graecus uſus eſſet, ſi latine ſcribere inſtituiſſet. Quod quidem Interpreti noſtro ita feliciter ceſſiſſe comperio, ut haec ſua lucubratio ſuperiores omnes verſiones, atque adeo celeberrimam
illam

illam Helii Eobani Hessi multis nominibus superasse videatur . Quamobrem & doctissimo Auctori vehementer gratulandum arbitror , & immortales habendas gratias Principi praestantissimo BALTHASSARI ODESCHALCHIO , qui , ut est fragrantissimus optimarum artium & cultor & fautor , non prius apud Auctorem , hominem sibi omni officiorum genere devinctum , instare destitit , quam praeclaram hanc Homericæ Iliados versionem perfectam , atque omni ex parte expolitam haberemus . Quo quidem factum est , ut quod summos potentissimosque Principes nequicquam exoptasse intelleximus , id ipse praecipuo quodam privilegio , & singulari felicitate obtinuerit . Quae cum ita sint , cumque in opere egregio nihil omnino deprehenderim , quod aut Religioni Christianae , aut bonis moribus officere possit , e re publica esse censeo , ut elegantibus typis quam citissime in lucem proferatur . Romae Kalend. Septemb. MDCCLXXVI.

Petrus Ansonius Serassius .

I M P R I M A T U R ,

Fr. Thomas Augustinus Ricchinus Ord. Praed.
Sac. Pal. Apost. Magister .

A R-

ARGUMENTA

SINGULORUM LIBRORUM SINGULIS VERSIBUS AB INTERPRETE COMPREHENSA.

- I. *Iratu bello sociali abstitit Achilles.*
- II. *Falsa Mycenaeum ludunt insomnia regem.*
- B. *Quo ducē, qui populi, quoniam venare carinis.*
- III. *Ergo Helenae soli pugnant Paris & Menelaus.*
- IV. *Confundit foedus Pallas, pugna aspera surgit.*
- V. *Tydidēs Venerem, dehinc Martem vulnerat hasta.*
- VI. *Urbem adis, Andromachen affatur Marsius Hector.*
- VII. *Stant acies: medii confligunt Hector, & Ajax.*
- VIII. *Iuppiter Argivos premit: Hector laude superbit.*
- IX. *Peliden orant reges, nec flectere possunt.*
- X. *Tydidēs socio Troas speculatur Ulyssa.*
- XI. *Pugna, ubi primores Danaum sunt vulnere laesi.*
- XII. *Graiorum ad murum pugnant: intro irruit Hector.*
- XIII. *Neptunum Danais vires clam fratre ministrat.*
- XIV. *Illicit, & somno componit Juno Tonantem.*
- XV. *Iuppiter evigilat; fratrem fugat; Hectora firmat.*
- XVI. *Patroclum leco victorem dejicit Hector.*
- XVII. *Ingens Patrocli ad gelidum sit pugna cadaver.*
- XVIII. *Arma parat solers dio Vulcanus Achilli.*
- XIX. *Desinit irarum, belloque armatur Achilles.*
- XX. *Divi inter sese magno certamine pugnant.*

XXI.

- XXI. *Aeacidae labor ad Xantum, pugnaeque deorum.*
 XXII. *Hectora persequitur, caesoque insultat Achilles.*
 XXIII. *Patrocli funus, vario & certamine ludi.*
 XXIV. *Redditur Hectorum corpus, fletumque crematur.*



NOI RIFORMATORI

DELLO STUDIO DI PADOVA.

A Vendo veduto per la Fede di Revisione, ed Approvazione del P. F. Gio: Tommaso Mascheroni Inquisitor General del Santo Offizio di Venezia nel Libro intitolato : *Homeri Ilias Latinis Versibus expressa a Raymundo Cunichio &c. Stampato*, non vi esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza agli Eredi Baglioni Stampatori di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 2. Aprile 1783.

(ANDREA QERRINI RIF.

(NICCOLO' BARBARIGO RIF.

(ALVISE CONTARINI 2.^o K. PROC. RIF.

Registrato in Libro a Carte 78. al Num. 739.

Davidde Marchesini Segr.

Adi 2. Aprile 1783. Registrato al Libro dell' Eccell. Magist. contro la Bestemmia a C. 113.


Andrea Zanfermo Segr.

Adi 8. Aprile 1783. Registrato in Libro Privilegi dell' Università de' Librari, e Stampatori di Venezia.

Marc' Antonio Manfrè Prior.

*I mea nunc Latias tantisper sola per urbes
Ilias, adveniar dum tua pulchra soror, (a)
Compaa mei studio cura & praestante Zamagnae.
Illi ego te sociam jungier inde volo;
Cui pater est idem, quam cultu ornavit eodem
Vir mihi Thesea junctus amicitia.*

- (a) *Odyssaea* videlicet, alterum poema Homeri, quam V. Cl. Bernardus Zamagna eodem modo est interpretatus, & eadem forma impressa est Venetiis Anno 1783. apud Hæredes Balleanios.



II O M E R I

I L I A D O S.

LIBER PRIMUS.

U
RAM, diva, truce[m] Pelidae concine Achillei,
Innumeris horrenda olim quae preffit Achivos
Luctibus; obscuro multas & compulit Orco
Heroum fortes animas; ac frigida leto
Membra feris canibus praedam, alitibusque reliquit
Omnigenis; (magni certo Jovis omnia nutu
Ibant) ex quo, acres ad jurgia saeva coorti,
Regnatorque virum Atrides, & dius Achilles
Ruperunt pactamque fidem, & socialia vincla.

Immani geminos reges, duo lumina Grajum, 10
Quis divum inter se rixa commisit, & alto
Indomitos acuit primum sub corde furores?
Candida quem superum genuit Latona parenti,
Arcitenens. regi offensus vulgo intulit atram
ille luem; totis passim quae didita castris
Argivam leto pubem sternebat acerbo
Unius Atridae ob culpam, Chrysenque superbis
Exceptum distis; Chrysen, cui prima sacrorum
Cura, & Apollinei custodia credita templi.

Tom. I.

A

Vene-

Venerat hic Danaum ad naves Ingentia secum 20
 Dona ferens, gnatae pretium, vittamque sacerdos
 Aurato implicitam scepro gestabat, & omnes
 Ambibat precibus Grajos; geminosque rogabat
 Praecipue Atridas, rerum queis tradita summa:

Magnanimi Atridae, Grajum & gens fortibus armis
 Incluta; sic divi, quotquot fulgentia caeli
 Templata colunt, vobis Priamela vertere fundo
 Moenia dent, ventisque domum remeare secundis;
 Solvite servitio mihi dulcem & reddite natam.
 Reddite; neu pretium, neve haec insignia, dextra 30
 Quae gesso, & longe jaculantem spernite Phoebum.

Talibus orabat senior; cunctique favebant
 Grajugenae assensu haud dubio, sacrique verendam
 Canitiem capitis, capiendaque dona fremebant.

Non tamen his flexit verbis Agamemnona; saevus
 Ille virum totis actutum excedere castris
 Imperat, ac flentem dictis incessit amaris:

Ocyus hinc abscede, senex; ne; sive manentem,
 Seu puppes fuero redeuntem nactus ad altas,
 Nil tibi jam proffit sceptrumve, aut insula Phoebi. 40
 Quam possis, gnatam certum est dimittere nusquam,
 Dum procul abductam patria tellure senectus
 Occupet Argivas inter, nostrumque cubile
 Ornantem, & gracili texentem stamine telas.
 At tu, dum salvo licet, hinc te proripe; nec me
 Incassum precibus, longaque incende querela.

Sic ait: ille metu mutus nihil hincere contra
 Est ausus; tacitusque dolensque in litore curvo,
 Spumea qua rauco frangunt se caerula fluctu,

Ibat;

Ibat; &, ad caelum tollens inanantia fletu
Lumina, sollicito dedit has de pectore voces:

Audi haec, arcitenens, cujus sub numine Chrysa est,
Quo Cilla & Tenedos circumflua rege superbit,
Sminteu: si qua tuus templo tibi grata sacerdos
Serta tuli, imposui si quando viscera flammis
Caprarumque; boumque; unum hoc da, magne, precanti,
Phoebe: luat miseri lacrimas, luctumque parentis
Foeda clade tuis Danaum gens icta sagittis.

Talibus orantem Phœbus, fletusque cientem
Audiit, & summi celfo de vertice Olympi,
Obscuro faciem nimbo circumdatus almam,
Descendit; non ille arcus, pharetramque decoram
Oblitus, non tela; humero quae mota sonabant,
Turbidus obstantes lapsu dum trajicit auras.

Ut venit, classi adversus confedit, & acrem
Contenditque arcum torvus, celeremque sagittam
Expulit; inde aliam atque aliam, striduntque, volantque
Tela Dei, horrendumque argenteus insonat arcus.

Principio celeresque canes; montanaque stravit
Jumenta; hinc ipsos jaculis incessit acutis,
Funera funeribus cumulans; semperque recenti
Igne pyrae latos passim fulsere per agros.

Tela novem cecidere dies: lux extulit ortum
Ut decima, in coetum vocat omni a litore Grajos
Pelides, magnae monitu Junonis: Achivum
Quippe vicem curans morientum diva dolebat.
Nulla mora; Aeacidæ jussu venire frequentes.
Argolici procures, Danaumque exercitus omnis.
Quos inter surgens heros ita farier orsus:

Atrida, ut video, Troja Phrygibusque relictis, 80
 Errandum rursus pelago, vitandaque fata;
 Si qua tamen fessis dederit fortuna regressum.
 Nam simul heic bellumque luesque absumit Achivos.
 Verum age, nunc aliquem, seu vates ille, sacerdos
 Sive fuat, somnive interpret, (somnia namque
 Ipse deum caelo genitor demittit ab alto)
 Oremus pandat, cur saevit Phoebus Apollo?
 Num prece, neglectus, sacro aut succenset omisso?
 Num pingui nidore ovium, pecorisque piatus
 Caprigeni, tristes ponet placabilis iras? 90

Talia Pelides: contra cui talibus infit
 Calchas Thestorides; quo non praestantior alter
 Augurio divum mentes, atque abdita rerum
 Pandere. scit vates fato quaecumque trahuntur,
 Quae sunt, quae fuerunt; Phoeboque acceptus & idem
 Lectus, ad Iliacas classem qui duceret oras,
 Captaretque auras augur, cursumque doceret:

Nempe jubes, regi superum gratissime Achilleu,
 Fatidicis iram Phoebi me pandere dictis.
 Pando equidem: divum sed tu mihi numina sancta 100
 Jura, quidquid erit, verbis, dextraque futurum
 Auxilio. Grajis qui maximus imperat, unum
 Quem populi observant regem, non auribus aequis
 Audiet haec. capiti exitium, rebusque ruinam
 Comparat ille suis, regum qui concitat iram
 Deterior; regum ira latet sub pectore, donec
 Erumpat se, nacta locum, tempusque nocendi.
 Ergo age, dic, num quis me laedet vera loquentem,
 Parentemque tuis, Danaum fortissime, jussis?

Aeaci-

Aeacides contra; Fide, inquit, pelle timorem, 110
Quisquis inest animo; fretus me vindice, nosti
Augurium quodcumque, refer, testis mihi Phoebus;
Quem tibi rite vocas; Grajis quo afflante futuros
Eventus aperis, mentemque, & fata deorum;
Donec ero, vefcarque auris vitalibus usquam,
Nullus erit, qui te violet, dextramque scelestus
Impune attollat contra: non, dixeris ipsum
Si regem, imperio cunctis qui praestat, Atriden.

Sic animo est vatis pulsus timor. ergo ita fatur:
Non prece, non sacro succenset Phoebus omisso. 120
Ille sacerdotem propter furit; his Agamemnon,
Quem foede castris exegit, nec dedit orbo
Dilectam patri gnatam; nec dona recepit
Ferreus. hunc propter faevit deus, & magis idem
Saeviet, ille luem nunquam, nec funera fessis
Mittere, ni patrios repetat formosa penates
Chryseis, donisque auctus, nataque recepta
Placatus genitor, taurorum sanguine multo
Ipse deum exoret, coeptas ne proferat iras.

Talibus orantem torvo Pelopeius heros 130
Lumine spectabat: mens ira exaestuatur, acres
Horrendum micuere oculi, turbataque frons est.
Tum vatem increpuit, rupitque has pectore voces:
'Terrorum infelix vates, laetabile nunquam
Quidquam ego te audiero, semper sed voce canentem
Dira triste aliquid? nam me saevis tua dictis
Perpetuo immeritum laedunt responsa, nec unquam
Meve, meosve juvas vel verbo, perditte, vel re.
Et nunc vaticinans irato haec funera Phoebos

Missâ canis genti Danaum, dimittere captam 140
Quod non sustinui Chryseida. quippe Mycenis
Optabam nostros coleret captiva penates;
Illa Clytemnestra melior, quam corpore, mente
Quam celeri longe praestat, manuumque labore.
Nec tamen abnuero, si rerum pendet ab illa
Certa salus, Chrysam duci, reddique parenti:
Nec populi exitio laetor, dirisque meorum
Funeribus; contra sed vos mihi digna parate
Praemia confestim, donis ego solus Achivum
Ne caream. nam quod mihi muneris obtigit, ecce 150
Dilapsum fluit e manibus longeque recedit.

Vix ea fatus erat, paribus cum dius Achilles
It contra dictis, & magno haec pectore fatur:

Inclyte rex Atride, animo qui tantus habendi
Gliscit amor? praedae non ulla intacta Pelasgis
Pars superat. victis quae capta ex urbibus olim,
Partiti ad naves tulimus, sua quisque, laboris
Exiguum ingentis pretium; nec didita castris
Cogi iterum, partemque tibi deducier aequum est.
Verum, age, poscenti Phoebæ concede puellam: 160
At nos tergeminis aequi pensabimus olim
Jacturam donis, si quando Jupiter urbe
Annuat Iliaca tandem, gazaque potiri.

Tum sic Atrides: Nequidquam vana per artem
Moliris, Pelida, dolis & cuncta videntem
Fallere vis tectis. partis tu nempe fruarè
Dives? ego famula doleam fraudatus adempta:
Audi ergo, & mea dicta memor sub pectore conde.
Vel mihi pro raptâ dignum Chryseidæ munus

Sponte

Sponte dabunt Graji, dare vel si forte recusent 170
 Sponte sua, veniens alta ad tentoria, dona
 Vel tua, vel Telamoniadae, vel fortis Ulyssæi,
 Ipse abigam. quoquo veniam, contendere nemo
 Audebit, metuensque mali mussabit inultus.
 Attamen haec alias disquiri praestat: in aequor
 Nunc potius curvo deductam litore puppim
 Remigio aptemus: conscendat gnataque, gnatae
 Et quas adventu laetus, donisque sacerdos,
 Mactet oves Phoebo, pestemque avertat Achivis.
 Dux eat Idomeneus, Ajaxve, aut dius Ulysses; 180
 Vel tu, si cordi est, rerum saevissime Achilleu,
 Duc ipse; atque, deo sacris de more solutis,
 Exora pacem Danaïs, rebusque salutem.

Talibus ille: tuens quem dudum lumine torvo
 Pelides: Nam quis, rerum foedissime, posthac
 Te Danaum regem ferat, ac tua iussa capeſſat;
 Sive iter indugredi jubeas, seu tendere in hostem?
 Non etenim huc veni Teucrorum laesus ab ullo;
 Nec mihi Dardania quisquam de gente juvencos,
 Pascentesve avertit equos, vel tempore in ullo 190
 Frugiferos Phthiae viduavit fructibus agros.
 Iliacis namque a muris Phthiotica longe
 Regna jacent: medii montes, immensaque ponti
 Aequora. te propter patriam, carosque penates
 Liqui amens; quaeroque meo tibi sanguine laudem
 Vesanus, fratrique tuo. tu, cuncta ferentem
 Vos propter, quidquam nec curas, nec facis hili:
 Quaeque labor longus peperit mihi, quaeque dedere
 Grajugenae merito, rapturum dona minaris.

Dona tuis non aequa tui, nec dives abibo 200
Aequae olim, tandem captae cum moenia Trojae
Vastarint Danaï. duri pars maxima belli
Usque meis geritur manibus: cum denique laeti
Congestas partimur opes, tibi maxima praedae
Pars cedit: magnis ego quae mihi parva periclis
Obvenit merces, abeo parvamque, meoque
Gratam animo portans ad naves, membra labore
Fractus adhuc, saevi longo & certamine Martis.
At nunc, quod fatius multo est, te, ingrata relicto,
Cum fociis, armisque, aerata & classe per altum 210
Vela dabo; nec me indecorum tua castra videbunt
Digna, indigna pati, frustra & bellare rapacis
Ludibrium Atridae. Quae postquam talia fatus
Pelides, contra tumido Pelopeius ore:
I, classem committe auris, ventoque ferente
Carpe fugam quavis; nec te moror, aut prece mens est
Ambire ut maneat. qui me observentque, juventque
Sunt alii mecum fortes, praeque omnibus aequus
Juppiter. I; mihi te nemo est infensor unus
Regibus e cunctis: cui semper iurgia cordi, 220
Rixaeque, pugnaeque. acer quod Marte feroci
Praestas, parce timere; Dei sunt omnia munus.
I, puppesque tuas tecum, pubemque tuorum
Duc sedes longe ad patrias, regnaque per urbes
Myrmidonum: nec te curo jam scilicet hilum,
Nec metuo iratum. quin hoc ambage sine ulla
Praedico: mihi formosam Chryseida Phoebus
Quando aufert; puppique mea deducta, meoque
Remige mittetur: verum Briseida pulchram

Ipse,

Ipse, tuum munus, per vim tentoria ad alta 230
Rapturus veniam; noscas ut denique, Achille
Atrides quanto melior sim; nec minus alter
Horreat aequalem mihi sese attollere contra.

Sic ait: indoluit Pelides, atque sub hirsuto
Pectore consilium partes versabat in ambas.
Num femori haerentem gladium distringat, & acer
Disturbetque viros circum, regemque trucidet;
An premat indomito gliscentem corde furorem.

Talia versanti secum, magnaue trahenti
Fulmineum vagina enses; delapsa per auras 240
Advenit caelo Pallas, quam regia Juno
Misit, amansque ambos, & curans diva; retroque
Adstitit, injecitque manum flavaque prehendit
Caesarie, mediis manifesta in millibus uni.
Horruit, intremuitque artus, & lumina flexit
Versa retro admirans Pelides; nec mora divam
Agnovit fulgentem oculos; ac talia fatur.
O Jovis aegisoni proles, dea, cur mihi, cur nam
Venisti? an dantem ut videas jura omnia pectus
Atriden? sibi qui factis (non irrita jacto 250
Verba) sibi exitium factis struit ipse superbis.

Haec heros; blandis cui sic Tritonia verbis.
Diva modum positura tuo, Pelida, furori,
Si parere voles, veni huc delapsa deorum
Sedibus e superis, missu Junonis amore
Quae vos aequa pari spectatque, & curat utrumque.
Ergo age, parce gravi rixae; neve extrahe ferrum:
Dic potius, quot erunt, saevis convicia verbis.
Hoc tibi praedico vates non vana; futurum

Tripla

Tripla tibi ut quondam pro tali praemia noxa 260
 Ultro adsint: nunc parce, meis neve abnue distis.

Sic dea; sic placidis respondit vocibus heros:
 Vestra quidem, superi, faciendum est iussa: calefcant
 Corda licet furiis, praestat parere tamen dis.
 Qui divos audit, divi auditur & ipse:

Talibus ille deam alloquitur, pulchroque tenebat
 Ingentem in capulo dextram: dein impulit enseni
 Horrendum retro, vaginaque abdidit alte,
 Praesenti nequaquam ausus non cedere divae.
 Ergo testa Jovis Pallas, divumque petivit 270
 Concilium: Atridae rursus maledicere coepit
 Pelides, fuditque irato haec turbidus ore:

Vino plene, canisque oculos, cervique fugacis
 Corda gerens, nunquam cum pube ad praelia, nunquam es
 Ausus ad insidias cum primis ire virorum.
 Quippe putas mortem, belli tentare pericla.
 Multo etenim praestat Danaum per castra, vel uno
 Si quis te laesit verbo, mutireque contra
 Est ausus, grassari odiis, pretiumque laboris
 Fripere, & praedae quidquid virtute paravit. 280
 Rex populi haud pastor, sed foede vorator. inertes
 Inter enim regnas: quod ni foret, haec foret hercle
 Nunc illata tuae postrema injuria genti.
 Sed tibi praedico, regum & violabile nulli
 Jusjurandum addo. sceptrum hoc regale, quod umbras
 Et virgulta unquam non fundet, stirpe recisum
 Ut semel est, posuitque comas, & brachia ferro,
 Olim arbor, auro inclusum gestamen Achivi
 Nunc manibus versant reges, queis Jupiter auctor
 Servan-

Servandasque dedit leges, dicendasque jura : 290

Hoc ego nunc testor sceptrum regale, futurum

Tempus, cum Danaum nemo non optet Achillem;

Cum nequeas rebus lapsis, Atrida, levamen

Ferre ullum, frustra moerens, ubi milia passim

Leto multa dabit ferus Hector, strataque ferro

Corpora acervatim campis confusa jacebunt.

Tunc tristes tibi diserpent praecordia curae,

Tunc te damnabis frustra, feroque pigebit

Contempsisse virum, qui, Mars ubi praelia miscet,

Optimus in cunctis pugnat bellator Achivis. 300

Sic ait; eque manu auratis fulgentia bullis

Sceptra solo iratus projecit; fedit at ipse

Turbidus, Atrides contra furit asper, acerbus,

Dira fremens. Horum medius tum, sede relicta,

Exsurgit Nestor, Pyliae rex gentis, & auctor

Consilii sapiens, cui vox manabat ab ore.

Suaviloquo jucunda, ipso dulcis mage melle.

Huic duo secla virum, quos inter natus & altus

Ille Pylo in sacra fuerat, jam condita dudum

Desierant, aetas haec ibat tertia regi. 310

Qui bonus ambobus prudenti haec pectore fatur:

Pro superi! tibi quantus adest jam Graecia luctus!

Gaudebit certe Priamus, natique, Phrygumque

Turba omnis tota exsultans laetabitur urbe,

Audierit si vos, Grajum duo lumina, primos

Consilioque manuque, odia exercere, molesta

Et rixa implicitos jurgari mutua: verum

Audite, atque seni laeta parete minores

Mente ambo. versatus ego sum namque virorum

In

In coetu quondam virtute ac robore vobis 320
 Praestantum longe, nec me sprevere monentem.
 Nullum quippe virum vidi, nullumque videbo,
 Qualem Pirithoum regem, regemque Dryanta,
 Caeneaque, Exadiumque, deoque parem Polyphemum,
 Theseaue Aegiden formaque, & viribus aequum
 Caelitibus. nemo his fuit usquam fortior omni
 Terrigenum in numero. fortes cum fortibus arma
 Contulerunt, fretique animis bella aspera contra
 Montanas gessere feras, & Pelio in alto
 Nubigenas dira straverunt caede bimembres. 330
 His ego tunc; ipsi namque ultro in bella vocarunt;
 Ex Apia, atque Pylo veni comes; atque virili
 Pugnabam pro parte hosti, non audeat ullus
 Cui pugnare hominum, vestra haec quos extulit aetas.
 Ille virum me flos audibat saepe, meisque
 Parebat monitis. hortanti, & vera monenti
 Vos quoque nunc parete, oro; quod profit atriue.
 Nec tu, Atrida, potens quamvis magnusque, puellum
 Eripe, donarunt olli quod munus Achivi;
 Nec tu, Pelide, regi contende; parem rex 340
 Sceptrafer haud etenim est aliis sortitus honorem;
 Cui decus ipse dedit magni regnator Olympi.
 Si te diva parens genuit, si Marte feroci
 Hunc vincis, regno vincit, pluresque coercet
 Imperio ille tamen. dirum at compesce furorem
 Tu prior, Atride. Peliden, ponat ut iram,
 Ipse orans flectam precibus; qui murus Achivum
 Est genti saevi contra discrimina belli.

Haec senior. tum sic Atrides: Vera, nec ulli

Non

Non laudanda, senex, dicis; verum efferus iste 350
Exultatque animis, vultque omnibus altior unus
Ire aliis, fraenare omnes, ac ducere quovis,
Regna tenens. Frustra sperat sed talia Grajos
P posse pati, duri fortem ad certamina belli
Quod fecere illum faciles di, saeva profari
Idcircone sinunt stulta convicia lingua?

Jactantem haec celer est sic interfatus Achilles:
Imbellis fuerim, & nihili, quaecumque loquare,
Cervorum in morem tua si praecepta facessam.
Quaere alios, quibus imperites, faciendaeque mandes 360
Ore minax torvo. tua jam nec jussa veretur
Pelides, regique negat parere superbo.
Hoc tibi praeterea dico, tu pectore dictum
Conde memor. certum est pro sola nolle puella
Vel te, vel quemquam contra pugnare, dedistis
Quandoquidem quae dona, eadem nunc tollitis ipsi.
Sed, quae multa mihi congesta in puppibus altis
Sunt alia, invito ne quis me attingere, clamo,
Audeat. aut agedum conare, Attrida, periculum
Et facito, ut noscas rem tuque, & cetera Grajum 370
Turba omnis. mora nulla, tibi latus hauriet imum,
Atque tuo tepefacta fluet mea sanguine cuspis.

Haec ubi jactarunt saevis mala jurgia dictis,
Surrexere ambo, coetuque abiire soluto.
Pelides graditur celsa ad tentoria, regem
Patroclo ac densa comitum stipante caterva.
Attrides celerem deducit litore puppim,
Remigioque legit bisdenos, robora pubis
Argivae: tum dona deo portanda carinae

Impo-

Imponit, pulchramque una Chryseida ducens 380
Ipse locat, prudens dux puppini scandit Ulysses.

Illi alacres pellunt certantibus aequora remis;
At jussu Atridae lustrat se cetera pubes,
In falsum & sordes abstergens dejicit aequor.
Tum Phoebo maectant procurvo in litore passim
Caprigenumque pecus, praestanti & corpore tauros,
Imponuntque aris. late se fumida nubes
Attollit, mixtusque altas it nidor ad auras.

Talia dum celerat castris Argiva juvenus,
Atrides, nondum pacato corde minarum 390
Immemor, Eurybaten compellans, Talthybiumque,
Praecones ambo, celeresque ad jussa ministros;
Ite, ait, actutum celsa ad tentoria saevi
Aeacidae, atque manu Briseida ducite, jussus
Nam dare si renuat, fuerit quod acerbius, ipse
Majori veniam numero comitante meorum.

Sic ait; hi regis non mollia jussa faceffunt;
Moerentesque ibant propter mare, donec ad altas
Myrmidonum puppes, & septa ingentia magni
Pelidae venerunt. illic videre sedentem 400

Pro foribus juvenem tentoria ad ipsa, suaque
Non longe a puppi. venientes vidit Achilles,
Agnovitque, animoque haud est laetatus. at illi
Magnanimum veriti regem, & formidine mentem
Suspensi, effari nihil ausi, nilque rogare,
Stabant. his, gelido percussos namque pavore
Sensit, Pelides haec miti pectore fatur:

Praecones salvete deumque hominumque sequestres;
Huc propius me ferte pedem. non vestra, tyranni

Culpa

Culpa sed est, duci sibi qui Briseida saevus. 410
Imperat. En age, quam poscit, Patrocle, puellam
Educ ipse foras, ducendam & tradito: at este
Ipsi olim testes coram dis, quidquid & usquam
Est hominum, coramque immiti regi; eruentam
Grajorum ob cladem nostri si venerit usus.
Demens quippe ruit vesana mente, nec ante
Quid fuerit, nec quid venturum prospicit, olli
Salva rates juxta pubes ut pugnet Achivum.

Sic ait: at dicto paret Patroclus amici,
Formosamque foras ducens Briseida, tradit. 420
Illi abeunt rursum ad naves: invitaque flensque
It mulier, lento figens vestigia gressu.

Tum verò moerens lacrimasque effudit Achilles,
Et longe a fociis digressus litore in ipso
Consedit pontum adspectans, palmasque tetendit,
Et caram tali est affatus voce parentem:

Mater, ad angusti spatium cui scilicet aevi
Sum genitus, claro saltem decorasset honore:
Me pater altitonans: miserum nunc despicit, ullam
Nec tribuit partem decoris. majoris Atridae 430
Ludibrium heic jaceo; mea praemia rapta superbus
Ille habet. Hos alto rumpebat pectore questus,
Perque genas ibant lacrimae sine more fluentes.

At mater, specubus quae tunc, ut sueta, sedebat
In patriis, gemituque audito exterrita surgit;
Et summo, nebulae similis, tenuique vapor,
Emersit fluctu, fedisque in litore gnati
Ad latus, atque manu flentem permulsit amica.
Tum roseo, blande compellans, ore locuta est:

Quid

Quid fles? quis menti subitus dolor incidit aegrae? 440
 Dic age, dic, caram nec cela, nate, parentem.
 Ille refert, imo gemitum de pectore ducens:
 Scis, mater, scis ipsa, jubes quid nota profari
 Nequidquam? Thebas, sacram sedem Eetionis,
 Venimus, & captam bello vastavimus urbem.
 Praeda ingens, vecta huc ad naves, inter Achivos
 Rite fuit divisa omnis. Chryseida forti
 Exemptam dedimus majori munus Atridae.
 Dein Chryses, Phoebi curat qui templa sacerdos,
 Advenit Grajum ad naves ingentia secum 450
 Dona ferens, natae pretium, vittamque precantum
 De more implicitam sceptro gestabat, & omnes
 Ambibat precibus Grajos; geminosque rogabat.
 Praecipue Atridas, rerum queis tradita summa est,
 Dicta senis Grajos flexere; sacrique verendam
 Canitiem capitis, capiendaque dona fremebant.
 At non Atriden precibus, non vincere fletu
 Evaluit. miseri lacrimas ferus ille parentis
 Increpuit; castrisque actutum excedere jussit
 Multa minans. tristi senior tum percitus ira 460
 Retro abiit: Phoebus Danaïs quem dira precantem
 Audiit, atque luem fatali turbidus arcu
 Immisit foedam populis. condensa jacebant
 Corpora acervatim nigro manantia tabo;
 Saeva dei totis volitabant spicula castris.
 Inde, malae ut cladis veraci pectore caussam
 Fatidicus vates, Phoebos monstrante, retextit:
 Primus ego coetu in Danaum, quem rite vocaram,
 Placarique deum jussu, reddique puellam.

. Atri-

Atrides dirum infremuit, surgensque minatus 470

Est mihi, quae doleo nunc jam perfecta. parenti

Puppe cava Chrysaë gnatham delecta Juventus

Argivum ponto ducit, mactandaque Phoebō

Dona vehit: nostrum gemini, Briseida, munus

Praecones duxere modo ad tentoria regis.

Verum age nunc, siquod potis es, tu sedula proli

Auxilium fer diva tuae. caelestia scandens

Tecta Jovem exora supplex; tibi Jupiter unquam

Si dicto est ullo, factove adjutus. in aede

Jaçantem patria nam saepe audisse recorder, 480

Te solam e superis dirum avertisse Tonanti

Exitium, cum vincla olli di, vimque pararent,

Neptunus pater, & Juno, & Tritonia Pallas:

Solam atrox turbasse nefas, subitoque vocasse

Centimanum, divi Briareum quem nomine dicunt,

Aegeonā homines. advenit, robore patrem

Ille suum praestans, multo qui laetus honore

Caelicolas inter magna in Jovis aede sedebat.

Hunc veriti abstiterunt coepto di; vincla tremunt

Excussa e manibus, libertas parta Tonanti est. 490

Haec memora juxtaque sedens, amplexaque supplex

Genva dei; si forte velit Troasque juvare,

Et Danaum ad celsas pubem compellere puppes

Litus in extremum, caesam, foedeque fugatam;

Cui parent, omnes praeclaro ut rege fruantur;

Utque malo ingenti doctus jam noscat Atrides,

Et doleat noxam; laeva quod sprexit iniquus

Mente virum, in cunctis cui par non ullus Achivis.

Haec ille: haec lacrymis contra Thetis alma profusus:

Tom. I.

B

Cur

Cur laevo genitum te, gnate, miserrima fato 500
 Eduxi? cura vacuus, nec laesus ab ullo
 Saltem ageres heic ad naves, cui tam prope vitae
 Di finem posuere. brevi nunc, o miser, aevo es,
 Moestior & cunctis, curisque infestior aevi.
 Hoc quodcunque trahis, Parcis seu natus iniquis.
 Ibo equidem aetherei praecelsum ad culmen Olympi,
 Atque Jovi, quae vis, fabor, si flectere possim.
 Interea tu, nate, cavis ne abscede carinis,
 Iratusque sede Grajis, nec proelia tenta.
 Hesternus, divum coetu stipante, remotos 510
 Oceani ad fines abiit conviva bonorum
 Jupiter Aethiopum: bisseua luce redibit.
 Sidereas caeli ad sedes, tunc ardua scandam
 Testa Jovis, genibusque advolvar: verba precantis
 Irrita nec cedent, ni spes me ludit inanis.

Sic ait, eque oculis dilapsa evanuit, aegrum,
 Iratumque animi linquens, demptumque furem
 Ob decus, & raptam forma praestante puellam.

Interea Laertiades mastanda ferebat
 Dona deo, & Chrysaë ad sacras pervenerat oras. 520
 Curva ubi se portu primum ratis intulit alto,
 Vela legunt, mediaque locant composta carina:
 Funibus hinc malum demittunt, atque paratam
 Reclinant apte in sedem: celerique per undas
 Remigio tuta sese statione recondunt.
 Anchora tum jacitur, firmant retinacula puppim.
 Optatam in litus juvenum manus emicat: inde
 Exponunt laeti pecudes, Phoebeia dona,
 Et pulchram ad patrias ducunt Chryseida sedes:

Ipse

Ipse manu sacram Phoebi quam sistit ad aram, 530
Atque patri, ut iussus, tradens haec fatur Ulysses:

Huc me, Chrysa, virum regnator misit Atrides,
Et iussit ghatamque tuam tibi ducere, Phoebus
Et facere, ac placare deum, qui concitus ira
Saevit, & ingenti luctu demergit Achivos.

Sic ait; inque manus patri dat: suscipit ille
Gaudens, ac tremulis oblatam amplectitur ulnis.

Interea pulchram juvenes ex ordine ad aram
Mactandas statuunt pecudes, & flumine puro
Perfudere manus, spargendaque farra tenebant, 540
Atque salem. Chryses ambas ad sidera palmas
Sustulit, ac senior sic magna est voce precatus;

Audi haec arcitenens, praesenti numine Chrysam
Qui regis, ac Tenedum, Cillamque. haud vana precantem
Et prius audisti; mihi laudem, tristia Grajis
Damna ferens; & nunc audi, finemque malorum
Da, pater, ac pestem Danaïs avertē nefandam.

Sic ait; atque deum non cassā in vota vocavit.
Graji etiam fudere preces, veniamque rogarunt.

Tum fruges jaciunt falsas; cervice reflexa 550

Dein sacras jugulant pecudes, ac tergora costis
Deripiunt, ferroque secant femora, atque plicantes
Omento involvunt pingui, supraque resecta

Omnibus e membris imponunt frustra: sacerdos
Quae sacris adolet flammis, rubicundaque fundit

Vina: gerunt juvenes hinc atque hinc viscera quino

Fixa veru: postquam flammis femora usta, frequentes
Tosta igni postquam gustarunt viscera ad aram;

Sesta minutatim fixerunt cetera longis

In veribus, curantque dapes, laetique paratis 560
 Vescuntur, structisque agitant convivia mensis.
 Postquam exempta fames, amor & compressus edendi est,
 Crateras pueri statuunt, & vina coronant,
 Inque orbem cyathis haustum tribuere liquorem.
 Pota dehinc pubes laetum paeana canebat,
 Tota & luce sacro celebrabat carmine Phoebum,
 Placabatque iram certo jaculantis ab arcu.
 Audibat, largoque deus gaudebat honore.

Interea aequoreas currum Sol condit in undas,
 Et nigris terram involvit Nox atra tenebris. 570
 Somno illi ad curvam sese stravere carinam.
 Inde, ubi purpureo veniens processit ab ortu
 Aurora, excedunt portu, cursumque capeffunt
 Ad socios. auram Phoebus pater ipse ferentem
 Adspirat. laeti malum arrexere, sinusque
 Velorum niveos pandunt; tum carbasus austro
 Inflatur, proram subter fremit unda, liquentes
 Uncta vias currit, fluctu cedente, carina.
 Ast ubi venere ad socios, Argivaeque castra
 Ingressi, curvo subducunt litore puppim, 580
 Longaque supponunt firmo de robore fulcra,
 Dilapsique abeunt sua quisque ad septa, ratesque.

Magnus at ingenti Pelides turgidus ira
 Myrmidonum ad naves secreta in parte sedebat,
 Non coetus Grajum visens, non praelia; tristi
 Sed lacerans animum cura, pugnaeque videre
 Implicitos durae cupiens discrimine Achivos.

Jamque adeo duodena Eos processerat amne
 Oceani. Aethiopum linquentes regua redibant

Sideream divi ad sedem. rex Jupiter ante
 Incedit, fubeunt alii, patremque caterva
 De more ingenti celsa intra limina ducunt,
 Nec Thetis est oblita preces, mandataque gnati;
 Caeruleo at fluctu emergens festina supremi
 Aerium per iter culmen confoendit Olympi
 Mane novo. Heic coetu divum secretus ab omni
 Jupiter in summa caeli regione sedebat.
 Quem Thetis ut solum nacta est, contraque, profuso
 Ora madens fletu, sedit, laevamque, precantum
 More, manum apposuit genibus, dextramque sub iunum 600
 Suppliciter mentum admovit; dehinc talia fatur.

O pater, o divum rex; inter numina juvi
 Si te unquam verbo, vel re; da, magne, precanti,
 Quod cupio, durusque meos ne despice fletus.
 Da, meus ipse Danaïs per te clarescat Achilles;
 Quem citus heu dulcis vitae manet exitus; omne
 Cui ferus Atrides misero decus abstulit, &, quae
 Pulchra viro dederant virtutis praemia Graji,
 Eripuit, fas & contra sibi vindicat omne.
 At tu nunc, genitor, farci quod laudis ademptum est 610
 Infanti; atque favens Trojanis annue palmam
 Usque, meam donec prolem tot cladibus aëti
 Grajugenae donis cumulent; largoque rependant
 Foenore, quod nunc flet raptum, dacus. Haec ait alto
 Cum gemitu. reddit nil contra Jupiter; haeret
 Sed tacito immotus vultu. cunctatur & ipsa,
 Genua tenens arcte, semel ut complexa, nec usquam
 Est potis avelli; roseoque haec subjicit ore:

Jam mihi vel sponde, pater, & bonus annue, contra

Abnue vel tandem, (nam quis metus?) hoc ego faltem 620
 Infelix ut nosse queam, quam gratia nostra
 Sit levis, inque deis quam negligar omnibus una.

Ingemuit pater; &, Cur me, dea, tristitia cogis
 Moliri nunc facta, inquit, cum conjuge & iras
 Exercere? malis quae me vefana laceffet
 Astutum verbis; mihi quae convicia divis
 Saepe facit temere in mediis, queriturque juvare
 Quod soleo immeritos dura inter praelia Teucros.
 Quin tu, oro, has, videat ne te Saturnia, sedes
 Linque domum rediens: curae mihi scilicet ista 630
 Res erit: haud patiar frustra me, diva, rogatum.
 Haec adeo, ne forte meis diffidere verbis
 Incipias, moto firmabo vertice dicta.

Haec mihi namque fides verborum est maxima fanti
 Caelicolas inter: moto quod vertice cumque
 Annuero, immotum stat nec revocabile, donec
 Pollicitum implerint maturo tempore Parcae.

Sic ait, & capite atque oculis pater annuit: almam
 Ambrosius flaxit per frontem & regia crinis
 Tempora: contremuere arces, & culmina Olympi. 640

His actis, ambo digressi: diva profundum
 Desiluit in pontum: caeli de vertice summo
 Jupiter ingressus tectum est regale. parenti
 Assurgunt divi confestim e sedibus omnes,
 Nec quisquam est ausus venienti haud obvius ire,
 Tum folio medius confedit. regia Juno
 (Vidit enim furtim secreta in parte loquentem
 Cum nympa quiddam Nereide) talibus audax
 Orsa Jovem dictis incessere: Nescere fraudes

Docte,

Docte, deum quisnam tecum est congressus, & una 650
Sedit? quidve doli struitis? cur me omnia celas,
Consiliumque capis semper sine conjuge, nec, quas
Mente foves, rerum pateris me noscere quidquam.

Sic Juno; ast hominum contra pater, atque deorum:
Diva, meo verso quaecumque in pectore, pandi
Si vis cuncta tibi, ludet spes te irrita; profit
Nec tibi quod conjux mea diceris. omnia sciri
Quae decet, haec prae te nemo divumque, hominumve
Noverit: at divos quae celans molior, haec tu
Omnia nequidquam scitari & quaerere parce. 660

Huic amplis veneranda oculis Saturnia: Nam quid
Est opus, o conjux, tam dura & saeva profari?
Et nimium quidquam nec scitor, nec tua scrutor.
Moliris nullo contra pugnante, parafque
Securus quodcumque lubet. sed, candida blandis
Aequorei te nata senis ne ceperit actum
In fraudem verbis, metuo. nam vafra sedenti
Asseditque, genu & flens est amplexa; deaeque
Pollicitus, credo, es clarum decus addere Achilli,
Multa dare ad puppes Grajorum & milia leto. 670
Huic genitor, nutu caeli qui nubila cogit:
Juno, nihil non tu conjectas; fallere nusquam
Te possum. at quid ages aliud tamen, improba, ni te
Ut magis averfer? triste ut tibi stulta periculum
Arcessas? nam, si vera istaec fare, voluntas
Quod mea fert, facio non ulli obnoxius. at tu
Jurgari jam parce, sedens & comprime vocem,
Atque meis pare dictis, ne quotquot Olympum
Divi habitant miserae nil profint, si tibi saevas

Injiciam gliscente manus male percitus ira. 680

Haec pater : illa metu pectus conterrita sedit ,
Nil contra mutire audens , namque sub alto
Ingentem , & saevos compescens corde furores :
Cuncti una patriam divi ingemuere per aedem .

At matri cupiens Vulcanus demere curam ,
Caelicolis haec in mediis ita farier orsus :
Quis probet haec autem ? vel quis ferat esse deorum
Hanc tantam primis rixam pro gente pusilla
Terrigenum , & subito misceri cuncta tumultu ?
Haec inter quem laeta juvent convivia , largae 690
Atque dapes ; quando vincunt pejora ? parentem ,
Illa quidem per se quamquam sapit , attamen ipse
Hoc moneo : patrem contra ne pugnet , at iram
Obsequio vincat ; verbis ne rursus acerbis
Saeviat , ac nobis epulas & gaudia turbet .
Quippe etenim , si forte velit , nos sedibus altis
Deturbare poli possit , qui vi anteit omnes
Horrendumque ciens tonitru , & flammantia torquens
Fulgura . Tu , genitrix , verbis placare minacem
Blanda para : facilis flecti est ; placidusque bonusque 700
Continuo fiet , nec tristes proferet iras
Longius . Haec dicens surgit de sede , rotundum
Inque manus cyathum matri dedit , atque ita fatur .


Quidquid id est , mater , ferto aequa mente , molestum
Sit licet , hic videam scissam ne forte pudendis
Verberibus , nec opem possim tibi ferre vocanti
Auxilium ; frustra sed cogar flere . Tonantem
Haud facile est magnum contra contendere vires .
Et quondam , memini , mater , tibi ferre volentem

Auxi-

Auxilium, arripuitque pede, & jaculatus ab alta est 710
Aede procul. tota, quam longa est, luce ferebar
In praeceps longe magnum per inane. cadente
Sole, super Lemnum cecidi. exceperere benigne
Sinties infractumque artus, animamque trahentem
Vix aegre tenuem. Sic fanti maxima Juno
Arrisitque; oblata manu nec pocula spreuit.
Tum dextra exorsus magno e cratere deabus,
Atque deis haustum miscebat nectar: at ingens
Continuo risus longi & sonuere cachinni,
Ut claudum videre deum fragrantia ferre 720
Pocula, festinumque amplas cursare per aedes.

Sic tota pariter celebrant convivia luce
Solis ad occasum laeti, dapibusque fruentes,
Auratae & strepitu citharae, quam pulcher Apollo
Pulsabat, cantu & Musarum alterna canentum.

Verum ubi se clari solis jubar abdidit almum,
Confurgunt mensis, coetuque ad lecta soluto
Quisque sua abscedit somno gravis, aurea cuique
Olim solerti quae fecit Mulciber arte.
Ipse etiam ad thalamum, dulci laxare quiete 730
Membra ubi consuerat, processit Juppiter, & se
Composuit somno: cubuit prope regia Juno.



H O M E R I

I L I A D O S.

LIBER SECUNDUS.

DI somno curas dulci, turmaeque virorum,
 Et caelo, & terris, tacita sub nocte levabant:
 Juppiter infomnis versabat corde sub alto,
 Pelidae quonam decus ingens, tristia quonam
 Grajugenis ferret quamprimum funera pacto.
 Omnia versanti, haec animo sententia fedit,
 Mittat ut Atridae Visum exitiabile regi.
 Hoc vocat ad sese confestim, ac talia mandat.

Larva nocens, hominum sopito illudere sensu
 Docta, ito ad naves Danaum; ac tentoria furtim 10
 Ingredere; Atridemque meis Agamemnona verbis
 Alloquere, haec portans, quae do, mandata: comatos
 Instruat ad pugnam toto de litore Achivos.
 Ampla etenim Trojae capiet jam moenia. discors
 Ante, deum nunc haud variat sententia; cunctos
 Flexit enim precibus tandem Saturnia Juno:
 Trojanis & jam clades extrema parata est.

Sic ait: audivit summi ut mandata parentis,
 Umbra levis rapido caeli per inania lapsu
 Argolicas volat ad naves, majoris Atridae 20
 Septum adiens; regemque intra tentoria nacta est
 Membra toro stratum: ambrosius cui corpora late
 Funde-

Fundebat fese circum languentia somnus.
Huic stetit ignaro supra caput, omnia dio
Nelidae similis, quem reges inter Achivos
Eximio Atrides unum observabat honore.

Tum fatur: Dormis, Atrida invicte? supremum
Tota nocte ducem placido indulgere sopori
Non decet, uni omnis rerum cui credita summa.
Ergo audi: venio Jovis huc tibi nuncius. ille 30
Aequus amat nam te, caelo & miseratus ab alto est.
Ac jubet exorta festinum luce comatos
Instruere ad pugnam toto de litore Achivos.
Ampla etenim Trojae capies jam moenia: discors
Ante, deum nunc haud variat sententia; cunctos
Flexit enim precibus tandem Saturnia Juno:
Trojanis & jam clades extrema parata est
Ab Jove. dicta memor serva haec, obliviam mentem
Neu capiant, dulcis cum somnus deseret artus.

Sic ait; inque auras fugit, regemque reliquit 40
Haec versantem animo nunquam eventura. putavit
Namque die vertenda illo sibi moenia Trojae,
Multos heu strueret magni quid rector Olympi,
Multos ille parans gemitus, luctumque, laboremque
Et Troum & Danaum dura inter praelia genti.

Jamque adeo pulsus cessit sopor: haeret in ipsis
Visa tamen facies oculis, audita sonat vox
Auribus in mediis. molli tum corpora strato
Erigit, atque sedens pexamque, & pulchra nitentem
Induitur tunicam, dehinc pallia longa superne 50
Injicit, atque pedum circumdat vincula plantis,
Eque humero bullis clarum suspenderat enssem.

Tum

Tum veterum cepit sceptrum immortale parentum.
 Hoc gestans Danaum ad naves gressum tulit heros.
 Aurora interea celsum conscendit Olympum,
 Atque Jovi, atque aliis lucem dis nuntiat almam.
 Atrides magna praeconum voce vocari
 Imperat in coetum Danaos: mora nulla, vocati
 Adveniunt, seque affundunt, densantque frequentes.
 Nestoream primo ad navem confidere iussit 60
 Maturos aevi proceres, dehinc talia fatur
 Consilium exorsus: Laetas advertite mentes,
 O focii. placida stratus cum nocte jacerem,
 Umbra levis caelo adveniens mihi visa, decorum
 Corpus, formam, habitum similis tibi, maxime Nestor:
 Atque caput supra stetit, & mihi verba locuta est
 Ipsa haec, quae refero: dormis Atrida? supremum
 Tota nocte ducem placido indulgere sopori
 Non decet, uni omnis rerum cui credita summa.
 Ergo audi: venio Jovis huc tibi nuncius; ille 70
 Aequus amat nam te, caelo & miseratus ab alto est.
 Ac jubet exorta festinum huc comatos
 Instruere ad pugnam toto de litore Achivos.
 Ampla etenim Trojae capies jam moenia. discors
 Ante, deum nunc haud variat sententia; cunctos
 Flexit enim precibus tandem Saturnia Juno:
 Trojanis & jam clades extrema parata est.
 Ab Jove, dicta memor fac serves. talia fata
 Avolat umbra: sopor dulcis mihi membra reliquit.
 Ergo agite, Argolicas si forte armare phalanges. 80
 Contingat, faevoque animos incendere Marte.
 Ipse prior, qua fas, mentes tentare dolosis
 Aggre-

Aggrediar cautus dictis; longoque jubebo
Defessos bello ad sedes remeare paternas:
Vos aliunde aliis verbis inhibete ruentes.

Haec postquam fatus, confedit. Maximus aevo
Litorea rex ille Pyli dehinc talia Nestor
Subjecit: Socii, Danaum regesque ducesque,
Visa sibi caeca narrasset somnia nocte

Si quicumque alius, vanus mendaxque putari 90
Quippe nec immerito, posset, spernique. sed ille
Dixit visa sibi, Grajos qui maximus inter

Sceptra gerit, regum longe optimus. ergo volenti,
Quod jubet, huc animo certatim impendite curam,
Argivae ut possint armari ad bella phalanges.

Sic ait; ac princeps coetu digressus abibat.
Confurgunt pariter, concordi & pectore cuncti
Pastori parent populorum, ac iussa capeffunt
Sceptriferi Danaum reges. Ruit agmine magno
Interea toto condensum litore vulgus. 100

Rupe cava ut quondam egrediens fluit ordine longo
Vulgus apum, supraque alias sese usque recentes
Agglomerant aliae, violasque, & lilia circum
Verna catervatim fervent examine denso:

Sic densae in coetum celsis de navibus ibant
Caeruleos propter fluctus longo ordine turmae.
Per medios se Fama Jovis fert nuncia, gressum
Illa viros celerare jubens. spissum undique vulgus
Confluit, ac magno miscent se infusa tumultu

Agmina confertim: tum pondere pressa sedentum 110
Terra gemit. gliscunt fremitus: at voce noveni
Cursantes magna praecones, parcere tandem

Clamo-

Clamori, ac dios reges audire jubebant.
Jamque adeo federe omnes, compressaque late
Murmura. tum surgehs Agamemnon pectore coepit
Haec ficto; sceptrum gestans, quod Mulciber olim
Fecerat ipse Jovi praebens venerabile donum.
Summus Mercurio donarat Juppiter, inde
Mercurius Pelopi, atque Pelops dehinc tradidit Atreo,
Diti Atreus liquit post fata extrema Thyestae. 120
Hic moriens gestare dedit tibi, magne Agamemnon;
Et patriis regnare Argis, longeque remotis
Urbibus in medio leges imponere ponto.
Hoc & tum nixus simulato haec pectore coepit:
Heroes Danaï, gens dura, invictaque bello,
Insidiis & fraude mala Saturnius heu me
Juppiter implicuit fallens. promiserat olim
Ille mihi laetos reditus post Pergama versa.
Nunc jubet indecorem, tot post male perdita Grajum
Milia, digressum ad sedes hinc ire paternas. 130
Nempe Jovi hoc placitum; nutu qui cuncta potenti
Versat agens; multas olim qui diruit urbes,
Diruet & multas rursus volventibus annis.
Turpe sed & feros hoc fando audire nepotes:
Totque viros, talesque omni bellasse diu vi,
Nil egisse tamen; tanto cum Troia pubes
Argiva inferior numero foret, omnibus actum,
Nil tamen impensis operum, longoque labore.
Nam, placeat cunctos isto si foedere utrinque
Censere, hinc Danaos, hinc Troas, quotquot in urbe 140
Indigenae; ac deni pariter sedeamus Achivi,
Vinaque Tros adstet qui denis misceat unus;

Graju-

Grajugenam desit multis, qui pocula ponat.
Usque adeo Graji Troas praestamus, opinor,
Indigenas numero. focii sed, milia multa,
Auxilio venire, hastas quassare periti;
Atque moram injiciunt, nec bello imponere finem,
Et Phrygia nos urbe sinunt, opibusque potiri.
Quippe novem evolvit jam magnus Jupiter annos:
Robora jam ratibus putrescunt, jamque rudentes 150
Solvuntur senio; interea desertaque conjux,
Et flentes pueri solis nos usque requirunt,
Credo equidem, in domibus; quos haec labor improbus usque
Exercet miseros nequidquam; cassaque vota,
Spesque ferunt rapidi vanas per nubila venti:
Verum agite, ac dicto cuncti parete volentes:
Confestim ad patrios hinc demus vela penates,
Possè capi quando spes nulla est moenia Trojae.

Sic ait, incenditque animum sub pectore cunctis,
Consilium regis vafrum quoscumque latebat. 160
Continuo immensum coepit fervere vulgus,
Concita ut Icarii tollunt se caerula ponti,
Cum Notus, atque altis de nubibus ingruit Eurus,
Ingentesque cient vesano turbine fluctus.
Ac veluti densam Zephyri cum flabra superne
Impulerunt segetem, prono se vertice spicae
Inflexere, undat crebro seges horrida autu.
Sic magno tot densa urgent se milia motu.
It clamor caelo ad naves & curva ruentum
Litora: sub pedibus densa caligine pulvis 170
Tollitur: aura sonat laetis hortatibus. altas
Arripiunt, certantque citi deducere puppes,

Atque

Atque cavas purgare vias, & fulcra carinis
Demere. late ingens confuso murmure gliscit
Vox inde ad patrias properantium solvere sedes.

Tunc adeo fatum violans Argiva redisset.
Pubes, Juno foret ni sic affata Minervam:
Heu, Jovis aegifoni proles Tritonia, ponto
Sic fugient nondum maturo tempore Graji?
Atque decus magnum Priamo, Phrygibusq; relinquent 180
Argivam defessi Helenam? quam propter Achivum
Milia tot, patrio tam longe a limine, in atro
Strata sub Iliacis jacuerunt pulvere muris.
En age testa patris linquens pete castra, disertis
Quemque virum & verbis inhihe dea, qua licet, altas
Nec finito a curvo deduci litore puppes.

Sic Juno; paret cui Pallas, lapsaque caelo
Se celeri nifu naves prope sistit Achaeas.
Heic Laertiaden prudenti pectore, magno
Diva Jovi similem nacta est. in litore stabat 190
Heros, nec puppim attigerat, sed corde premebat
Sub tacito ingentes turbato pectore curas.
Quem prope stans dulci sic voce affata Minerva est.

O Laertiade. solerti mirus Ulyssa
Ingenio, placet ergo cavas conscendere puppes;
Molirique fugam? Priamo, Phrygibusque relinqui
Argivam placet ergo Helenam? quam propter Achivum
Milia tot, patrio tam longe a limine, in atro
Strata sub Iliacis jacuerunt pulvere muris.
Quin age, rumpe moras: turbae te immitte, virumque 200
Dulce loquens cohibe. studium, fedaque pavorem,
Nec finito a curvo deduci litore puppes.

Sic

Sic ait: ille deae vocemque & verba loquentis
Agnovit. rumpitque moras, mollemque reducens
Dejicit ex humeris laenam; quam praeco jacentem
Sustulit Eurybates Ithacesius, atque ferebat
Pone sequens. cursu rapido sed concitus heros
Obvius Atridae venit, sceptrumque paternum,
Gestamen populis sacrum & venerabile, cepit
Ipsius e manibus. quod gestans inter Achaeas 210
Hac illac agilis cursat per litora puppes.
Tum si quem turba in magna regemve, ducemve
Nactus erat, blandus verbis retinebat amicis.

O bone, quid trepidas? non te, decet esse paventi
Affimilem: tacitus paullum confide, tuique
Fac tecum sedeant. nondum scis, magnus Atrides
Quid velit, ac tacito volvat sub pectore: tentat
Nunc ille, iratus mox idem laedet Achivos.
Consilio ignotum est multis quid dixerit ante
In procerum? & metuo ne quid struat ille malorum. 220
Regis enim furit ira gravis praecordia circum,
Cui decus eximium summus dat Jupiter omnes
Inter Grajugenas, miroque indulget amore.
His blandus, mitisque affatur prima virorum.
Nactus at ex humili quoscunque est plebe cientes
Clamorem insanum, torvus sceptroque retrorsum
Pellebat, verbisque minax terrebat acerbis.
Quin tacitus, malefane, sedes; audisque loquantur
Quidnam alii, tibi qui praestant? ignave, nec ulli
Apte res; non consilio, non utilis armis. 230
At non hic omnes regno potiemur Achivi.
Fraena malum imperii multos tractare, potiri

Et rerum: cunctis unus qui consulat esto;
 Rex unus, cui sceptrum dedit Saturnia proles
 Juppiter, & rerum soli permisit habenas.

Sic heros ibat per litus, milia perque
 Densa virum imperitans, parent, magnaue frequentes
 In coetum rursus turba fremituque feruntur.
 Magna fremunt veluti cum vasti ad litora fluitus,
 Allisaeque sonant undae, pontusque remugit. 240

Jamque adeo vulgus late confederat omne,
 Quisque suam & posito sedem clamore tenebat.
 Solus adhuc magno iactabat verba tumultu,
 Nescius ille modi, Therites; dicta proterve
 Multa & foeda levi solitus profundere lingua,
 Quae possent caussam risus praebere, jocique.
 Hic Grajos inter longe foedissimus omnes
 Venerat ad Trojam; strabus, pede claudus & uno,
 Contractis angusta humeris in pectora gibbus,
 Crine caput raro leviter modo sparsus acutum. 250

At Laertiadae, magnoque infensus Achilli
 Semper erat, contraque ambos convicia saepe
 Fuderat. Hic foedis & tunc Agamemnona dium
 Laedere gaudebat probris clamoribus: Achivi
 Circum indignantes irata mente fremebant.
 Ille autem regem dictis incescere acerbis
 Ut semel incoepit, nunquam cessabat, acutum
 Vociferans: Quid abest, quidnam tibi desit, Atrida?
 Cur frustra incusas Danaos nil tale merentes?
 Aere tibi jam plena intus tentoria; matrum 260
 Turba ingens intus lectissima, quas tibi Graji
 Largimur primo, si quam vi cepimus urbem.

Multum

Multum etiam huc aliquis Troium visne afferat aurum,
Detque tibi, gnati pretium; quem scilicet olim
Aut ego captivum, aut alius sibi duxit Achivum?
An tibi adhuc aliam Phrygia de gente puellam,
Quae placuit, duci tua vis ad septa; libido
Necdum etiam satiata mala est, nec rector in omnem
Nequitiam exemplo cessas inducere Grajos?
O fatui, o molles, o Achaides (ecquis Achaeos 270
Nam vocet?) hinc patrias cuncti solvamus ad oras
Ocyus in celsis digressi puppibus. ipse
Congestas sibi solus opes, ac ditia dona
Concoquat heic: noscat re tandem ut doctus ab ipsa.
Anne opera soleat nostra, manibusque juvari;
Ipsum, deterior multo, qui sprevit Achillem,
Vique duci eripuit, dederant quae praemia Graji.
Bile caret sed enim piger atque ignavus Achilles.
Ni foret id, postrema tibi, noxisque fuisset
Illa dies, Atrida, tuis. Convicia regem 280
Talia Thersites contra jactabat: Ulysses
Adstitit at fanti subitus; torvoque protervum
Ore tuens tales rupit de pectore voces.
Stultiloque, argutum clames licet, improbe, demens,
Desine jam, magnis unus nec regibus aude
Certare; haud ullus quo Trojae ad moenia venit
Nequior in populis, qui Atridas cunque sequunt.
Ten' maledicta decet talem tam foeda profari?
Te reditum patrias Grajis praescribere ad oras?
Quosnam fata parent reditus, qualisque futurus 290
Sit longi finis belli, res ardua dictu est,
Nota & adhuc nulli: magno maledicere Atridae

Tu tamen idcirco perstas, nec plurima cessas
 Objectare, viro tribuunt quae munera Graji
 Heroes merito: solus tu, perditte, nunquam
 Desinis immeritum foedis proscindere dictis.
 Haec adeo tibi nunc praedico; (verba sequetur,
 Atque fidem faciet jam res non tarda) furem
 Isto sicubi erit rursus deprendere pacto,
 Hoc humeris mihi ne carum caput haereat ultra, 300
 Ultra Telemachi genitor nec dicar, in ipso
 Te Grajum coetu arripiens ni pallia demam,
 Et tunicam, & quidquid vestis circumtegit artus;
 Verberibus caesum & foedis, ac multa gementem
 Ad naves inter risumque & sibila mittam.

Sic ait, & sceptro dorsumque, humerosque nitenti
 Perculit. ille autem curvo se corpore flexit,
 Effusaeque genis lacrimae, tumuitque cruenta
 Liventi vibex tergo; tum membra pavore
 Contremuit, tacitusque resedit, & ore fluentem 310
 Absterfit moesto, vultum foedissimus, imbrem.
 At Graji, quamvis curis ingentibus aegri,
 Corda tamen dulci solverunt anxia risu.
 Atque aliquis focium compellans talia fatur:
 Pro superi! Laertiadae benefacta feruntur
 Innumera: ille, manu fortis bellator, & idem
 Consilli sapiens auctor, rem jovit Achaeam
 Ut nemo: at gestis hoc anteit omnibus unum,
 Quod foedum caput, insana convicia lingua
 Ingerere adfuetum, coetu submovit Achaeo. 120
 Non erit ut rursus fatuus clamator iniqua
 Audeat in magnos opprobria fundere reges.

Haec

Haec vulgus: wafer at murorum everfor Ulyffes
In coetu furgit medio, fulgentia magna
Sceptra manu gestans. quem juxta glauca Minerva
Praeconī fimilis ſtetit, atque ſilentia late
Indixit clamans populis; ut ſcilicet omnes
Prīmique, extremique & verba audire loquentis,
Conſilium & placida quirent expendere mente.
Ille autem haec fari prudenti e peſtore coepit. 330

Infelix Atrida, omnem cui demere laudem
Feſtinant Graji; nemo ut probroſior uſquam
Rex te uno vivat poſthac, non paſta, fidemque
Exſolvunt, dederunt concordī foedere cuncti
Quam tibi, linquebant Argos cum fertile quondam,
Jurati ad patrios nunquam remeare penates
Ante, ſolo ſtraſſent captae quam moenia Trojae.
Nam, veluti molles pueri, viduaeve puellae,
Mutua ploratu indulgent, orantque reverti
Poſſe domum. Et, fateor, durum eſt procul eſſe paternis 340
Aedibus, atque angī tam longo tempore fruſtra
Optantes reditum. triſtatur ſaepe vel uno
Menſe ſua longe vivens a conjuge, ſi quem
Incluſum portu, curvaque in puppe ſedentem
Trīſtis hyems, ſaevisque tenent infeſta procellis
Aequora: at hic nobis, externo in litore longo
Implicitis bello, nonus jam volvitur annus.
Ergo, quod patriam ſpectant, iſtīque ſuorum,
Quod deſiderio moerent, nil miror Achaeos;
Nec cuiquam irarcor. ſed turpe eſt tempore longo 350
Manſiſſe, & vacuum ad patrios rediſſe penates.
O ſocī, durate, atque heic ſubſiſtite paullum,

Ipsa dum pateat re tandem verane Calchas
 Vaticinans, an falsa canat. res cognita cunctis,
 Quam memoro; testes cuncti, fatalia vitae
 Queis nondum tristes ruperunt flamina Parcae.
 Quippe olim, atque adeo nuper; cum se Aulide Graiae
 Denfarent puppes Priamo, Phrygibusque ferentes
 Exitium; ad fontem fierent cum sacra virenti
 Sub platano, purae qua sese illimis agebat 360
 Rivus aquae; monstrum confestim apparuit ingens,
 Convertitque oculos ad se, tremefactaque corda.
 Namque draco horrendus, magni quem rector Olympi
 Miserat in lucem, squama fulgente, cruentis
 Et dorsum insignis maculis, prorepst ab ara;
 Tum celeri platanum lapsu petit efferus. illic
 Passeris in summo ramorum vertice pulli
 Implumes octo sub densa fronde latebant,
 Nona parens nidum servabat. protinus atro
 Stridentes querula nequidquam voce voravit 370
 Ore draco; mater circumvolitabat acutum
 Lugens, lugentem trepida ferus arripit ala,
 Postremamque vorat. post haec, mirabile visu,
 Immanem durum in lapidem Saturnius anguem
 Induit, obriguit mutatis artibus ille;
 Nos animi attonitos circum stupor altus habebat,
 Haec sacris visa in mediis portenta deorum.
 Tum Calchas prompsit veraci has pectore voces
 Vaticinans: Nam cur muti sic statis, Achivi?
 Hoc Jovis augurium, ferum, feroque futurum 380
 Eventu; at cunctis clarum, & memorabile in oris,
 Passeris ut pullos octo, nonamque voravit

Ipsam

Ipsam etiam serpens matrem, sic Pergama circum
Et nobis totidem bellandum haec monstra per annos
Portendunt: urbem decimo vastabimus anno.

Haec vates: matura suo quae tempore jam jam
Omnia complentur; tantum perstate volenti
Heic alacres animo, bello quassata bilustri
Pergama dum noster subvertat denique Mavors.

Sic ait: ingenti verum clamore probarunt 390
Consilium Danaï; puppesque & litora laeto
Laudantum fremituque virum, plausuque resultant.
Tum senior surgitque, ac fatur talia Nestor

Pro superi! idne viris dignum? garrire sedentes
Incaustum, atque diem vanis consumere verbis,
Mollibus assimiles pueris, quois ludicra cordi,
Nulla & adhuc mentes armorum cura fatigat?
Quo nobis jurata fides, quo foedera fuso
Sancta mero, dextraeque datae, curaeque virorum,
Et consulta ibunt? haec hauserit omnia tandem, 400
Hauserit, ac tenues in fumos verterit ignis?

Heic etenim clamore leves certamus inani,
Consilii quidquam nec sani extundimus. At tu
Propositumque urge constans, Atrida; iubeto
Ocyus & Grajos armari ad praelia, solus
Frustra tabescat finito, longaeque remotus
Communi a coetu sibi consulat unus & alter.

Qui tamen efficient, faciant licet omnia, nunquam,
Ante domum ut patriam, natosque petamus Achivi,
Quam pateat promissa, dedit quae Juppiter olim 410
Falsa ne sint, an vera magis. namque annuit ipse,
Cum puppes Danaï scandebant fata ferentes

Trojugenis, dextra caeli e regione coruscum.
 Fulgorem ostendens, laetum solventibus omen.
 Ergo, viri, patrias nemo festinet ad oras
 Ante, aliquam Troum quam secum abducere nuptam
 Contigerit victori; hosti quam digna rependat,
 Proque Helenae raptu, ac gemitu poenam irroget aequam.
 Sin aliquem insanus tamen ad sua tecta reverti
 Ardor agit, puppim tangat modo, corpus acuto 420
 Confossus ferro prior omnibus ut petat Orcum.
 Tu, rex, quid poscat res per te consule, & aequus
 Audi alium si quid dicet. quod dicere mens est
 Nunc mihi, & audiri dignum, dignumque probari est.
 Cum primum aeratas mittes in praelia turmas,
 Instrue sic, ut quaeque tribus, & curia quaeque
 Impermixta aliis, discretaque tendat in hostem.
 Hoc tibi si fieri placeat, nec mente repugnet
 Indocili, jussisque obstat sententia Grajum,
 Quis dux ignavo, seu miles pectore, contra 430
 Quis forti, nosces: pugnabit namque caterva
 Per se quaeque: etiam nosces obstantibus an dis
 Sterni Troja solo nequeat, male forte virorum
 An pectus variique obsit mens infcia belli.

Haec Nestor: mirans cui talibus infit Atrides.
 Magne senex, omnes & nunc, ut semper, Achivos
 Eloquio dulci, prudenti & pectore vincis.
 O utinam, divum pater, & Tritonia Pallas,
 Arcitenens & Phoebe, decem mihi Nestoras omni
 Argivum in numero nancisci fata dedissent. 440
 Quippe brevi manibus nostris, & Marte secundo,
 Urbs Priami regis capta, atque eversa jaceret.

Lusti-

Luctibus implicuit sed me Saturnius, inque
Impulit heu rixas & jurgia vana; puella
Qui super, invicto coepi contendere Achilli,
Iratisque prior verbis odia aspera movi.
Quod si iterum sentire eadem socialiter, & si
Conspirare animis detur; non ulla ruinam
Res queat Iliacis praesentem avertere muris.
Nunc ite, ac victu firmate ad praelia vires. 450
Hastam acuat sibi quisque; tegat quo corpora, scutum
Aptet; pernices apponens hordea large
Curet equos, currumque ex omni parte volucrem
Sedulus exploret, saevo & paret omnia bello,
Tota ut luce acri pugnemus Marte. laborem
Nulla quies longum sistet prius, atra cruentae
Qua finem pugnae multa nox afferat umbra.
Largifluo ingentis clypei sudore madebunt
Lora udum circa pectus; quassata labore
Hasta manum longo gravis atteret; & juga subter 460
Spumaque, eruptoque fluent sudore jugales.
Si quis erit quem se durae subducere pugnae,
Et videam ad naves lentum cessare, ferisque
Alitibus, canibusque actutum praeda jacebit.

Sic ait; at magnus laudantum clamor ad auras
Ibat: ceu strepitu horrifono fremit unda furenti
Acta noto in scopulum, discordibus incita ventis
Prostantem assiduo quem pulsant caerula fluctu.

Confurgunt, laetique meant per litora, curvas
Et puppes; passim sumus tentoria supra 470
Erigitur; properantque dapes, & corpora curant.
Nec minus & magnis, ut cuique est copia, divis

Sacra

Sacra ferunt aliis alii, votisque precantur,
Eripiant leto sese bellicae labori.

Interea ingentem taurum mactabat Atrides

Rite Jovi, pinguem, quinquenni aetate vigentem:

Et primos Danaum, misso praecone, vocarat

Ad sacrum procères. ante omnes Nestor, & altus

Idomeneus, post hos gemini, duo germina Martis,

Ajaces, quintus Tydides, sextus Ulysses,

430

Consiliis magno non impar ille Tonanti,

Acciti venere. bonus bello Menelaus

Aduit ipsa ultro sacrum ad commune, dapisque.

Hi falsas manibus fruges cepere, juvencum

Et prope constiterunt hinc atque hinc. lumina caelo

Extulit, atque orans Agamemnon talibus infit:

Juppiter altitonans magni regnator Olympi,

Ne prius occiduas Titan se condat in undas,

Quam Priami vertamque solo regalia tecta,

Incendamque fores infestis ignibus altas,

490

Hectoreum & circa pectus thoraca rigentem

Aere secans scindam; praeceps & plurima circum

Regem turba suam terram petat ore cruento.

Sic ait: at voto Saturnius abnuat: ille

Sacra probans, luctumque tamen clademque parabat.

Tum fruges jaciunt falsas, cervice reflexa

Ingentem & taurum jugulant, ac tergora costis

Deripiunt, ferroque secant femora, atque plicantes

Omento involvunt pingui, mox deinde resecta

Omnibus e membris imponunt frustra, sacroque

500

Cuncta adolent igni. tum pinguis viscera torrent

Fixa veru. Haec postquam gustarunt rite frequentes,

Secta

Secta minutatim fixerunt cetera longis
 In veribus, curantque dapes, laetique paratis
 Vescuntur, structisque agitant convivia mensis.
 Postquam exempta fames epulis, & vina quierunt,
 Talia facundo Nelides incipit ore:

Non opus heic segnes longo sermone morari,
 Nec differre, deus quae spondet laeta, dabitque.

Surgamus: cogi praeconum voce frequentes 510
 Tuque, Atrida, jube populos in litore, nosque
 Ibimus hinc turmas hortari ad bella, morasque
 Tollere, & indomito mentes incendere Marte.

Sic ait: extemplo monitis at paruit ille;
 Ingentique jubet Grajos per litora passim
 Ocyus ad bellum praeconum voce vocari.
 Ast alii interea densa inter milia reges
 Festinant, acuuntque iras, turbamque coercent
 Discretam ordinibus certis. Tritonia Pallas
 It simul, horrificam & gradiens gerit aegida, mirae 520
 Artis opus, senique expertem, & viribus aevi
 Indomitam, centena auro quam fimbria squalens
 Totam obit, ac pulchro nexatur plurima plexu,
 Quaeque boves pretio centenos apta mereri.
 Hanc gestans Grajum vulgus dea magna ruebat
 Per medium, tardasque ciens in praelia turmas,
 Vimque animo inspirans; pubes ut tota furore
 Acta novo duri cuperet certamina belli.
 Jam domus oblito cessit de corde, penates
 Et patrii; coepit reditu Mars dulcior esse. 530
 Montis ut ingentem cum flamma in vertice silvam
 Corripuit, longe percellit luce tuentum

Clara

Clara oculos: fulgor gradientum ex aere profusus
Sic Danaum sese caeli ad convexa ferebat.

Ac veluti densae volucres, seu plurimas anser,
Sive grues, longo seu dulces gutture cyeni,
Asia se glomerant placidi per prata Caystri,
Exsultantque alis, magno & clangore sequentes
Usque vocant focias; circum stagna humida late,
Herbosaeque sonant ripae: sic agmina curvas
Linquebant puppes, celsa & tentoria, seque
Fundebant campo Phrygii prope nota Scamandri
Flumina. cornipedum pariter, pariterque virorum
Sub pedibus terra horrendum tremefacta sonabat.

540

Jamque adeo prato in florenti milia densa
Constiterant; quot vere novo fragrantia surgunt
Germina, luxuriat foliis quot mollibus arbor.
Confertim in caulis verno ut se tempore muscae
Conglomerant, cum plena madent mulctralia lacte;
Planities in magna sic stabant agmine Graji
Conferto, cupidi vastare, ac perdere Troas.
Illos, caprigeni ut pecoris per pascua mixtos
Laeta greges facili secernunt arte magistri;
Ordinibus sic discretos in praelia certis
Disponunt reges. quos inter primus Atrides,
Ille oculosque, caputque Jovi, cum fulmina torquet,
Assimilis; Marti fulgentis pondera bathei;
Pectora Neptuno. praestanti corpore qualis,
Incedens armenta inter sese arduus effert
Taurus in heroum numero tum Juppiter omni
Atridae talem formae ipse afflavit honorem.

550

560

Dicite nunc, Musae, caeli stellantia tecta

Quae

Quae colitis, (vobis divae nam cernere cuncta ,
 Cuncta audire datum est, nobis ignota, levique
 Murmure vix tenuis famae demissa per aures)
 Grajugenum quinam Trojana ad moenia reges,
 Quique duces venere. ipsum numerare virorum
 Nam quid ego coner, vel nomine dicere vulgus?
 Non mihi si linguae denae sint, oraue dena,
 Nescia si frangi sit vox, & pectus ahenum; 570
 Ni, Jovis aegisoni proles, florentis Olympi
 Cultrices Musae, vestra mihi voce moneri
 Contigerit, quotnam venere ad moenia Trojae
 Sacra viri. Aggrediar nunc at memorare carinas,
 Atque duces tantum, quos quaeque secuta carina est.

✠ ✠

NUMERUS NAVIUM

SIVE BOEOTIA.

MArtia Boeotum digressa e pinguibus oris
 Agmina Peneleusque, & Leitus acer agebant,
 Arcesilausque, Prothoenorque, Cloniusque;
 Qui Graeamque, Hyriamque colunt, Mycalestiaque arva,
 Schoenumque, Solumque, & celsis Aulida faxis,
 Thespiamque, jugis Eteoni atque edita in altis
 Moenia; qui circa Ilesium; quique Harma, & Erythras,
 Hylenque & Peteona tenent, Eleonaque, Copas,
 Ocalean, Medeona, Eutresin, moenia Thisbes
 Editaque, & pavidis circum lustrata columbis.

Quique

Quique Coroneam, quique herbiferam Haliartum,
 Quique Plateam habitant, qui Glissan, quique Hypothebas,
 Onchestumque, sacrum Neptuno qua nemus horret,
 Nissamque, & laetis foecundam vitibus Arnen,
 Atque Mideam, atque extremis Anthedona in oris.
 His quinquagenae puppes; in quaque feruntur
 Bis sexageni puppi, Boeotia pubes.

At quos Aspledon populos, Minyeaque misit
 Orchomenus, fratres gemini, duo germina Martis,
 Aescalaphusque ferox, & Ialmenus asper in arma 20
 Suscitavit. antiquis Azidae hos Actoris olim
 In domibus virgo Astyoche penetralia scandens
 Edita furtivos Marti congressa creavit.
 Ter denae his ponti fulcabant caerula puppes.
 Phocros Schediusque, & Epistrophus instruit, ambo
 Naubolidae Iphiti claro de sanguine creti;
 Qui Pythona viri montosam, qui Panopea,
 Daulidaeque, & Crissae qui moenia sacra colebant;
 Quique Anemorean, & Hyampolin, & Cyparissum,
 Cephissi & ripas, vicinaque rura tenebant, 30
 Claram & Cephissi non longe a fonte Lilaeam.
 Hos quadragenae puppes in bella secutae.
 Qui simul ac patrias rite instruxere phalanges,
 Boeotum ad laevam se dux armabat uterque.

Impiger at Locros Ajax ducebat Oilei;
 (Ille minor, longe ille minor, quam mole superbus
 Membrorum ante alios omnes Telamonius Ajax:
 Sed parvus, linoque levem thoraca pusillis
 Artubus indutus, longe tamen optimus idem
 Hastam inter cunctos validam tractabat Achivos) 40
 Qui

Qui Cynumque tenent; Opoentaque, Calliarumque,
Bessamque, Scarphenque colunt, pulchrasque Augeas,
Tarphenque, Throniumque Boagria flumina circum.
Ille quaterdenas Locrorum, quæis domus ultra
Euboeam, Trojana egit sub moenia puppes.

At colit Euboeam quæ pubes fortis Abantum,
Chalcidaque, Eiretriamque, & vitiferam Histiaeam,
Litoream & Cerinthum, atque alti moenia Dii,
Quam Styra miserunt bello, quam clara Carystus;
Martigena hanc audax Elephenor ducit in arma 50
Chalcodontiades, quem spirans robur Abantum
Gens sequitur, summo retrorsum a vertice fusa
Caesariem, & circa pectus thoracas ahenos
Fraxineis alacris perrumpere cominus hastis.
Ille quaterdena transiniferat aequora puppi.

Tum quos Palladiae misere ad praelia Athenæ,
Ille ubi magnanimus quondam regnavit Erechtheus;
Alma solo tellus quem vitæ fudit in auras,
Inque suo eduxit gremio puerilibus annis
Nata Jovis, templo in pingui statuitque, Minerva; 60
Sacra ubi Erechthidae celebrant solemnia, divam
Et tauris, agnisque colunt volventibus annis:
Hos ducit Petei clara de stirpe Menesteus,
Cui par terrigenas inter nemo exstitit unquam
Aut peditem, aut equitum bello disponere turmas.
Solut certabat Nestor, longa ille senecta
Scilicet, ac vario bellorum doctus ab usu.
Huic quadragenæ fulcabant aequora puppes.

Bissenas egit puppes Salaminus Ajax,
Subduxitque locans ubi curvo in litore stabant 70
Actæae

Actaeae claro fulgentes aere phalanges.

*At qui Argosque viri, & Tirynthia moenia linquant,
Hermionen, Asinenque, altum quas alluit aequor,
Troezena, Eionasque, & vitiferam Epidaurum,
Aeginam, & Maseta; bonus bello Diomedes
Hos agit, ac Stenelus Capanei; similisque deorum
Ingens Euryalus Mecistei regia proles,
Mecistei Talaionidae, dux tertius ibat.
Omnibus at princeps Diomedes imperat acer.
Hos octogenae puppes in bella secutae.*

80

*At quos praeclaræ juvenes misere Mycenae,
Atque Corinthus opum dives, pulchraeque Cleonae,
Orniaeque, & Araethyrea, & Sicionia tellus,
Primus ubi Adrastus sceptris, folioque potitus,
Quique Hyperesian, celsamque colunt Gonoessan,
Pellenenque tenent, atque Aegion, & maris oram
Late omnem, atque, Helicem quae cingunt, pinguis rura;
Horum centenis regum rex ipse carinis
Imperat Atrides Agamemnon; plurima pubes
Cui Grajum, atque omnes inter longe optima paret. 90
Ille autem, fulgens armis, atque aere corusco,
Exsultatque animis; magnosque it maximus inter
Heroas; laetusque sua virtute, suorum
Et numero ingenti, praestanti & robore gaudet.*

*Qui magnam liquere cavae Lacedaemonis urbem,
Pharenque, Spartamque; & Messæ grata columbis
Moenia, Brysiasque colunt, pulchrasque Augeas,
Quique Helos, atque Laan, quique Oetilon altum, & Amyclas;
Hi sexagenas denso implent milite puppes:
Quas Agamemnonius frater ducit Menelaus*

100

Impf-

Impiger, atque armat feorsum, nec cessat in hostem
Hortari, cupiens uxoris primus abactae
Raptumque, & longos ulcisci Marte dolores.

Inde Pyli, Arenesque viri qui moenia linquunt,
Atque Thryum Alphei structum vada propter, & Aepy,
Et Cyparissenta, & belligeram Amphigeniam.
Et Pteleon, & Helos, & celsum Dorion; olim
Nactae ubi Threicium Thamyryn, dum forte redibat
Oechalia ex alta, tua linquens Euryte regna,
Musae divina spoliarent carminis arte. 110

Quippe etenim demens ventosa dicere lingua
Ausus erat, secum dulci si carmine Musae
Certarent, ipsas victurum carmine Musas.
At divae, aegifoni proles Jovis, eruta vati
Luminaque iratae abstulerunt, artemque canendi;
Ut citharamque, modosque omnes oblitus, in atra
Conditus insanum defleret nocte furorem.
Acer equis Nestor Trojae sub moenia gentes
Duxerat has novies denis in bella carinis.

Arcadium sed quae sub vertice Cylleneo 120
Epytium colit ad tumulum Mavortia pubes;
Qui Pheneum, Ripenque tenent, gregibusque frequentem
Orchomenum, Stratiemque, & celsae culmen Enipfes
Ventosum, qui Mantineam, Stymphalon, & altam
Parrasien; hos sexdenis Agapenor agebat
Navibus, Ancaeï fortis regno incluta proles.
Condensæ curvis venere in puppibus, aere
Fulgens, atque artes belli omnes docta juvenus;
Ipse viris puppes firmo quas robore structas
Miserat Atrides, pontum ut transmittere possent. 130

Tom. 2.

D

Absunt

Abfunt namque mari, nec cordi nautica res est.

At qui Bupraſium, quique Elidos arva colebant,
Quos Hyrmine agros, & Myrſinus ultima, vaſto
Olenia & rupes, & Alifion orbe coercent:

Quattuor his reges praefunt, denaeque fequuntur
Regum quemque rates, quas pubes complet Epea.
Amphimacus ducit primas, & Thalpius acer,
(Huic Cteatus pater, Aetorides pater Eurytus illi)
Inde Amaryncides ducit validus Dioreſ,
Quartus agit tum deinde Polyxenus ille deo par, 140
Rex Augeiada prognatus Agastene rege.

At qui Dulichiumque, & Echinadas, Elida contra
Ardua ſaxa mari magno circumſlua, linquunt,
Hos agit ille Meges Marti par, inclytus armis,
Phylides. genuit quem Phyleus optimus, olim
Dulichias patrem fugiens cum venit ad oras.
Hunc quadragenae puppes in bella ſecutae.

Inde Cephalenum pubem ducebat Ulyſſes
Magnanimam, quos ſaxa Ithacae, quos Neritos umbra
Horrenti e nemorum mittit, Crocyleaeque tellus; 150
Quae Samon, Aegilipa & praeruptam, quaeque Zacynthum,
Epirumque colunt, adverſaque litora gentes.
Imperat his, qui mente Jovem catus aequat, Ulyſſes.
Biſſenas minio pictas agit ille carinas.

Aetolos agit inde Thoas Andraemone cretus,
Qui Pleurona colunt, quique Olenon, atque Pylenen,
Chalcida & undiſonam, Calydonis & aſpera ſaxa.
Nemo erat Oenidum nam clara e prole ſuperſtes,
Et ſuperas flavus Meleager liquerat auras.
Huic ergo Aetolaeque acies, & credita rerum 160

Sum-

Summa: quaterdenas qui duxit in arma carinas.

Idomeneus Cretas regit heros inclytus hasta,
 Qui Gnoſſumque tenent, Gortynaque moenibus altis
 Cinctam, & Miletum, Lyctumque, albamque Lycastum,
 Phaestumque & Rhytium florentes pube virorum,
 Quosque alios misit populos Minoia tellus,
 Una sinu magno centum quae amplectitur urbes.
 Hos regit Idomeneus hasta bonus, atque cruento
 Meriones similis dura inter praelia Marti;
 Quos octogena puppes in bella secutae: 170

Tlepolemus forti fatus Hercule, fortis & ingens
 Ipse, novem duxit Rhodiorum trans mare puppes,
 Tres creti in partes qui moenia terna colebant,
 Lyndon, Ialyſſumque, foloque albente Camirum.
 Tlepolemus, bello egregium quem pulchra creavit
 Aſtyoche magno Alcylae, cum moenia victor
 Multa virum post versa a flumine Selleente
 Captivam ex Ephyra praestanti corpore duxit. 180

At puer ut viridi firmavit membra juventa
 Aedibus in magnis nutritus, forte peremptus
 Incauto est cari genitoris avunculus, aegre
 Festa trahens senio tunc membra Licymnius, olim
 Sed clarus bello, cum firma aetate vigeat.

Ergo rates, mora nulla, citas, & vela paravit,
 Ingentem & comitum numerum, fugitque per undas
 Ille Rhodum extorris, vitans irasque, minasque
 Herculeae gentis, tandem pervenit opimam
 Cum focis; tresque in partes discreta juvenus
 Legit ibi fedes: at rex hominumque, deumque 190

Jupiter eximio profugis indulſit amore, 190

Omnigenas & opes de summo effudit Olympo.

Nireus ex Syma tres ducit in arma carinas,
Nireus Aglaiae, & Charopi de sanguine regis,
Nireus, qui Danaos inter pulcherrimus omnes,
Pelida excepto, Phrygias advenit ad oras:
Sed nec fortis erat, nec magnum duxerat agmen.

Qui Nisyrum habitant populi, Crapathumque, Casumque,
Cumque Eurypyli sedem, pontoque Calydnas
In medio, hos ducunt Phidippus, & Antiphus, acri
Marte feros genuit quos Theſſalus Heraclides. 200
Horum terdenae fulcabant aequora puppes.

Dehinc juvenes, quicumque Argos liquere Pelasgum,
Atque Alon, atque Alopen, celsam & Trechina colebant,
Phthiamque, & claram formosis Hellada nymphis;
Nomine Myrmidonas dicunt, Hellenas, Achaeos.
Quinquaginta horum puppes ducebat Achilles.
Martis at horrifoni cessabat lecta juvenus
Immemor, ordinibus nec qui discerneret ullus
Dux erat errantem procurvo in litore turbam.
Ad naves tumidus nam corda jacebat Achilles, 210

Iratuſ flayam propter Briseida, multo
Olim bellator sibi quam sudore paravit,
Lyrneſſumque manu populans, & moenia Thebes;
Evenique Selepiadae duo germina, saevis
Fulmineos hastis juvenes, torvumque Myneta,
Et validum nigro demisit Epistrophon Orco.
Hanc propter longe a fociis jacet ille, furitque
Indignans: mox saeva tamen confurget in arma.

Quae Phylacenque habitat pubes, & Pyrrhason almae
Floriferam Cereris tellurem, Itonaque matrem 220

Lani-

Lanigeri pecoris, Pteleumque virentia juxta
 Pascua, litoreamque Antrona, his inclytus olim
 Protefilaus erat ductor dum vita manebat :

Tunc miserum jam terra sinu condebat in atro.

Heu miserum; Phylace in patria cui regia conjux,

Ambas illa genas lanians, incoepaque frustra

Magna domus longe digresso in bella relicta est.

Ipsam autem, primus Danaum dum litus ab alta

Defiluit in Phrygium puppi, vir fixit acuto

Dardanius telo, viridique exstinxit in aevo. 230

Nec tamen illa suo pubes ductore carebat,

Moesta ducem quamvis leto sibi fleret ademptum.

Martius aeratas cogebat in arma catervas,

Ordine quamque suo disponens rite, Podarces

Phylacidae Iphicli minor aevo filius alter,

Protesilae tuus frater, nec par tamen armis

Ille tibi, clarum virtute, ac fortibus oris

Quem socii memores optabant morte peremptum.

Ille quaterdenas ducebat in arma carinas.

Qui Glaphyrasque Pherasque colunt Boebeia propter 240

Stagna viri, & Boeben, & turrigeram Iacolcon,

Undenis horum dux ibat puppibus acer

Filius Admeti Eumelus, quem dia creavit

Admeto Alcestis Peliae pulcherrima proles.

At quos Methoneque viros, atque aspera Olizon,

Taumacieque, acres bello, Meliboeaque misit,

Puppibus in septem (delecti quamque sedebant

Quinquageni intra puppim) bonus ille sagitta,

Affuetos aequo certo sua mittere ab arcu

Tela, Philoctetes patriis abduxerat oris. 250

Ille sed in sacra Lemno sub rupe jacebat
 Aequeorea, taboque fluens, diramque dolorum
 Vim patiens: illic saevi nam dente colubri
 Fixum olim, ac tetro spargentem faxes cruore
 Liquerunt regem Danaï: sed tempore eundem
 post parvo memores, conversa mente, requirunt.
 Nec tamen illa, suo quamquam ductore carebat,
 Turba duce Iliacis nullo bellabat in oris.

Quippe Medon it per medios, atque instruit agmen
 Pulchra nothum forti quem Rhena eduxit Oileo. 260

Qui Triccenque habitant, & Itomes ardua in alto
 Saxa jugo, Oechaliamque, ferox ubi sceptrum gerebat
 Eurytus, hos ducunt Podalirius, atque Macaon,
 Asclepi genus, ambo insignes arte medendi.

Terdenae his ibant pulchrae longo ordine puppes.

Quae colit Ormenium pubes; fontemque Hypeream,
 Asteriumque tenet, Titanique albertia faxes,
 Hos agit Eurypilus Evæmonis inclita proles.
 Hunc quadragenae puppes in bella secutae.

At qui Gyrtouenque viri, Argissamque colebant, 170
 Ortenque, Elonenque, albisque Oloossana muris,
 Instruit hos in bella bonus bello Polypoetes,
 Pirithoi proles, Jovis alto a sanguine creti;
 Pirithoo peperit quem nobilis Hippodamia,
 Ille feras ultus qua victor luce bimembres
 Egit ad Aethicæ fines a Pelio alto.

It comes huic Martis clara de gente Leonteus,
 Magnanimi proles Caenidae invicta Coroni.
 Hos quadragenae Trojam advexere carinae.

Inde bis undenas Trojana ad moenia puppes 280

Ille

Ille Cypho adveniēns agit acri remige Guneus.
 Hunc Enienes, & armigēri, genus acre, Peraebi,
 Frigida quiquē habitant Dodonae rura, sequuntur,
 Quique colunt pingues campos, & amoena vireta,
 Quae secat, ac lenta Titaresius alluit unda;
 Pulchra fluens qui se Penei devolvit in alveum,
 Nec tamen & vitreis usquam confunditur undis,
 Sed natat in morem liquidi suspensus olivi.
 Quippe etenim Stygli pars dicitur esse fluenti,
 Quod metuant magni jurare, ac fallere divi. 290
 Magnetas Prothous Tentredone cretus agebat,
 Qui saltusque tenent virides Peneia circum
 Flumina, frondosum silvis & Pelion altis.
 Huic quadragenae fulcabant caerulea puppes.

Hi Danaum regesque dūcesque in bella profecti
 Cum geminis Phrygium venere ad litus Atridis.
 Verum aliis numero quisnam praestaret in omni
 Virque, & equus, vati pigeat ne dicere, Musae.
 Eumeli Pheretiadae praestabat equarum
 Nobile par, pedibus rapidas aequare volucres 300
 Natae ambae, ambabus unus color, una erat aetas,
 Tergaque ceu tenui directa, aequataque filo.
 Pieriae has olim per saltus pavit Apollo
 Arcitenens, terrorem atrum per bella ferentes.
 Omnes mole viros, & vi Telamonius Ajax
 Praestabat longe, saevos dum corde furorē
 Irato volvens diu cessabat Achilles,
 Nullum non animis, invicto & robore vincens
 Ille, & equi regis currum cervice trahentes.
 Sed tum fluctivaga moerens in puppe jacebat 310

Atridae iratus magno: ludebat inermis
 Interea comitum manus omnis litore in ipso
 Discoque, & jaculo certans, volucrique sagitta:
 Alipedes at equi stabant vacuos prope currus
 Abiuncti; & loton segnes, apiumque palustre
 Pascebant: velis tecti de more jacebant
 Myrmidonum currus intra tentoria; moesti
 Illi hac, atque illac ibant per castra, ducemque
 Optabant frustra, saevi & certamina belli.
 Interea campis Danaum condensa ruebant 320
 Agmina, fulgentique ardentes aere catervae:
 Ut segetem cremat ingenti cum flamma sonore,
 Atque ruit late immissis Vulcanus habenis.
 Terra gemit subter. Veluti cum, saeva corusca
 Tela manu torquens, divum rex fulgurat, alto
 Et quatit in Arimnis tonitru juga celsa, Typhoeo
 Stravit ubi durum vasta sub rupe cubile;
 Vadentum sic terra virum concussa gemebat
 Sub pedibus: celeri transmittunt agmine campos.
 Iris at, aerias volucris pede lapsa per auras, 330
 Ab Jove Trojugenis venit belli, atque laborum
 Nuncia. Vestibulo in Priami juvenesque senesque
 Stabant, turba ingens, in coetum forte coacti.
 Intulit in medios huc se dea, voce Politen
 Assimulans, gnatum Priami; speculator in alto
 Qui, pedibus fretus, busto senis Aesyetae
 Sederat, observans Graji si litore curvo
 Digressi Trojae sub muros castra moverent.
 Huic similis regem alloquitur, ac talibus infat.
 O pater, usque placet longis sermonibus horas 340
 Duce-

Ducere, ceu quondam placida sub pace: nec ortum
 Esse vides durumque, & ineluctabile bellum.
 Saepe virum subii bellantum praelia miles;
 Agmina sed nunquam tanta usquam, ac talia vidi.
 Quot silvae frondes, quot praefert litus arenas;
 Tot campo incedunt urbem, ac tua regna daturi
 Exitio. Nunc, tu quod mando, protinus, Hector,
 Exequere. auxilio multi huc venere, frequentem
 Et complent urbem populi diversa loquentes
 Multimodis; nec enim lingua est mortalibus una. 350
 Horum quosque suos fac princeps instruat; unus
 Quisque suos princeps regat inter praelia cives.

Sic ait: agnovit vocem, praeceptaque divae
 Hector, concilium & solvit. mora nulla; juvenus
 Arma fremit: verso panduntur cardine postes.
 Aerati, & plenis fundunt sese agmina portis,
 Turmae equitum, peditumque cohortes: densa virorum
 Turba ruit, magno miscentur cuncta tumultu.

Est procul ante urbem procero vertice collis
 Camporum in medio; circum vasta undique sese 360
 Planities tendit; Batieam nomine dicunt
 Mortales; divi, perniciois busta Myrinnæ.
 Heic focii primum discreti, ac Troica pubes,
 Quaeque suis & sub ducibus gens rite coacta.

Troas magnus agit, galeaque it clarus ahaena
 Hector. Priamides, quem circum lecta juvenus
 Plurimaque, & longe bello fortissima sese
 Armat, fraxineis horrens globus impiger hastis.

Dardanio Anchisiades regit inclytus armis
 Aeneas, Venus Anchiae quem pulchra creavit, 370

Divæ

Diva hominem Idaeo in saltu dignata cubili.
 Aeneae comites, duo gregati Antenoris, adstant
 Archilochusque, Acamasque, ambo genus omne periti
 Armamentum tractare, omni & configere Marte.
 Qui silvosae habitant Idae lino in monte Zeleam
 Troes, & Aesepi dites de flumine potant,
 Instruct hos in bella Lycaonis incluta proles
 Pandarus. huic arcum Lycius donarat Apollo.

At qui Adrastemque, & Apaesi moenia, & altas
 Teriae linquant rupes, Pityeaeque rura, 380
 Hos duxere, duo fratres, Adrastus, & acer
 Amphius intorto protectus pectora lino.
 Queis pater ille Merops Percosius; omnia norat
 Ante alios qui fata augur praestantior omnes;
 Ire nec ad bellum gnatos lethale sinebat:
 At monitus fletusque ambo sprevere paternos;
 Quippe malae urgebant miseros in funera parcae.

At quae Percoten, & Praetion, altaque Arisbae
 Moenia, quae Sextum pubes, quae liquit Abidum,
 Armipotens bello Hyrtacides hanc Asius armat. 390
 Asius Hyrtacides a flumine Selleente
 Magnis qui ad Trojam, multo & spirantibus igni
 Vectus equis princeps e diti venit Arisba.

Hypothous praestit hastiferos in bella Pelasgos,
 Pinguia Larissae qui rura, urbemque colebant:
 Hypothous simul, atque Pylaeus, maritima Lethi
 Teutamidae proles, fratrum par nobile bello.
 Tracas agunt asperque Acamas, & Pirous heros
 Quotquot fluctifonus complectitur Hellespontus.
 Euphemus Cicotas, bello genus acro, coercet 400

Troec-

Troezeni Ceadae claro de sanguine cretus.

Pyraechmes curvo bellantes Paeonias arcu
Duxerat. hos Amydon, atque Axius educat ingens,
Axius, illi mi late qui funditur unda.

Ibant audaci sub rege Pylemene durae
Paphlagonum ex Enetis gentes, agreste repertum
Est ubi mularum quondam genus, alta Cytori
Qui, juga, montosum qui Sefamon, atque virentem
Parthenii ad ripam pulchros coluere penates,
Cromnamque, Aegialumque, & aërios Erythinos. 410

Ducit Halizonos Odiusque, & Epistrophus, aëtos
Longinqua ex Alybe, argenti fluit unde metallum.

Instruit at Myfos Chromis una, atque Ennomus augur;
Nec tamen augurio nigrae subducere morti
Se potuit, manibus domitus pernicious Achillei,
Iliacam pubem cum Xanti stravit in alveo.

Ascanius, Phorcisque Phrygas duxere feroces,
Pugnae avidos, procul Ascaniae de pinguibus oris.

Maeonas at Mesthles, atque Antiphus egit, uterque
Cara Pylemenei proles, Gygaea creavit 420
Quos, ut fama, palus. secum lidem in praelia ducunt
Magnanimos Tmolo digressos Maeonas imo.

At Nastes Caras ducebat voce loquentes
Barbarica, quotquot Miletum, atque horrida Phthirum
Lustra colunt, vada qui circum Maeandria, celsae
Et Mycales altas, nemorosa cacumina, rupes.
Hos pugnae cupidos Nastes agit, Amphimachusque;
Nastes, Amphimachusque, Nomione cretus uterque.
Hic & bella petens aurum, ceu culta puella,
Gestabat vecors; sed non arcere nitenti 430

Eva-

Evaluit mortem lamna, confossus at amne
Corruit in medio; tulit aurum fortis Achilles.

Sarpedon Lycia populos, & Glaucus ab alta
Ducebant, Xantus celer almo quam rigat amni.



H O M E R I

I L I A D O S.

LIBER TERTIUS.

Sub duce quaeque suo cum sese in praelia gentes
 Instruxere, Phryges magno clamore movebant
 Castra: gruum qualis vacuas it clangor ad auras;
 Quae, postquam fugere hiemem, nimbosque, patentis
 Oceani densae magno super amne feruntur;
 Et, vernum arctois veniens de partibus agmen,
 Pygmaeis clademque viris, & funera portant.
 Parte alia taciti spirantes robur Achivi
 Ibant, auxilium sibi mutua ferre parati.

Ut nebulam Notus offudit si montibus, ipsa 10
 Nocte magis furi gratam, pecorisque magistris
 Invisam; spatii vix prospicit ante viator,
 Quantum unus possit lapidis pervadere jactus:
 Sic pedibus subter vadentum in praelia pulvis
 Tollitur, horrescitque atra caligine campus.

Jamque adeo magis atque magis condensa propinquans
 Hinc acies atque hinc, sese ad certamina belli
 Aptarat, pugnamque invadere torva parabat.
 At Paris ora deo similis processerat ante
 Primam aciem. ille, humero pardi maculosa retorquens 20
 Terga, gerit dorso pharetramque, arcumque sonantem,
 Auratum ast enses lateri; dextraque coruscat

Bina

Bina manu longo praefixa hastilia ferro,
 Et Danaum primos vesana voce laceffit,
 Atque jubet secum forti deernere pugna.

Hunc simul ac vidit Menelaus vana tumentem
 Ire gradu magno, Troum & praecedere turmas.
 Eximium cen cum silva leo corpus in alta,
 Aut capream, aut cervum surgentem in cornua, nactus,
 Jejuno fremit ore tuens, gaudetque, vorare 30
 Et furi arreptum; non acres ille molossos,
 Non metuens juvenum clamorem ac tela sequentum:
 Sic, Parin ut vidit, Menelaus gaudia corde
 Vix capit, atque, avidus scelerato a sanguine poenas
 Sumere, desiluit curru bellator ab alto,
 Atque pedes peditum contra parat obvius ire.
 At Paris, ut vidit fulgentem insignibus armis
 Atriden Graja ex acie procurrere, visu
 Contremuit subito: percussus, nigraque vitans
 Fata, pedem retulit, sociumque recessit in agmen 40
 Pallidus. Ut gradiens dumoso in monte draconem
 Qui videt, ac retro citus absilit; inficit ora
 Pallor; membra tremunt gelido concussa pavore:
 Haud secus adpectu Menelai exterritus ille
 Trojugenum in turmas, & densa in tela refugit.
 Hektor at haec cernens, non irae parcere, voci
 Nec potuit; dictis fratrem & proscidit acerbis.
 Foede animum, faciem pulcher Pari, mollis, amator,
 Docte malas tantum nuptis componere fraudes,
 Debueras nunquam vel nasci, fata subire 50
 Vel puer, ac primo caelebs extinguier aevo.
 Id vellea, & satius multo foret, omnibus isto

Quam

Quam praeberè modo Grajis risum, atque cachinnos.
Nam certe, ut formam videre, habitumque, putarunt
Eximium ante alios ferri, multisque futurum
Exitio: enervem nunc te sensere, suumque
Errorem, ac vanos laeti rifere timores,
Tamne igitur mollis metiri classibus aequor
Audebas, turba comitum stipante, domosque
Externas temerare, Apiaque abducere terra 60
Belligeræ nuptam gentis; populoque, patrique
Triste tuo exitium, magnum & tibi dedecus ipsi.
Quo fugis? Atriden paullum consistere contra
Ne pigeat. nosces quæ tecum est foemina, quali
Nupta viro fuerit: nosces; nec plectra, sonantes
Nec citharae, Veneris nec munera grata, madensque
Caesaries myrrha, facies nec pulchra juvabit,
Cum stratus volvere cruento in pulvere. Troes
At lentî nimium, & faciles, timidique; jaceres,
Ni foret id, lapidum nimbo superobrutus, & jam 70
Tot patriæ lueres scelerato sanguine damna.
Cui Paris: Objurgas me quando jure, quid, inquit,
Irascar? sed enim tibi cor sub pectore firmo est
Indomitum. findens lignum ut navale securis
Dura subit, dextramque viri juvat incita, robur
Usque augens: sic dura tibi, sic nescia flecti
Mens viget, haud ullis unquam concussa periclis.
Ne mihi dona tamen, quæ contulit aurea Cypris,
Objice. dona deum nulli spernenda. faventes
Quæ præbent superi, fatua quis mente recuset? 80
Nunc, si me bellare jubes, ac tendere in hostem;
En age fac sedeant Teucrique; Argivæque pubes.

Solutus

Solus ego in medio, Mavortius & Menelaus
 Deque Helena, & cunctis opibus pugnabimus acri
 Marte. utri tandem cedet victoria, gazam
 Ille omnem, thalamosque Helenae sibi laetus habeto.
 Arma alii, atque iras ponent: ac, foedere pacto,
 Vos Trojae muros, ac pingua rura coletis;
 Illi Argos longe in patrium, & sua tecta redibunt.

Haec Paris: auditis gaudet sermonibus Hector: 90
 Et volat in medium laetus, Troasque ruentes,
 Transversam opponens, bellator continet, hastam.
 Consistunt omnes, ut jussi, ac scuta reclinant.
 At parte ex alia faxis, crebrisque petebant
 Missilibus visum Danai: sed major Atrides
 Exclamans turbam compressit voce furentem.

State, viri: cohibete iras, & parcite ferro:
 Dicere cristatus quiddam parat omnibus Hector.
 Sic ait: imperio parent, vocemque manusque
 Continuere viri; coepit cum talibus Hector: 100

Audite, o Troes, Danaique, haec, dicere mandat
 Quae Paris, ille caput, belli fons ille nefandi.
 Ponere tela jubet pariter Troasque, & Achivos;
 Sese ait in medio cum belligero Menelao
 Deque Helena, & cunctis opibus certare paratum.
 Utri laeta feret palmam victoria, gaza
 Hunc omni, atque Helenae taedis, thalamoque potiri;
 Foedere nos pacto jungi, ac secedere ab armis.

Talia Priamides; arrectis turba fitebat
 Auribus, atque animis. Menelaus talia contra. 110
 Me quoque, Grajugenae, Troesque, audite, molestus
 Quem dolor hic tangit praecunctis, quique dirempta

Vestra

Vestra velim tandem certamina. Multa tulistis
Nanque mala ob rixamque meam, Paridisque nefandum
Ob scelus, unde omnis nata haec discordia primum est.
Nunc utri sua fata necem, divique pararunt,
Occidat: immani vos finem imponite bello.

Ite, agnos, Teucris, ferte; albi velleris agnum,
Atri agnam, Soli, ac Terrae: nos parte feremus
Ex alia, quae rite deum cadat hostia regi. 120

Praeterea huc Priamum duci volo, juret ut ipse
Cuncta senex, ne magna Jovis quid foedera turbet.
Gnati etenim haud metuunt divos violare, fidemque;
Et levis est, fluitansque suo sinu pondere nutat
Mens juvenum. cum pacta senex componit, utrisque
Consulit ille, tuens quod rerum est ante, retroque.

Sic ait; at Graji laeto, Troesque probarunt
Dicta simul fremitu, tristisque imponere bello
Sperabant longo tandem post tempore finem.
Ergo citos retro bijuges egere; locarunt 130
Et vacuos campo in viridi longo ordine currus;
Armaque deposuere humeris, juxtaque reclinant
Densa solo: in medio pars agri parva relicta est.

Tum geminos Hector praekoncs mittit in urbem,
Atque jubet ferrique agnos, Priamumque vocari.
Nec minus ad naves Agamemnon currere jussit
Talthibium, ac portare agnum: paret citus ille,
Contentoque volans cursu praecepta faceffit.

Iris at interea celeri pede nuncia venit
Missa Helenae; illa genas, habitumque, & verba forori 140
Hectoreae similis, Priami quae pulchrior omnes
Vincebat longe gnatas, Helicaonis uxor

Tom. I.

E

Laodi-

Laodice . haec Helenam tectis invenit in altis ,
 Dum pulchro ingentem pingit subtemine telam ,
 Intexens operi , quos Graja , & Dardana pubes
 Ipsius ergo habuit duro sub Marte labores .
 Quam prope stans Iris blanda sic voce locuta est :

Nympha , veni , rerum ut videas miranda . ruebant
 Qui modo per campos , avidi committere pugnam ,
 Troesque , ac Danaï , subito sedere quieti : 150
 Arma silent , clypeis acclinant corpora , juxta
 Graminea tellure hastas fixere trementes .
 At Paris in medio , Mavortius & Menelaus
 De te pugnabunt . uter utrum vicerit armis ,
 Illum perpetuo conjux addicta sequere .

Sic ait ; ac Nymphae succendit corda parentum ,
 Atque viri , & patriae dulci telluris amore .
 Nec mora , tecta caput lino candente , relinquit
 Foemineum penetrare ; atque alto e limine , obortis
 Uda oculos lacrimis , processit ; pone secutae 160
 Sunt dominam geminae forma praestante puellae ,
 Pulchros ampla oculos Clymene , Pittheis & Aethra .
 • Confestim Scaeae venere ad limina portae .
 Heic Priamus , patresque alii , Panthufque , Thymoetesque ,
 Et Lampus , Clytiusque , Hicetaon clarus & armis ,
 Ucalegonque , ac Antenor , bonus auctor uterque
 Consiliis , procerum primi , de more sedebant
 Moenibus in celsis ; longo jam debilis aevo
 Turba , & iners bello ; sed coetu arguta coacto
 Promere suavidicas facundo e pectore voces . 170
 Quales per silvam , densa & virgulta sedentes
 Arborea dulces cantant sub fronde cicadae :

Tales

Tales dardanii próceres praecliffa tenebant
Moenia, turris ubi fe caeli attollit in auras
Ardua. quo celeri feftinam evadere greflu
Ut videre Helenam, fubmiffa haec dicere voce
Mirantes inter fe fe coepere: Puella
Pro tali haud mirum Troas, Grajosque labores
Ferre diu tantos, pulchro quae morte carentes
Ore deas aequat: fed enim vel talis Achaeas 180
Puppibus in celfis procul hinc decedat in óras;
Nec nobis, gnatisque malam ferat improba peftem.

Haec alii: at Priamus venientem comis amica
Voce vocat: Propius me accede; heic, filia, mecum
Confide; ut veterem fponfum, carosque propinquos,
Et notos videas. non tu lacrimabile bellum
Hoc mihi fers, magni fed laevo numine divi.
Huc ades, atque doce, qui denfos inter Achivos
Ille vir incedit, vultuque habituque verendus
Ante alios, quisnam eft? prócero vertice funt qui 190
Altius attollant fe fe; nec tempore in ullo
Ipfe tamen vidi quemquam, cui tanta decoro
Fulferit in vultu majeftas, formaque totum
Ornat corpus tanto regalís honore.

Demiffit mulier vultum pulcherrima, & alto
Corde trahens gemitum: focer o venerande, mihi mors
Illa utinam miferæ placuiffet luce, tuum qua
Huc gnatum comitans, thalamum, fratresque, mearum
Et dulces comitum coetus, natamque reliqui
Unigenam. haec propter cogor noctesque diesque 200
Infelix angí, largo & tabefcere fletu.
Verum age, jam, quod aves audire, ac nofcere, dicam.

E 2

Ille.

Ille vir, Atrides Agamemnon; optimus idem
Rexque, & bellator, sceptroque insignis, & hasta,
Atque meus, si forte meum fas dicere, levir.

Sic ait: at regem senior miratus; Atrida
Fortunate, inquit, felicibus edite fati,
Certe ingens numerus pubis tibi paret Achaeae.
Vitiferas Phrygiae veni olim pinguis in oras;
Atque Phrygum vidi turmas, tot milia campis 210
Densa equitum, populos Otreique, & Mygdonis, ingens,
Agmen Sangarii tendens prope fluminis alveum.
His & ego sociusque aderam, auxiliumque ferebam,
Venere infestis quo tempore Amazones armis;
Nec numero tamen illa acies aequabat Achivos.

Tum, Laertiaden cernens; Dic, inquit, & illum
Vertice qui paullo minor est Agamemnone, at idem
Latior atque humeris, atque amplo pectore, pingui
Arma solo cui strata jacent onerosa: virorum
Ipse (aries ceu villosus per ovilia plena) 220
Hac illac, magno spectandus corpore, fertur
Per cuneos, lento & figit vestigia gressu.

Haec Priamus; formosa Jovis cui nata vicissim
Pauca refert: Laertiaden, rex, cernis Ulysses,
Ingenio quem solerti, vafrumque, catumque
Ante alios, Ithaca in celsis tulit aspera faxis.

Excipit Antenor: Vera isthaec, nympa, locuta es.
Quippe, olim huc missus venit cum diu Ulysses
Te propter, flavusque una Menelaus, utrumque
Excepi hospitio, fovi & complexus amice, 230
Amborum & potui mores, ac noscere sensus.
Qui postquam in Teucros coetu venere coacto;

Cum

Cum stabant, focium procerò corpore Atrides
Vincebat; sed cum flectebant membra sedentes,
Atriden ampla specie vincebat Ulysses.

Inde, ubi coeperunt prudenti e pectore dicta
Promere, festinans Menelaus dicere amabat
Parca, sed argute, verborum haud largus, aberrans
Proposita & nusquam juvenis juveniliter ab re.

Ast ubi surgebat mirus vi mentis Ulysses, 240
Principio, terrae defigens lumina, stabat;

Nec sceptrum tacitus retrove, aut ante movebat,
Attonito similis. fatuum nil scire, vel atra
Bile jecur plenum irasci, atque haerere putares.

Verum, ubi mittebat magnam alto e pectore vocem,
Et densa hibernae fundebat verba per auras
More nivis; non eloquio contendere Ulyssi

Esset quisquam ausus mortalis: jamque decorum
Os, formae augustum nemo & laudabat honorem.

Magnum deinde senex Ajacem vidit; &, Ille 250
Quisnam, inquit, praestans immani corpore, cunctos
Qui capite, atque humeris supereminet unus Achivos?

Illa refert: Ajax ingens, arx gentis Achaeae.

Contra autem Idomeneus, Cretaeis ductor ab oris,

Ille deo similis, procerum quem densa corona

Circumstat. patriis venientem a sinibus, aede

Saepe, virum, in nostra fortis Menelaus amice

Excepit, multoque habuit veneratus honore.

Hinc alios etiam noscoque, & nomine possum

Dicere quemque suo: geminos per densa requiro 260

Agmina sed reges nequidquam; Castora, nemo

Alipedes cui ceter equos agitare, gravique

Adfuetum heroas Pollucem sternere caestu;
 Quos mihi germanos idem genere parentes.
 Manseruntne domi pulchra in Lacedaemone? ponto
 Anne huc fluctivagis adveſti puppibus, inter
 Verſari Danaum reges, oculosque virorum
 Ferre, meam propter noxamque, & probra, verentur?

Sic ait; aſt illos ambo Lacedaemone in alta
 Atro nigra ſinu tellus complexa tenebat, 260

Interea mediam praecones juſſa per urbem
 Sacra ferunt; agnos, album, nigramque; caprino.
 Almae laetificos & vitis in utre liquores.
 Fulgentem cratera Idaeus, & aurea geſtat
 Pocula: verba ſeni adveniẽs qui talia fatur:

Surge age, Laomedontiade, regum optime, nam te
 Trojugenum, ac Danaum proceres communiter orant,
 Extra urbem in campum deſcendas; foedera praeſens
 Ut ferias; pactamque fidem, conventaque firmes.
 Nam longis pugnare haſtis Paris, ac Menelaus, 280
 Turba omni ſpectante, parant de conjuge. multae
 Victorem gazae, ac mulier formoſa ſequetur.

Junget amicitiam pacto gens foedere Graja,
 Noſtraque: nos Trojam placida ſub pace colemus;
 Illi Argos laeti ad patrium, & ſua teſta redibunt,

Talibus ille: ſenex, percuſſo pectore, fidis
 Juſſit equos jungi a ſociis: moeſtuſque parato
 Membra locat curru, & manibus molitur habenas.

Antenor currum ſcandit comes, ocyus una
 Hi bijugis Scaeae veſti extra limina portae 290
 Extulerunt ſeſe tropidi, campoque volabant.

Inde ubi venere ad Troas, Danaosque, relictis

Pro-

Procedunt curru in mediam, quae sola patebat,
 Planitiem: contra major processit Atrides,
 Et sapiens Ithacus versuto corde. ministri
 Admorum pecus interea, miscentque liquores
 Vitigenos; puroque haustas de flumine lymphas
 Dant manibus regum. tum cultrum eduxit Atrides,
 Magnae aptum vaginae ensis quem ferre solebat.
 Agnorum hoc summos media inter cornua villos 300
 Praecidit; Troum, ac Danaum quos rite tulere
 Principibus circum praecones. extulit ambas
 Atrides caelo palmas, mediisque virorum
 Fudit clarifonas imo de pectore voces:

Summe deum, atque hominum rex, & pater, optime, & idem
 Maxime, in Idaeo regnas qui vertice; tuque
 Sol, qui cuncta vides, cuncta audis; Flumina, Tellus,
 Plectitis & quicumque hominum perjuria divi
 Sub terra, vestrum numen testamur utrique:
 Vos rata, di, servate omnes haec foedera in annos: 310
 Sternere Alexandro Menelaum siqua dabit fors,
 Connubioque Helenae victor, gazaque fruatur;
 Nos longe hinc patrias victi solvemus ad oras.
 Sternere Alexandrum Menelao siqua magis fors
 Annuerit, reddent Helenamque, ablataque Troes
 Omnia; praeterea, quantam decet addere, multam
 Victi addent, venturo etiam quae persistet in aevo.
 Hanc Priamus, natique actutum solvere multam
 Si renuent, certam est numquam secedere ab armis,
 Urbs tandem everfis dum concidat Ilia muris. 320

Haec fatus jugulat pecudes, festoque trementes
 Guttare sternit humi exanimas; cratere liquentis

Hausta meri e magno dehinc libant dulcia dona,
 Atque preces, & vota pio de pectore fundunt.
 Ast aliquis Troumque, & Achivum talia secum:
 Magne deum genitor, dique omnes, foedera quisquis
 Sacra prior franget, fusa haec ut vina, cerebrum
 Diffuat in terram sic illius, atque nepotum,
 Uxoresque alias captae ducantur in urbes.
 Talia dicebant: votis non praebuit aurem

330

Juppiter, inque leves vertit dicta irrita ventos.

Post haec, Dardanides Priamus sic farier orsus:
 Audite haec Troesque, & Graji mentibus aequis.
 Ipse hinc Iliacas abeo digressus ad arces;
 Nec gnatum forti congressum cernere Atridae
 Sustineo. cui fata parent nunc tristitia letum,
 Di norunt, novit pater, & rex ille deorum:
 Sic ait; imposuitque agnos, & sueta locavit
 Membra senex curru, manibusque adduxit habenas.
 Antenor juxta scandit, pariterque feruntur
 Ad muros, moesto dejecti lumina vultu.

340

Interea hinc ingens Hector, hinc dius Ulysses
 Campum ad certamen dimensi rite parabant;
 Atque virum jactas aerata in casside sortes
 Quassabant; prior ingentem quis mitteret hastam.
 At populi tolluntque manus, divosque precantur:
 Atque aliquis: Divum rex Juppiter, auctor utervis
 Attulit hunc Troum genti, Grajisque laborem,
 Da, pater, obscurum hinc abeat confossus ad Orcum:
 At nobis pacemque, ac foedera firma relinquat.
 Haec illi: at fortes agitabat Martius Hector,
 Ipse manu magna quatiens aversus. in auras

350

Conti-

Continuo galea Paridis fors exit ab ima.

Confedere acies ambae pulchro ordine, currus
Quisque suos, atque arma solo rutilantia, juxta.
Dius Alexander mediis in milibus aere
Induit ad torvi sese certamina Martis.

Principio leves ocreas dat mollia circum

Crura, nitens argento apte quas fibula mordet.

Dehinc thoraca gravem, solitus gestare Lycaon 360

Quem frater, membris olli par, pectora circum

Induit; hinc lateri fulgentem subligat enssem

Demissam ex humero; scuto dehinc inferit aptans

Ingenti laevam, solidoque ad tela: comantem

At capiti galeam fetis imponit equinis;

(Horrendum in summo nutabant vertice cristae)

Tum postremoabilem dextrae, vi corripit hastam.

Nec minus ex alia claro Menelaus in aere
Parte micat, saevisque acer sese instruit armis.

Inde ubi uterque suos inter se ad bella paravit, 370

Torva tuens vacuum lentus procedit in aequor.

Arrexere animos Troes, Argivaeque pubes

Attoniti. ingentes immani pondere quassant

Illi hastas; longe nec distant; fluctuat atrox

Ira intus, furor incenso micat effusus ore.

Primus ibi toto connixus corpore telum

Dius Alexander contorsit. missa per auras

Hasta volat stridens, clypeoque excepta rotundo

Horrendum insonuit, sed non & rumpere durum

Aes valuit, summoque inflexa umbone pependit. 380

Inde grave Atrides aerata cuspide robur

Librans, caelicolum regem sic ore precatur.

Da,

Da, pater, ulcisci, laesit qui me improbus ultro
 Nil meritum. tu sterne meis, tu, magne, scelestum
 Sub manibus; ventura etiam quod noverit aetas;
 Nec velit hospitium temerare, ac fallere dextram,
 Officium & pensare probro. Sic deinde locutus
 Ingentem magnis coniecit viribus hastam.
 Transiit & clypeum, tot ferri terga, tot aeris,
 Loricaeque moras vibranti cuspis acuta 390
 Aere infixæ, levem & tunicam juxta ilia: flexo
 Ille tamen mortem devitans corpore, vulnus
 Letiferum elusit. stricto citus advolat ense
 Atrides; conum galeae, cristasque comantes
 Et ferit assurgens: tenues at fractus in auras
 Dissiluit mucro, dextramque reliquit inermem.
 Suspexit caelum Atrides, & pectore ab imo
 Has magno voces gemitu dedit; heu! mage laevus,
 Atque nocens nemo est unus te Juppiter, omni
 E divum numero, tibi supplex lufus inani 400
 Spe sum; nec licuit scelerato a sanguine poenas
 Sumere. diffractus mucro est; nec pertulit ictum
 Hasta mihi, valido frustra contorta lacerto.
 Sic ait; atque juba comptam furiatus equina
 Involat in galeam, prensamque trahebat Achivam
 Intra aciem raptans: galeae retinacula molli
 Aurea quae mento suberant, juvenile reducto
 Angebant loro guttur: sed victor ad ipsos
 Pertrahere haud potuit socios, & laude potiri
 Eximia, longo nec finem imponere bello. 410
 Nata Jovis magni sensit Venus, ipsaque caelo
 Adveniens rupit lorum dea: cassis athena

At,

At, capite exempto, victorem est sola secuta.
Quam, simul ac vacuum vidit, projecit Achivos
Contortam in medios: socii tellure jacentem
Sustulerunt. ast dira fremens Menelaus in hostem
Irruit; ac magnam quassabat turbidus hastam.
Tum Cypris (nam quid nequeat dea?) protinus illinc
Priamiden longe rapuit, multamque paventi
Offudit circum nebulam; fractumque labore 420
Ipsa suis manibus thalamo in fragrans locavit.
Inde abit, arcessitque Helenam; quam nacta sedentem est
Aeria in turri. dextra, laevaue frequentes
Dardaniae matres aderant. tum divaprehendens
Ambrosium furtim peplum concussit; at ora
Dissimulat, cultumque deae, seque induit astu.
Rugosam in vetulae faciem, Lacedaemone lanam
Quae curare illi, prae cunctis grata, solebat.
Huic similis blanda Venus est sic voce locuta.

Nympha, veni ad tua tecta; Paris vocat, ille superbum 430
Ingressus thalamum, formaque, & vestibis aureis
Effulgens; reducem nec dixeris esse cruenti
E medio, pugna functum, certamine Martis:
Verum aliquo ad choream laetum se ferre, relicta
Aut chorea, fessum dulci sedisse labore,

Sic ait; incenditque animum sub pectore, pulchrae
Illa oculos, pectusque, & colla nitentia divae
Agnovit; subitoque adspectu exterrita: Fraudes
Anne alias miserae nectis, dea saeva, parasque
Maeoniaeve aliquam, Phrygiae vel ducere in urbem; 440
Atque alii, si forte virum quem diligis illic,
Tradere me? patrias victor Menelaus in aedes

Ne

Ne captam abducat, venisti huc nempe, malasque
Insidias vafra moliris mente, dolosque?

I, Paridis tibi tanta tui si cura, beatam
Caelicolum vitamque, viasque oblita, sedeto
Usque virum juxta; coetu & secreta deorum,
Fle simul, & carum serva caput omnibus annis,
Illius evadas donec vel serva, vel uxor.

Ipsa quidem nec eo, quo me vocat improbus, ire 450
Nec fas; objiciant probrum ne Troades olim,
Totque graves cumulent, patior quas anxia, curas.

Cui furis incensa Venus: Jam parce, furores
Parce meos, inquit, te contra stulta eiere,
Quam te amo, ne incipiam posthac odisse; struamque
Triste odium Danaum, Troamque in pectore, nulli
Non invisa malo pereas ut denique fato.


Sic ait: at mulier gelido tremefacta pavore,
Peplo testa caput candenti, murmure nullo
Inde abit; ac, ducente dea, gressum extulit: istam 460
Nec turri sensere egressam Troades alta.

Inde ubi Alexandri celsa intra limina ventum est;
Continuo famulae sua quaeque ad munia versae:
Illa domus altum scandit penetrabile, nitenti
Intulit & sese thalamo. cui Cypris eburna
Ipsa manu fellam posuit, nymphamque federe
Jussit Alexandrum contra. Jove nata refedit,
Atque, solo figens oculos aversa, fugacem
Increpuitque virum, rupitque has pectore voces:

* Nempe redux bello venisti; occumbere leto 470
Quem fuerat satius, scelerumque expendere poenas
Ense viri domitam fortis, cui nupta marito

Ante

Ante fui, at certe Menelao fortior esse
Vi, manibus, certaue hasta jactare solebas.
I nunc, i, stulta Menelaum mente laceſſe
Rurfus deterior. quin, ſi ſapis, obuius acri
• Ire viro, noli male cautus; neue laceſſe
Imbellis fortem; nec te domet ocuus haſta.
Haec fanti retulit contra Paris: O bona, parce
Jurgari, & probris me fruſtra inceſſere, conjux. 480
Magnae ope nunc vicit me pugnans ille Minervae;
Illum ego vincam alias: nam mi quoque bella gerenti
Divi adſunt. praestat nunc, pugna atque hoſte relicto,
• Ceſſare heic paulum tecum, & requieſcere; ſaeva,
Truxque mihi tanto quae mentem incendis amore,
Quanto arſi, patria quando Lacedaemone raptam
Puppibus avexi, & Cranaes in litore primum
Te mihi connubiq junxi, taedaeque jugali.
Sic ait, exſurgitque, petens & ſtrata praeibat;
Illa virum parens notum in penetrale ſecuta eſt. 490
Interea hac illac per turbam curſat Atrides,
Ille ferae ſimilis; nanciſci ſicubi pulchrum
Quiſet Alexandrum. quaefitum oſtendere nemo
At poterat Tros, vel ſocius. celare latentem
Nollet enim quiſquam, letoque arcere, ſuorum,
Inviſum cunſtis aequae, atrae ac limina mortis.
Ergo haec in mediis Agamemnon milibus inſit:
Audite o Troes, focique haec mentibus aequis.
Certa quidem forti victoria ſtat Menelao.
Vos Helenam, raptamque una jam reddite gazam: 500
Addite dehinc multam, noxa quae digna videri
Poſſit, & ad ſeros memoret quam fama nepotes.
Haec ille. at laeto plauserunt murmure Achivi.



II O M E R I

I L I A D O S.

LIBER QUARTUS.

DI Jovis interea tecto in stellante sedebant,
Auro ubi clara micant penetralia: nectar at Hebe
Miscebat formosa. illi, dum pocula in orbem
Traduntque, accipiuntque manu, Trojana tuentur
Moenia, & instructas prato in florente phalanges.

Talibus heic dictis Junonem incessere coepit
Juppiter, atque joco Veneri conferre molesto:

Usque favent geminae flavo divae Menelao,
Juno Argiva, potens & bello Pallas; at ambae
Secretaeque sedent longe, gaudentque tuentes 10
Praelia nequidquam. contra festiva Dionae
Filia semper adest Paridi, praefensque repellit
Fata viro. quem nunc medio e discrimine leti
Eripuit, patriasque ferens avexit in aedes.

Certa tamen forti victoria stat Menelao.

Nunc, his quem deceat rebus jam ponere finem,
Consulte in medium; rursusne incendere tristi
Marte animos placeat, sancire an foedera pacis.
Hoc si forte placet cunctis, Priamiq; manebit
Urbs, Helenam & patrias ducet Menelaus ad oras. 20

Juppiter haec. tacitae mussant, saevumque furoram
Alto corde premunt Juno, & Tritonia Pallas;

Quae,

Quae, mala Trojugenis irato in corde parantes,
Contiguae divum coetu in fulgente sedebant.
Nata quidem, indomitus licet intus ferveat atro
Felle dolor, nihil ausa tamen patrem hiscere contra:
Juno iram haud tenuit, rupitque has pectore voces:
Immitis quidnam dixti Saturnie? longus
Ergo mihi fuerit labor irritus? ergo profusus
Incaustum sudor, quem fudi fessa viarum, 30
Ipsa, & equi; populos isto dum cogere in arma,
Exitio Priamum tota cum gente daturus?
Perge: deum sed enim stabit sententia contra.

Cui pater ingenti respondit concitus ira:
Saeva, tibi quidnam Priamus, Priamique propago
Tota malae tantum noxae infert, Ilion usque
Eruere, & fundo cupias ut vertere ab imo?
Quippe, urbem Troium, atque domos ingressa, vorares
Crudum si Priamum cum gnatibus, effera credo
Vis animi, atque istaec tum demum poneret ira. 40
Verum age, fac quidquid libitum. contendere tecum
Nolo equidem, ne nostra nimis certamina gliscant.
Tantum audi, ac penitus, quae dico, mente reconde.
Ipse etiam si forte velim tibi gentis amicae
Urbem aliquam iratus vastare, ac vertere; ferto
Aequa mente, meis & parce obsistere coeptis:
Sponte tibi hanc ut ego nunc urbem largior, etsi
Corde angor, genus atque pium male perdere durum est.
Quotquot enim sub sole urbes, caeloque coluntur
Astrifero, has inter nulla est mihi gratior usquam, 50
Quamque magis foveam, praestanti & digner honore,
Quam Troja, & Priamus, Priami & gens inclyta bello:

Ara

Ara ubi non unquam dapibus mea, non caret unquam
Aut pingui fumo, aut largo libamine; prole
Terrigenum a parva ferimus quae munera divi.

Juppiter haec: contra Juno cui talia fatur:
Tres habeo, caras prae cunctis urbibus, urbes,
Argelque, & ditem Spartam, latasque Mycenae.
Harum invisâ tibi siqua est, fueritve, licebit
Evertas. Equidem patiar, nec, magne, resistam, 60
Rex, tibi; nec, vellem si forte resistere, quidquam
Proficerem: longe praestas nam viribus omnes.

Attamen & meus in ventos ne sudor inanes
Cassus eat, neve orsa cadant abrupta, videndum est.
Ipsa etiam dea sum, quo tu de semine creta;
Me quoque Saturnus genuit, praestoque deabus
Longe aliis claroque ortu, claroque Hymenaeo.
Una vocor tua nam, divum es qui maximus, uxor.
Verum haec nos inter cedemus mutua uterque,
Ipsa tibi, mihi tu. divum facilisque, volensque 70
Turba omnis, placeat quo ducere cunque, sequetur.

Tu flavae interea potes hoc mandare Minervae:
Trojugenum, Grajumque acies petat, & male cautos
Gnara modi exacuat Troas, quo laude superbos
Jam parta, laedant, neglecto foedere, Achivos.

Haec dea; cui facilis divum pater, atque hominum rex
Paruit; ac gnatae confestim talia mandat.

Trojugenum, Grajumque acies pete, nata, relata
Et laetos, fac, laude armis incessere Troes
Incipiant ultro, neglecto foedere, Achivos. 80

Sic ait: & cupidae stimulos pater addidit acres.
Ergo cita e summo dea se demittit Olympo.

Qualis

Qualis stella, polo ardentem Saturnius alto
 Quam misit, nautis monstrum, pubive virorum
 Armigeræ, ingentes caeli fecat ignea tractus;
 Scintillæ abstant, longo via limite fulget:
 Talis ab aethereo stellantis vertice Olympi
 Delapsa in medium Pallas. stupor altus Achivos,
 Et Troas pariter, monstrum ut videre, tenebat.
 Atque tuens aliquis, suspensa mente, sodalem:
 Triste vel, aiebat, bellum, pugnasque novabit,
 Vel gentem placido componet foedere utramque
 Juppiter, & pacem qui temperat æquus, & arma.
 Haec monstrum admirans aliquis Danaumque, Phrygumque.

90

Illa viro similis medios se protinus infert
 Trojugenum in cuneos, fortem vultuque, habituque
 Laodocum & simulans, longævo Antenore cretum,
 Hac illac ibat densa inter milia, si te
 Forte, Lycaonide, nancisci, Pandare, possêt.
 Tandem est nacta virum, stabat bellator in armis:
 Densi circum aderant comites, clypeata juvenus,
 Aesepi a ripis regem quæ in bella secuta.
 Hunc prope stans verbis affata est Pallas amicis.

100

Visne mihi parere, Lycaonis inclyta proles?
 Satne tibi virtutis inest in pectore, fortem
 Haud dubites misso Menelaum ut figere telo?
 Eximiam certe laudem, atque ingentia ferres
 Præmia. nil Teucris, Paridi nil carius uno
 Te fuerit; donis qui te cumulabit opimis,
 Ille tuo Atriden Menelaum viderit arcu
 Si domitum imponique rogo, flammaque cremari.
 Quare age, jamque virum letali fige sagitta.

110

Ante tamen Phoebo, Lycia qui cretus in alta est
Arcitenens, fac vota libens, cum celsa Zeliae
Moenia contigeris victor, sedesque paternas
Primigenis facturum agnis praepinguia sacra.

Haec effata, animum dementi vafra Minerva
Impulit. Ergo arcum depromit, grandia capri
Cornua silvestris; quem, saxo prodit ab alto
Dum citus, exceptum telo trans pectus adacto 120

Fixerat: in rupem moribundo corpore pronus
Corruit. in palmos prodibant cornua fronte
Celsa bis octonos: quae multa sedulus arte
Laevavitque faber, fulvoque inclusit in auro

Hinc apices atque hinc geminos. hunc protulit heros,
Contendensque manu solerti acclinat ad ipsam
Tellurem. scutis regem texere sodales
Condensi; Grajum pubes consurgere in arma

Ne prius inciperet, saevo quam missile ab arcu
Effugiens certo Menelaum figeret ictu. 130

Inde manu pharetramque aperit, volucremque sagittam
Deligit, haud unquam missam, duosque nitenti
Sub ferro luctus, & vulnera saeva gerentem.

Hanc sibi deprompsit, nerveoque aptavit equino,
Vota facit Phoebo, Lycia qui cretus in alta est,
Primigenam agnorum sobolem, praepinguia sacra,
Spondens, cum patriam remearit victor ad urbem.

Inde arcum laeva tendit, dextraque sagittam
Cum nervo adduxit pariter, dum tangeret ipsa
Arcum acie ferri: dextra, nerveoque papillam. 140
Protinus insonuere aurae, fugitque volucre
Horrendum stridens medios telum inter Achivos.

Nec

Nec te di expertem auxilii, Menelae, potentis
Immemores liquere tamen; non filia magni
Magna Jovis. telum pro te stans depulit ultro
Illa manu letale, inhibens a corpore: muscam
Mater ut instantem pueri cum pellit ab ore,
Dum media placidum carpit de luce soporem.
Diva manu telum flexit, qua fibula balteum
Aurea mordebat, thorax qua se objicit ingens 150
Aere rigens duplici: sed magni textaque baltei,
Thoraca & geminum pervasit ferrea cuspis,
Et quae subter erat, firmum tela omnia contra
Munimen, lamnam. qua vis infracta morante
Languit immanis ferri, processit at ultra
Hanc etiam, & summum perstrinxit denique corpus.
Tum roseus fluxit non alto a vulnere sanguis.
Puniceo veluti niveum si Maeonis ostro,
Maeonis, aut Carum solers de gente puella,
Tinxit ebur, celerum quod malas ornet equorum; 160
Et positum in thalamo servat. sibi plurimus illud
Optat eques: regi positum servatur at intus,
Et gestamen equo, decus & praefigne vehenti:
Sic, Menelae, tibi pulchro madefacta rubebant
Et femora, & surae molles, talique cruore.
Purpureo at fratrem perfusum ut sanguine vidit,
Horruit atque genas Agamemnon palluit: aequae
Horruit adspectu Menelaus & ipse; volucris
Sed postquam vidit nervumque, hamosque sagittae
Exstantes, rediere animi, timor omnis abactus. 170
Interea fratrem dextra tenet, ac furit altos
Pectore dans gemitus Agamemnon. plurima circum

Turba gemit: questus ille hos fundebat ab ore.

Ergo haec heu pepigi, frater, tibi foedera, mortem
Quae ferrent? solum te fivi, frater, Achivum
Heu tota pro gente armis incessere Teucros?
Confodere dolo qui te, qui foedera, & omnes
Protrivere ultro leges, pectusque dedere.

At non cassâ deum tamen ibunt foedera, fusus
Agnorum & sanguis, sacra & libamina, quasque 180
Cepimus, ac fidei dedimus modo pignora, dextrae.

Iratus differt; poenas tandem irrogat aequas
Iuppiter. actutum pendent crudele nefandae
Ipsi supplicium fraudis; nec numina parcent
Conjugibus, puerisque. dies (nec vanus inani
Spe ludor) veniet, qua concidet Ilios alta,
Et Priamus tota senior cum gente peribit.

Ipsè illis caelo regnans pater aegida saeva
Horrendam quatiet dextra, male percitus ira
Hanc propter fraudem, & perjurâ foeda. futurum 190
Hoc scio: at infandus perdet dolor, o Menelae,
Me tamen, e vita fato si functus abibis:

Quippe etenim patrium remeabo turpis ad Argos.
Namque domus Grajos incesset cura paternae;
Linquemusque Helenam, Priamo decus: at tua, frater,
Ossa solo in Trojae putrescent morte perempti
Ante queas coepto quam finem imponere bello.
Et pede Tros aliquis calcans tua busta superbo:
Sic utinam saevas Agamemnon expleat iras,
Semper, ut incassum puppes huc duxit Achaeas; 200
Et nunc in patriam longo post tempore sedem,
Hic fratrem linquens, vacua est cum classe reversus.

Haec

Haec aliquis dicet: tellus tunc me hauriat ima.

Cui tristem demens aegro de pectore curam,

Atque metus omnes Menelaus: Parce timori,

Frater, ait; terrere alios & desine Achivos.

Non, ut rere, alte subiit letalis arundo.

Balteus infregit vim teli, zonaque, & aere

De solido subter quae lamina, coercuit ictum.

At frater: Menelae, utinam sis vera locutus. 210

Paeonia vulnus nam vir tibi doctus in arte

Tractabitque manu explorans, & pharmaca supra

Imponet, saevos demant quae admota dolores.

Sic ait, ac celerem ad regalia iussa ministrum,

Talthybiū alloquitur: citus i, prolemque beati

Egregiam Asclepi, medica par nullus in arte

Cui fuit, huc arcessē Macaona. visere Grajum

Regem festinet Menelaum, vulnus adacta

Cui tulit infanti vir Tros, Lyciūve sagitta;

Atque sibi laudem, luctum quaesivit Achivis. 220

Sic ait: ille citus regis praecepta facessit;

Percurritque aciem, diūque Macaona quaerens

Fert oculos per cuncta; virum & videt agmine stantem

In medio: circum pubes clypeata corusco

Fulgens aere, Tricae proles altricis equorum.

• Quem prope stans, trepido dedit has de pectore voces:

O Asclepiade, curre ocyus. ire Agamemnon,

Te jubet, Atriden Menelaum & visere; adagit

Cui vulnus missa vir Tros, Lyciūve sagitta;

Atque sibi laudem, luctum quaesivit Achivis. 230

Sic ait: atque viri concussit pectora dictis,

Incenditque animum, celeri pede gressus uterque

Fert medios se per cuneos, turbamque virorum.

Vt venere ambo trepidi flavum ad Menelaum;
Stabat ubi forma par dis caelestibus heros
Primorum in medio procerum; mora nulla, Macaon
Haerentem ex arcto, multa bonus arte, sagittam
Extrahere aggreditur balteo: verum utraque acuti,
Dum retrahit, ferri pinna est infraeta, relaxat
Ergo manu armorum solers texta aerea, balteum 240
Zonamque, lamnamque, oculis dum vulnus apertum
Cerneret, hinc labrum admovit, crassumque cruorem
Hauisit, & insperfit medicamen lene, parenti
Illius in magno dederat quod munere Chiron.

Interea, circa Menelaum talia Graji
Dum trepidant, ferro instructi procedere contra
Incipiunt avidi pugna decernere Troes.
Nec minus & Graji cingunturque aere corusco,
Expediuntque manus laeti, pugnaeque parant se.
Non heic Atriden videas Agamemnona segnem 250
Cessare, atque metu cunctari, horrere propinquum
Et Martem: at ferro quam primum cernere acuto
Velle alacrem, mediisque virum clarescere in armis.

Ille quidem currusque insignes aere, paratos
Ex regnator equos dimittit; fidus habebat
Quos juxta Eurymedon, Ptolemaei clara propago
Piraidae. hunc jussit, cuneos pedes ipse virorum
Dum celeri gressu cunctos obit omnia visens,
Pone sequi, si forte labor lassaret euntem.
Sic turmas it per focias Pelopeius heros. 260
Tum, quoscumque videt laetos procedere in hostem,
His hortans acuitque animos, atque incitat iras:

Este

Estē viri, & validas, Argivi, expromite vires.
Non erit ut fraudi faveat rex ille deorum;
Sed prior infregit qui foedera sancta, jacebit
Praeda feris avibus: nos urbe, opibusque potiti;
Vxores bello captas, & pignora parva
Navibus in curvis patrias ducemus ad oras.

Quos contra pavidos cunctari, & praelia cernit
Detrectare, furens verbis incessit acerbis: 270

Heu nequam, heu segnes Argivi, nec pudet isto
Stare modo hinnuleis similes, post arva volucris
Qui transmissa fuga sternunt se robore fessi
Exhausto? pugnamne placet differre, carinas
Dum Teucris ad celsas veniant, ac litora? inertes
Anne juvat tentare, manu vos Juppiter ipse
An tegat, immunesque operum defendat ab hoste?

Sic Danaum sese per milia densa ferebat
Imperitans. Primum Cretas devenit ad acres,
Magnanimus pubem Idomeneus quam ducit in arma. 280
Primam aciem Idomeneus agit impiger, ille frementi
Robur apro similis; postrema in parte coerces
Meriones claro fulgentes aere phalanges.

Hos ubi conspexit secum est gavisus Atrides;
Atque ducem blandis affatur vocibus ultro:

Idomeneu, Danaum te reges inter honore
Praecipuo colui semper bellicae, domique;
Solemnesque super mensas, cum dona Lyaei
Dulcia miscantur, posito cratere, per orbem
Iussa bibunt alii proceres ex ordine; plenus 290
Stat tibi at usque calix, aequae ac mihi; solus, & unum
Me praeter, potas quantum fert corde voluntas.

Ergo alacer, similisque tui nunc bella capeffe.

Idomeneus contra, Cretum rex: Optime regum,
Me tibi promifi qualem fore, talis amicus

Semper ero, praestans fidum quaecumque fodalem

Est opus. at tu alios hortare in praelia Grajos,

Ocyus ut faevo certemus Marte, deorum

Mendaces quando violarunt foedera Teucri.

Quos dirae actutum clades, & fata sequentur 300

Tristia, quasque suo meruerunt crimine poenas.

Haec ille: Atrides abiit laetatus; & ambos

Venit ad Ajaces, incedens plurima qua se

Densat turba virum. gemini, duo germina Martis,

Armabant sese reges. quos pone secuta

Densa ruit peditum nubes. Ut pastor ab alta

Cum nubem specula venientem prospicit: ater

Solis ab occasu Zephyro impellente per aequor,

Ille pici assimilis, medium secat aera nimbus,,

Obscuramque hiemem secum fert, atque procellas; 310

Horrescunt longe spectanti praescia corda,

Compellensque cavo raptim pecus abdidit antro:

Sic geminos post Ajaces denso agmine pubis

Belligerae incedunt in praelia torva cohortes

Aeratae; clypeisque, hastisque ingentibus horrent.

Hos etiam gaudens Agamemnon vidit; & ultro

Compellans ambos verbis affatur amicis.

Ajax, Argivae dux inclyte pubis uterque,

Vos nec opus, nec fas est nostra voce moneri,

Acres ultro agmen qui saeva cietis in arma. 320

Di magni! o utipam cunctis in pectore tanta

Vis animi, patriae tantum & virtutis inesset!

Regna

Regna brevi caderent Priameia, & Ilios alta
Grajorum manibus capta, atque everfa jaceret.

Haec ait, inque alios pergit citus; & venit illuc,
Nestor ubi focios hortatur, & instruit armis,

Qui circum Pelagonta, Alastoraque, Chromiumque,
Hemona & eximium bello, regemque Bianta.

Primum equites, currusque locat, dehinc firma virorum
Robora, densam aciem peditum, post terga; moramque, 330

Et vallum belli: in medium compellit inertem,

Ille vel invitam cogens ad praelia, turbam.

Haec equiti mandat senior, cohibere jugales

Quemque suos, temere nec quoquam incurrere mixtis

Ordinibus. ne quis mihi, fretus robore, neve

Arte ruat citior focilis, & solus in hostem

Impellat bijugos. ne retro cedite: soli

Vis minor est; junctis qui pugnat, fortior, armis.

Jam, focii si quis currum conscenderit, hasta

Ut pugnet, moneo; notas regat alter habenas: 340

Id melius multo namque est. his scilicet olim

Heroes prisca vastabant artibus urbes.

Haec senior longo doctus monstrabat ab usu.

Quem gaudetque tuens Agamemnon, atque ita fatur.

O utinam, venerande senex, quam vivida mens est,

Acer & iste animus, tam firmo robore subter

Genua forent, viresque aevo florente vigerent.

Sed te, quae cunctos, domat heu vis tarda senectae;

Quae vellem capiti alterius, genibusque molesta

Ingrueret, tibi vernaret primaeva juvena. 350

Haec prior Atrides; cui Nestor talia contra:

Ipsae quoque optarim fieri nunc talis, Atrida,

Qualis

Qualis eram, qua luce mea confossus ab hasta
 Dius Ereuthalion cecidit; verum omnia rerum
 Omnibus haud tribuant pariter di. tunc mihi firmum
 Robur erat juveni, nunc me premit aegra senectus.
 Qualiscumque tamen turmas hortabor equestres,
 Consilio, verbisque regens; praestare quod unum
 Haec valet, ac proprium sibi munus vindicat, aetas.
 Id senis est: hastam quatlent, queis fervet ab aevo 360
 Sanguis, & integrae solido stant robore vires:

Haec senior: gaudens ultra procedit Atrides,
 Stabat ubi Peteo natus genitore Menestheus,
 Acer equis; circum densi, Mavortia pubes,
 Cecropidae. prudens non longe stabat Ulysses,
 Atque Cephallenum, bello haud spernenda, juvenus.
 Horum acies nondum, cum prima in praelia Troes,
 Ac Danaj ruerent, secreta in parte tumultum
 Bellantum audierant: dux cunctabatur uterque,
 Exspectans praegressa phalanx invadere donec 370
 Hostem alia inciperet, belli & tentare periculum.

Hos cernens verbis Agamemnon torvus acerbis
 Increpat; iratoque has rumpit pectore voces:

O Petei proles regis, non digna parente;
 Tuque, o docte dolos fraudesque, vaferrime Ulyssæu,
 Non pudet indecores trepidare, ac praelia inire
 Nolle prius, versos alius quam fuderit hostes?
 Vos primam ante aciem primos pugnare decebat.
 Ambo etenim, quoties epuli venit hora, soletis
 Grajorum primi ad convivia laeta vocari, 380
 Et largis vesci dapibus, largoque bibaces
 Indulgere mero, faturique abscedere mensis.

At

At nunc esse placet postremis; atque juvaret
Dura decem si vos praeceant in bella phalanges.

Dixerat: iratus regi haec Ithacesius heros:
Quale nefas, Atrida, tui septo excidit oris?
Nos male cunctamur segnes cum tempus in hostem
Ducere, & adversis venienti occurrere turmis?
Aspicias (si forte voles, si cura subibit
Haec animum) primam ante aciem pugnare parentem 390
Telemachi; & primis Troum se inferre furem
Ordinibus: sed vana volant tibi, falsaque dicta.

Olli subridens Agamemnon; vidit ut ira
Incensum, verso in melius sermone reponit:

Clara deum proles, solerti pectore Ulyssæu,
Non ego te frustra incusæmve, horterve necesse est.
Consilium tibi lene viget sub pectore, nostræ
Et concors menti mens est. age bella capeffe
Nunc, ut opus. si quid maledicti fugit ab ore,
Pensari officio poterit. nunc omnia, dixi 400
Quae modo, in aërios di vertant irrita ventos.

Haec effatus abijt Diomedem misere, fortis
Magnanimam Tidei sobolem; nactusque morantem est
Inter equos, duro & compactos robore currus:
Nec præcul inde aberat Sthenelus, Capaneia proles:

Hunc quoque flammato compellans turbidus ore
Increpat, & dictis ad pugnam haud mollibus urget:

Tunc etiam, magni natus de sanguine Tydei,
Sic trepidas, bellicae vias circumspicis? at non
Sic Tydeus trepidare olim, Martisque pericla 410
Defugere, ignavo tremefactus corde solebat;
Sed longe ante alios ibat per tela sodales,

Ut

Ut perhibent, qui bella virum videre gerentem.
 Ipse etenim haud unquam vidi: sed fama ferebat
 Eximium ante omnes animoque, & viribus esse.
 Hoc memini, quondam, cum magnanimo Polynice
 Undique cogentem populos in bella, Mycenae
 Venisse hospitio exceptum, & socia arma rogasse.
 Argivi sacram ad Theben nam castra movebant.
 Jamque Mycenaei annuerant, pubemque parabant 420
 Belligeram auxilio: sed laevus Juppiter alto
 Prodigia ostendit caelo, atque absterruit orsis.
 Inde ubi digressi ripam tetigere virentem
 Asopi, mittunt legatum Tydea Graji.
 Ille abiit, celsasque Eteoclis venit in aedes.
 Nactus ibi est primos Cadmea e gente Lyaeo
 Indulgere viros, laetisque accumbere mensis.
 At Tydeus coetu in magno, quanquam hospes, & unus,
 Haud timuit. quin & quemcunque laceßere quaevis
 Est ausus procerum ad certamina; vicit & unus 430
 Ille omnes omni melior certamine. talis
 Adfuit usque viro adjutrix Tritonia Pallas.
 Ergo victorem contra Cadmeia pubes
 Exarsitque odiis, redeunti ad castra locavit
 Inque via insidias. juvenum delecta latebat
 Quinquaginta manus: duo quam duxere magistri,
 Maeon Haemonides formaque, & robore divis
 Par, atque Antophōni proles durus Lycophontes.
 Quos tamen ille omnes ingenti clade peremptos
 Fudit humi; solum dimisit Maeona sedes 440
 Ad patrias, veritus monstrata ostenta deorum.
 Talis erat Tydeus; proles cui nata parente

Dete-

Deterior pugna, melior sermone disertus.

Sic ait. armipotens Diomedes iurgia regis

Erubuitque, ausus nec contra est hiscere quidquam.

At Capaneiades haec dictis dicta reponit.

Ne mentire, loqui liceat cum vera, Agamemnon.

Nostro nos longe praestamus uterque parenti.

Nos etiam Thebas, dis freti hortantibus, alti

Et Jovis auxilio, septenis incluta portis 450

Moenia, castra forent numero cum nostra minore,

Cepimus: illi autem, conati plurima frustra,

Stultitia periere sua. jam desine nostros

Ergo patres ulla nobis praeponere laude.

Haec Sthenelus: contra Diomedes torvus; Amice,

Parce mallis, inquit, verbis, tacitusque sedeto.

Nil opus irasci, rerum cui summa potestas,

Martia quod populos Agamemnon urget in arma.

Hunc decus eximium laudis, nomenque sequetur,

Moenia si fortes capient Neptunia Graji: 460

Hunc contra luctus, si res male cedit Achivis.

Verum age belligero demus jam fraena furori.

Sic ait; & curru saltum dedit acer ab alto;

Horrendumque humeros, tergumque & pectora circum

Arma duci sonuere; metu percussus & audax

Ut posset vir corde quati, & pallefcere vultum.

Ac veluti Zephyro densi resonantia contra

Litora cum se urgent fluctus; consurgit ab alto

Unda salo, magno dehinc terrae allisa tumultu

Infremit, ac scopulos, & procurrentia circum 470

Saxa tumet: canamque sinu spumam exspuit alto:

Sic densae Danaum se dura in praelia turmae

Urge-

Urgebant. dux quosque suus regit: agmine miles
 It tacito; ceu nulla cavo sub pectore cuiquam
 Vox foret; elinguem dicas audire iubentum
 Imperia, & regum vultusque, & dicta vereri.
 Sic hostem contra magno se Argiva Juventus
 Fert gressu: horrescit strictis seges aerea telis,
 Et vario armorum campus fulgore coruscat.

Dardanidae contra (quales, mulctralia circum 430
 Divitis in domini septis, denso omnia complent
 Lanigerae pecudes balatu, cum procul altis
 Agnorum e stabulis moestam audivere querelam)
 Ad pugnam densi vasto clamore ruebant.
 Nec similis clamor, nec vox sonat omnibus una:
 Lingua sed ingenti varians confusa tumultu.
 Quippe alii venere alia e regione vocati.

Trojugenas Mavors, Grajos Tritonia Pallas
 Incitat. hos circum Terrorque, Pavorque feruntur,
 Horrendumque furens torvi Discordia Martis 470
 Et soror, & comes; attollit quae parva sub auras
 Paullatim sese primo, dehinc ardua campis
 Ingreditur; caelum & sublimi vertice pulsat.
 Haec & tum, cursans media inter milia, saevas
 Exacuitque iras, gemitusque incendit acerbos.

Jamque adeo rapidis videntes passibus ambae
 Concurrere acies, clypeique, hastaeque, virique
 Aere humeros tecti configunt, scutaque scutis
 Pulsa tonant; magno circum sonat aura fragore.
 Caedentum laetus clamor, moestusque cadentum 500
 Auditur passim gemitus; perfusa cruore
 Arva fluunt; largo madefacta est sanguine tellus.

Ac

Ac velut hiberni celsis de montibus ampes
Cum duo praecipiti sese per confraga cursu
Devolvere cavum subjectae vallis in alveum,
Adversisque fremunt undis; exterritus audit
Horrificum pastor summa de rupe fragorem:
Sic Danaum, Troumque acies miscentur in unum,
Confusoque sonant luctusque, minaeque tumultu.

Primus ibi primam ante aciem saevum ferit hasta 510
Antilochus vibrante Thalysiaden Echepolum,
Et conum galeae diffuso crine comantis
Diffidit; at cuspis frontem defigitur alte
in mediam. olli oculos nigrae involvere tenebrae,
Aeriaeque modo turris collapsus in arma
Concidit: ingenti concussa est pondere tellus.
Quem super accurrit magnorum ductor Abantum
Chalcodontiades Elephenor, pulchra potiri
Arma viri & cupiens, pedibus citus arripit, extra
Tela trahens; miserum primo at spes lussit in orsu. 520
Nam raptat dum membra alacer frigentia terrae
Acclinis, clypeo nudum latus ecce remoto
Ostendit: ferro praefixum robur acuto
Quo fortis defixit Agenor, membraque leto
Solvit, humi exanimem sternens. tum saeva jacentem est
Pugna super Danaum, Troumque coorta. Luporum
More acres laniant sese, alternisque cruentant
Vulneribus. Primo vernantem flore juventae
Antemioniaden sternit Simoision Ajax.
Hunc olim, redit irrigua dum mater ab Ida, 530
Quo, visura pecus, fuerat comitata parentes,
Propter aquam in ripa Simoentis fucis in oras

Edidit:

Edidit: hinc puero nomen fecere vocantes.
 Infelix! non ille vicem patrive referre,
 Aut matri potuit, primo sublatus in aevo.
 Telum etenim in pectus venienti magnus adegit
 Fulmineum dextram ad mammam Telamonius Ajax,
 Perfoditque humerum ferrata cuspide; pronus
 Ille cadit, stratusque immundo in pulvere leto
 Occubat. Ad ripam stagni ut prognata liquentis 540
 Populus enodi trunco, celsoque virentes
 Fronde nova ad caelum fundens in vertice ramos:
 Quam faber, apta parans ingenti orbilia curru,
 Fulgente aggressus ferro succidit: ad undam
 Illa jacet vitaeque carens, & frondis honore:
 Sic juvenem stravitque Ajax, atque exuit armis.
 Ast hunc Priamides telo petit Antiphus aëto
 Eminus e turba; sed, dextra errante, sodalem
 Magnanimi Laertiadae ferit hasta, sub imo,
 Leucum, ventre, manu exanimum male cautus utraque 550
 Dum trahere instabat corpus. frigenisque cadaver
 Excidit e manibus, moribundo corpore & ipse
 Corruit; atque eadem largo rigat arva cruore.
 Tum vero immanes Ithacae rex arsit in iras,
 Perque viros, perque arma ruit fulgente coruscus
 Aere, ipsis Troum dum se prope miscuit audax
 Ordinibus; quassatque hastam, multoque micantes
 Igne oculos circum fert turbidus: agmine Troes
 Turbato cessere, virum ut videre reducta
 Tela manu librare: nec effugit irrita, figit 560
 Hasta nothum Priami sed Democoonta, paternas
 Qui miser ad sedes e parva missus Abydo

Vene-

Venerat, armentis illic praefectus equarum.

Huic Laertiades, iratus morte sodalis,
Percussit medium ferrata cuspide tempus,
Fixo aliud quae per tempus trajecta cerebro est.
Nigra oculos juveni densa nox contegit umbra.
Corruit; ingentem sonitum super arma dedere.

Trojugenum turbata acies, conterritus ipse
Hector: at Argivi laeto clamore trahuntque 570
Corpora, in adversos progressi & longius hostes
Incurrunt magis atque magis: sed magnus Apollo,
Pergamea pugnam procul ut spectabat ab arce,
Iratus Danaïs Teucros hortarier infit.

Ite alacres, ite, o, Grajis nec cedite Troes.
Non illis faxo, non duro corpora ferro
Constant; tela ferant contra ut coniecta, secari
Et nequeant, aeris timeant nec robur acuti:
Nec Thetidis pulchrae proles nunc pugnat Achilles;
Sed jacet ad naves, tristisque exaestuât ira. 580

Sic deus e muris acer clamabat: Achivum
Magna Jovis cuneos gradiens at nata per omnes
Hortaturque aciem, stimulatque in bella morantem.

Heic Amarynciden Diorea Parca cruento
Implicuit fato, magno cui fragmine montis
Pirus, qui Aenaeis Thracum dux venit ab oris,
Imbrasides, dextrum crus perculit. asper & ossa,
Et nervos penitus rupit lapis: ille supinus
Concidit, atque manus fociis tendebat inermes
Semianimis; Pirus super advolat, atque jacentis 590
Fraxineo saevus transverberat ilia telo:
Extâ solo fluxere; oculis nox ingruit atra.

Huic medium ecce Thoas victori vulnerat asta
Pectus, & alte imò ferrum in pulmone recondit.
Tum, rapido adveniens cursu, telumque receptat
Haerens, & stricto ventrem ferit ense: perempti
Nec tamen & spoliis potitur. Mavortia pubes
Nam Thracum steterat circum, crinita supremum
Illa caput, longasque manu protenderat hastas.
Ergo virum longe proturbant. fortis, & ingens 600
Non tamen est ausus contra consistere, mortem
Sed vitans retulitque pedem, praedamque reliquit.

Sic duo belligeri ductores, alter Epeus,
Thrax alter, juxta camporum pulvere in atro,
Strati membra solo frigentia morte, jacebant.
Corpora multa virum circum dejecta cruore
Spargebant largo terram. pugna aspera gliscit.
Fortia nec quisquam repudat facta virorum,
Dura queat ferro si non contactus obire
Praelia, si longe avertens volitantia tela, 610
Duceret ipsa manu illaefum per bella Minerva.
Multi luce illa Troes, Grajique cruento
Nam Phrygiam late straverunt corpore terram.



II O M E R I

I L I A D O S.

LIBER QUINTUS.

T Interea invictam dura inter praelia robur,
 Vimque dedit forti indomitam Tritonia Pallas
 Tydidæ, reges inter spectandus Achivos
 Ferret ut exiniam primæ virtutis honorem,
 Atque illi clypeusque ingens umbone rubentem
 E medio, summoque ardens in vertice cassis
 Aerea fundebat flammam: sub nocte serena
 Ceu rubet Oceani lotus canis aestifer unda,
 Sanguineam jactans ingrato sidere lucem.
 Sic humeros, sic ille caput fulgore coruscant
 Horrifico; turbamque inter, qua dive ciebat
 Bellipotens, ac tela inter densissima fertur.

Idæus, Phegeusque, Dares in praelia misit
 Quos genitor, prædives opum, castusque sacerdos
 Vulcani, bello egregios, pugnaeque scientes
 Omnigenae; curru adverso venere volantes,
 Digressi a fociis. curru hi pernice volabant;
 Ipse pedes contra graditur: nec longius absunt
 Jam se inter teli jactu. prior eminens hastam
 Conjecit toto connixus corpore Phegeus.
 Illa volat, supraque humerum tremebunda sinistram
 Nequidquam stridens volucres diverberat auras.

At non in ventos abiit detorta, lacerto

G 2

Quam

Quam valido misit contra Tydeius heros:
Sed venit, atque ipsas inter defixa papillas,
Adversi medium crudeli vulnere pectus
Perforat. & curru moribundum evertit ab alto.

Desiluit curru Idaeus, fratremque jacentem,
Turbatosque oblitus equos, instantia vitat
Fata fuga: noctem fugienti offudit opacam, 30
Et circum densa juvenem caligine texit
Vulcanus, patri servans; viduatus utroque
Ne gnato, luctu senior tabescat amaro.
Tydides captos bijuges candore nivali
Dat sociis, vacuumque ad naves ducere currum.

At vero, ut geminam prolem videre Daretis,
Hunc fugere, hunc multo morientem in sanguine volvi,
Trojugenae cecidere animis; in pectora cunctis
Insinuat gelida trepidus formidine terror.

Interea Martem (namque is Trojana juvabat 40
Arma, gravis genti Danaum deus) obvia Pallas
Aggreditur dictis, & vafro haec pectore fatur:

Mars clades hominum, faeva Mars caede cruenta,
Murorum everfor; sinimus quin cernere ferro
Troas congressos Danais, quos vincere malit
Cunque pater; nosque hinc vetitis abscedimus armis
Astutum, dictoque Jovis paremus uterque;
Dum licet. irarum scis quantos pectore fluctus
Neglectus volvat genitor, caeloque minetur.
Dejecturum omnes ut caeca in Tartara divos. 50

Sic ait; eque acie deceptum callida Martem
Seduxit; placidusque rigat qua prata Scamander,
Propter aquam viridi riparum in sede locavit.

Conti-

Continuo versi Troes; cedentibus instant
Grajugenae. sibi quisque virum dux eligit omni
E numero, leto sternens. Agamemnonis hasta
Gentis Halizonum ductorem, ad moenia curru
Averso fugientem Hodium cervice sub ipsa
Consequitur, tergumque volans, & pectora transit.
Corruit: arma super magno intonuere fragore. 60

Boriden Phaestum Idomeneus ad bella profectum
Maeonia e pingui, patriaeque ex ubere Tarnes,
Dum trepidat currum scandens, transverberat hasta
Ad dextrum delata humerum. nox atra cadentem
Occupat: Idomenei famuli, fulgentibus armis
Exutum, foedo camporum in pulvere linqunt.
Strophīades cadit inde Scamandrius, ille ferarum
Vastator; silvas venatrix diva per omnes
Quem duxit; jaculoque dedit, celerique sagitta
Figere apros, urfosque, & quidquid per nemora alta 70
Unguibus occurrit, vel saevo dente timendum.
Infelix! quem nec telis Latonia gaudens,
Nec validi juvere arcus, certaeque sagittae!
Namque minor tergo fugientis fixit acutum
Atrides telum in medio, & praecordia rupit
Transadigens. cadit: arma super sonuere cadentem.

Meriones Phereclum manes demittit ad imos,
Harmonidae egregii prolem, quem Pallas amavit,
Daedaleas artes, opera & fabrilis doctum.
Dardanio classem Paridi qui struxerat olim 80
Velivolam, patriaeque ingens, ipsique futuram
Exitium, ignarus divum quid fata pararent.
Meriones, cursu juvenem, teloque secutus,

Transfigit duro lumbos infra ilia ferro.

Ingemit, inque genu flexum ruit: ilicet atram
Offudit super incumbens Mors lurida noctem.

Sternit morte Meges Pedaeum, Antenore cretum
Ignota de matre; viro, quem, dia Theano
Indulgens, tectoque nothum, mensaque recepit;
Atque suis miro gnatis aequabat amore. 90

Illum Phylides fugientem pone secutus,
Hastam, qua caput est junctum cervice, trementem
Impulit, exegitque viam per vocis, & albos
Per dentes: duro dissecta est vulnere lingua:
Corruit, & lacero frendens telum ore momordit.

Eurypylus Evaemonides Hypsenora dium
Magnanimo genitum Dolopione, sacra Scamandri
Qui stata curabat patrii, divumque sacerdos,
Trojugenasque inter divum prope cultus honore;
Eurypylus plantis pernicibus igneus illum 100
Asssequitur, dextramque humeri cum parte corusco
Ense metit; campo jacuit defecta cruore
Perfundens terram tepido manus: ingruit olli
Nigraque Mors oculis. & ineluctabile Fatum.

Talia per campos edebant funera, pulsos
Urgentes Teucros alii: Calydonius heros
Incertum qua parte ruat, quaenam arma sequatur.
Nam sociis nunc se miscet, nunc hostibus ardet
In mediis, turbamque inter, fremitumque, per omnes
Huc illuc cuneos densa inter milia fertur. 110

Amnis ut, hibernis cum rupto e nubibus imbri
Intumuit, pontesque altos, & septa virentum
Riparum evertit veniens, cultisque potitus

It late victor campis; urgetque, ruitque
Obvia quaeque simul raptans, Cerealiaque arva
Turbidus, & magno sternit vineta fragore:
Sic, heros quacumque viam secatur, agmina cedunt,
Abstinentque, ruuntque ingenti clade phalanges,
Stare loco nec pulsa uni tot milia possunt.
Adspicit hunc animis, ferroque immane furem, 120
Praeque acies urgentem atra formidine verfas,
Pandarus: adduxitque arcum, nervoque sagittam
Expulit. illa cavi, penna sublapsa volucris,
Dextrum juxta humerum venit thoracis ad oram,
Perque moras omnes vulnus, per athena septa,
Certa tulit. longe agnovit thoraca madentem
Sanguine, sublatoque alacer clamore profatur
Pandarus: Este viri, densique invadite pugnam,
Troes, equum domitrix pubes, bello incluta: vulnus,
Vulnus habet Grajos inter dux optimus omnes; 130
Nec, reor, ille diu fixum alte in corpore telum
Perferet; excitum Lyciae si pinguibus arvis
Non frustra Iliacam Phaebus me duxit ad urbem.
Talia vociferans jactabat. faucius heros,
Nec tamen & domitus telo, secedere paullum
Cogitur; atque pedem referens, ubi stare propinquo
In curru vidit Sthenelum, juga propter, & acres
Constitit ad bijugos, dictisque ita fatur amicis.
Ocyus huc, Capaneiadè, fixumque sodali,
Siqua viam fortuna regat, de corpore telum 140
Exime. Desiluit curru Capaneius heros;
Admovitque manum leviter, penitusque latebris
Haerentem eduxit multa vix arte sagittam.

Atque illi calido perfudit flumine sanguis
 Profiliens loricae hamos, atque aerea texta..
 Tum vero ingemuitque, manusque ad sidera tendens,
 Qua fretus, magno divam clamore vocavit:
 Nunc nunc, o magni Jovis edita vertice Pallas
 Armipotens; siquando mihi, siquando parenti,
 Aequa meo saevi dubio in certamine Martis 150
 Venisti auxilio; neque audi, daque petenti,
 Conjectum ad teli veniens ut faucius, hasta
 Transadigam, qui me incautum praevertit, adaeto
 Vulnere; nunc domitum jactat, gaudetque cruore,
 Diva, meo; nigramque mihi denunciat horam
 Instare, & clari linquendum lumina solis.

Audiit orantem Pallas; membriūque vigorem,
 Inviētum manibus robur, celeremque sequendi
 Vim pedibus, mire afflavit: coramque videnda
 Adstitit, & verbis virtutem accendit amicis: 160

I, Teucros invade audax, caede agmina ferro,
 Tydide; indomitum tibi namque in pectora robur,
 Vimque dedi patriam, Tydeus qua praelia obibat
 Horrendumque sonans clypeo, curruque superbus.
 Praeterea, tibi quae mortales densa tegebat
 Dudum oculos, nubem eripui; divosque, hominesque
 Agnosces. divum siquis te forte laceſſat
 Huc veniens, tu parce aliis: imbellis at inter
 Arma virum si forte Venus descendet; acuto
 Ne dubita divam mortalis laedere ferro. 170
 Sic ait: eque oculis tenues abſceſſit in auras.

Ergo iterum adverſos duſtor Calydonius hoſtes
 Invadit, caliduſque animis, & robore triplo

Auſtior.

Auctior. ut, saltu caulas, & ovilia tentat
Impastus dum plena leo, si pastor inerti
Conspectum strinxit jaculo, nec vulnus adegit
Astius. ille subit, motamque invadit ob iram
Acrior: exsanguis trepida formidine pastor
Abdidit in latebram sese: torvus leo septa
Insiluit deserta: metu se cogit in arctum 180
Molle, & acervatim densat pecus: ipse cruentam
Abripuit, longeque tulit per devia praedam.
Haud aliter saeva Tydides concitus ira
Miscet se Teucris. leto dat protinus acrem
Astynoumque, & Hypenora regem. pectus in altum
Condidit huic hastam veniens: stricto metit olli
Ense humerum dorso abjungens; dehinc torvus Abantem
Magnanimum graditur contra, & fratrem Polyidum,
Eurydamantiadas geminos: queis somnia vates
Pandeat genitor; sed non & fata retexit, 190
Quae miseros sub forti olim Diomede manebant.
Phaenopis hinc prolem, Xanthum, celeremque Thoona,
Aggreditur: curamque patri, luctumque relinquit
Grandaevo, prole amissa, cui dulcis adempta est
Spes generis, multoque diu quaesita labore
Res perit, ignotis linquenda heredibus olim.
Tum duo Priamidas fratres, unoque ruentes
In curru, leto dat Echemonaque, Chromiumque.
Ille velut visam curva in convalle juvencam,
Aut taurum insiliens, fracta cervice; trementem: 200
Sternit humi subito magnus leo; dejicit ambos
Sic alto e curru juvenes, spoliataque linquit
Membra solo; bijugos, vacuumque ad litora currum
Impe-

Imperat a fociis alta in tentoria duci.

Hunc procul Aeneas trepidas turbare phalanges
Ut vidit, per bella ruit, mediumque fragorem
Hastarum, ostendat quaerenti sicubi sese
Pandarus: invento verbis haec fatur amicis.

Pandare, quonam arcus tibi nunc, celeresque sagittae?
Quonam fama ingens abiit? contendere nemo 210
Qua tibi Trojugenum possit; qua vincere nemo
Te Lyciae patriis fertur bellator in oris.
En agedum sustolle manus, &, rege vocato
Caelicolum, contende arcum; telumque volucre,
Quisquis is est, immitte viro, media agmina victor
Qui secat, & clades tot jam dedit efferus, ac tot
Fortia crudeli dejecit corpora leto:

Ni deus est si forte aliquis, qui Troas omissa
Propter sacra premit. dura, & gravis ira deorum est.

Haec Anchisiades: tum contra Pandarus infit: 220
Magnanime Aenea, Troum dux inclyte, forti
Ille quidem similis Diomedi est omnia, longam
Et galeam, & clypeum, & bijugos; nec noscere pronum est
Sitne deus mortali aliquis sub imagine: sed si,
Quem reor, est; aliquis certe deus adstat, inani
Ille humeros tectas nebula, fatalia praesens
Ipse manu qui tela viri pro corpore longe
Amovet, atque alio detorquet flexa. sagittam
Misi ego letiferam certe modo; fixaque dextro
Est humero penitus trans aerea texta; putabam 230
Jamque virum ad nigras Orco demittier umbras.
Nec tamen edomui, nec telo extinguere pestem
Hanc potui. votis aliquod male numen, amicum

Obsti-

Obstitit, atque meas lussit spes, orsaque vana.
Cominus, ut cupiam, nequeo tamen ire, jugales
Nec mihi enim, nec currus adest, quem scandere possim.
Undenos demens qui currus aede reliqui
In patria pulchrosque, & firmo robore nuper
Compactos: obtenta omnes circumque, supraque
Vela tegunt: et equi prope stant, & candida pingues 240
Hordea vescuntur, floremque siliginis alnum.
Saepe senex, bellicque omni catus arte Lycaon
Saeva domo ex alta gradientem ad bella jubebat
Ducere equos, curruque instantem in praelia Troas
Hortari: at jussis renui parere paternis
Stultus, equis parcens; ne, dum concludimur arctis
Moenibus obsessi, plena ad praesepia largo
Adfuetos victu, fruges ac pabula tandem
Deficerent. ergo liqui; ac pedes, atque sagittis.
Adveni Iliacas, arcu & male fretus, ad oras; 250
Arma gerens bello nil profectura. petivi
Nanque duo e Graja primores gente, minorem
Atriden, tum deinde istum, qui Troia perdit
Agmina, Tydiden. largus de vulnere utrique
Sanguis iit: sed enim nihil actum. ynlnus utrique
Vim magis, ac saevos acuit sub corde furores.
Arcum nempe malis avibus, fatoque sinistro
Pendentem patria discedens aede refixi,
Hectoris evictus precibus, qua luce meorum
Agmen Dardanias huc coepi ducere ad arcas. 260
At si Parca dabit redditum, si visere quondam
Contigerit patriam, thalamumque, Laremque paternum;
Ut caput hoc jaceat procul a cervice refectum,
Hos

Hos ego ni dederim claro arcus igne cremandos,
Ipse meis frangens manibus; qui ad bella secuti
Me frustra nullo juverunt scilicet usu.

Pandarus haec: contra Aeneas cui talia reddit.

Ne vero, ne fare istaec: verum ille furoris

Desinet haud unquam, pariter ni scandimus ambo

Currum, & equos, contraque virum procurrimus una. 270

Quare age fide, meos pigeat nec scandere currus,

Trojanos ut equos noscas; quo turbine campos

Tranent, quam dociles se flectant, sive sequantur,

Sive fugam, poscit cum res, quandoque capestant.

Hi salvos ducent ad moenia, Jupiter obstat

Si nobis, decus & Diomedæ addicere pergat.

Rumpe moras, & lora manu, tortumque flagellum

Tu capito; ipse hostem excipiam: vel, si placet, hostem

Excipe tu; ipse manu interea molibor habenas.

Haec Anchisiades; at Pandarus: Ipse teneto 280

Lora, inquit, bijugosque tuos tu flecte. prementem

Si vitare fuga forte usus venerit hostem,

Notus ages melius notos auriga jugales:

Ne, si forte aliqua trepident formidine, campis

Ire vagi temere incipiant; renuantque periclo

Eripere avestos, tua si vox desit: at acer

Tydidem leto adveniens demittat acerbo

Nos; & equos victor celsa ad tentoria ducat.

Ergo tuos melior solerti pectore currus

Ipse rogo: hunc at ego excipiam, cum venerit, hasta. 290

Haec fati scandunt currum; pugnaeque parati,

Alipedes cursu rapido immisere jugales.

Hos Capaneides Sthenelus viditque ruentes,

Com-

Compellansque citis Diomedem vocibus, inquit:

Tydide, ante alios omnes mihi care sodales,

Ecce duos fortesque animis, & corpore magnos

Huc se ferre viros video, pugnamque parare.

Pandarus est alter genitore Lycaone cretus,

Fatifero praestans arcu; Mavortius alter

At, formosa Venus quem magnanimo Anchisae 300

Edidit, Aeneas. retro nunc flectere paullum

Praestat equos; primam nimium ne strenuus, oro,

Ante aciem exsulta, dulcem nec prodige vitam.

Haec sapientem fortis Diomedes lumine torvo

Adspiciens: ne vero, inquit, ne perge profecto

Hortari frustra, dem terga ut territus hosti.

Turpe referre pedem pugnanti, turpe timere

Est mihi. nondum etiam vires liquere labore

Defessum, sed inest integro in corpore robur

Indomitum, currusque piget conscendere. Contra 310

Obvius ibo ultro: nil me Tritonia Pallas

Namque timere finit. veniant, pugnentque; sed ambos

Haud certe alipedum referet fuga; si modo & unus

Fugerit, atque meam felix vitaverit hastam.

Praeterea hoc addam; tu fac sub pectore condas

Dicta memor. mihi si consultrix forte Minerva

Annuat amborum spoliis clarescere opimis,

Ipse tuos festinus equos heic siste, rotarum

Orbibus adductas religans non segnis habenas;

Et celer Aeneae currus forti arripe dextra, 320

Verte & equos longe a Teucris, & pellito Achivum

In cuneos. creti, nec vana est fama, feruntur

Illorum de gente, olim quos ab Jove summo

Tros

Tros tulit, abrepti pretium Ganimedis, ab ortu
 Solis ad occasum praestantes omnibus. horum
 Anchises clara sibi sex de stirpe parasse
 Fertur equos, ausus clam Laomedonte volucres
 Subdere equas furto. pullos sibi quatuor ipse
 Jussit ali senior plena ad paesepia, forti
 Tradidit at geminos agitare in praellia nato. 330
 Quos capere annuerint si dii, nos magna sequetur
 Gloria, & ad feros maneat quae fama nepotes.

Haec illi alternis inter se verba ferebant.
 Interea rapido propior sonat ungula cursu,
 Adventantque, adsuntque hostes. tum Pandarus, hastam
 Immanem librans, Diomedi talia fatur:

Magnanimi proles bello fortissima Tydei,
 Vivis adhuc: frustra petii te nempè sagitta.
 Nunc hasta experiar possim si mittere ad umbras.

Dixit & ingentem magna vi conjicit hastam; 340
 Qua gravis insonuit clypeus; tum ferrea cuspis
 Intro illapsa cavas venit thoracis ad oras.
 Voce Lycaonius magna tum protinus heros
 Clamat: Vulnus habes, venitque sub ilia ferrum;
 Quod tibi fata, mihi laudem feret ocyus amplam.

Tydides contra, vasto nil territus ictu:
 Errasti; dextrae deus absuit; irrita jactas
 Vulnere. sed vobis pugnae non ante cruentae
 Finis erit, telo quam fixus uterque, vel alter
 Morte ferum, & largo satiarit sanguine Martem. 350

Sic ait, intorsitque hastam; quam magna volentem
 Direxitque manu Pallas, narique sub ipsum
 Fixam oculum, dentes trans alboſ egit. athena

Extre-

Extremam cuspis linguam secat, exit & imo
Gutturis ad fines immani vulnere mento.
Volvitur e curru praeceps: ingentia casu
Arma gravi sonuere super: timuere fragore
Turbati subito alipedes: vomit ille cruorem
Stratus humi; exsanguem viresque, & vita reliquit.
Emicat Aeneas, clypeumque, hastamque trementem 360
Quassat, multa timens cassum ne lumine corpus
Forte trahant Danaï ad sese: stratumque, leoni
Adsimilis, multa fretus virtute cadaver
Circuit; atque, adeat si quisquam, fata misatur
Horrendum clamans. saxum at circumspicit ingens,
Attollitque manu magna Tydeius heros:
Saxum immane, viri quod nunc duo tollere terra
Haud possent; heros torquebat solus in hostem:
Elatumque leves magno stridore per auras
Impulit. ad coxam venit lapis improbus, illuc, 370
Coxae ubi se incertum versat femur; ossaque, & ambos
Dirupit nervos lacera cute: lapsus at ille
Genua solo posuit, dextraque innixus in ipsam est
Pronus humum: tenebris nigrescunt omnia circum.
Illa dies adeo ductori extrema fuisset
Dardanio: sed enim mater dea, nata supremi
Pulchra Jovis, magno Idaeis quae in saltibus illum
Anchisae genuit, sensitque, exterrita casu
Et tanto, niveis gnatum est complexa lacertis;
Praeque sinum peppli tendens, tela omnia contra 380
Diva suam texit sobolem, ne forte jacenti
Duro aliquis Danaum praecordia rumperet aere.
Illa quidem dulcem tristi subducere pugnae

Festi-

Festinat gnatum. Interea Capaneia proles
 Mente alacri cari peragit mandata fodalis.
 Ergo suos abducit equos; sistitque rotarum
 Orbibus adductas religans non segnis habenas:
 Inde citus bijugos Aeneae pulchra comantes
 Avertit longe, a Teucris, atque egit Achivum
 In cuneos; tum Deipylo dedit, omnibus unum 390
 Quem mire in fociis dilexit, moribus, omni
 Et studio unanimum, ad curvas agere inde carinas.
 Ipse suos conscendit equos, & cepit habenas
 Impiger, ac celerem Diomedi, pone secutus,
 Admovit currum. Venerem qui saevus acuto
 Appetiit telo procurrens. namque sciebat,
 Enervem esse deam, sine viribus, atque cruentae
 Exsortem pugnae, nec quae regat horrida bella,
 Pallas, ut, aut Bellona, urbes vastare superbas
 Sueta manu. ergo, illam media inter tela secutus, 400
 Protenditque hastam, summamque invasit acuto
 Aere manum. hasta volam tetigit propulsa, deaeque
 Ambrosium rupit peplum; quod scilicet olli
 Formosis Charites manibus fecere; cutimque
 Lambens exiguo perstrinxit vulnere. sanguis
 Aetherius pulchro fluxit de corpore; divum
 Qualis nempe fluit tenui de corpore sanguis.
 Albidus. haud etenim Cereris, vel dona Lyaei
 Vescuntur. vero idcirco sine sanguine vivunt,
 Nullo fessi aevo, senioque, & morte carentes. 410
 Laesa manum telo, gnatum dea projicit, altos
 Moesta ciens questus; projectum Phoebus Apollo,
 Ipse suis manibus rapiens, longe abstulit atra

Obscu-

Obscurum in nebula; ferro ne in pectus adaeto
Dulci aliquis regem spoliaret lumine vitae.

At Venerem interea Diomedes increpat audax
Voce tonans magna: Bellumque, & praelia linque,
Nata Jovis. generi non vafras neetere fraudes
Foemineo fatis est; imbellesque arte puellas
Decipere imbelli? parce o te fortibus ultra 420
Immiscere armis, gravius ne passa quid, ipsum
Horrescas belli nomen, si forte per aures
Iverit, auditum longe. Sic turbidus heros
Increpat. Illa, animi dejecta, & vulnus acerbum
Flens, abiit. quam lapsa altis de nubibus Iris
Apprehenditque manu miserans, turbaque gementem
E media eduxit. roseo spectanda colore
Pulchra cutis maculis livorem duxerat atris.

Ut pugna excessit, Martem dea nata sedentem est
Bellantum ad laevam; (juxta in caligine densa 430
Hasta dei, currusque ingens, bijugique latebant)
Et supplex, genua amplectens, genibusque volutans,
Orat equos fratrem; lacrimisque haec fatur obortis:
Affer opem, frater, miserae; nec sperne sororem;
Daque tuos tantisper equos, queis utar Olympum
Ascensura deum ad sedes. nam vulnere faevo
Angor, mortalis quo me vir vulnere laesit,
Tydides. ipsum qui, credo, hominumque, deumque
Haud dubitet saevus jam patrem invadere ferro.

Sic ait. insignes phaleris, auroque coruscis 440
Mars dat equos. curru sedit Venus. Iris eodem
Scandit, & arreptas manibus molitur habenas;
Verbere dehinc monuit bijugos. rapuere volentes

Currum illi aerias trans nubes, altaque divum
Ad testa, & celsi venere ad culmen Olympi.

Curru heic solvit equos Iris, pinguisque solutis
Ambrosiae apponit manibus caelestia plenis
Pabula. moesta suae se matris diva Diones
In genua abjecit flentem Venus. illa gementem
Excepit; niveis gnatam & complexa lacertis 450
Mulcebatque manu, tremefacto & corde rogabat:

Dulcis nata, deum tibi quisnam talia saevus,
Deprehensae veluti manifesto in crimine, fecit?

Cui Venus: O mater, Diomedes ille superbus,
Progenies Tydei vesana, atque impia, vulnus
Intulit heu miserae, gnatum subducere pugnae
Dum cupio Aeneam, quo nil mihi carius usquam est.
Non Troas contra nam gens jam pugnat Achaea,
Sed fera cum magnis exercet praelia divis.

Haec fantem, blanda solatur voce Dione: 460
Dulcis nata, licet mentem dolor anxius urat,
Fer tamen. humana duros a gente labores
Saepe alii tulimus laedentes mutua divi.
Mars tulit; implicitum duris cum fortia vinclis
Brachia, Aloidae gemini, Otus, truxque Ephialtes,
Carcere in aerato vinctum toto amplius anno
Servavere. illic multo & graviora tulisset
Perditus aerumna Mavors, ille inclytus armis;
Mercurio ni rem pandens ex ordine tandem
Narrasset fornicosa omnem Eeriboea noverca. 470

Is Martem vastro subduxit denique furto
Enectum vinclis, & vix genua aegra trahentem.

Juno etiam tulit; ingenti cum robore fretus

Amphi-

Amphitryoniades laeva sub parte papillae
 Appetiit divam, fixitque tricuspide telo.
 Passus idem Pluto est immani corpore; in Orci
 Cui foribus natus Jovis idem vulnus adaeta
 Intulit ex arcu longe fallente sagitta.

Ille ad testâ deum, summique ad culmen Olympi
 Venit multa dolens, humero letalis arundo

480

Haerebat, crucians animum, saevoque dolore
 Membra domans. Paeon medicamen mite vocatus
 Insperfit, sanans periturum, aeterna perire

Quovis pressa malo si possent numina, morte.

Sic olim Alcides, fil non patrare malorum

Audax, caelicolas magnos, qui fulgida Olympi

Testa colunt, saevo violabat perditus arcu.

Cui similem istum acuit contra te caesia Pallas.

Demens hoc animo secum Tydeia proles

Nec reputat; divos qui bello cumque laceffit,

490

Huic non longa aevi largiri stamina Parcas,

Nec sedes reducem ad patrias post bella reverti,

Excipere & genibus gnatos, patremque vocari.

Tydides videat, quantumvis fortis, & illo,

Et te secum aliquis ne pugnet fortior, & ne

Continuo exululans Adrastine Aegialea

Nocte domi famulos misero plangore cubantes

Excitet, & fortem, nupsit cui virgo, maritum

Deploret, viduos & tempus in omne penates.

Sic ait; admovitque manus, tersitque cruorem

500

Ambrosium, atque omnes exemit diva dolores.

Haec Juno, & Pallas spectarunt omnia: risum

Nec tenere; Jovem dictis tentare jocosis

Et coepere . prior quem sic affata Minerva est :

Pace tua licet hoc genitor , quod mente voluto ,
Dicere ? pulchra Venus Graja de gente puellam
Vult aliquam dum more suo percellere , Troas ,
Omni quos studio fovet , ut fugitiva sequatur ,
Dumque manu mulcet cunctantem , fibula mollem
Incautae laesit perstringens aurea dextram . 510

Sic ait : at divum risit pater atque hominum rex ,
Et Venerem vocat ad sese , dehinc talia fatur .

Nil tibi cum bello est , mea gnata , & fortibus armis .
Tu molles thalamos , laeta & connubia cura ;
Arma ferus tractet Mars , & Tritonia Pallas .

Haec inter sese di celsa in sede loquuntur .
Acer at indomito Diomedes marte premebat
Aeneam ; dextra ingenti quem Phoebus Apollo
Protegit . ille , deum haud veritus , magis & magis instat ,
Ac vita spoliare virum festinat , & armis . 520

Ter faevus ferro contra irruit : ipse ruenti
Ter dextra clypeum fulgentem torvus Apollo
Reppulit , at quartum magna cum turbidus ira
Insiluit , voce increpitum sic terruit altum
Inclamans , diroque jubens desistere coepto .

Parce ausu , vefane ; pedem refer , atque deorum
Ne gere te similem tumefacto corde : virum gens
Reptat humi ; superi colimus caelestia templa .

Sic ait ille . gradum absiliens retro tulit heros ;
Atque sagittiferi vitavit numinis iram . 530

At Deus Aeneam turbaque exemit Achiva ,
Pergameaque locans raptum deponit in arce ,
Stant ubi pulchra deo , sacrisque calentia templa .

Aeneam

Aeneam Latona parens, & laeta sagittis
 Exceptum sacra curabat in aede Diana.
 Arcitenens tenuem Aeneae sine corpore formam
 Ipse suis finxit manibus, vultuque habituque
 Assimilem verae, & cinctam fulgentibus armis.
 Quam circum Troes glomerati, Argivaeque pubes
 Caedebant clypeos, parmasque horrentibus hastis. 540
 Interea his Martem verbis compellat Apollo.
 Mars clades hominum, multa Mars caede cruenta,
 Murorum everfor, nunquam ne absistere pugna
 Tydiden coges? nunquam diro obvia regi
 Arma feres? pugnare Jovi qui jam offerus ipsi
 Audeat; & Veneris violavit vulnere dextram;
 Irruit & saeva me contra turbidus ira.

Haec fatus, liquit pugnās, inque arce refedit
 Pergameā. Troum cuneos Mars torvus obibat,
 Atque ducem Thracum referens Achamanta, morantes 550
 Priamidas ciet, ac praesens accendit in hostem.

Priamidae magni, genus alto a sanguine divum,
 Quo vestram caedi pubem usque sinetis Achivis?
 Anne fugax urbis portas dum pugnet ad ipsas?
 Vir jacet, ipse Hector quam non praestabat honorē,
 Magnanimo Anchisae mater quem diva creavit.
 Hunc, agite, e medio mecum servate tumultu.
 Sic ait; atque animos acres, vimque omnibus addit.

Tunc his increpuit Sarpedon Hectora dictis:
 Hector, quo robur, quo vis tibi pristina fugit? 560
 Dicebas olim, solum te velle, sine ullo
 Aut cive, aut socio, fratrum, generumque caterva
 Stripatum, Grajis urbem defendere ab armis.

H 3

Quorum

Quorum ego de numero, spectans circum omnia, nullum
Pugnantem video. cessant, trepidantque, leonem
Ut circa imbelles catuli. pugnamus in hostem
Soli, qui focia Iliacis conjunximus arma.
Namque ego Trojanam longe auxiliaris ad urbem
Adveni, procul hinc, rapido quam flumine Xantus
Perluit, est Lyciae dives pingui ubere tellus. 579
Illic uxoremque meam, natumque reliqui
Infantem, conferta omni & penetralia gaza:
Attamen heic hortorque meos, sumque ipse paratus
Cominus ire viro, quamquam intra moenia Trojae
Nil habeo, quod ferre queant, vel ducere Graji.
Tu contra, statque ipse, tuam nec ductor in arma
Saltem acuis pubem, gnatisque hortare, larique
Ferre suo auxilium; duris ne more ferarum
Cassibus implicitos, praedam, & ludibria Graji
Vos faciant, & vestra solo jam moenia vertant. 589
Haec te mente decet noctes versare, diesque;
Et precibus socios blandis ambire, labori
Ne duro parcant; concordij & moenia nisu
Ut positis pergant odiis, rixaque tueri.

Talia Sarpedon. dictis perstrictus amaris
Indoluit, curruque in terram desilit Hector,
Atque manu crispans praefixo hastilia ferro,
Hac illac celeri pede cursat flammeus omnes
Per cuneos, passimque acres hortatibus iras
Suscitat, ac pugnae mentes incendit amore. 599
Continuo firmantque aciem, conversaque in hostem
Arma ferunt densi. quos contra Argiva juvenus
Densa manet, nec terga fugae conterrita vertit.

Ac

Ac veluti stipulasque leves, culmosque volantes
 Flabra ferunt. fortes jaciunt cum trita coloni
 In ventos frumenta, Ceres & flava solutam
 Secernit frugem paleis; denso area circum
 Sacra acere, & vacuis ingens albescit aristas:
 Haud aliter Graeae sublato pulvere turmae
 Albescunt, crebro quem suscitât ungula pulsu 600
 In mediis, caeli undantem sub caerula, postquam
 Convertere aciem, flexitque auriga jugales.
 Illi inter sese collata praelia dextra
 Exercent: densa pugnam caligine Mavors
 Involvit, Troasque juvans obit agmina; Phoebi
 Mandata & peragit, Phrygias qui jussit in arma,
 Ut pugna est Pallas digressa, urgere phalanges.

Phoebus at Aeneam sacris ad bella remittit
 Ex adytis, firnumque viro per membra vigorem
 Indidit adspirans. socios, mora nulla, revisit, 610
 Ac stetit in mediis bellator. gaudia laetam
 Complerunt cunctis mentem, vivumque, vigentemque
 Ut videre; nihil scitari at dura sinebat
 Pugna, laborque, aciem quo exercet Phoebus Apollo,
 Marsque ferus, diroque furens Discordia bello.
 Nec minus & Danaos adversa ex parte ciebant
 Ad pugnam gemini Ajaces, & fortis Ulysses,
 Exsultansque animis Tydides. agmine facto
 Illi non Troum vires, non dira frementum,
 Clamorem horrificum metuebant: sed pede pressa, 620
 Hostem expectabant. Ceu nubes caerula in altis
 Montibus, aërio caelum qui vertice tangunt,
 Tranquilla statuit quam tempestate deum rex

Immotam; Boreas dum turbidus, & filet omnis
 Ventorum turba, immani qui turbine opacas
 Discerpunt late nubes, striduntque per auras:
 Sic Danaï Teucros adversa ex parte ruentes
 Imperturbata conferti mente manebant.
 It celer hac illac, turmasque hortatur Atrides.

Este viri, patrium, focii, nunc promite robur, 630
 Nunc animos, pudeatque fugae dare terga. virorum,
 Quos pudet, incolumis multo pars maxima faevi
 Evadit casus belli: non gloria, non vis
 Ulla viro est, cum terga dedit, posuitque pudorem.
 Dixit, & adversos telum jacet acer in hostes;
 Aeneae socium quo Deicoonta peremit
 Pergasiden, ipsis multo quem Troes honore
 Aequabant Priami natis, interritus ultro
 Quod primam ante aciem pugnator in arma ruebat.
 Huic gravis ingentem clypeum ferit hasta; nec umbo 640
 Sustinuit. medium transverberat aerea cuspis,
 Perque moras baltei ventrem pervadit in imum.
 Membra ruunt collapsa: sonum super arma dedere.

Tum geminos premit Aeneas, duo lumina Grajux,
 Morte Dioclidæ Cræthonaque, Orsilochumque;
 Dives opum genitor queis Pherae celsa colebat
 Moenia ab Alpheo prognatus flumine, late
 Qui Pylios pulchro campos interluit amne.
 Orsilochum Alpheus regem, Orsilochusque Dioclem
 Magnanimum genuit. Chreton hinc natus, & una 650
 Orsilochus, clari bello, Martisque periti
 Omnigeni; primo vernantes flore juventae
 Qui curvis Phrygium litus petiere carinis,

Argi-

Argivam laeti classem, geminosque secuti
Atridas. celsis Trojae sub moenibus atra
Mors juvenes rapuit, tristi & superobruit umbra.
Ut gemini, acrio mater quos vertice montis
Eduxit quondam densa inter lustra, leones;
Illi armenta boum praedantes magna, gregesque
Lanigeri pingues pecoris, stabula alta peragrant, 660
Et passim horrendas dant caedes; donec & ipsi,
Sub manibus domiti juvenum, praesepia ad alta
Conciderunt, ferro confossi pectus acuto.
Haud aliter dextra Aeneae fratres duo celsis
Abietibus similes planxerunt corpore terram.

Hos ubi prostratos immani vulnere vidit,
Provolat ante aciem Menelaus, & aere corusco
Fulgens ingentem quatit hastam. quippe ciebat
Ipse virum stimulis Mavors haud mollibus, atrum
Aeneae cupiens manibus demittere ad orcum. 670
Hunc procul Antilochus vidit, Neleia proles,
Ante aciem & primam volat ocyus impiger, ipsi
Atridae metuens; tum ne victoria Grajum,
Omnis & in ventos fusus labor iret inanes.
Illi hastas inter sese pugnare parati
Contulerant, propius Menelaum constitit acer
Antilochus. quamvis animis, ac robore praestans,
Aenas retro gressum tulit, ut sibi vidit
Uni instare anceps gemino certamen ab hoste.
Ergo strata solo fratrum duo corpora turbam 680
Ad Danaum traxere viri, nigroque cruore
Foeda manus inter sociis posuere: relictæ
Ipsi ambo redeunt rursus in certamina pugnae.

Paph-

Paphlagonum heic gentis ductorem saevus, & ipsi
 Par Marti, stantem in curru & per densa ruentem
 Tela, Phylaemenea Atrides maestat Menelaus,
 Extremum & fixa ad jugulum transverberat hasta.
 Aurigae Antilochus saxo stridente Mydoni
 Frangit Atymniadae cubitum, dum cautus ab hoste
 Vertit equos. longe ad terram candentia pulchro 690
 Fraena ebore huic manibus cecidere excussa cruentis.
 Advolat Antilochus, stricto & cava tempora ferro
 Trajicit. & curru moribundus volvitur ille
 In caput, inque humeros, resupino & corpore spissa
 Dulcem animam exhalans haesit defixus arena;
 Donec equi impulsu straverunt pulvere in alto.
 Quos celer arripuitque manu, tortoque flagello
 Instans in medios Nelides egit Achivos,

Conspicit hos longe densa inter milia saevus
 Hector, & horrendum clamans volat ocyus. una 700
 Trojugenum celerant vasto clamore phalanges;
 Quos praeceunt magno Mavors, Bellonaque gressu.
 Immane pugnae gestat Bellona tumultum;
 Ingentem gradiens dextra Mars concutit hastam;
 Et nunc pone subit, nunc Hectora turbidus anteit.

Hunc ubi conspexit Diomedes tendere contra,
 Palluit. atque omnes contreritus horruit artus.
 Ut rudis ingentes campos, latamque virentum
 Planitiem arborum permensus forte viator,
 Venit ubi ad ripam, violento gurgite magnus 710
 In mare qua falsum ruit amnis: rauca frementem,
 Albentemque videns late spumantibus undis,
 Haeret inops animi subito; metuensque pericli,

Unde

Unde abiit, retro sua per vestigia fertur:

Sic retro gressum tulit heros; atque ita fatur:

O focii, qualis venit Hector! quam ferus hastam
Quassat! nec mirum; cui semper, scilicet adstat
Divum aliquis lateri fidus comes, & procul arcet
Praefens fata. viri mortalis nunc quoque Mavors
Atque os atque habitum simulans comitatur euntem. 720
Frontem ergo in Teucros conversi, cedite retro
Usque tamen; mentem cuiquam nec dira cupido
Incitet aeternos contra contendere divos.

Sic ait: at Trojana phalanx magis usque propinquat.
Tum geminos uno in curru per tela ruentes,
Anchialum telo, atque Menesthen dejicit Hector.
Quos ubi prostratos vidit Telamonius Ajax,
Procurritque furens, magnam & vi conjicit hastam,
Et ferit Amphium Selagi prolem, alta colebat
Moenia qui Paesi; rerum nec copia deerat 730
Omnis, & immensae complebant horrea messes:
Parca tamen miserum Trojana ad moenia duxit,
Auxilium regi Priamo, gnatisque ferentem.
Hunc hasta medium, teritur qua balteus alvo,
Aerata longe figit Telamonius heros,
Imaque vibranti transverberat ilia telo.
Corruit; arma super sonuerunt. Advolat Ajax,
Armis ille virum cupiens spoliare jacentem.
At Trojana phalanx magnis clamoribus instans
Spicula torquet acuta, micantia: devia partim 740
In ventos abeunt, partim septempace pulsa
Dant sonitum clypeo ingentem. presso pede supra
Exanimus ille hastam recipit celer: haud tamen arma
De-

Detrahere ex humeris potuit: sic undique telis
 Obruitur, metuitque viros denso agmine foli
 Instantes, longisque ruentes cominus hastis.
 Hi magnum, validumque, recenti & caede superbum
 Avertere: tulit pulsus vestigia retro.

Sic labor hos duri faeva inter praelia belli
 Exercet. magnum interea cretum Hercule magno 750
 Tlepolemum tristis dium in Sarpedona Parca
 Impulit. adversis hi postquam ex agmine telis
 Processere; nepos Jovis alter, filius alter,
 Tlepolemus prior haec vesano pectore fatur.

Sarpedon Lyciae dux gentis, quid te opus inter
 Arma virum trepidare imbellem? nam, Jove qui te
 Progenitum perhibent a summo, falsa loquuntur.
 Deterior multo es nempe illis, quos Jove natos
 Prisca virum heroas non frustra credidit aetas.
 Qualem fama refert Alciden, quo mihi nasci 760
 Patre datum, fidentem animi, pectusque leoni
 Intrepido assimilem; senis qui navibus olim
 Huc vestus, parvaeque manu, fundo eruit urbem,
 Vastavitque vias late, perjurus equorum
 Laomedon armenta viro quod pacta negarat.
 At tibi nec praefens animus, sub pectore quidquam
 Nec verae virtutis inest, pereuntque phalanges
 Nequidquam e Lycia ductae; nec te reor ullo
 Pugnanti auxilio Teucris fore; non, tibi triplo,
 Quam quod inest, majus si ad praelia robur inesset. 770
 Namque mea domitus dextra mittere sub Orcum.

Haec ille: at contra Sarpedon talibus infit:
 Tlepoleme, ille urbem vertit, quam perdidit ipse

Lao-

Laomedon, bene qui meritum vefanus acerbis
Increpuit dictis, nec equos dedit, orbe profectus
Longinquo in Phrygiam quos propter venerat heros.
At tibi nunc vulnusque a me, letumque paratum
Esse ajo. hoc domitus telo, magnam mihi laudem
Victori, ast animam tristi dabis ocyus Orco.

Haec ubi dicta, manu extollens contorsit uterque 730
Fraxineam, totis connixus viribus hastam.
Hastae una ingenti fugiunt stridore per auras.
Sarpedon jugulo telum defigit in ipso,
Et mediam rumpit cervicem cuspide athena.
Transfosso nox densa oculos nigra tegit umbra.
Tlepolemus laevum petiit femur. aerea cuspis
Acta intus duris infixata est ossibus: at rex
Caelicolum gnato mortem pater arcuit atram.

Haud mora, divinum e mediis Sarpedona telis
Sublatum manibus moerenti corde ferebant 790
Affusi circum focii. gravis hasta dolore
Immani miserum premit alto in vulnere fixa,
Dum trahitur; mentem cui nemo advertit, acutum
Ulli cura fuit nec telum evellere pendens
A femore, instanti Grajum subducere turbae
Dum properant regem trepidi, atque imponere curru.

Parte alia exanimem pubes Argiva ferebat
Tlepolemum. Haec fortis non longe vidit Ulysses,
Ac focium miserans immani exaestuata ira;
Anxius ac secum versat sub corde, secutus 800
Num Jovis altisoni prolem transverberet hasta,
Multa neci an Lyciae pubis det corpora. verum
Non erat in fatis olli Sarpedona leto

Ster-

Sternere; & ipsa virum consultrix magna Minerva
 Impulit in Lycias praesenti numine turmas.
 Coeranon ergo neci dat, Alastoraque, Chromiumque,
 Alcandrumque, Haliumque, Noemonaque, Prytaninque,
 Adderet his alios; at flammeus ingruit Hector,
 Et, primam ante aciem procurrens aere coruscus,
 Terruit adspectu Danaos. laetatus amici 810
 Quem subito adventu Sarpedon talibus ultro.
 Compellat verbis, atque ore affatur anhelos:

Priamide, heic Danaïs praedam ne linque fodalem:
 Sed fer opem, vestra raptum hosti linquat in urbe
 Ut vita; in patriam quando jam fata reverti
 Dura negant, reducem nec me vel filius infans,
 Adspiciet, vel, quam liqui, carissima conjux.

Talia Sarpedon. contra nil Hector, at acer
 Praeterit Argivamque ardens depellere pubem,
 Eripere & multis aerata cuspide vitam. 820

Avestum longe focii Sarpedona, pulchra
 Sub Jovis aegifoni fago posuere, vetusto
 Acclinem trunco. telum cui fortis ahenum
 E femore eduxit Pelagón, fidissimus omnes
 Inter, qui regem comitati ad bella, fodales.
 Illum omnis subito liquit calor, atraque circum
 Nox oculos fusa est languenti: rursus at auras
 Haussit suspiciens caelum, tenuemque trahentem
 Aegre animam flatu Boreas frigente levavit.

Argivi Martem interea, saevumque timentes 830
 Hectora, nec nigras ad naves versa pavore
 Terga dabant, hosti nec cominus arma ferebant
 Obvia: sed, postquam vulgatum est esse cruentum.

Cum

Cum Teucris Martem, cedebant usque retrorsum.

Quem primum heic leto, postremum aut stravit Achivum
Armipotens Mavors una, & Priameius Hector?

Magnanimum atque parem superis Teuthranta, & Oresten;
Oenomaum, Oenopidenque Helenum, multoque nitentem
Late auro pictisque armis te, dives Oresbi;

Boeotum in medio qui pingua rura colebas, 840
Semper Hylan habitans lymphæ Cephisside septus.

Hos ubi conspexit duro in certamine stratos
Juno, confestim sic est affata Minervam:

Proh dolor! altisoni Jovis inclyta filia; quorsum
Nostra ibunt promissa (olim nam diximus ambae

Atridae Menelao, altae post moenia Trojae
Versa solo ad patrias rediturum classe Mycenae)

Hoc dirum sinimus Martem si funera pacto
Miscere, ac saevo cessamus fraena furori

Injicere? armari tempus, pugnamque subire, 850
Et fortemque animum, validasque expromere vires.

Sic ait: at Pallas dictis non abnuit. Ergo
Ipsa sua festina manu Saturnia pulchris

Ornat equos phaleris multo fulgentibus auro.
Ast Hebe formosâ rotas curru aptat, utrinque

Aeratos octo radios quibus excipit axis
Ferreus. auro ardet curvatum orbile superne

De solido. hoc flexo duplex amplectitur aere
Lamina circum obiens, opus admirabile visu;

Modioli argento candent; radiata corusco 860

Argento, mollique auro fulgentia lora
Suspendunt fellam; flectit sese anulus orbe

Hanc circum gemino; temo hinc argenteus extra
Pro-

Procurrit; cui summo Hebe festina jugumque
 Auratum neſtens, & vincla jugalia tandem
 Adjecit. curru tum Juno ſaeva frementes
 Jungit equos, cupiens pugnae ſe inferre tumultu.

Parte alia Pallas magni ſtellata parentis
 Teſta ſubit, peplumque ſolo deponit in aureo,
 Ipſa ſibi mira varians quem fecerat arte. 870
 Tum Jovis, obſcuro cogit qui nubila caelo,
 Induitur tunicam. bellum ad lacrimabile ſeſe
 Diva parans, magnamque humeris ingentibus aptat
 Aegida; quam circum pendentibus undique villis
 Horrentem, furvis Terror circumvolat alis
 Pallidus, & Rixae, Fremituſque, Iraeque, Minaeque.
 Gorgonis in medio caput a cervice reſectum
 Monſtrum horrendum, ingens, quo nullum ſaevius uſquam
 Portentum oſtendit divum pater, atque hominum rex.
 Hinc galeam capiti auratam, criſtaque comantem 880
 Quadrifida imponit, quam centum ex urbibus unam
 Struſta acies denſis nequeat perfringere telis.
 Sic rutilum ſcandit currum dea: corripit haſtam
 Inde manu quaſſans ingentem, robore duro
 Praevalidam, atque gravi nutantem pondere, magni
 Magna Jovis qua gnata domat, ſternitque virorum
 Agmina, terribiles quoties exarſit in iras.

Jamque adeo celeres divum regina flagello
 Admonuit bijugos. caeli cui protinus ambae
 Sponte ſua patuere fores. his Juppiter Horas 890
 Praefecit, vigiles quae ſervant limina divum;
 Et referant, clauduntque polum denſae objice nubis.
 Hac iter ingreſſae currus egere volucres;

Atque

Atque Jovem naſtae ſunt alto in vertice Olympi,
Secretum a diviſ pacata mente ſedentem.

Quem prope ſiſtit equos tendens retinacula Juno,
Et regem blanda compellat voce, rogatque:

Rex divum, atque pater, tam faeva, & triſtia facta
Mente vides placida? nec diro irafcere Marti,
Nil laeſus miſeros foede qui perdit Achivos, 900

Totque mala & tales abſumit clade phalanges?
Me gravis interea cura, & dolor angit. Apollo,
Atque Venus placidique ſedent, paſcuntque cruenta
Caede oculos, poſtquam dementem in praelia verbis
Exacuere deum, qui nil juſ, faſque veretur.

Hunc ego percuſſum ſi pugna excedere cogam,
Iraſcere, pater? Sic fata eſt regia Juno;

Sic contra caeli rector Saturnius alti:

En age, belligeram veſano immitte Minervam,
Quae ſolita eſt olli duros inferre dolores. 910

Juppiter haec. Juno paret, volucresque flagello
Urget equos: medias illi, mora nulla, per auras
Corripuere viam celeres, caelumque volabant
Aſtriferum, terramque inter. nam tantus equorum eſt
Alipedum ſaltus, veſtant qui numina, quantus
Aeria e ſpectula vaſtum eſt proſpectus in aequor.

Verum ubi Trojugenum venere ad moenia, ripas
Et virides, jungunt amnes ubi pulchra fluentes

Hinc Simois, hinc arva rigans foecunda Scamander;
Siſtit equos Juno, curruque abjungit ab aureo, 920
Et denſam abjunctis nebulam circum undique fundit.

Ambroſiam at Simois pingui e tellure virentem
Submiſit: laeto riſerunt gramine campi.

Illae autem pavidis ambae incesſere columbis
 Affimiles; unaque leves Argiva petebant
 Agmina ſaturae auxilium. dehinc tramite recto
 Ut venere illuc, dium circa Diomedem
 Stant ubi magnanimi comites, Mavortia pubes,
 Viribus, atque animo ſimilis praestante leonum,
 Aprorum aut turmae per tela adverſa ruentum. 930
 Reſtitit, atque altum clamavit regia Juno,
 Stentoris arguti ſimulans dea candida vocem
 Indomitam; qui juſſa ferens regalia praeco,
 Quinquaginta viris par magna voce ſonabat:

Non pudet, Argivi ſegnes, timidique, nec ulla
 Re, praeter ſpeciem, miri hoſtibus? inter Achilles
 Praelia dum fortis verſari dura ſolebat,
 Dardanias extra portas procedere Troes
 Nunquam auſi; pavido treineſacti corde timebant
 Illius at patriis incluſi moenibus haſtam. 940
 Nunc idem ad curvas pugnant procul urbe carinas.

Sic ait, ac verbis virtutem incendit amaris.
 Tydiden magno feſtinans at cita greſſu
 Pallas adit. curru acclinis tum forte quierat
 Bellator, vulnus relevans frigentibus auris,
 Olli quod Lycius fatali Pandarus arcu
 Intulerat. magno clypei nam pondere preſſus
 Ingentis, loro ſubter ſudore fluebat,
 Languebatque manum feſſus. lorum ergo remorat
 Attollens, nigrumque cruorem terſerat heros. 950
 Cum propior curru dea conſtitit, ac juga dextra
 Curva tenens, regem his affata eſt vocibus ultro:

Haud ſimilem Tydeus genuit ſibi robore prolem,
 Atque

Atque animis; Tydeus, parvo qui corpore, at armis
Acer erat; pugnae cupidum vel cum ipsa vetarem
Pugnare, ac saevo fraenum laxare furori:
Cum solus turba comitum sejunctus ab omni
Thebanos inter procures sese intulit ultro
Legatus. tunc ipsa virum, conviva federet
Ut placidus, monui: verum ille interritus, audax, 960
Ut prius, indomitusque animi, pubemque vocabat
Cadmeam irritans cuncta in certamina, & omnes,
Nixus ope usque mea, leviter vincebat. adesse
Nunc tibi ego non cesso eadem, praesensque tueri
Pugnantem, adversos & contra impellere Teucros:
Sed tibi vel defessa labant jam membra labore,
Corda vel ignavus cepit pavor. haud ego cretum
Te reor Oenidae generoso e sanguine Tydei.

Haec ait: haec contra retulit Tydeia proles.
Nosco equidem te, nata Jovis; cui vera fatebor 970
Nil celans. ullus nec me pavor, ulla laborum
Toedia nec retinent: memini at tua jussa; verabas
Quae me aliis pugnare deis, unamque jubebas
Cyprin, si veniens foret obvia, figere ferro.
Ergo pedem huc cedens retuli, sociosque retrorsum
Cedentes cogi huc jussi: namque arma ferentem
Agnovi, & Teucros hortantem ad praelia Martem.

Huic dea: Tydide; nemo quo carior unus
Est mihi, nec Martem, nec tu quemcumque Deorum
De numero metue oblatum. talis tibi diva 980
Auxilio praesens adsum. nunc mitte frementes
Primum, age, jam bijugos in Martem, & cominus hasta
Transadige insanumque, malumque, levemque, vicissim

Nunc has nunc illas gaudentem & linquere partes
 Qui mihi pollicitus, Junonique, arma sequentem
 Argiva exitio Teucris fore, dicta, fidemque
 Oblitus Teucros inter nunc pugnat, & hastam
 Argivas contra gaudet quassare phalanges.

Sic ait; ac Sthenelum curru detraxit ab alto
 Ipsa manu. cecidit longe conterritus heros: 990
 Illa rotas magnum scandit juxta Diomedem,
 Ira incensa; gravi sub pondere faginus axis
 Ingemuit; saevamque deam, fortemque ferebat
 Quippe virum. manibus Pallas longumque flagellum,
 Loraque corripuit, Martique adversa frementes
 Impulit alipedes. Mavors tellure jacentem
 Laetus Ocheiaden Periphanta ingentibus armis
 Ingentem spolians nudabat. maximus inter
 Hic fuit Aetolos, multo & fortissimus omnes.
 Quem Mars caede madens nudabat: Pallas at Orci 1000
 Induerat galeam, Mavors ne cernere posset
 Tendentem contra, vultuque agnoscere divam.
 Unum ergo agnovit Diomedem; ac protinus illic,
 Stravit ubi exanimum, linquens Periphanta jacentem,
 Argivum torvo in regem volat effusus ore.
 Jamque adeo teli ad jactum venere. reducta
 Mars prior aeratam dextra jacet arduus hastam,
 Direxitque jugum supra, & fluitantia lora,
 Ille virum certae properans demittere morti.
 Exceptit dextra venientem Pallas, & alto 1010
 A curru longe in ventos avertit idanes.
 Tum citus ingenti Diomedes irruit hasta,
 Ipsa sua firmans quam Pallas in ilia fixit

Ima manu, teritur subter qua balteus alvo.
 Hac heros altum rupta cute vulnus adegit;
 Inde manu telum retrahit. Mars faucibus alto
 Clamorem horrendum rupit de pectore; quantum
 Dena virum, cum prima ruunt in praelia quondam,
 Clamorem campis dant milia. terruit omnes
 Vox Danaos horrenda, & Troas: contremuere 1020
 Late belligerae, perculso corde, phalanges.
 Aestivus ceu cum vento spirante sub auras
 It vapor obscura densus caligine; dirum
 Sic densa in nebula se caelo attollere Martem;
 Cedentem ex oculis, vidit Tydeius heros.
 Ille, ubi se primum testa instellantis Olympi
 Intulit, atque Jovem propter confedit, acerbum
 Nudavit moerens vulnus, corpusque cruore
 Ostendit. largo perfusum, ac talibus infit:

Jupiter haec lentus cernis facta effera; divos 1030
 Et pateris pugnare animis discordibus, & nil
 Non perferre mali parva pro gente virorum?
 Te propter gliscunt haec praelia; tu caput omnis
 Es noxae. tibi nam genita est demensque, nocensque
 Filia, quae sceleris nihil impia linquit inausum.
 Quippe alii tibi di, colimus qui lucida cunque
 Testa poli, taciti paremus iussa verentes:
 Hanc unam haud unquam facto, distove coerces;
 Sed natae indulges placida pater omnia mente.
 Quae nunc Tydidem vesano corde superbum 1040
 Impulit, inque deos iussit pugnare furem.
 Ille manum Veneri percussit cominus hasta;
 Ille idem insiluit me contra turbidus: & nunc.

Me fuga ni celerem servassèt, nempe jacerem
 Multa gemens inter confusae stragis acervos,
 Languerem aut penitus duro contusus ab aere.

Talia dicentem divum rex torvus acerbis
 Increpuit distis: Ne longa obtunde querela
 Me, levis, & nulli fidè unquam. quotquot Olympum
 Concelebrant, nemo est mihi nam te invisior uno 1050
 Inter caelicolas; cui semper tristitia cordi
 Jurgia sunt, rixaeque, iraeque, cruentaque bella;
 Ingenium qui matris habes immane, superbum,
 Indomitum; saevis quam saepe incessere verbis
 Cogor, siqua animi duram vim denique frangam,
 Illius hortatus reor, atque exempla secutum,
 Istaec dura pati. Sed enim te ferre dolores
 Amplius haud patiar tantos. nam semine cretus
 Nostro es, teque mihi peperit Saturnia. quisquam
 Ast alius divum caelestia testa colentum 1060
 Effet si genitor tam saevo, tamque protervo,
 Infra Titanas caeca sub nocte jaceres.

Sic ait; accitumque jubet, mora nulla, mederi
 Paena, qui leni vulnus medicamine fovit,
 Sanavitque artus, nec morti obnoxia membra
 Tam facile tepidi quam lactis candidus humor
 Concrefcit, miscet cui densa coagula pastor,
 Pulvere dehinc foedo sordentem, atroque cruore
 Abluit, ac pulchris dea vestibibus induit Hebe.
 Ille patri multo gaudens assedit honore. 1070

Interea magni ad sedes rediere Tonantis
 Juno Argiva, potens & belli caesia Pallas,
 Saevum ubi vesana Mavortem ab caede remorunt.

H O.

H O M E R . I

I L I A D O S .

LIBER SEXTUS.

¶ T primum divi pugna excessere, phalanges
 Et sibi sunt solae Danaum, Troumque relictæ;
 Direxere hastas in mutua vulnera densæ
 Hinc atque hinc acies, rapidum propter Simoenta
 Congressæ, ac liquidi propter vada sacra Scamandri.

Primus ibi, Danaum columnen, Telamonius Ajax
 Perrupitque globum juvenum, fociisque salutem,
 Attulit. Eustro genitum nam perculit hasta
 Magnanimum veniens Achamantem, Thracia nullum
 Cui misit virtute parem, nec fortibus armis. 10
 Huic conum insignis, cristaque comantis equina
 Percussit galeae. frontem perrupit, & ossa
 Aerea pervasit cuspis. caput horrida supra
 Ingruit, atque oculos multa nox obruit umbra.

Axylon leto stravit Tydeius heros
 Teuthraniden, coluit celsam qui dives Arisbam;
 Dives opum, largusque idem. namque ampla tenebat
 Tecta viam propter, multos ubi commodus hospes,
 Excepitque domo, mensaque accepit opima.
 Nullus at accurrens potuit depellere pestem 20
 Hospitibus de tot misero. Diomedis ab hasta
 Ipse simul, simul atque Calestus; ibat eodem

Qui famulus curru, ac bijugos auriga regebat
Fidus equos; nigras Orci subijere tenebras.

Deficit Euryalus Drefumque, & Opheltion: inde
Aefepum petit una & Pedafon; edidit ambos
Nais Abarbaree quos claro Bucolioni,
Laomedontiadas natu qui maximus inter
Furtivo est partu sub luminis editus oras,
Hunc, dum pastor oves servabat, Nais amavit, 30
Et dea mortali prolem est enixa gemellam.
Mecisteiades morti demisit utrumque,
Praestantes forma juvenes, atque exfuit armis.
Trajicit Aftyalum bello durus Polypoetes;
Pidyten, terra miffum Percolide, Ulyffes.
Fudit humi Teucer figens Aretaona dium;
Ablerum Antilochus telo fulgente peremit
Neflorides; Elatum late regnans Agamemnon.
Pedafon hic liquidum altam ad Satnioenta colebat.
At Phylacum stravit fugientem Leitus heros. 40
Eurypyli cecidit stridente Melanthius hafta.
Adreflum cepit vivum fortis Menelaus.
Hunc confternati bijuges, temone myricae
Impacto ad ramum, curru effudere fuperbo;
Atque fugam pavidi ad muros, quo verfa ruebant
Agmina, corripuere. rotam delapfus ad ipfam
Pronus humi jacuit camporum pulvere in atro.
Quem fuper Atrides Menelaus, turbidus haftam
Ingentem quatiens dextra, fterit: ille, fupinis
Genua tenens manibus, fupplex haec ore profatur: 50
Hoc, Atrida, caput ferva: non parva fequentur
Praemia fervantem. patriis mihi multa fupellex

In

In domibus congesta jacet. genus omne metalli,
Aesque, aurumque, & opus ferri omne: hinc plurima dona
Quois redimar, mittet genitor, si norit Achaeas
Me vivum ad naves inimica in gente morari.

Haec fatur supplex. Atriden flectere fermo
Cooperat; & captum, famulo jam jamque parabat
Tradere ducendum ad naves: at fervidus ira
Accurrit, fratremque Agamemnon torvus acerbis 60
Increpuit dictis: Trojanis parcere, vecors,
Non piget? egregie de te, Menelae, tuaque
Nempe domo meruera illi. quos mergier Orco
Opto equidem cunctos, nostris & triste subire
Exitium manibus; nec letum evadere quemquam
Vel puerum, gravida mater quem gestat in alvo:
Sed patris deleri una cum moenibus omnes,
Infletos, vitaeque, & mortis honore carentes.

Talibus increpitat meritum; fratrisque sub alto
Corde ciet stimulis tristes haud mollibus iras. 70
Ergo manu flentem nequidquam, & multa precantem
Reppulit a genibus. cui figit in ilia ferrum
Protinus ima furens Agamemnon; atque, jacentis
Imposito pectus pede calcans, extrahit hastam.

Nestor at Argivos clamans hortatur in arma:
O focii heroes Danaï, Mavortia pubes,
Exsuvias nequis cupida nunc mente jacentum
Pone legat, redeat spoliis ut dives opimis.
Caedi alacres instate: virum dehinc strata licebit
Corpora per campos nullo spoliare periclo, 80
Laeta dabit vacuum postquam victoria tempus.
His animos dictis in praelia concitat heros

Tunc

Tunc adeo Troes domiti sub Marte Pelasgo
Agminibus versis muros, ac tuta subissent
Moenia: verum adstans, Troum longe optimus augur,
Priamides Helenus, sic voce affatus amica est
Hectoraque, Aeneaque: Aenea, atque Hector, (utrique
Nam labor incumbit primus Troumque phalanges,
Et Lycios ductare; ambo quod vincitis omnes
Consilioque, manuque) istic consistite, versam 90
Et retinete aciem, celeri circum omnia cursu
Lustrantes. cohibete viros, turbamque ruentem,
Ante fugax portis quam se inferat; & cadat ipsis
Uxorum in manibus, risusque sit hostibus ingens.
Inde, ubi jam vestra firmatae voce phalanges
Constiterint, nos heic, quando est pugnare necesse,
Qualescumque gravem contra pugnabimus hostem.
Tu citus interea plantis pernicipibus urbem,
Hector, adi; & nostrae dic matri: Palladis aedem
Se ferat ad celsam, summae quae praesidet arci, 100
Atque fores templi pandat, peplumque repostis
Eximium ipsa legens de vestibus, & sibi carum
Prae cunctis, thalamo quotquot servantur in alto;
Collocet in genibus divae, atque ingentia sacra
Spondeat, intacta bis sex cervice juvencas:
Si Troas miserata, urbi dea magna supremam,
Conjugibusque velit, gnatisque avertere pestem:
Si dirum Iliacis Tydiden arceat ipsa
Moenibus; immani miscet qui tristia dextra
Funera, bellator nullo non major Achivum. 110
Nec tanto terrore unquam nos perculit ipse
Aeacides diva, ut perhibent, Nereide natus.

Quippe

Quippe furit sine more atrox, per bella ruenti
Nec potis est valido par quisquam obsistere nisu.

Haec Helenus: fratri paret bonus Hector, & alto
Confestim curru, cinctus fulgentibus armis,
Desilit; ac, longo praefixa hastilia ferro
Bina manu magna quassans, interritus omnes
Fert se per cuneos celeri pede, vimque suorum
Suscitat, atque animis cunctos audacibus implet. 120

Continuo exarsit pugna ingens: agmina Troes
Convertere, pedem Grajum conterrita pubes
At retulit caedi parcens. stellantis Olympi
Astrifera de sede aliquem venisse putabant
Namque deum auxilio Teucris, videre fugaces
Densari ut subito conversa in praelia fronte.

Quos Hector clamans verbis hortatur amicis:

Magnanimi Troes, focique ad bella remotis
Urbibus exciti, validas nunc promite vires;
Nunc animos acres tantisper, dum citus urbem 130
Ipse adeo, atque senes jubeo, matresque, nurusque,
Suppliciter divum pacem, veniamque precari,
Ac tristes votis iras avertere Sacris.

Sic ait, atque gradu magno se proripit heros,
Cui summo densae nutabant vertice cristae,
Amplexumque oras clypei, pulsabat eunti
Cervicem ac talos taurino e tergoe lorum.

Tum genus Hippolochi Glaucus, Mavortia Tydei
Et proles, magnus Diomedes, inter utramque
Procurrere aciem cupidi decernere ferro. 140
Jam prope constiterant, animisque, armisque parati;
Cum prior haec forti Diomedes pectore fatur.

Nam

Nam quis tu, juvenum confidentissime? vidi
 Quem nunquam belli pulchro in certamine, cunctos
 Nunc virtute praeis; de tot cui milibus uni
 Exspectare meam firmum cor sustinet hastam.
 Sed telis quicumque meis venit obvius, illum
 Nae miseri haud fausta genuerunt luce parentes.
 Quod si forte aliquis caelesti fede relicta
 Venisti huc divum, ne me, ne coge profecto 150
 Mortalem superos violare, ac figere ferro.
 Quippe Dryanteo (ut perhibent) non longa Lycurgo
 Vita fuit, sueto cum dis immane beatis
 Exercere odium. lymphata mente furentis
 Nutrices Bacchi nactus qui vertice Nyssae
 In sacro, voce increpuit; stimuloque secutus
 Caedebat pavidas. thyrsos trepidis simul omnes
 Projecere solo e manibus; Bacchusque, fugatus
 Ipse etiam, pontum subiit: Thetis alma sub undis
 Excepit gremio pavitantem, ac saeva timentem 160
 Dicta viri. contra quem numina sancta deorum
 Exarsere ira: nec Solis lumina fontem
 Clara frui longum sivit Saturnius; ipsam
 Nec longo infelix produxit tempore vitam,
 Invisus cunctis tanto pro crimine divis.
 Hujus ego exemplo superos incessere nolim.
 Sin magis es numero ex hominum, qui munera terrae
 Vescimur; huc accede, mea ut confossus ab hasta
 Mortalis metam contingas ocyus aevi.

Talia Tydides, contra cui talia Glaucus: 170
 Magnanimi proles Tydei bello incluta, nostrum
 Quid genus exquiris? mortalibus esse caducum

Scis

Scis genus, ut foliis. autumnus haec frigore primo
Ventus fundit humi; pubescit germine silva
Deinde recens alio, cum ver caput extulit arvis.
Sic hominum genus, hoc oritur, lapsus interit illud.
Sed tibi si cordi tamen est cognoscere nostram,
Clara cluet multis quae vulgo cognita, gentem.
Est procul Argivis in finibus inclita fama
Urbs Ephyræ. hec habuit sedem olim Sisyphus, omnes 180
Vasra mortales qui longe mente praeibat.
Sisyphus Aeolides, Glaucus quo traditur esse
Editus at Glaucos clarus dehinc Bellerophontes.
Huic rarum superi formae decus inque decoris
Artubus eximium robur tribuere: sed ingens
Exitium infanti struxit, pepulitque paterna
Urbe virum Proetus, multo qui maximus inter
Argivos opibus florebat; Juppiter altus
Subdidit egregiam juvenem cui sceptrum gerenti.
Arsit enim Proeti conjux Antea, pudicum 190
Blandis sollicitans precibus mala Bellerophontem.
Nec tamen evaluit constantis vincere mentis
Propositum, rectosque animi pervertere sensus.
Ergo regem adiit mendax, ac talia farur:
Aut morere, infelix, aut morti Bellerophontem,
Ut meruit, demitte, tuos violare nefando
Crimine conatum thalamos, inferre pudori
Atque meo labem. Fallaci has ore querelas
Saeva dedit mulier: subita rex credulus ira
Intumuit: sed enim juvenem demittere leto 200
Haud voluit, veritus divos, ac foedera sancta
Hospitii; at Lyciae longinquas misit ad oras,

Inscri-

Inscriptasque notis letalibus, atque plicatas
 Ferre dedit tabulas, foceroque ostendere jussit;
 Indicio ipse suo miseranda ut morte periret.
 Hic postquam in Lyciam, Xantique ad flumina venit
 Non sine dis, juvenem rex multo excepit honore,
 Hospitis adventu laetus; taurosque novenis
 Ille novem mactans patrum de more diebus
 Instituitque dapes, divumque adolevit honores. . . 210
 Inde ubi dena diem mortalibus extulit alnum
 Exoriens aurora, notas & signa poposcit
 Ostendi, Proeto ab genere quaecumque ferebat,
 Quae postquam agnovit, saevisque inclusa tabellis
 Perlegit mandata oculis; mora nulla, profectum
 Indomitam jussit prosternere morte Chimaeram,
 Monstrum horrendum, informe, atrox, nec semine cretum
 Mortali. ante leo, postremo corpore serpens
 Squameus, in medio capra ingens, ore vomebat
 Caerulam vasto flammam. crudele peremit . . . 220
 Ille tamen monstrum, divum non vana secutus
 Anguria. hinc Solymum genti (nec durior ulla
 Usquam pugna fuit) regis jussu intulit arma.
 Fudit Amazonium post haec interritus agmen.
 Huic aliam struxit rex fraudem, namque rediret
 Cum bello victor, Lyciae fortissima pubis
 Corpora delegit mediumque obsidere furto
 Jussit iter. quorum rediit pars nulla; sed omnes
 Liquit humi exanimos invictus Bellerophontes.
 Ergo ubi progenitum caelesti seminae tandem . . . 230
 Comperit, ingenti reducem complexus amore
 Detinuit, thalamo gnatae dignatus & ultro est,

Dini.

Dimidium & regni genero concessit honorem.
Cui simul & Lycii partem praedivitis agri
Eximiam dederunt, hortos, pomaria, silvas,
Arvorum & gleba felices ubere tractus.
Ternam olli prolem regalis nupta creavit,
Isandrum, Hippolochum, formosam Laodamiam.
Laodamia Jovi magno placitque, deorum
Et similem peperit clarum Sarpedona bello. 240
At mala cum miserum premeret fors Bellerophontem,
Ipsam etiam tristes cunctorum denique passum
Iras caelicolum; campis errabat Aleis:
Solutus, devitans hominum vestigia, luctu
Indulgens, tacitis carpens sua pectora curis.
Isandrum, claros acer dum bella gerebat
In Solymos, torvus Mars dura morte peremit:
Iraescens pulchram Latonia Laodamiam
Virgo suis stravit nec opina morte sagittis.
De tribus Hippolochus restat nunc scilicet unus 250
Qui me progeniuit, natus quo gloriore esse.
Ille huc auxilio me Trojae ad moenia misit,
Multaque praecepit mandans, melioribus usque
Certare, atque alios virtute antecire, meorum
Esse patrum & similem, primae qui praemia laudis
Prima Ephyræ, ac Lycias late retulere per urbes.
Hoc genus est nostrum, nostri hunc sanguinis ordo.
Sic ait: auditis gaudet fortis Diomedes;
Et magnam tellure hastam defixit; amicis
Tum regem verbis compellens talia fatur: 260
Nae tu, Glaucè, hospes vetus es mihi. Bellerophontem
Namque avus eximium quondam meus inelytus Oeneus
Exce-

Excepitque domo, bisdenis atque diebus
 Secum habuit. quin pulchra inter se dona dedere,
 Manfurum hospitii monumentum. tineta colore
 Cingula puniceo donavit Bellerophonti
 Oeneus, cratera auratum Oeneo Bellerophontes.
 Hunc ego discedens huc dura in bella, reliqui
 Aedibus in patriis, pignus, testemque paterni
 Perpetuum hospitii. quamquam ipsum Tydea patrem 270
 Haud memini, qui me parvum, infantemque reliquit,
 Tempore quo ad Thebas pubes Argiva profecta est,
 Totque virum iratis perierunt milia divis.
 Ergo tuque mihi, si quando veneris Argos
 In medium; atque tibi, Lyciam si visere cogar,
 Hospes ego. quare saevam convertere utrumque
 Hastam alio praestat, nosque inter parcere, in ipsa
 Vel si acie adversis pugnetur cominus armis.
 Sunt alii Troes multi, focique, sub Orcum
 Quos ego demittam; quotquot fors offeret, ipse 280
 Assequar aut pedibus: sunt Graja e gente vicissim,
 Quos tu dejicias leto, quemcumque licebit.
 Nunc age, queis tecti, mutemus, si placet, arma.
 Haec quoque ut hospitio veteri nos jungier omnis
 Turba sciat, quae nos circumstat denique loquentes.

Haec postquam effati, celsis de curribus ultro
 Desiluere, manusque in mutua foedera jungunt,
 Dantque fidem, accipiuntque animis concordibus ambo.
 Heic Glaucō mentem exemit Saturnius, arma
 Aurea ut oblitus pretii mutaret ahenis, 290
 Aequa novem accipiens, bubus centum aequa rependens.

Hector at ad fagum, Scaeaque ad limina portae

Ut

Ut venit; Troum uxores, nataeque frequentes
Occurrunt; moestaeque rogant, natique, virique,
Et fratres quid agant rerum, carique propinqui.
Ille omnes delubra deum jubet ordine adire
Orantes veniam: multis nam fata parari
Tristia, & ingentes Teucris instare dolores.

Inde ubi jam Priami testa ad regalia venit,
Ampla ubi porticibus stabat domus, atque corusco 300
Quinquaginta inerant thalami de marmore, junctis
Mutua parietibus connexi, regia proles
Multa ubi Priamidum nuptis sociata cubabat:
Bisseni contra thalami de marmore, eodem
Structi opere, inque vicem juncti, regalibus intra
Aurea quos generis sedes, lectique parati;
Hic illi occurrit genitrix, ut forte ferebat
Laodice sese ad caram, quae scilicet omnes
Vincebat forma Priami pulcherrima natas;
Atque manu arripuit retinens, ac talibus infit. 310

Nam cur, nate, feri linquens certamina belli
Venisti? duro num saevi moenia Graji
Marte premunt; arcemque petis, supplexque supinas
Rite Jovem ad magnum properas attollere palmas?
Sed tamen hic paullum consiste, ut dulcia promens
Vina feram, libesque Jovi, disque omnibus; ipse
Dehinc potans firmes vires, ac fessa labore
Membra leves. augent robur nam dulcia fessis
Vina viris: ut tu nunc fessus, civibus, urbi
Atque tuae auxilium dum fers, regnisque paternis. 320
Hector ad haec: Ne vero, inquit, ne dona Lyaei,
O mater veneranda, effer, neu membra resolve,

Vinque meam; enervis ne dura in praelia cessẽm.
 Nec manibus fas illotis libare supremo
 Vina Jovi, nec fas pollutum caede, cruento
 Perfusum & tabo, votis placare Tonantem.
 Tu potius matres in coetum coge, Minervae
 Et templo fer tura; ostroque, auroque corniscum
 Ipsa legens peplum, pulchrum, ingens, ac tibi carum
 Prae cunctis, thalamo quotquot fervantur in alto, 330
 Genua loca supra divae; atque ingentia sacra
 Sponde, non tacta bis sex cervice juvencas,
 Si Troas miserata, urbi dea magna supremam,
 Conjugibusque velit, natisque avertere pestem;
 Si dirum Iliacis Tydiden arceat ipsa
 Moenibus, immani miscet qui funera dextra.
 I, mater, donisque instans, votisque, potentem
 Flecte deam. Ipse Parin viso; si forte ciere
 Ad bellum possim; sic me audiat. ima dehiscat
 Illi utinam tellus, Teucris, Priamoque deum rex, 340
 Priamidum & generi, noxamque, & dedecus ingens
 Quem dedit; obscuro quem si demittier Orco
 Adspiciam, laeterque animo, longique laboris
 Me rear, & longae jam nactum obliviae curae.
 Sic ait; illa domum rediit, celeresque vocavit
 Ancillas. iussae festinant ocyus urbem
 Per totam, & matres cogunt. fragrantis at ipsa
 Interea thalami subiit penetrale, jacebat
 Plurima ubi miro vestis variata lepore,
 Sidonidum labor egregius, quas caerulea ponti
 Trans vada Alexander Trojam Sidone puellas
 Vexerat, exinio prognatam patre Lacaenam

350

Tempo-

Tempore quo laetus Phrygias advexit ad oras.
Has inter vestes, munus memorabile divae,
Deligit ingentem peplum, pulchreque colorum
Omnigena pictum specie, nec parcius astro
Fulgentem; positus qui parte latebat in ima.
Hunc promit, celeransque gradum delubra petebat
Alta deae. matrum supplex longo ordine turba
Pone subit, trepido festinans anxia gressu. 350

Jamque adeo magnae ad sedes, arcemque Minervae
Advenere. fores pandit formosa Theano
Cisseis, clari conjux Antenoris, aedi
Lecta sacrae a Teucris custos, divaeque sacerdos:
Ille alto moestas fundunt a limine voces,
Inque deam figuntque madentia lumina fletu,
Atque manus tendunt cum luctifono ululatu.
Tum peplum e manibus reginae pulchra Theano
Acceptit, divae accedens & rite locavit
In genibus; rupitque has imo e pectore voces: 370
O custos urbis, veneranda Minerva, dearum
Maxima, frange manu telum Diomedis, & ipsum
Pronum sterne solo Scaean prope limina portae.
Ad tua templa tibi sacrum ingens rite feremus
Ocyus, intacta bis sex cervice juvences,
Si Troas miserata, urbi, dea magna, supremam,
Conjugibusque velis, natisque avertere pestem.

Talibus orabat. cassis Tritonia votis
Abnuat, atque preces irata respuit aure.

Interea, Iliades natam placare Tonantis
Dum certant, Hector fraternas venit ad aedes.
Has Paris eximias olim sibi fecerat, omni

E numero primos adhibens, quos dives habebat
 Troja operum artifices. olli regalia tecta,
 Et thalamum, & celsis circum atria fulta columnis
 Exstruxere arce in summa, Priameia juxta,
 Hectoris & magni juxta penetralia. in aedes
 Intulit has celeri se gressu turbidus Hector.
 Hasta manu in magna cubitos protenta tremebat
 In denos; praefixa micabat ahenea cuspis, 390
 Ambibat fulvo quam subter circulus auro.

Heic fratrem est nactus, studio dum tractat inani
 Arma sedens, clypeum, galeam, thoraca nitentem,
 Curvatofque arcus. quem juxta Argiva sedebat.
 Nupta inter famulas, operique instabat, in omnes
 Imperium exercens, prae cunctis docta, puellas.
 Hunc simul ac vidit, sic Martius increpat Hector.

Proh pudor! irasci num te, secedere ab armis
 Num decuit? Troes pugnant, pereuntque sub altis
 Moenibus. haec propter te solum incendia belli 400
 Exarsere; tamen cessas? qui praelia si quem
 Detrectare alium, segnem & cessare videres,
 Haud posses tacitus perferre, ac parcere probris.
 Verum, agedum, confurge istinc festinus, & omnes
 Rumpe moras; Grajus ne Mavors proruat urbem,
 Dardania & tristi jam flagrent moenia flamma.

Haec ille: haec contra formosus mitia reddit
 Verba Paris: Frater, vera isthaec dicis; at audi
 Me tamen, atque aures, mentemque adverte. sedebam
 Heic procul a pugna in thalamo, non civibus ullam 410
 Ipse quidem irascens ob culpam: pectore at aegro
 Multa dolens ignominiam, vitansque virorum

Victus

Victus pugna oculos. verbis nunc uxor amicis
 Impulit ut cingarque armis, & bella capeffam.
 Id fatius reor ipse etiam, victoria quando
 Alternatque vices, nec semper militat. isdem.
 Quare age, meque mane paullum, dum fortibus armis
 Induor; ipse praei vel, si placet: impiger ante
 Progressum celeri pede consequar inter eundum.

Haec Paris; at contra nihil Hector. candida blandis 420
 Quem mulcens verbis sic est affata Lacaena:

Levir, dulce caput miserae, quae meque, meosque,
 Vosque malis onero infelix, atque improba; luce
 Illa utinam, mea me qua mater fudit in auras,
 In rupes raptam nigrae vis dira procellae,
 Inque vada horridi longe maris ante tulisset,
 Quam foret haec moles per me tot nata malorum.
 Quae quoniam invicto statuerunt numine divi;
 Essem utinam saltem meliori nupta marito,
 Qui rumore malo posset, probrisque moveri 430
 Indignantum animis, ac turpia facta notantum.
 Excors hic sensuque caret, semperque carebit,
 Et fatuae fructum capiet sibi denique mentis.
 Verum ades huc propius, paullum & confide: labore
 Cura gravi exercet nam te magis omnibus unum,
 Meque & Alexandrum propter; quos Juppiter ambo.
 Fato urget tristi miseros, longumque futuros
 Carmen & ad feros post secula longa nepotes.

Huic galea insignis respondit talibus Hector:
 Gratus amor tuus est, Helene; sed parce morari 440
 Festinum. haud equidem confidam. namque reverti
 Quam primum ad socios ardet mens, atque levare

Auxilio festos ac me fortasse, vocantes
 Absentem. hunc stimulis tute urge haud mollibus; ipse
 Sponte sua & properet lateri se adjungere nostro.
 Ante comes, porta excedens quam moenia linquam.
 Nunc abeo visurus enim testumque, Laremque,
 Uxoremque meam parva cum prole; reverti
 Ad quos num reduci tribuent mihi numina, Grajum
 An manibus domitum sternent, mens nescia prorsum est. 450

Sic ait. atque suas abiit digressus in aedes.

Haud tamen Andromacham tectis invenit in altis.
 Quae, procul inde unde puerum gestante profecta
 Cum famula, celsa in turri lacrimansque, gemensque
 Stabat, dirā tuens faevi certamina belli.
 Hanc ubi quaesivit, thalamo nec natus in aureo est,
 Ancillas, aderant quae densae limina circum,
 Sic rogat: O famulae, vera haec mihi dicite. quonam
 Andromache formosa domo est digressa? propinquam
 Anne aliquam invisit? magnae ad delubra Minervae 460
 An pompam ducit supplex, instatque potentis
 Muneribus, votisque iras avertere divae?

Talia scitanti respondit sedula cellae

Custos: Vera jubes quando, Hector, dicere, fabor
 Vera equidem. nullam Andromache invisitve propinquam,
 Aut pompam ducit magnae ad delubra Minervae;
 Ivit ad Iliacam sed turrim, rumor ut urbem
 Implevit, Troasque premi, Danaumque secundo
 Fervere Marte aciem, cursuque ad moenia ferri.
 In muros tremefacta animi, similisque furenti 470
 Illa abiit; puerum tulit una exterrita nutrix.

Haec ait. Ergo domo tacitus sese extulit Hector,

Atque

Atque gradu magno mediam fecat impiger urbem,
Ille viam celerans ad Scaeae limina portae,
Qua gressum intulerat; qua se jam reddere castris
Mens erat. hanc adeo propior jam jamque subibat.
Ecce autem lacrimans, & cursu concita conjux
Andromache, dii clarum genus Eetionis;
Thebam, & Hypoplacios magna ditione tenebat
Qui Cilicas, Placii nemorosa in valle virentis; 480
Occurrit subito venienti; sola secuta
Quam nutrix festina sinu trepidante ferebat
Hectoriden parvum, unigenam, pulchrumque nitenti
Os astro similem; genitor quem nomine dixit
Ipse Scamandriion, ast alii Astryanaesta vocabant,
Urbem quod fuerat solus tutarier Hector.
Lumina cum roseo arridens defixit in ore
Tum pater. Andromache lacrimis adstabat obortis,
Sicque, viri dextram dextra complexa, locuta est:
Infelix, tua te perdet fiducia. gnati 440
Nec durum infantis miseret? nec conjugis, aede
Quae sola in vidua linquar? cuncti agmine denso
In te namque ruent, certi unum perdere, Achivi.
At mihi desertae satius fuit ire sub umbras.
Nam miserae quid jam, conjux, te morte perempto
Restabit, praeter lacrimas, luctumque, doloremque
Affiduum? mihi non pater est, non optima mater.
Patrem namque dedit leto mihi dius Achilles,
Vastavitque urbem Cilicum Thebam, incluta portis
Moenia praecelsis. leto dedit Eetiona: 500
Nec tamen & spoliare ausus venerabile corpus;
Sed parcens, ut erat, cinctum fulgentibus armis

Imposuitque rogo, bustum & super addidit ingens
 Terra onerans: ulmos circum posuere virentes
 Nymphæ Orestiadæ, magni Jovis aurea proles:
 Et fratres, habui quos septem, luce sub Orcum
 Una omnes abiire. greges, armentaque nactus
 Pascentes idem vita spoliavit Achilles.

Mater Hypoplaciis at quæ regnavit in oris,
 Captiva Iliacas primum est advecta sub arces 510
 Divite cum gaza, magno post deinde redempta
 Est pretio. patria reducem confecit in aede
 Sed, jaculis, curvoque arcu Latonia gaudens.
 Tu mihi nunc, Hector, pater es, tu mater, & idem
 Tu frater, thalami tu vir mihi foedere junctus.
 Quare, age, da miserae hanc veniam: discedere ab urbe
 Parce, caput dubiis parce objectare periclis;
 Ne patre hunc orbem raptò, ne conjuge adempto
 Me viduam linguas. Aciem hinc hortare, jubeque
 Agrestem ad ficum sistat, qua mollis in urbem est 520
 Adscensus, faciliq; aditus sub moenia clivo.
 Huc ter enim Grajùm primi venere, viamque
 Tentavere duces; gemini duo germina Martis
 Ajaces, Cretum Idomeneus regnator, Atridae
 Et fortes ambo cum magnanimo Diomede:
 Sive aliquis, divum monitu, monstraverit augur;
 Seu mens, atque animi tulerit magis impetus ipsos.

Talibus Andromache orabat, fletusque ciebat.
 Tum sic orsa refert Hector: Conjux, mihi cordi
 Omnia sunt istaec: Troas, peplumque trahentes 530
 Troadas at vereor, vitem si praelia duri
 Martis iners. animus nec me finit ipse quieti

Indul-

Indulgere; acer qui praelia semper obire,
Et primas inter didici pugnare phalanges,
Atque armis fervare decus patriumque, meumque.
Hoc equidem haud dubiis possum praedicere signis:
Tempus erit, prostrata solo quo sacra jacebit
Ilios, & Priamus, Priami & gens inclyta bello.
Sed mihi non clades Troum, extremique labores;
Ipsius aut Hecubae, aut Priami, fratrumve remordet 540
Tantis corda dolor curis. qui pulvere in atro
Multique & fortes Graio sub Marte jacebunt:
Quam crucior, quod te captam, vincisque gravatam
Grajum aliquis flentem hic abducat; quodque superbae
Argis iussa feres dominae; imperiumque coacta
Triste pati, arguto percurres pectine telas,
Aut portabis aquam e Messeide, sive Hyperea.
Dura etenim urgebit miseram vis, nilque licebit
Detrectare, minas, & verbera saeva timenti.
Tunc aliquis, flentem cernens: En, Hectoris haec est 550
Illa uxor, dicet, Troas qui fortibus armis
Praestabat longe ante omnes, dum bella gerebant
Iliacos circa muros. haec inquiet olim
Grajum aliquis: rursus incipies tu fundere fletus,
Cor desiderio talis perfixa mariti,
Servitium fessae adveniens qui demere possit,
Sed me fusa super tellus precor obruat ante,
Audiero quam te clamantem, sedibus actam
Et longe a nostris trans vasti caerula ponti.

Sic ait; ac manibus dulcem Astyanacta petebat 560
Protentis. trepidus flevit puer, udaeque clamans
Ora sinum in famulae abduxit, cari ille parentis

Terri-

Territus adspectu, ac metuens radiantiaque arma,
Horrendum & summo nutantes vertice cristas.

At pater & genitrix riserunt vana timentem.

Ergo hirtam capiti galeam citus exsult Hektor,

Inque solo posuit fulgentem; dulce recepit

Dehinc famulae e manibus pignus; paullumque moratus,

Oscula ubi fixit, puerumque agitavit in ulnis,

Altum suspiciens caelum sic ore precatur:

570

Juppiter, ac magnum colitis quae numina caelum

Omnia, & hic multo facite ut praesignis honore,

Qualis ego, in Teucris clarescat. robore praestet,

Vique animi; & regno fortis potiatur avito:

Atque aliquis, pugna reducem dum cernit, Hic ipsum

Virtute, exclamet, vincit. factisque parentem:

Et spolia hostili referentem foeda cruore

Excipiat gaudens laetanti pectore mater.

Sic ait, ac puerum maternas tradit in ulnas.

Hic sinu exceptum fragranti fovit, & ore

580

Moesta renidenti quiddam lacrimabile risit.

Quam vir, blanda tuens, sortem & miseratus iniquam,

Demulsitque manu, dulcique affatus amore est:

Pone modum lacrimis, nec saevo indulge dolori

Me propter, dulcis conjux. me namque virorum

Haud quisquam praeter fatum demiserit Orco:

Effugere at fatum nulli, reor, obtigit unquam,

Ut semel est natus. fortem hoc, hoc vincit inertem.

Verum age, jamque domum rediens telamque, columque,

Foemineum quae cura genus decet una fatiget,

590

Exerce, ac famulas hortare ad pensa. virorum

At quod opus, bellum, duri & certamina Martis,

Cura-

Curabunt Troesque alii, praeque omnibus Hector.
Sic ait, atque solo se acclinans, tollit equinis
Terribilem cristis galeam, digressa petebat
Illa domum interea, respectans, udaeque fletu,
Quo simul ac venit. testis & se intulit altis,
Visa gravi cunctis incendit pectora luctu.
Hectora lugebant cunctae vivum, atque vigentem;
Nec reducem a pugna sperabant posse reverti, 600
Effugere atque manus validas & robur Achivum.

Nec longum thalamo Paris est cunctatus in alto;
Arma jubar vario clarum at jastantia ab aere
Induit, eque domo se protinus extulit, urbem
Perque volans mediam celeri pede castra petebat.
Ac velut in plenis praesepibus hordea pastus
Ille diu sonipes, rupit si vincla, virentum
Planitiem & fugiens camporum est nactus apertam,
Insultatque solo, celsum & caput arrigit alte
Luxurians, luduntque jubae per colla, nitentes 610
Perque armos: volat ante levis Zephyrumque, Notumque
Arva secans; & nota petit vel pascua equarum,
Vel fluvium, adfuetus vitreas innare per undas:
Sic Paris exsultans animis decurrit ab arce
Pergameae, totusque armis effulget in aureis,
Solis & in morem percellit luce tuentes.

Jamque adeo celeri cursu pervenerat illuc,
Hector ubi, Andomachen affatus, castra parabat
Jam petere, ac fociis reddi. quem talibus ultro
Compellat verbis, prior & sic incipit, ore. 620

O frater venerande, moror te lentus abire
Optantem, atque adfusi festino tardior aequo.

Haec

Haec Paris: haec contra retulit bonus Hector: Inertem
Jure queat nemo, frater, te dicere. vires
Sunt tibi, sunt animi ingentes ad fortia: verum
Sponte tua interdum cessas, nec ferre laborem
Vis durum, cruciat mihi saevus pectora moeror
Interea, de te cum probra audire necesse est
A Teucris; propter te qui tot dura tulerunt,
Atque ferunt. alias tamen haec componere praestat 630
Nos inter; si quando alti rex magnus Olympi
Laetificum cratera dabit dis sistere tandem
Aedibus in patriis, longa obsidione soluta,
Et longe pulsus Trojano ab litore Achivis.



H O M E R I

I L I A D O S.

LIBER SEPTIMUS.

Ux Aec fatus, porta gressum citus extulit Hector:
 Cui Paris it lateri fidus comes. ardet uterque
 Heros bella iterum, saevamque capeßere pugnam.
 Ac veluti optato ventos a puppe secundos
 Dat pater, inflexis pellentes caerulea remis
 Cum longo nautae jam fracti membra labore
 Defecere: duo sic fratres civibus aegris
 Optati venere. Paris tum pulcher acuto
 Fixit Areitoei genus aere Menestione, alta
 Missum Arna, peperit quem candida Philomedusa 10
 Clavigero regi praestantem fortibus armis.
 Hector at ingentem saevus ferit Eionea,
 Cervicem & rigido transverberat aere comanti
 Sub galea, nervis & sternit membra solutis.
 Glaucus at Hippolochi, Lyciae dux pubis, in acri
 Dexiaden pugna Iphinoum longa premit hasta,
 Fixa humero, celeres vitans dum tristia fata
 Scandit equas, curru cecidit moribundus ab alto
 Fusus humi, & largo perfundens arma cruore.
 Hos longa superum stellata ex aede Minerva 20
 Instantes Danaum caedi prospexit; Olympum
 Et linquens Phrygiam sese demisit ad urbem.

Perga-

Pergamea longe venientem vidit ab arce,
 Obvius atque ruit celeri pede Phoebus Apollo,
 Ille favens Teucris: fagum occurrere vicissim
 Di sibi apud veterem. Priór his Tritonida verbis
 Affatur magni proles Jovis inclyta Phoebus.

Nam quid, nata Jovis, celsi de vertice Olympi
 Rursus ades? quæ causâ viae? quæ tanta cupido
 Impulit huc? Danaïfne feras victoribus ingens
 Ut decus? Iliacæ quando nil funera gentis
 Saevam dira movent. sedenim soror utere fratri
 Consilio. satius pugnae jam ponere finem
 Huic hodie. rursus pugnabunt dum cadat alta
 Ilios: haec vobis quando stat regna deabus
 Eruere, ac sacram fundo urbem vertere ab imo.

Haec Phoebus; contra respondit caesia Pallas.
 Consilium laudo, arcitenens, nec mente relicto
 Huc alia caelo veni: sed praelia sisti
 Quo nam dira velis, pigeat ne dicere, pacto.

Phoebus ad haec: Virtus, animique in corde celsi
 Hecoreo; solus solum si forte vocarit
 Grajum aliquem ad pugnam: delectum ex omnibus unum
 Irati si quem Graji in certamina mittant.
 Sic deus: at fratris Tritonia dicta probavit.
 Consilium vates Helenus, vocemque deorum
 Sensitque, ac fratri propior stetit, atque ita fatur.

Hector mente Jovi magno par, vis mihi quiddam
 Monstranti parere tamen; carique fidele
 Consilia amplecti fratris? Troesque & Achivi
 Fac sedeant omnes. posce in certamina solus
 Tu Danaum quemcunque, alios qui robore praestet,

Forti-

Fortibus atque animis bellator. nam tibi mortem
Nondum fata parant, aevi nec meta propinqua est;
Quod didici audita vates modo voce deorum.

Haec Helenus; laeto quae pectore Martius Hector
Audiit, ac subito in medium progressus, utraque
Ille manu opponens transversam cominus hastam,
Trojugenas, sociosque repressit in arma ruentes.
Confidunt omnes, ut iussi, irasque, manusque 60
Continuere. suos pariter confidere iussit
Atrides, pugnaeque, ac saevis parcere telis.
Arcitenens etiam deus, ac Tritonia virgo
Confedere super fago, Jovis arbore, diris
Vulturibus similes ambo, spectantque frequentes
Hinc atque hinc populos, crebris distincta virorum
Milia nam cuneis late campoque sedebant,
Horrebantque hastis fulgentibus aere corusco,
Et clypeis, galeisque. Alti placida aequora ponti,
Quale solent Zephyro surgente horrescere: densi 70
Crispantur, nigrantque levi sub flamine fluctus;
Talis erat species Troumque, & pubis Achaearum,
Horrentumque armis, pacato & corde sedentum.
Quos inter magnum clamans sic incipit Hector:

Audite, o Troes; Danaique haec auribus aquis,
Quae me animus fidens impellit verba profari.
Foedera jam nobis Saturnius irrita fecit,
Atque graves parat irascens utrisque labores;
Vestris dum manibus ruat Ilios alta; ruatis
Vel contra ad curvas nostro vos Marte carinas. 80
Nunc, quando, Argivis delecti ex urbibus, inter
Vos multi heroes, jactant qui robora sese

Exi-

Eximios; cui vis, animusque in pectore praesens,
Procedat, solus me contra, & conferat arma:
Hanc pugnae dico legem, cui testis adesto
Juppiter. Argolicus ferro bellator acuto
Si me forte dabit leto, rapta arma, jacentis
Exsuvias, ferat ad naves; exsanguè cadaver
At patriae reddat, vitali ut lumine cassum
Supremo imponent Troesque, & Troades igni. 90
Sin cadet ille, dabit mihi laudem & magnus Apollo,
Arma viri ad delubra feram Phoebeia, & arcem
Iliacam, atque deo suspendens rite dicabo:
At corpus patiar spoliatum in castra referri,
Fumus ut extincto ducant solemne, sepulchram
Helespontiaco statuunt ac litore Graji.
Quod fera cernens aliquis de prole nepotum
Navita, fluctivaga dum fulcat caerulea puppi,
Hocce viri, dicat, prisci est memorabile bustum,
Quem bello eximium leto dedit inclytus Hector. 100
Sic dicet: mihi fama ullo non desinet aevo.

Talia Priamides. cuncti obstupere silentes.
Detrectare, pudor; contra metus impedit acer,
Accipere. alterno mens anxia fluctuat aestu.

Tum surgit minor Atrides, & percitus ira
Dat gemitum, funditque has alto e pectore voces,
Ille probris onerans Grajos: O segnis inertes
Turba minas jactans, o Achaides (haud ego Achaeos
Nam dicam posthac, vere nec dicere possum)
Ergo viro huic nullus Grajum nunc obvius ibit? 110
Ut vestrum nemo in terram non versus & undam
Disperest, quicumque istic sine mente sedetis

Inde-

Indecores, fatui, stolidique. En Hectora contra
 Armis cingar ego. belli fortuna deorum
 In manibus; quem vinci hosti, vel vincere malint.

Haec ait iratus, fulgentiaque induit arma.
 Tunc tibi meta foret vitae Menelae, reperta
 Hectoreis domito manibus; (nam viribus heros
 Te validis longe praestabat) protinus omnes
 At Danaum procures in funera certa ruentem 120
 Continuere, metuque exterritus ipse Agamemnon
 Arripuitque manu retrahens; ac talia fatur:
 Infans, Menelae Jovis genus. haud decet istaec
 Tanta animi talem dementia. fer, licet angat
 Cura animum: nec te caecus dolor efferat, armis
 Deterior stulta meliorem ut mente laceffas
 Hectora Priamidem; quem nemo haud horret Achivum;
 Cujus & occursum saepe ipse timebat Achilles,
 Invictus bello, multo & te fortior heros.
 Nunc adeo secede istinc, tacitusque sedeto 130
 Cum sociis. alius melior non deerit Achivis
 Bellator, solum quem soli opponere possint
 Priamidae: intrepidus qui sit licet, atque cruenti
 Martis inexpletum cupiens, tamen, ut reor, atram
 Si mortem effugiet, gaudebit flectere fessum
 Possè genu incolumis duro e certamine pugnae.

Talibus increpuit; fraternaue pectora flexit
 Vera monens. dicto paret Menelaus, & arma
 Pulchra viro ex humeris fidi abstraxere fodales.

Nestor at, in mediis exsurgens, talibus inquit: 140
 Pro di! quantus adest tibi luctus, Achaica tellus!
 Quantus erit, Pelæu, tibi jam dolor, optime quondam
 Tom. I. L Bello,

Bello, consiliis nunc & sermone disertis!
Qui me multa, domo exceptum, de gente rogabas
Grajugenum, exquirens omnes natosque, patresque,
Laetus & audibas narrantem ex ordine cuncta;
Audieris nunc si, Grajis quo straverit unus
Hector corda metu; tollens ad sidera palmas
Cum gemitu, orabis nigro demittier Orco.
Atque utinam, o divum rex, & Phoebe, atque Minerva, 150
Essem ego nunc prima validusque, levisque juvenis:
Qualis eram, Pylis cives, atque Arcades, olim
Belligeri ad rapidum Celadonta horrentibus hastis
Cum Pheae ad muros pugnabant: amne liquenti
Qua fluit, & puras devolvit Iardanus undas.
Hos inter primam ante aciem se mole ferebat
Dius Ereuthalion ingenti; indutus & arma
Regis Areithoi, multo radiabat in auro.
Regis Areithoi, quem claro nomine vulgo
Omnes Clavigerum vocitabant. viribus audax 160
Non etenim curvoque arcu pugnabat, & hasta;
Ferratae ast acies rumpebat pondere clavae.
Hunc stravit, melior non vi sed fraude, Lycurgus,
Aggrediens inter rupes, atque arcta viarum;
Ferrea ubi exitium deprenso avertere clava
Haud potuit. subiens medium namque ante Lycurgus
Perfoditque hasta, terraeque afflixit, & armis.
Exsistit, ipse viro quae Mars donaverat olim.
His ruere est solitus per bella Lycurgus in armis,
Aetas dum melior vires dabat: inde ubi longo 170
Defecit senio fractus, quae gesserat ipse
Arma, dedit forti famulo gestare, superbus

Haec

Haec ille induerat, Pylia & de gente jubebat
Qui vir cunque omnes praestaret robore, secum
Uno unum pugnare: metu sed corda micabant
Omnibus; audebat nemo ferre obvia contra
Arma viro. Audaci fretus tunc ipse juventa,
Vix pubente aevo, minor omnibus, acer in arma
Profilui, pugnamque invasi; magnaue laudem
Annuit eximiam Pallas. nam vulnere stratus, 180
Immani vir mole, immani & robore, nigram
Planxit humum, & multa jacuit porrectus arena.
Illa utinam mihi nunc aetas, visque illa maneret!
Qui vellet pugnare, virum non quaereret Hector.
At vestrum in Grajis primi qui Marte feruntur,
Heu pudor! oblatae vitant discrimina pugnae,

Talia dicta dabat senior, stimulisque ciebat
Corda virum increpidans haud mollibus. ocyus ergo
Surrexere novem numero. prior omnibus ipse
Atrides major, dehinc magnanimus Diomedes, 190
Dehinc gemini Ajaces, dehinc Idomeneus Cretum rex,
Una & Meriones Marti par ille cruento;
Eurypylus post hos, Euaemonis inclyta proles;
Inde Thoas Andraemonides, ac dius Ulysses.
Horum quisque sibi certatim praelia poscit.

Quos iterum Nestor compellans, talia fatur:
Nunc agite, arbitrium forti permittite. cui fors
Faverit, is pugna cunctosque juvabit Achivos,
Et se prae cunctis, pulchro e certamine abire
Si dederit salvo magni regnator Olympi. 200

Sic ait: ast illi fortes de more notarunt,
Quisque suam, agnosci ut possent. Agamemnonis inde

Injecere omnes galeae. Grajum anxia circum
Turba manus caelo tollebat non sine votis;
Atque aliquis sic, celsa tuens convexa, precatur.

Da, pater, Ajaci faveat fors, aut Diomedii,
Aut regi, ditis qui gestat sceptrum Mycenae.

Haec ille: at sortes agitabat Nestor, utraque
Rite manu quassans galeam. fors ocyus exit
Optato magni Ajacis. quam praeco per omnem, 210
Exorsus dextra, coetum circumtulit; ibat
Uni & cuique ducum ostendens: haud annuit ullus
Ostensae, donec perventum est denique ad ipsum,
Illam qui galeae injecit Telamonius Ajax.

Is dextra oblatam porrecta excepit, ovensque
Agnovit; tum deinde pedes abiecit ad ipsos;
Atque ait: O focii, mea fors haec. pectore toto
Laetor, & eximiam spero, victo Hectore, laudem
Laturum actutum. vos, dum fulgentibus armis
Cingor ego, auxilium summo ab Jove poscite votis 220
Clam tacitis audire queat ne Troica fusas
Turba preces; vel voce palam, si tollere vocem
Forte placet; metuo nec quemquam. robore nemo,
Armorumve usu melior me pellat. egentem
Non ita me, spero, virtutis, non ita belli
Progenitque aluitque rudem Salaminia tellus.

Haec ait ille: Jovem certatim in vota vocabant
Grajugenae; atque aliquis superas haec fudit ad auras:
Juppiter. Idaeo late de vertice rerum
Cuncta tuensque, regensque, Ajax da victor opimam 230
Ut referat laudem; sin Hectora diligis aequae,
Da vires, aequam da partem laudis utrique.

Haec

Haec illi ad caelum jactabant. aere corusco
Interea sese armabat Telamonius heros.
Omnia qui magnis postquam artibus induit arma,
Processit, qualis gradiens Mars bella virorum
Saeva petit, quorum vefanae Juppiter altus
Rixae dementi succendit corda furore.
Talis sese infert campo Ajax, murus Achivum,
Terribili ridens vultu; gressuque superbo 240
Arduus ingreditur, dextraque immane coruscat
Telum audax. omnes quo viso gaudia Graji
Laeta sinu cepere: alto concussa pavore
Trojugenis at membra tremunt. expalluit ipse
Hector, corda micans tremefacto in pectore: pugnam
Defugere at cupidum prohibet pudor, inque suorum
Abdere sese agmen; primus qui scilicet hosti
Obtulerat sese, cuivis certare paratus.

Jamque adeo teli ad jactum pervenerat Ajax,
Scutum ingens, vastae ceu propugnacula turris 250
Ampla, ferens, tauri sutum septemplex tergo,
Atque aere instratum solido; quod fecerat olli
Cultor Hylae solers Tychius, multa inclytus arte.
Hic septena boum compegit pinguia terga,
Textum ingens lamina super & contextit athena.
Quo tum heros clypeo protectus pectora magnum
Magnus Priamiden contra stetit; atque ita fatur.

Nunc solus soli congressus noscere tandem
Incipies, proceres quanto sint robore Achivi,
Dempto etiam Aeacida; torvo qui corda leoni 260
Par adversa virum rumpebat pectora ferro.
Is nunc ad naves jacet altas, bellaque vitat

Atridae iratus: tecum certare parati

Heic fumus at multi numero. sed confere dextram.

Hector deinde jubam concusso vertice quassans:

O dis orte Ajax Telamonie, ductor Achivum,

Ne, mollem ut puerumve, rudemve ad bella puellam,

Me magnis terre verbis, vultuque minaci.

Novi & ego pugnasque virum, caedesque cruentas,

Et clypeum motare levem dextra, atque sinistra 270

Impiger, ac longum belli durare laborem;

Et pugna novi Martem oblectare pedestri,

Novi & equis, rapidoque hostes invadere curru.

Nunc tamen haud arte aggrediar confusus, & astu,

Ta talem, tantumque; palam sed figere acutum

Conabor jaculans adverso in pectore telum.

Haec fatus, magnam longam vi conjicit hastam.

Quae solidam ad clypei molem septemplex, oras

Et superinducti stridens pervenit ad aeris;

Fulgentem & lamnam, taurinaque terga sub aere 280

Sena subit; septeno haesit tergo aenea cuspis.

Dehinc hastam jacet ingentem Telamone creatus,

Hectoreique orbem clypei ferit: hasta micantem

Per clypeum, atque moras loricae transit, & ima

Adversam rumpit tunicam juxta ilia: at Hector

Inflexo nigram vitavit corpore mortem.

Continuo evelluntque hastas, & cominus ambo

Congressi pugnam invadunt; in monte leones

Impasti ceu cum pugnant, aprive frementes

Inter se incurvant membrorum robore freti. 290

Priamides scutum in medium dextra impulit hastam,

Aera nec, inflexa retrorsum cuspidem, rupit.

At

Ast Ajax contra vi concitus adsilit; orbem
Et clypei summum transverberat abjete longa,
Concussitque artus, repulitque immane frementem,
Cervici & strictim vulnus tulit: ater at alte
Emicuit, corpusque cruor perfudit, & arma.
Nec tamen excessit pugna conterritus heros;
Saucius at retulitque pedem, terraque molarem
Ingentem, scabram, nigrum alte sustulit, inque 300
Umbonem Ajacis medium dextra impulit. ictu
Fulmineo horrendum sonuerunt aerea texta.

Inde Ajax longe majori pondere saxum
Corripuitque, manuque rotans intorsit adactum
Viribus immensis; scutumque infregit, & infra
Dissolvitque genu, scutoque haerente, supinum
Stravit humi. stratum confestim at magnus Apollo
Erigit ipse manu attollens. Invadere pugnam
Cominus ergo aliam stricto mucrone parabant:
Ni, Jovis atque hominum celeres ad jussa ministri, 310
Venissent subito praecones, alter Achaëus,
Tros alter, cordati ambo, rerumque periti
Idaeusque, & Talthybius; qui sceptras gerentes
Intulerunt sese in medios; consultaque condens
Multa animo sapiens Idaeus talibus inquit:

Jam cohibete iras, saevae jam parcite pugnae.
Aequè ambos amat aetherei rex altus Olympi:
Ambo estis bello egregii; quod novimus omnes:
Noxque instat propior: sacrae par cedere nocti est.

Huic Ajax; Idaeë, istud fac postulet Hector. 320
Ille prior Grajū primoribus obtulit audax,
Magna voce vocans, pugnam; secedat ab armis

Ille prior; sequar exemplum facilisque volensque.

Haec ait. ast Hector: Quando, inquit, di tibi molem
Corporis eximiam tribuere, ac robur, & ingens
Consilium, virtute omnes & vincis Achivos;
Pugna, hodie jussi procul hinc cedamus, omissa.
At congressi iterum certabimus usque, dabit fors
Dum mortem alterutri, speratae aut praemia laudis.
Sacra ruit jam nox: nocti parere necesse.

330

Tu Graiosque hilara cunctos, carosque sodales
Praecipue, naves rediens hinc sospes ad altas:
Urbem at ego ingressus patriam moerore, metuque
Exsolvam longo Troasque, ac Troadas, ultro
Laeta ferent pro me coetu qui sacra frequenti.
Ampla, age, nunc inter nos demus dona vicissim;
Ut Troum, Danaumque aliquis miratus: acerbis
Hi, dicat, pugnamque animis gessere, dirempta
Et pugna, posuere odium sibi mutua juncti.

Sic ait; argentoque enssem fulgente decorum,
Vaginantque, aptisque dedit retinacula loris.

340

Ajax purpureo contra dat murice balteum.

Post, ubi digressi, Grajum Telamonius Ajax
Ad populum; Troum ad turbam Priameius Hector
Se tulit. hi reducem laeti clamore secundo
Excepere; virumque affusi ad moenia ducunt,
Ajacis magni e manibus jam, vique receptum
Sospitem ab indomita; quem fata extrema putarant
Prostratum durae non posse evadere mortis.

Nec minus Ajacem Graji comitantur euntem,
Et magni ducunt celsa ad tentoria Atridae.

350

Victorem, laetumque animi, vultuque fatentem

Gaudia.

Gaudia. Quo postquam denſi venere, deorum
Quinquennem regi taurum Pelopeius heros
Maſtat ſacra ferens. tergus cui Martia pubes
Deripit; ingentemque fecant in fruſta. paratis
Quae rite in verubus figunt, torrentque, trahuntque;
Lancibus & ſacris imponunt. inde frequentes
Ordine confidunt, dapibusque epulantur opimis.
Ajaci Atrides tergum bovis obtulit ultro 360
Ipſe manu, eximioque virum dignatus honore eſt.

Postquam exempta fames, epulaeque, & vina quierunt;
Incipit haec Neſtor ſapienti corde, datisque
Dudum conſiliis clarus, quae nempe fuiſſe
Optima ſucceſſus Grajis oſtenderat ipſe;

Atride, atque alii proceres, non parvus Achivum
Stratus morte jacet numerus; quorum, vada propter
Xanti, purpureo perfudit ſanguine terram
Mars ferus: atrum animae tristes abiere ſub Orcum.
Cras tu igitur, cum prima diem mortalibus alnum 370
Lux referet, bello cupidos certare coerce
Grajugenas. plauſtris congeſta cadavera bubus
Interea, mulisque vehentes, litore in ipſo
Uremus, curvis non longe a navibus; oſſa
Ut ſervata domum poſſint, dulcesque referri
Ad gnatos, patrias cum divi ſolvere ad oras
Annuerint. multo cunctis commune ſepulchrum
Praeterea extolli placet aggere, torrida propter
Buſta, ſuper campo: turres placet inde locari
Aerias juxta, ratibusque, virisque paratum 380
Tutamen dubios ad caſus; aptaque in ipſis
Limina portarum, poſſint qua erumpere currus;

Et

Et fossam, egesta circum tellure, per orbem
Exterius magnam duci, currusque, virosque
Arceat ut quondam, veniant si Marte superbi
Trojugenae, clademque parent inferre carinis.

Haec senior. proceres cuncti una dicta probarunt.
Parte alia Teuceri, coetu super arce coacto
Iliaca, summis regni de rebus habebant
Consilium ante fores Priami, trepidique tumultu 390
Ingenti circum regalia testâ fremebant.
Quos inter sapiens Antenor talia fatur:

Troes, Dardanii, focique, haec, dicere quae nunc
Est animus, faciles audite o mentibus aequis:
Actutum Atridis Helenam, & quaecunque Mycenis
Extulit huc veniens, reddi placet omnia. rupto
Foedere bella viri, gerimus, dira, impia. rerum
Utile nil fiet dis contra obstantibus, unum
Hoc nisi sit, quod fas omne, ac jura omnia poscunt.

Haec coetu in medio Antenor; tacitusque resedit. 400
Tum surgit contra Paris. atque ita turbidus infit:

Ista mihi, Antenor, quod nosti haud grata, profaris;
Cum tibi non desit melior sententia, mente
Quam premis in tacita. quod si, quae voce locutus,
Mente probas, sanam abstulerunt tibi numina mentem.
Nunc & ego, quae certa animo sententia sedit,
Expeditam paucis. Uxorem (ambage remota
Edico) nunquam reddam: rerum omnia, ab Argis
Quae tulimus, reddamque volens atque insuper addam
Largus opes alias de re patriaue, meaque. 410

Haec postquam est fatus, confedit. Protinus alta
Dardanides Priamus divis par mente profatur,

Has

Has placido senior fundens de pectore voces.

Troes, Dardanii, focique, audite loquentem
Me taciti, dum, quae menti est sententia, promo.
Nunc coenam sibi quisque paret per castra, labantes
Et victu revocet vires: tum deinde sub armis
Excubet ante urbem, servans quae nocte tuenda.
Cras primo ad curvas Idaeus mane carinas
Hinc eat; Atridaeque, Paris quae sentit, utrique 420
Nuntiet; ac sapiens idem sermone disertio
Hortetur, bello abstineant, pugnaeque tumultu
Horrissono, campis donec prostrata virorum
Corpora multa queant tollique, ignique cremari.
Inde iterum duri gliscent certamina Martis,
Dum fors ipsa acies commissas distrahat, & dum
Armorum, bellicae ferat victoria finem.

Haec senior; dictis cuncti assensere, dapescque,
Ut iussi, curant passim per castra, coacti
In turmas. Mane Idaeus tentoria Grajum 430
Celsa petit; nactusque viros Agamemnonis altam
Ad puppim, stetit in mediis, ac talia fatur:

Atridae, Grajum & procures, audire loquentem
Ne pigeat, quae me Priamus, Trojanaque fari
Gens jubet; ipse Paris, caput exitiale malorum,
Quae vobis mandata suo vult nomine ferri.
Quidquid opum Trojam Grajis advexit ab oris,
(Atque utinam in mediis esset prius obrutus undis)
Reddet; multa addet de re patriaque, suaque
Praeterea. uxorem Menelao at reddere forti 440
Velle negat. Troes frustra hortanturque, rogantque.
Illi etiam hoc dici mandarunt: strata virorum

Corpora

Corpora num placeat tollique, ignique cremari?
Inde iterum faevo decernere Marte licebit,
Dum fors ipsa acies commissas distrahat, & dum
Armorum, bellique ferat victoria finem.

Sic ait. illi autem taciti conversa tenebant
Ora inter sese. mens cura fluctuat intus
Ancipiti. Haec tandem est Diomedes voce locutus.

Nemo Helenam, quaecumque Paris vel munera spondet, 450
Accipiat. nam quis tam stultus non videt urbi
Dardaniae extremam jam fato instare ruinam?

Talia Tydides: cuncti assensere loquenti,
Veram & concordii vocem clamore probarunt.

Tum sic Idaeum alloquitur Pelopeius heros:
Idaee, heic quid opus verbis? tu scilicet ipse
Audis quid placeat Grajis; sententia discors
Nec mea communi pugnat. Sed corpora vita
Functa uri haud equidem invideo: decet igne cremari,
Nancisci & rapidas funesta cadavera flammis. 455
Fide: Jovem testor, qui foedera fulmine sancit.

Sic ait; atque manu ad superos sceptrum extulit omnes.
Nec mora, Trojanas Idaeus fertur ad arces.
Qui simul ac venit, Troesque, ac Dardana pubes
Densi ubi concilio in magno de more sedebant,
Illius optantes reditum; responsaque Graji
Rettulit in medio stans regis; turba soluto
Se coetu accingit, pars tollere corpora plaustreis,
Pars rapta nemus antiquum populare bipenni.
Nec minus & Danaï, digressi puppibus altis, 470
Festinant socios alii asportare jacentes,
Densam alii ferro certatim evertere silvam.

Jamque

Jamque adeo, Oceani linquens vada lene fluentis,
 Sol caelo intulerat sese, camposque profusis
 Figebat late radiis, & florea rura.
 At Grajum inter se passim, Troumque catervae
 Occursant, campis & mixtae impune vagantur.
 Nec facile agnoscunt confusa in caede suorum
 Ora prius, quam tabo atros, & pulvere multo
 Membra super tectos, haustis de flumine lymphis, 480
 Abluerunt. Tum quisque suos flens aggerat altis
 Impositos plaustris. luctu indulgere vetabat
 Trojugenas Priamus: taciti dant corpora flammis
 Mixta catervatim. quae cum vento incitus ignis
 Cuncta hausit, lento rediere ad moenia gressu.
 Parte alia tristes ufferunt corpora Graji,
 Perfunctique opere, ad naves & castra redibant,
 Postquam sera rubens accendit lumina vesper.
 Nondum etiam Oceanum supra formosa rubebat
 Surgens caeruleis Aurora e fluctibus: aurae 490
 Sublustris incipiunt cum primum albescere nocte.
 Tum strato delecta manus confurgit Achivum,
 Atque pyram circa ingentem struxere sepulcrum
 Ingens, effosso coacervatum aggere, cunctis
 Quod commune foret; murum & duxere; locarunt
 Aerias juxta & turres, ratibusque virisque
 Tutamen dubios ad casus, aptaque in ipsis
 Limina portarum, possent qua erumpere currus;
 Et fossam egesta circum tellure per orbem,
 Et densos duro fixerunt robore vallos. 500
 Haec animis opera urgebat certantibus instans
 Confertim jussu pubes Argiva labori.

Dì,

Di, Jovis in magni domibus de more sedentes,
 Adspectuque hærent defixi, & surgere tantas
 Mirantur subito moles. quos inter, ab imo
 Qui terram quassat, Neptunus talia fatur:

Juppiter, & quis erit posthac mortalis in orbe
 Toto usquam, exquirat qui mentem & fata deorum
 Ante, manum admorit quam coepto cuilibet? en ut
 Argivi murum ingentem struxere, carinas 510
 Qui tegat, immani fossa & cinxere, nec ulli
 Sacra prius fecere tamen solemnia divum.
 Scilicet hic murus fama ut præstante feratur
 Per gentes late varias, quasunque videt Sol;
 Amplius at nusquam memorentur moenia Trojae
 Alta, meo quondam, Phœbique exstructa labore.

Talia Neptunus; fratrem sed vana querentem
 Juppiter increpuit: Tene istaec, magne tridenti
 Horrendo terram quatiens Neptune, timere;
 Quae multo inferior manibusque, animisque deorum 520
 Vix aliquis metuat? stabit tibi gloria late
 Inconcussa omnes claro sub Sole per oras.
 Quin age, cuni patrias Danaum gens ibit ad urbes
 Pandens vela Noto, murum tu disjice, & altos
 Merge, undis haustum, sub fluctus; litus arena
 Totum sterne super, nusquam ut pars ulla supersit,
 Disjecti restent nusquam ut vestigia muri.

Haec superi: occiduas Titan se mersit in undas,
 Septaque murorum jam structa in litore stabant.
 Tum Danaï curantque dapes, mactantque juvencos, 530
 Quisque sua ingressus tentoria. litora complent
 Advectae Lemno portantes vina carinae,

Miserat

Miserat Euneus quas cretus Iasone, regi
Aemonio peperit quem Lemnias Hypsipylea.
Mille cados misit, munus memorabile, Atridis.
Quod superest, Grajum procures, vulgusque parabat;
Quisque sibi, ferro splendente, aut pellibus, aere
Aut fulvo, aut bobus, vel captis Marte virorum
Corporibus: multoque hilarant convivium Baccho,
Atque epulis feram in noctem vescuntur opimis. 540

Nec minus & Troes, socique epulantur in urbe.
Queis diram tota rex cladem nocte parabat
Juppiter, usque tonans horrendum. pulsa micabant
Corda metu, pallorque viris infecerat ora.
Vina solo e cyathis fundebant; atque liquorem
Lenaeum est ausus nemo gustare prius, quam
Magnanimo invergens libasset rite Tonanti.
Inde ineunt thalamos, ac sternunt membra sopori.





H O M E R I

I L I A D O S.

LIBER OCTAVUS.

Ulcra, mari crocea surgens in veste, per omnes
 Fundebat sese terras Aurora: deorum
 Summo concilium caelo regnator habebat.
 Cuncta silent: folio ex alto sic Juppiter orsus.

Huc aures cuncti, mentesque advertite vestras,
 Dique, deaeque. loquar dum, quae fert corde voluntas.
 Dicta probate omnes; neve hinc praecidere quisquam
 Speret posse aliquid, seu mas, seu foemina. Si quis,
 Auxilio veniens dura inter praelia, Troas
 Juverit, aut Danaos, foede remeabit Olympum 10
 Saucius: arreptumve obscura in Tartara longe
 Demittam ipse manu jaciens; immane barathrum
 Alte ubi sub terram vasto descendit hiatu,
 Orcum infra, quantum jacet infra sidera tellus:
 Aere solum, aeterno ferri stant robore portae.
 Quam cunctis melior sim dis tum denique discet.
 Quin agite, atque meas jam nunc cognoscite vires.
 Ingentem heic auro e solido religate catenam;
 Deinde manus cuncti validas adhibete trahentes
 Ad terram: non ulla fuit vis tanta, laborque, 20
 Caelesti qui sede Jovem deducere possit:
 Ast ego vos, terramque, & magni caerula ponti

Stagna

Stagna traham, dextra attollens, & vertice Olympi
Suspendam: vacuo pendebunt aere cuncta.

Tantum supra homines mea vis, & numina supra est.

Juppiter haec: taciti mussant di, duraque secum

Patris dicta omnes tremefacto in corde volutant.

Fulgentes tum pulchra oculos Tritonia Pallas:

O pater, o divum regnator summe, docere

Desine. quam praestes invicto robore scimus

Caelicolae jamdudum omnes, ultroque fatemur.

Sed gentis miseret Danaum: quae clara secundo

Marte olim, fatis nunc contra urgetur iniquis.

At (quando sic, magne, jubes) abstinere pugna

Certum est: consilio tantum prodesse fideli

Sit fas; irato ne te gens omnis ad unum

Occidat, extremamque trahat prolapsa ruinam.

Olli subridens placido rex pectore: Fide,

Fide meus, dixit, sanguis Tritonia; mitis

Nam tibi ero, haud miti quanquam haec sum mente locutus.

Tantum effatus, equos duci jubet; atque volucris

Aeripedes jungit curru, flavaque comantes

Colla iuba: ipse humeris auro thoraca rigentem.

Induit, &, curru exceptus fulgente, flagello

Admonuit bijugos. rapido per inania cursu

Terram illi caelumque inter fugere volantes,

Idaeum ad montem donec, nemorosaque ventum est

Gargara; ubi liquidi fontes, ubi densa ferarum

Lustra horrent, lucusque deo facer, araquo luco

In medio jam thure pio, jam floribus halat.

Haec pater omnipotens multo sudore madentes

Solvit equos, totumque atra caligine montem

Tem. I.

M

Invol-

Involvens, nimbo ipse caput circumdatus anreo,
Restitit, aeriouque ingens in vertice sedit;
Dardaniam unde urbem, classẽ unde inspectat Achivam.

Jam trepidi, sua quisque intra tentoria, Graji
Instaurant victu vires, pugnaeque parant se.
Nec minus interea diversa in parte juvenus
Dardana collucens Phrygius fulgebat in armis;
Inferior numero: tamen & committere pugnam, 60
Et certae fidens animi se opponere morti.

Urget enim res dura, omnes invadere dulci
Pro lare, pro gnatis, cara pro conjuge casus.
Panduntur portae; varioque in bella ruentum
Aura sonat fremitu: promunt se moenibus altis
Certatim turmaeque equitum, peditumque phalanges.

Jamque adeo oppositis Martem invasere manipulis;
Congressaeque amborum acies densantur; & hastae,
Ensesque, clypeique una, & thoraces aheni.
Concurrunt flictu ingenti: fragor aethera complet. 70
Caedentum laetae voces miscentur in unum
Cum gemitu miserorum, extrema in morte doleantur:
Tela madent, largo tepefacta est sanguine tellus.

Sic geminae adversis, dubio in certamine Martis,
Ordinibus tendunt acies: hinc ferreus imber
Ingruit, atque illinc: sternuntur fortia leto
Corpora. longum anceps haesit victoria, ab ipsa
Aurora, medium donec Sol contigit axem.

Tum pater auratas, aequato examine, lances
Sustulit ipse manu magna; diversaue fata 80
Hinc Grajum, hinc Troum imposuit. Grajum ocyus alman
Ad terram fluxere, leves abiern sub auras

Fata

Fata Phrygum. post haec frondosa clarus ab Ida
 Horrendum intonuit; Danaumque sub ipsa coruscum
 Agmina contorsit fulmen. videre cadentis
 Fulgorem attoniti; turbatique omine: mentes
 Dejectae, versique atra formidine vultus.

Heic non Idomeneus, non Grajum ductor Atrides,
 Non gemini Martis comites, duo fulmina belli,
 Ajaces mansere loco; sed tuta capeffunt 90
 Castra fuga. Danaum tutela, Gerenius omni
 E numero Nestor saeva inter praelia solus
 Restitit, ille quidem cupiens dare terga; tenetur
 Sed tardo invitus curru. nam forte sagitta,
 Dius Alexander valido quam misit ab arcu,
 Haesit equo fronte in summa, qua proxima leto
 Est via, subiectoque infedit fixa cerebro.
 Tollit se arrectum, canthoque involvitur aereo,
 Et socios consternat equos. abjungere curru
 Quem cupiens, trepidus stricto dum lenta secabat 100
 Ferro lora senex, contra Mavortius Hector,
 Acer equis auriga, adversa ex parte ruebat
 Turbam inter, fremitumque virum. Miserande, jaceres
 Iliaco, Nestor, campo, Tydeius heros
 Ni foret auxilio. magna qui voce vocatum
 Increpuit Laertiadem: Sate sanguine divum,
 Consiliis, Laertiade, bonus auctor, Ulyssè,
 Quo fugis, ignavosque inter das cernere inerme
 Dorsum hosti, tergo dum foede infederit hasta?
 Siste gradum, pariterque ambo servemus amicum 110
 Nelider; veniens quem jam premet, ocyus ambo
 Ni sumus auxilio, saevumque repellimus, Hector.

Sic ait: aerias non exaudita per auras,
 Dicta volant. rapido non fecius ille ruebat
 Quippe cavas cursu ad naves, ac tuta petebat.

Ergo heros currium densa inter milia solus
 Impulit; & primam ante aciem stetit acer in armis
 Pro fene; quem blandus verbis compellat amicus:
 O pater, haec duro bellatrix Marte juvenus
 Te premit, invictum quondam; nunc pigra senectus 120
 Debilitat; fortis tibi non auriga, jugales
 Non pedibus celeres nunc adsunt. en age, currus
 Scande meos: rapidis nosces pernicious Euris
 Ut campo volitent bijugi, quos victor ademi
 Dardanio Aeneae. quin istos linquimus ergo
 Curandos famulis, nosque his invadimus hostem?
 Tu senior cape lora manu; jam sentiet Hector,
 Inque mea veſana manu bacchetur an hasta.

Sic ait ille; senex dictis non abnuat. ergo
 Nestoreos curant bijugos, regumque capeſſunt 130
 Jussa citi Sthenelus cum magnanimo Eurymedonte.
 Tydidae currum Nestor conscendit, & ipse
 Tydides. Nestor manibus tum cepit habenas,
 Verberaque insonuit: cursu fugere volucris
 Alipedes; dicto & citius torvum Hectora juxta
 Advenere. petit missa quem protinus hasta
 Ardentemque oculis, curruque adversa ruentem
 Tydides. illum stridens haud contigit hasta,
 Fixit, at in pectus juxta delata papillam,
 Magnanimi prolem Thebaei Eniopea, 140
 Aurigam, famulumque. immani vulnere ab alto
 Volvitur excussus curru; lapsusque fragore

Terret

Terret equos, retro subita formidine versos,
 Et dulcem exspirat, resoluto robore, vitam.
 Indoluit raptò auriga Priamejus heros,
 Et cari fato ingemuit sub corde, sodalis.
 Quem stratum liquit tamen atro in pulvere, quaerens
 Acrem animis alium, possit cui credere currus.
 Continuo est nactus praestantem robore, & omnes
 Audacem ad casus, dubiique pericula Martis, 150
 Iphitiden Archeptoleum; quem scandere currum
 Ocyus, atque datàs moliri jussit habenas.

Haec magnam Teucri cladem, dirumque subissent
 Exitium, pecudum ritu intra moenia pulsi.
 Lumina ni advertens divum pater, atque hominum rex,
 Palantes caeli summa vidisset ab arce.

Qui dirum subito intonuit, magnaue coruscum
 Intorsit fulmen dextra, terramque sub ipsis.
 Percussit Diomedis equis: tum, sulfure late
 Accenso, horrendum se fundens flamma relaxit. 160
 At consternati curru cecidera sub alto

Cornipedes. fugere omni variata lepore
 Nestoreis lorà e manibus; conterritus ipse
 Corde senex pavidò, Diomedem affatur; &, hinc te
 Proripe, ait, Tydide; & equos ad litora verte,
 Dum licet. iratus laudem negat, ille deorum
 Nam pater. huic hodie dexter favet: cum volet, idem
 Post decus & nobis magnum feret; ulla virorum
 Nec potis est summo virtus pugnare Tonanti.

Haec Nestor: contra Tydides: vera profecto 170
 Ita, senex; mihi corde dolor sed tristis in imo,
 Ardet. Trojugenas inter nam verba frequentes.

Cum faciet, sese jactans hoc improbus Hector
 Dicet: Me viso, Diomedes tuta petivit
 Castra meru fugiens tremefactus. terra dehiscat
 Tunc mihi, & indecorem Stygias demittat ad umbras.
 Talia Tydides: contra Neleius heros.
 Nam quid ais, magni proles fortissima Tydei?
 Nec dicet, nec, te ignavum si dixerit Hector,
 Dardanidis, Teucrisque fidem, Troumque pudicis 180
 Conjugibus faciet, quarum atro in pulvere fortes
 Marte tuo domiti nuper jacuere mariti.

Sic ait; inque agmen fugientum protinus egit
 Cornipedes. Teucris telis, magnoque sequuntur
 Clamore. ante omnes crista caput hirtus equina
 Magnis Tydiden sic vocibus increpat Hector:

Tydide, eximio Graji te semper honore
 Ante alios coluere sedilique, & dape multa,
 Pluribus & vini cyathis; nunc temnere contra
 Incipient mollem, muliebri & more timentem. 190
 I, pavida, imbelisque, fugaxque puella: nec arcem
 Pergameam scandes, me viso, Troadas altis
 Nec duces captas in puppibus. ante peremptus
 Nanque mea tristes dextra mittere sub umbras.

Talia Priamides jactabat. fluctuat intus
 Ille anceps, pendetque animi, num rursus in hostem
 Vertat equos, atque arma furens ferat obvia contra.
 Ter cura haec mentem subiit, ter magnus ab Ida
 Juppiter intonuit laetum pugnantibus omen
 Trojugenis. altum quos clamans incitat Hector. 200

O Troes, Lyciique, & pubes Dardana, nunc, nunc
 Este viri, atque animos, validasque expromite vires.
 Ipse

Ipse mihi altitonans pugnae dat signa secundae
Juppiter, & laudem spondet; circumque minatur
Exitum contra Danaïs. qui moenia stulti
Struxerunt malefirma, labantia; sistere quibunt
Quae prostrata meum nec parvo tempore robur.
Ast humilem saltu fossam pernice, labore
Transilient nullo alipedes. Dehinc litora postquam
Attigero, curvas & puppes, tunc memor esto 210
Ignem aliquis, rapidasque faces inferre. cremabo.
Astutum naves, pubemque in navibus, atro
Deprensam fumo involvens; nigraque favilla.

Sic ait; hortaturque suos in bella jugales:
Xante, Podarge, Aethon, invicto & robore Lampe,
Nunc multam grati memoresque rependite curam,
Et fruges, & vina, manu quae apponere vobis
Ipsa sua largè, magni genus Eetionis,
Andromache solita est prius, ipsi quam mihi, juncta
Cui thalamo est, quo se felicem conjugem dicit. 220
Ite, agedum, celerate alacres, praedemur ut illum
Nelidae clypeum, quem late didita fama
Esse auro totum e solido fert intus & extra;
Detractumque humeris leto strati Diomedis
Dedaleum thoraca, opus admirabile, telis
Indomitum Aetnaeo, quem duxit Mulciber igni.
Quae capere annuerit si Fors, hac nocte carinas,
Spero equidem, Graji conscendent, velaque retro
Versa dabunt ventis. vana spe turgidus Hector
Talia clamabat: cum Juno exarsit in iras; 230
Atque caput quassans, folium, quo forte sedebat,
Auratum, sedesque alti concussit Olympi.

Tum sic Neptunum, furiato pectore, magna
 Magnum diva deum alloquitur: Neptune, frementis
 Late qui pelagi das jura tridentifer undis,
 Necdum etiam Danaum miseret, quos clade perire
 Indigna immeritos cernis? nec munera menti
 Nunc subeunt, quae multa tibi, multoque lepore
 Structa ferunt toties Helicenque, Aegaeque. vicissim
 Tu molire aliquid, quo vincant denique Graji. 240
 Argivis quotquot nam dique, deaeque favemus,
 Si studio Troas concordi urgere velimus,
 Atque Jovem unanimis cohibere immane furem,
 Nae solus viridi residens tristetur in Ida.

Sic ait: irata Neptunus voce sororem
 Increpuit: Quae verba istaec, vesana, locuta es?
 Non me, non divum quemquam pugnare Tonanti
 Fas est: ille omnes unus nam viribus anteit.

Haec inter sese alterna dum voce loquuntur
 Neptunus pater, & Juno, jam, quidquid ab altis 250
 Puppibus, & muro campi complexa coercent
 Fossa ingens, totum Danaï magis & magis usque
 Complebant, currusque simul, clypeataque pubes
 Densa virum sese miscensque urgensque: favore
 Summi laetus enim Jovis Hector, Marte cruento
 Haud minor, angustum cunctos concluderat arctans
 In spatium. Ille adeo rapto ferus igne carinas
 Ureret, Atrides, monitu Junonis amicae,
 Ni celer hortari pavidos coepisset Achivos.
 Ille inter puppesque, alta & tentoria, dextra 260
 Purpuream gestans chlamydem, volat ocyor aura;
 Celsam Ithaci & scandit puppim; quae litore stabat

In

In medio, audiri longe ut vox posset utrinque,
Et qua parte Ajax, & qua tendebat Achilles;
Extremi, validis confisi viribus ambo,
Et virtute, suas, qui subduxere carinas.
Huic instans clamore omnes ciet acer Achivos:

Pro pudor! o specie mirandi, o rebus inertes
Argivi! quo nunc illa ingens gloria, quo tot
Magnaue verba, minaeque acres abiere? ferebat 270
Quisque etenim se laude olim super astra; juvencis
Cum Lemno in sacra caesis, epulaeque vigeant
Scilicet, ac multo fervebant pocula Baccho.
Quisque parem bello centenis, atque ducenis
Nam fore se Teucris jactabat. solus at omnes
Nunc terretque, fugatque Hector: mox inferet ignes,
Exuretque cavas, nullo prohibente, carinas.
Magne deum rector, quem tanta clade potentum
Affixti regum? cui tanta est gloria, tantum
Et decus ereptum? nusquam tamen ulla tuarum 280
Ara mihi, haec tristi cum fato ad bella venirem,
Praeterita est puppi, struerem quin pingula large
Exta super, cupiens evertere moenia Trojae.
At nunc, o genitor, saltem concede roganti
Hanc veniam, extremae saltim nos eripe cladi,
Neu finito Argivos Phrygio sub Marte domari.

Talia jactabat lacrimans. at Juppiter alto
Annuit oranti caelo, magnoque levavit
Moerorem augurio miserans; rebusque salutem,
Urgentisque fugam leti portendit Achivis. 290
Quippe aquilam, qua nulla volat praestantior ales,
Demisit cervae celeris curvo ungue tenentem

Hinnu-

Hinnuleum. hunc veniens aram dejecit ad ipsam,
 Sacra ubi fatidico fuerant solemnna Graji
 Ferre Jovi, in dubiis oracula & poscere rebus.

Hi postquam augurium laeti agnovere secundum,
 Atque Jove a magno missam sensere volucrem,
 Exarsere alacres ad pugnam, atque agmine denso
 Arma fremunt, telisque incessunt eminus hostem.
 Nemo tamen Grajum certatim in bella ruentum 300
 Jactavit sese celeresve agitasse jugales,
 Fossarumve moras transisse, atque obvia Troum
 Armis arma tulisse prius magno Diomede.
 Ille dedit leto quassantem in vertice cristas
 Princeps Phradmonidem Agelaum. huic, territus, amens
 Dum fugit, ac retro laxatis fertur habenis,
 Hastam humeros inter dorso defixit, & atro
 Per medium exegit madefactam sanguine pectus.
 Corruit exanimis, sonitum super arma dedere.
 Post ambo excurrunt, pariterque feruntur Atridae: 310
 Dehinc gemini Ajaces, praestanti robore uterque.
 Post hos Idomeneus, atque armiger Idomeneos
 Meriones, Marti magnis par viribus ille,
 Atque animis: dehinc Eurypylus Euemone cretus,
 Postremus valido Teucer volat inclytus arcu,
 Atque sub Ajacis clypeum subit. ante ferebat,
 Ingentem clypei molem Telamonius Ajax:
 Teucer at, e latebra prospectans, fixerat ictu
 Postquam aliquem certo media inter milia, dulcem
 Ille animam efflabat moriens, sub tegmen amicum 320
 Hic rediens, puer ut sub matris veste, latebat.
 Quem primum Teucer Phrygia de gente volucri

Stravit

Stravit humi telo? Orsilochem prius omnibus: inde
Ormenon, huic addit comitem magnumque Ophelesten,
Daetoraque, Chomiumque, & magnanimum Lycophonten,
Et Polyaemoniden Hamopaona, & Melanippam.

Horum densa heros dejecit corpora leto.

Quem saevo cernens arcu vastare phalanges,
Laetitia exultans propior stetit, atque ita blandus

Affari verbis Atrides coepit amicis: 330

Teucer, dulce caput, Telamonie, perge sagittis,

Perge tuis densos venari, ac figere Troas;

Lucem aliquam si forte queas affundere Grajis,

Et patri, qui te primis eduxit ab annis,

Atque nothum tamen usque suis curansque fovensque

In testis aluit, fac per te clareat absens

Ille, senem & magna sustolle ad sidera laude.

Hoc tibi ego verax dico, praestabitur ipsa

Quod re olim: altitonans mihi Juppiter, atque Minerva

Annuerint vastare olim si moenia Trojae, 340

Prima tibi post me tribuam praestantia dona;

Aut tripodem, aut currum insignem geminosque jugales,

Iliadum aut aliquam forma praestante puellani.

Talia fatus erat: contra cui Teucer: Atrida

Magnanime, ardentem quid frustra incendis? ut hostis

Pulsus nanque pedem retulit sub moenia, nunquam

Sponte mea cesso jaculans demittere morti

Corpora multa virum. prompsi octo tela pharetra;

Belligeri totidem juvenes cecidere volucris

Confossi ferro. rabidum at configere telo 350

Hunce canem nequeo. dixit, rursusque sonante

Impulit ab nerve magno stridore sagittam

Hectora •

Hec̃tora in adverſum: fruſtra; nam flexa, per auras
 Dum volat, eximio trans altum Gorgythioni
 Pectus iit, Priamo quem candida Caſſianira
 Edidit, Aefyma Trojam deducta, deabus
 Affimilis. flexa moriens caput acclinavit
 Supra humerum cervice, gravi ſub caſſide. pulchrum
 Quale ſolet, foetuque olim, vernoque gravatum
 Imbre, caput flexiſſe horto in fragrante papaver. 360
 Rurſus mente furens avida petit Hec̃tora; rurſus
 Miſſa alio ſed enim (venientem avertit Apollo)
 Flexit iter, dirum ſtridens, letalis arundo.
 Ergo Archeptolemum, juxta delata papillam,
 Hec̃toreum aurigam, figit, celſoque cruentum
 Dejicit e curru. pavidi extimuerē fragorem
 Horrēdum alipedes: vita olli, viſque ſoluta eſt
 Una omnis: rapto auriga ingemuit bonus Hec̃tor,
 Et gravis incubuit menti dolor: attamen illinc
 Abſceſſit ſtratum linquens non ſponte ſodalem. 370

Tum fratrem, nam juxta aderat, conſcendere curris
 Cerbionem, & manibus moliri juſſit habenas.
 Frater juſſa facit: curru furibundus ab aureo
 Deſiluit, ſaxumque heros immane revulſum
 Tollit humo, vaſtoque ferens clamore ruebat
 In Teucrum. rurſus diram tum forte ſagittam
 Prompſerat e pharetra Teucer, nervoque ſonanti
 Aptarat, dextraque trahens admovebat ipſi
 Nervum humero, vulnus cui jam letale paranti
 Mittere, partem humeri, ſummo qua peſtore cervix 380
 Neſtitur, & morti eſt via proxima, perculit aſper,
 Hec̃torea intortus dextra, lapis; atque ſonantem

Dirupit

Dirupit nervum. stupuit manus: ille solutis
Concidit ad terram genibus; laeva excidit arcus.
Haud tamen oblitus fratrem est acerrimus Ajax;
Sed lapsa accurrens superadstitit, armaque contra
Omnia seminecem clypeo septemplex texit.
Sublatum hunc humeris gemini subiere fodales,
Mecisteus Echii proles, ac dius Alastor;
Et gemitus rumpentem altos in castra reportant. 390

Heic iterum Teucris mentem sacro ipse furore
Incendit, viresque auxit Saturnius. ergo
Ad fossam rursus Grajos egere, tumultu
Ingenti retro pulsos. It turbidus Hector,
Atque acie in prima furit efferus, ille Molosso
Horrenti similis, magnum qui per nemora alta
Urget aprum fretus pedibus, fortemve leonem,
Clunibus & dentes, coxisque infigit acutos,
Vertentem sese observans. nil segnus heros
Urgebatque acer Danaos, verfoque paventis 400
Tergo instans turbae postremos caedere nunquam
Cessabat. latos capti formidine campos
Transmittunt, alto donec se condere vallo
Contigit, ac Troas, diramque evadere cladem.
Huc postquam illati curvas tetigere carinas,
Inter se trepidi rerum, exhortantur; & ambas
Attollunt cum voce manus; sibi quisque vocare
Cuncta nec auxilio cessabat numina divum.

Hector equos circum diffuso at crine comantes
Torvus agit, lustratque aditus; nec Gorgone saeva 410
Mitior est vultum atque oculos, nec Marte cruento.

Haec cernens, Grajum duos miserata labores,

Sic

Sic celeri Juno compellat voce Minervam:

Nata Jovis magni, Tritonia, ficcine lentae
Stamus adhuc, Danaum nec fata extrema trahentium
Nos miseret? quos Parca gravis jam conteret omnes
Unius edomitos manibus; quem nulla furem
Vis cohibet, miseris qui tot jam funera solus
Intulit. Haec Juno; Pallas cum talia coepit:

Jampridem hic patria patris tellure jaceret 420
Perditus Argivum telis; vefanus at usque
Ille meus diram genitor furit, ac mihi semper
Obstat mente mala, coepti procedere quidquam
Nec finit; oblitus, credo quam saepe, labores
Rege sub Eurysteo duos cum pertulit, olli
Servarim gnatum. magnae qui pondere pressus
Aerumnae ad caelum plorabat, me pater axe
Misit ferre viro auxilium, curaeque levamen.
Ast haec si scissem praesaga mente futura;
Orci cum portas audax intrare, trifaucem 430
Atque canem est superas educere jussus in oras,
Abstractum ex Erebo; Stygiam non ille paludem,
Torrentesque atro fugisset gurgite ripas.
Nunc me saevus enim pater odit; nunc mihi praefert
Ille Thetin, nymphae se indulgens, oscula fixit
Quae genibus, tetigitque manu quae supplice mentum,
Multa rogans gravis ut Danais ornaret Achillem.
Ast erit, ut rursus caram Tritonida blanda
Voce vocet, poscatque operam cum venerit usus.
Verum age, tu currus, rapidosque in bella jugales, 440
Diva, para: ipsa, altum ingrediens penetrabile parentis,
Armabor bello; ut noscam, Priameius Hector

Quam

Quam leto cernet vultu nos ire phalanges
Per medias, magnoque aciem turbare tumultu.
Certe aliquis Troum pingui mox corpore diras
Pascet aves, canibusque feris data praeda, carinas
Ad Danaum duro confossus ab aere, jacebit.

Haec Pallas. dictis paret Saturnia Juno;
Et currus festina parat, pulchrisque comantes
Ornat equos phaleris, multo fulgentibus auro. 450
At Jovis aegifoni proles, Tritonia virgo,
Gressa patris celsa in magni penetralia, solvit,
Demisitque solo peplum, quod fecerat olim
Ipsa suis manibus, mira & variaverat arte.
Dehinc, pater indutus qua caeli nubila cogit,
Circumdans loricam humeris, fulgore micantem
Horrifico, armabat sese ad lacrimabile bellum.
Tum ruit celeri currus pede scandit, & hastam
Corripit ingentem dextra, validamque, gravemque;
Heroum versas dira inter praelia turmas 460
Magnanimo qua diva domat prognata parente.
At Jano bijugis longo regina flagello
Instat equis. caeli, nullo impellente reclusae,
Sponte sua crepuere fores. queis Juppiter Horas
Praefecit, nube admota seu claudere apertum,
Amota sit opus clausum seu pandere Olympum.
Hac divae curru evectae se in bella ferebant.

Quas pater ut summo prospexit vertice ab Idae,
Infremuitque, auroque alas fulgente volucres
Pictam Irin misit, non mollia iussa ferentem. 470

Iri, ait, i celeri nisu obvia; verte retrorsum
Atque deas, ultraque veta procedere; ne, si

Huc

Huc veniant, nobis jam foede praelia gliscant.
Namque hoc praedico, dictum nec tarda sequetur,
Res etiam. volucres currus frangam igne trifulco,
Evertamque ipsas, nec saevo fulmine tactis
Vulnera vel denis quibunt sanarier annis.
Discet, quam deceat patri pugnare, Minerva.
Junoni haud aequae irascor; solitum furit illa,
Sueta meis nunquam non sese opponere coeptis. 480

Haec pater: illa levi vacuas pede trajicit auras,
Atque Idam fugiens alti petit ardua caeli.
Nactaque vix primo sinuosi limine Olympi
Egressas, tenuit; Jovis & mandata profatur.

Quo ruitis, divae, quae mentem infana capido
Incitat? auxilio Argivis nunc ire deorum
Rex vetat; iratusque, dabit quae facta, minatur.
Actutum currus franget pater igne trifulco,
Vosque male evertet: nec saevo fulmine tactis
Vulnera vel denis quibunt sanarier annis. 490

Disces, quam deceat patri pugnare, Minerva.
Junoni haud aequae iratus: solitum furit illa,
Sueta Jovis nunquam non sese opponere coeptis.
Exitium, vesana, tibi sed triste minatur,
Hastam audax patrem incipies si attollere contra.

Haec effata cito longe dea candida nisu
Cessit, & aërias fugit delapsa per auras.

Tum Juno alloquitur moestam Tritonida. nec me,
Nec te, diva, reor, mortalibus arma ferentem
Pro miseris, nunc velle Jovi concurrere bello. 500
His vita, his letum contingat, quod sua culque
Fors feret: ut libitum est dispenset fata deum rex,

Utque

Utque decet, Troum & Danaum res judicet aequus.
Haec ait; alipedes retro at dea vertit Olympi
Aeris rursus ad sedes pulchrae ocyus Horae
Excepere deas, & equos solvere comantes,
Atque hos ambrosia plenum ad praesepe revinctos
Constituunt: claris fulgenti marmore currus
Parietibus rite acclinant. in sedibus aureis,
Coelicolum coetu nullo discrimine mixtae, 510
Confedere, alto fixae cor vulnere, divae.
Juppiter Idaeo currus de vertice Olympum
Impulit, atque domos divum pervenit ad altas.
Cui rutilos frater Neptunus limine in ipso
Solvit equos, currumque aris admovit, & omnem
Rite operit, tenui circundans carbasa textu.
At pater aurata de more in sede locavit
Membra, tuens late gentes; quem subter Olympus
Contremuit. Juno hinc, hinc Pallas moesta, sedebant
Attonitae, non fari ausae, non hiscere quidquam. 520
Queis genitor: Juno, Pallas, quae cura, quis angit
Vos tantus moeror? non certe exercuit inter
Bella virum fessas longas labor, utraque Troas
Dum contra furit invisos, ac tristia genti
Arma infert. coepto me non absterreat unum
Quidquid inest caelo superum: (nam robore cunctos
Et manibus praesto validis) florentia vobis
Membra tremor prius invasit, quam torva cruentae
Se pugnae objiceret facies, certamine pugnae
Et quae multa eluent in duro immania facta. 530
Et merito: namque (hoc effabor, quod fuit ipsa
Re praestare animus) misso ictam fulmine utramque

Vester non superas retulisset currus in arces.

Haec genitor: Juno compresso Pallas & ore
 Mustabant juxta, iratae, dirumque sub alto
 Exitium Teucris meditantes corde. profari
 Nil ausa est Pallas, quamvis dolor aestuet intra
 Indomitus: Juno haud tenuit sub pectore vocem
 Longius, impatiens irarum; ac talibus infit:

Nam quae istaec, rerum saevissime, verba locutus? 540
 Nos quoque te invictum scimusque, ultroque fatemur.
 Sed Graeae miseret gentis tamen, inclyta bello
 Quae perit adversis nullo pro crimine fati.
 Nunc, quoniam sic, magne, jubes, abstinimus armis.
 Consilio at saltem liceat monitisque juvare,
 Illa tuas pereat prorsus ne perdita ob iras.

Tum pater, obscuro cogit qui nubila caelo:
 Cras iterum Oceano cum primum fulserit Eos,
 Diva, Jovem, si forte velis spectare, videbis
 Magnanimum clade ingenti prostrernere Grajos. 550
 Nec prius absistet, parceret nec caedibus Hector
 Efferus, ad naves olim quam saevus Achillem
 Suscitet eximium luctus, qua luce jacentis
 Patrocli ad gelidum pugnabit Graja cadaver
 Pressa malo pubes ingenti. hic vertitur ordo
 Fatorum: hunc statui finem: nec jurgia, nec te
 Iratam curo. non si, digressa beatis
 Aedibus e divum, terraeque extrema capeffas,
 Et maris; Iapetusque, & Saturnus jacet atro
 Exful ubi longe in barathro: nec luce fruuntur 560
 Laetifica Solis supera in regione vagantis,
 Nec dulci ventorum anima. nam Tartarus ambit

Inclu-

Inclusos tenebris, alta & caligine mersos.
Illo etiam si forte, ira stimulante, ferare,
Nil movear, vesana, omnemque exsuta pudorem.

Juppiter haec: ausa est contra nihil hiscere Juno,
Interea Oceano Solis jubar incidit, atram
Pone trahens noctem. Solem videre cadentem
Trojugenae inviti; nigra caligine obortas
Grajugenae contra laeti sensere tenebras. 570

Tum socios Hector deducit litore curvo,
Flumineam cogens ad ripam, caede vacabat
Campus ubi. celsis confestim curribus omnes
Desiliunt, seque affundunt; atque auribus adstant
Arrectis. ille in mediis, Jove fretus amico,
Incipit haec, dextra praelongum hastile cruenta
Bellator gestans; fulget quo ferrea cuspis
In summo, subter fulvo quam circulus auro
Alligat: undenas telum se tendit in ulnas.
Hoc nixus socios affatur talibus heros. 580

Huc omnes Teucrique, & pubes Dardana, & omnes
Qui missi auxilio, vestras advertite mentes.
Spes erat igni altis injecto exurere puppes,
Et totam Argivum leto demittere gentem,
Ac parta ingenti sub muros laude reverti:
Magna sed abruptis veniens nox orsa, virosque
Servavit, certa & perituras peste carinas.
Nunc, focii (quando sacrae decedere nocti
Par est) laeti epulas curate, ac solvite curru
Quisque suos vacuo bijuges; nec pabula quisquam 590
Invideat fessis. celeri dehinc moenia cursu
Pars adeant; & oves, & pingues cura juvencos

Ducera sit, Bacchi, & laticem, & Cerealia dona
 Aedibus e patriis. nec desit copia festi
 Roboris, ut tota, quam longa est, ardeat ignis
 Nocte ingens campis, donec se ostendat ab ortu
 Purpureo veniens Aurora; ad sidera magnus
 Passim ut fulgor eat. ne caeca noctis in umbra
 Salsa fugam arripiant furtim super aequora Graji;
 Ne tutas certe nullo discrimine puppes 600
 Securi scandant: patriam sed moestus ad urbem
 Sit curanda ferat qui vulnera, fixus adacta
 Ille hasta navim ingrediens, volucrive sagitta.
 Unde sibi metuant alii quoque; nullaue jam gens
 Audeat armigeros in praelia poscere Teucros.
 At vos, cura Jovis, praecones, ite per urbem,
 Pubentesque aevo pueri, tum, cana senectus
 Tempora quis spargit, patres, edicite ut altas
 Continuo scandant turres, & moenibus insent.
 At matres ferventque domos, nec parca reponant 610
 Ligna focis vigiles, nocturna in lumina: ne quis
 Forte dolis Grajum pateat locus; hostis ab armis
 Ne vacuam insidias moliri possit in urbem.
 Nunc opus haec fieri, quae dixi; cetera dicam
 Aurora extulerit cum primum crastina lucem.
 Cunctis spero equidem fretus dis, & Jove summo,
 Has procul nunc abigam peltes gentemque nefandam,
 Ducta malo Phrygias fato quae venit ad oras.
 Nocte igitur cauti servemus noitraque nosque:
 Mane novo ut primi sub lumina Solis ahenis 620
 Septi armis iterum pugnemus litore in ipso
 Argivas circa naves, Martemque novemus

Indo-


Indomitum. Experiar mene inde a puppibus urbis
Ad muros vertet pulsum Tydeius heros;
An magis haec sternetque, aerata cuspide pectus
Confoffum, lacerisque virum dextra exsuet armis.
Ille suam noscet virtutem, interritus hastam.
Contra hanc si maneat vel parvo tempore: verum
Non erit ut maneat; foedo sed vulnere stratum
Orta dies ipsumque una, sociosque videbit. 630
Sic utinam immortalis aevo fruar usque, fenestae
Nec mea mutato vim robore sentiat aetas,
Tamque colar, colitur quam Phoebus, quamque Minerva,
Crastina lux Danais cladem ut latura supremam est.

Talia Priamides: Troes clamore secuti
Dicta probant, & equos largo sudore madentes,
Ut iussi, abjungunt, curantque; allata revinctis
Pabula dehinc ponunt, non longè a curribus altis.
Jamque greges ovium, jam pingues urbe juvencos
Adduxere citi. Bacchi pars dona ferebant, 640
Pars Cereris. congesta ingens jam copia festi
Roboris. it vento sublatum ad aethera nidor.
Illi, exultantes animis, partaque superbi
Laude, omnem tota per campum nocte sedebant
Discreti ordinibus. multus micat ignis, & ingens
Planities passim flammis distincta coruscat.

Ut lunam circa fulgent cum lucida pulchro
Astra choro, nusquam caelo dum nubila, nusquam
Aerios turbant ventorum flamina campos;
Apparent speculae, nemoroso & vertice montes, 650
Frondeferi & saltus; late se fulgidus aether
Pandit in immensum, penitusque abstrusa remoto

Signa polo produnt longe sese omnia; gaudet
Visa tuens, haeretque immoto lumine pastor:
Sic, naves inter Danaum Xantique fluenta,
Crebri fulgebant Troum pro moenibus ignes.
Mile ignes campo fulgebant, quemque sedebat
Quinquaginta manus juvenum, flos gentis, ad ignem.
Currus propter equi, mandentes hordea, avenam
Et tenuem, roseis venturam ex equore bigis 660
Auroram, & belli certamina saeva manebant.





H O M E R I

I L I A D O S.

LIBER NONUS.

Sic laeti excubias pro moenibus urbis agebant
Trojugenae: at Danaïs pectus fuga concitat imum,
Terroris comes atra, ducum moerentia saevus
Usque dolor penitus fodit alto vulnere corda.

Horrendi ceu vasta cient cum caerula venti,
Trux Boreas, Zephyrusque, ambo de finibus orti
Threiciis; subito propulso attollitur alte

Unda tumens immane, fretumque exaestuât imis
Sedibus, & multa litus perfunditur alga:

Sic Danaum vario fervebant corda tumultu,
In partes distracta omnes, turbataque luctu.

10

It vultu moerens demisso ingentibus aeger
Atrides curis, & obit tentoria, & uni
Cuique, jubet, regum praecones dicere seorsus,
In coetum veniant; clamori at parcere: primas
Ipse sibi & sumit partes operae, atque laboris.

Confedere omnes moesti: confurgit Atrides
Ora madens lacrimis. Celsa ut de rupe cadit fons
Dulcis aquae, ac pleno trepidat per confraga rivo:

Sic fletu rigat ille genas. tum, pectore ab alto
Ingentem ducens gemitum, sic farier orsus:

20

O focii unanimis, Grajum regesque ducesque,

N 4

Juppi-

Juppiter, heu, me fraude mala Saturnius ipse
 Infonstem implicuit; laetos qui ad testa Laremque
 Promisit reditus, magno post eruta bello
 Pergama: nunc idem captum spe lusit inani,
 Frustra operis fessum & longi jubet irrita ferre
 Orsa domum, & vacuum, tot post amissa virorum
 Milia, & indecorem nulla cum laude reverti.
 Hunc magnus finem rebus dat Juppiter; urbes
 Dejecit multas qui celfo a culmine, multas
 Dejiciet, vertetque (potest namque omnia) fundo.
 Ergo agite, atque meis cuncti parete volentes
 Consiliis: longe hinc patrias fugiamus ad oras.
 Jam spes nulla, capi nostris posse Ilium armis.

30

Dixerat Atrides: olli obstupere silentes,
 Attoniti & moesto curam sub corde premebant.
 Armipotens tandem haec fatur Tydeius heros:

Nunc primum incipiam verbis contendere tecum
 Heic procerum in coetu, qua fas, Atrida; loquenti 40
 Stulta nec ignavus cedam, verum obvius ibo.
 Tu, quaecumque loquar, rex, irae parce. peperci
 Ipse prior; lenta & sum passus mente vocari
 Degener in Danais, nec fortia natus ad arma.
 Haec etenim jactata omnes, juvenesque, senesque,
 In me foeda palam norunt convicia Graji.
 De geminis tibi quippe dedit Saturnius unum.
 Imperio praestare dedit, sceptrisque potiri:
 Virtutem, imperiis quae firmior omnibus una est,
 Et sceptris praestat longe omnibus una, negavit. 50
 Tamne igitur timidos, tam molli pectore credis,
 Tamque sui oblitos decoris, quam dicis, Achivos?

Ire

Ire domum tibi si properat mens percita, solus
I, licet: ampla patet reditu via. stant tibi naves
Ad mare tot, patriis quae te huc vexere Mycenis.
Coeptum opus urgebunt alii, fortesque manebunt,
Tandem Troja cadat Grajo dum Marte: capeffant
Vel, si tantus amor patriae telluris, & ipsi,
Qua vult quisque, fugam curvis in navibus; unus
Ipse tamen, mecum & Schenelus, bellabimus, alta 60
Dum nostris exēsa armis cadat Ilios; ambo
Dis quando auspiciis Phrygias advenimus oras.

Sic ait: at Graji magno clamore probarunt,
Consiliumque ducis mirati, & fortia verba.

In mediis surgens Nestor dehinc talia coepit.

Tydidē Armipotens, idem virtute, sagaci

Mente idem longe cunctis aequalibus anteis;

Nec tua verba, reor, quisquam contemnet Achivum,

Nec erit ut dictis dicat contraria quisquam.

Consilii sed non potuisti attingere finem.

70

Nec mirum: juvenis namque es; mihi filius esse

Multorum & minimus posses. non vana locutum

Argivis tamen esse ajo te regibus, at, quae,

Apta loco, ratioque, & rerum posceret usus.

Nunc age, qui multo senior te gloriōr esse,

Eloquar, & pulchro pandam cuncta ordine; cunctis

Quae placeant Grajis, & quae probet ipse Agamemnon.

Gente, domo, patriaque, exlex caret ille, tumultus

Cui sunt, ac turbae cordi, & civilia bella.

Mox tamen haec. furvae nunc praestat cedere nocti, 80

Et, quod opus, curare dapes; omnique virorum

Deligere ex numero vigiles, qui milite murum,

Egressi

Egredi ad fossas, & propugnacula, fervent.
 Tu princeps Atrida (tibi nam summa potestas)
 Incipe, & ex omni longaevos gente vocato,
 Atque epulis adhibe procures. tentoria vino
 Plena tibi, nulla Grajis non luce carinis
 Quod ponto advehitur Thracum de finibus. ingens,
 Accipere ut multos possis, tibi copia rerum
 Praesto est, multorum regi. confederit omnis 90
 Cum procerum numerus, qui dixerit optima factu,
 Consilium ne sperne. & opus sapiente, bonoque est
 Consilio Danaïs. non longe a navibus ardet
 Ignis enim, vigilatque hostis. discrimine quisnam
 Gaudeat in tanto? nox haec, rex, una salutem
 Vel feret, exitio ingenti vel perdet Achivos.

Haec senior: Grajum nemo non dicta probavit,
 Aut renuit praecepta alacri facere omnia mente.
 Continuo vigiles cincti fulgentibus armis,
 Nestoris egregii proles fortis Thrasimedes, 100
 Tum duo Martigenae Ascalaphusque & Ismenus acer,
 Merionesque, Aphareusque, & Deipyrus, Lycomedes
 Et dius magni Creontis clara propago,
 Procedunt, septem numero; centena secuta est
 Quemque manus juvenum, sublatisque horrida telis
 Egreditur, fossasque inter murumque resedit.
 Haec structos coenam sibi quisque parabat ad ignes.

Atrides procures vocat in tentoria. densi
 Confidunt, celebrantque dapés, tacitique fruuntur
 Appositis, jactantque manus ad fercula, edendi 110
 Donec evictus amor tandem est, viresque refectae.

Primus ibi ante omnes Nestor tunc farier inquit,

Con-

Consilium ob sapiens dudum laudatus Achivis.

Hic procerum in medio sic dulci est ore locutus.

Atride venerande, virum rex magne, Agamemnon,

A te principium, sermo in te desinet omnis,

Cui populos fraenare dedit regnator Olympi,

Consulere & cunctis, legesque & ponere jura.

Ergo decet studioque omni te dicere facto

Quid sit opus, studioque pari, si forte voluntas 120

Est alii monstrare aliquid, quod profore credat,

Nulli non aures, mentemque advertere. postquam

Audieris, statues unus, diceris & auctor.

Nunc igitur, sedeat quæ nam sententia menti,

Dicam equidem. melior qua dici haud ulla profecto

Est potis. una placet quæ nunc, atque una placebat

Tempore jam ex illo, raptam Briseida quo, rex

Inclyte, ab irato furiis incensus Achille

Abduxti foede, me non laudante, rogante

me frustra, immani coepto ut desistere velles. 130

At te faeva animis elatum ingentibus egit

Ira virum contra, nemo quo fortior unus,

Quem superi eximio divi dignantur honore.

Huic sua contempto rapuisti munera, habesque

Nunc etiam. sedenim jam tempus quaerere si quæ

Forte queat mitis reddi, ponatque tumorem

Muneribus victus blandis, blandaque loquela.

Talia Nelides; contra cui talibus infit

Atrides: Commissa mihi quaecumque recenset,

Vera, senex, fateor, demens mihi, & improbus ipse 140

Hanc merui noxam: multis par milibus unus

Vir pretio est, pater eximio quem curat amore

Ille

Ille deum; huic magnum ceu nunc decus attulit ultro,
 Et domitos clade ingenti protrivit Achivos.
 Sed mea quandoquidem culpa est, exsolvere noxam
 Est animus, largisque virum placare furemtem
 Actutum donis. numerans quae singula coram
 Omnibus heic olli spondebo, atque ordine dicam.
 Septem igni intactos tripodas, fulvique talenta
 Auri bina dabo, fulgentes aere lebetas 150
 Bisdenos; addam bissex compacta nitentum
 Corpora cornipedum, rapido in certamine cursus
 Praestantum cunctis, & praemia prima ferentum.
 Nec foret ille & opum variarum, & divitis auri
 Indigus, egregias cui tot fors aequa dedisset
 Res, quot pulchra mihi multo e certamine dona
 Attulerunt primi cursu pernice jugales.
 Septem praeterea forma praestante puellas
 Lanificae adjungam doctas opus omne Minervae,
 Lesbidas; ipse mihi, cum Lesbo est ille potitus, 160
 Quas legi e cunctis famulas. Briseida raptam
 Insuper adjiciam, dis hoc jurare paratus
 Testibus: intactam reddi, probroque remotam
 Longe omni, atque meum nunquam tetigisse cubile.
 Confestim haec aderunt simul omnia. moenia Trojae
 At faciles dederint si tandem evertere divi,
 Aere cavam aggesto princeps, auroque carinam
 Compleat ingrediens, captam cum venerit hora
 Partiri Danaïs Gazam; & sibi Troadas inter
 Ipse legat primus vicens, plurima raræ. 170
 Post Helenam caelo attollat quas gloria formæ.
 Si vero patrium remeabo victor ad Argos,

Feli-

Felices, gleba & foecundos ubere campos;
Ille mihi gener esto; ipsi nec cedat honore,
Unicus in magna qui re nutritur, Oresti.
Tres adeo gnatas mihi nunc domus educat alta
Chrysothemisque & Laodicen, atque Iphianassan.
Harum unam, gratamque animo, nullisque repensam
Muneribus, ducatque domum, dotemque puellae
Accipiat tantam, quanta ulli haud obtigit unquam. 180
Septem olli addicam florentes civibus urbes,
Cardamylem, Enopenque, herbosam in saltibus Hiram,
Et Pheras, clarum nomen, pratisque virentem
Antheam, pulchramque Aepeam, & Pedafon uvis
Felicem. maris hae non longe a portibus omnes,
Litoreaue Pylo distant, lateque coluntur
Civibus, atque boum, atque ovium quos copia ditat
Ingens; multa viro pendent qui dona quotannis,
Utque deo, eximios certabunt reddere honores.
Haec ego polliceor; praestabo haec omnia, saeve 190
Tandem exoratus finem si fecerit irae.
Jam prece se tandem flecti sinat. unus ab ullis
Orcus enim precibus flecti nequit: efferus ergo
Dicitur, invisum numen mortalibus omnes
Ante deos. cedat majori, qui minor aevo,
Qui minor imperio est. Atrides, talia fatus,
Conticuit. coepit contra cum talia Nestor:
Inclyte Grajugenum dux & regnator, Achilli
Quae das dona, queat nemo non magna putare.
Nunc procerum e numero quaerendi, ac rite legendi, 200
Ocyus irati qui se ad tentoria regis
Alta ferant, placentque virum, & mandata loquantur.
Aut,

Aut, age, ni renuis, placeat quos ire, profabor
Ipse: meis nemo at dictis parere recuset.
Cura Jovis Phoenix praeceat, geminique sequantur
Hunc reges magnusque Ajax, & dius Ulysses.
Hos duo praecones pariter comitentur euntes,
Eurybates, Hodiufque. citi nunc ferte liquentes
Confestim huc manibus lymphas, linguisque favete.
Tempus enim libare Jovi, si forte precantes 210
Audiat, & Grajae incipiat miserescere gentis.

Haec ait ille; senis placuit sententia cunctis.
Dant manibus lymphas praecones: rite ministri
Crateras jussi statuunt, & vina coronant,
Exorsique alnum cyathis tribuere liquorem.
Inde, ubi pars libata deo, pars hausta, voluntas
Dum tulit, Argivi mensam & tentoria regis
Delecti heroes linquunt. quos Nestor euntes,
Blandus quemque tuens, affatur, multaque mandat
Dulichio ante alios regi: curam exerat omnem 220
Impiger, eximium Grajis & placet Achillem.

Ibant fluctifoni propter spumantia ponti
Litora digressi a fociis, multisque vocabant
Neptunum votis. magnum qui fluctibus orbem
Caeruleis ambit, praefens pacaret amico
Numine ut Aesciden, tristes & flecteret iras.

Jamque adeo ad puppes ventum, ac tentoria celsa
Myrmidonum. heic lentus citharam pulsabat Achilles
Daedaleam, arguta resonantem voce, superne
Atque jugum argento claram fulgente; repertam, 230
Ectioneae cum moenia diruit urbis,
Ditibus in spoliis, olim quam ceperat heros.

Hac,

Hac, aegrum oblectans animum, pugnataque bella,
Et veterum decora alta virum, laudesque canebat.
Solut in adversa Patroclus sede feditabat,
Exspectans cantu dum finem poneret heros.

Tum Phoenix, Ajaxque una, progressus & ante
Hos Laertiades, venerat, ac limine ab alto
Intuleruntque pedem taciti, coramque canenti
Adstiterunt. quos admirans, ut vidit, ab alta 240
Sede, manu citharam gestans, & eburnea plectra,
Exsiluit, simul ipse, simul Patroclus; amico
Obvius & vultu dextram dans talia fatur:

Salvete, o cari ante omnes. fors urget Achivos
Dura, viros quando tales, tam dulcia mittunt
Huc capita, irascens aliis, quae semper amavi.

Haec fatus, duxitque altum in penetrale, torisque
Purpureos supra pulchris locat ipse tapetas.

Tum, prope qui adstabat, Patroclo talia mandat:

Majoremque volo statui cratera, merique 250
Plus misceri hodie, nec non ingentia poni
Pocula, cuique suum; exceptis cum gaudet amicis
Laeta domus. dixit Pelides: iussa capeffit
Grata Menetiades, & vina liquentia promittit:
Ipse manu at vastum flammis admovit ahenum,
Huic arnos ovis imponit, pinguisque capellae,
Atque faginati tergum suis, unde fluebat
Multus adeps; bonus Automedon quae rite secunda
Sustulit, Aeacides ferro at fulgente secabat.

Nec mora, secta veru fixit. succenderat amplum 260
Ligna focum supra Patroclus. quae citus ignis
Hauit ubi correpta, ingens & flamma resedit,

Sub

Sub verubus sternit prunas. mox omnia, parco
 Tosta igni, tollit, fulcrisque amota superbis
 Rite manu inspergit sacro fale; deinde patentem
 Exempta in discum fudit. tum denique mensae
 Intulit in pulchris Cerealia dona canistris
 Patroclus; positasque dapes divisit Achilles.
 Munia qui postquam est sua functus, fedit & ipse
 Parietem ad oppositum divino adversus Ulyssi; 270
 Et fidum de more deis persolvere iussit
 Sacra Menetiaden. iussos adolevit honores
 Ille citus, jecitque sacros libamina in ignes.
 Inde manus epulis taciti admoveere paratis.
 At postquam potusque, esusque expleta cupido est,
 Phoenici vultu atque oculis quiddam innuit Ajax.
 Nec mora (sensit enim) pateramque implevit, Achillem
 Atque tuens, leni sic voce est orsus Ulysses:
 Magnanime Aeacide, salve. convivia praebes
 Larga; modo Atrides intra tentoria & ipse 280
 Praebuit haud parce: sed quis convivia quaerat,
 Saucia dum curis aegrescunt pectora, cladem
 Horrendam, & diras extremo in litore caedes
 Cernentum? dum corda timor quatit anxia; dum res
 Pendet in ambiguo, pestemne arcere carinis
 Indignam dabitur, cunctas anne hostis, adempta
 Spe reditus, igni perdet; fortissime rerum,
 Ni tua se reddat Grajis, tandem excita, virtus.
 Namque rates juxta, & murum sua castra superbi,
 Cum fociis longe varia e regione vocatis, 290
 Dardanidae posuere. igni late horrida crebro
 Castra micant: pubes furit effera, jamque teneri

Posse

Posse negat, medias quin vi sese irruat ardens
In puppes. favet ipse viris, dextrumque secundus
Fulgurat Idaeo de vertice Juppiter. audax
Viribus, atque suo fretus Jove perfurit Mæstor
Horrendum; non ille hominum, non ille deorum
Vel metuens quemquam, vel curans; corda furenti
Sed vesana tumens rabie ferus, usque morantem
Increpat Auroram; primo & cum lumine solis 300
Velle aplustra altis ratibus præcidere, & ipsas
Urere, ait, trepidosque atra in caligine fumi
Turbare, ac leto crudeli perdere Achivos.
Has metuo nequod Grajis male numen amicum
Detque viro complere minas; Argisque remotos
Dulcibus Iliaca fatum heic nos perdat in acta.
Verum, age, surge alacer, si quo unquam tempore mens est
Grajugenas diro Troum eripuisse furori.
Ipsi magnus erit moeror tibi, caede peracta,
Cum jam nulla mali fuerit medicina. futuram 310
Anteveni sapiens cladem, Danaisque supremam,
Arcei dum fata sinunt, pestem impiger arce.
Ergo animo exciderunt senior pulcherrima Peleus
Quæ mandata dabat, flens cum te, dulcis amice,
Mitteret Atridae auxilio, Phitiaeque paternas
Linguentem fedes blanda sic voce moneret:
Gnate, dabunt validas tibi vires, aptaque bello
Robora, si libeat, Pallasque, & regia Juno.
Tu magnos cohibere animos, torvumque memento
Ingenium. melior multo est clementia. parce 320
Litibus ah faevis, devita & noxia lenis
Jurgia: sic, nulli non carum, semper honore

Eximio tollent Danaum juvenesque senesque.
Haec senior mandata dabat: verum omnia mente
Immemori fluxere. fero sed parce furori
Vel nunc, parte irae, atque animi compesce dolorem
Indomitum. noxam Atrides meruisse fatetur,
Et te digua tibi placato munera spondet
Largus opum. quae cuncta, piget ni discere, coram
Ut modo pollicitus Grajorum est regibus ipse, 330
Sic tibi ego numerans itidem longo ordine dicam.
Septem igni intactos tripodas, fulvique talenta
Auri dena dabit, fulgentes aere lebetas
Bistenos. addet bistex compacta nitentum
Corpora cornipedum rapido in certamine cursus
Praestantum cunctis, & praemia prima ferentum.
Nec foret ille & opum variarum & divitis auri
Indigus, egregias cui tot fors aequa dedisset
Res, quot pulchra olli multo e certamine dona
Attulerunt primi cursu pernice jugales. 340
Septem praeterea forma praestante puellas
Lanificae adjunget doctas opus omne Minervae,
Lesbidas; ille sibi, cum Lesbo es tute potitus,
Quas legit numero ex omni, Briseida pulchram
Insuper adjiciet, divis jurare paratus
Testibus: intactam reddi, probroque remotam
Longe omni, atque suum nunquam tetigisse cubile.
Confestim haec aderunt simul omnia. moenia Trojae
At faciles dederint si tandem evertere divi,
Aere cavam dabit ante alios, auroque carinam 350
Complere, ut Danaïs congestam venerit hora
Partiri gazam; nec non tibi Troadas inter

Deligere ante alios vicienas, plurima rarae
Post Helenam caelo attollat quas gloria formae.
Si vero patrium remeabit victor ad Argos,
Felices, gleba & fecundos ubere campos,
Te generum adfiscet, nec concessurus honore es,
Unicus in magna qui re nutritur, Orestis.
Tres adeo gnatas olivi domus educat alta,
Chrysothemisque, & Laodicen, atque Iphianassan. 360
Harum unam, gratamque animo, nullisque repensam
Muneribus, ducesque domum, dotemque puellae
Accipies tantam, quanta ulli haud contigit unquam.
Septem namque dabit florentes civibus urbes,
Cardamylen, Enopenque, herbosam in saltibus Hiram,
Et Pheras, clarum nomen, pratisque virentem
Antheam, pulchramque Aepeam, & Pedasos uvis
Felicem. maris hae non longe a portibus, omnes,
Litoreaque Pylo distant, lateque coluntur
Civibus, atque boum, atque ovium quos copia ditat 370
Ingens; multa tibi, pendent qui dona quotannis,
Utque deo, eximios certabunt reddere honores.
Illae tibi haec spondet, praestabitque omnia, saepe
Tandem exoratus finem si feceris irae.
Quod si animo Atridenque, ipsum, & sua munera spernis,
At Danaum saltem cladis miserere, gementem
Marte sub adverso. qui te sibi scilicet unum
Auxiliumque vocant; sanctum & ceterum numen honore
Servati afficient, tollentque ad sidera laude,
Hectora si leto sternas, cum turbida ira, 380
Infanaque tumens rabie, te cominus ipsam
Invadet. sibi namque parem negat improbus ullum

Esse virum numero ex omni, quoscumque carinae
Advexere cavae Trojani ad litoris oras.

Haec Ithacus; contra quem talibus orsus Achilles.

O Laertiade solerti pectore Ulyssæ,

Haec me opus est, omni sine fuko, vera profari,

Consiliumque, animique imos expromere sensus;

Ne vanis frustra precibus, quæstuque molesto

Me sine fine aliisque aliisque obrundere pergat. 390

Odi ego, Plutonis velut ostia nigra, sub alto

Pectore qui celant aliud, falsaque loquuntur

Voce aliud. quæ certa ergo sententia dicam.

Me non Atrides Agamemnon flexerit, ullus

Nec Danaum: assidue pugnantem gratia quando

Nulla sequi, longique operis compendia fuerant.

Aequa etenim pars est cessanti, & dura gerenti

Bella; cadunt aequæ, frati sine honore, bonique,

Ignavique; labor quos longus conterit, & qui

Immunesque operum degunt, curaque soluti. 400

Nam quid ego majusve habeo, meliusve, laborum

Anxius ingenti postquam sub mole periclis

Objeci caput hoc duro in certamine pugnae?

Illa velut, pullis quæ fert implumibus escam

Prædæ. quidquid, avis, nacta est; se negligit unam

Interea, macieque horret jejuna: peregi

Sic & ego multas somni sine munere noctes,

Atque dies toties duro sub Marte cruentos,

Istorum pro conjugibus dum praelia obire

Usque juvat, tristisque ipsum me opponere leto. 410

Bissenas vastavi urbes nam classe, pedesque

Undenas, Trojæ per pingues fertilis oras.

Ex

Ex his capta manu est multa, & pretiosa supellex
Omnibus. Atridae quam totam ferre solebam
Demens: ille manens ad naves, pauca maligne
Atque mihi, atque meis partitus, plura premebat
Ipse sibi retinens; partem primoribus, atque
Regibus Argivum donabat. queis, sua cuique,
Munera certa manent: soli mihi munus ademit
Omnibus e Danaïs, toto & quam pectore amabam, 420
Conjuge nunc potitur. quam juxta dormiat omni
Semotus cura. Grajos quae caussa cruento
Commisit bello Teucris? in bella coegit
Cur pubem Atrides? Phrygias cur duxit ad oras?
Non pulchrae his Helenae raptus ulciscitur armis?
Anne hominum solis sua cordi est uxor Atridis?
Nempe suam, quicumque sapit vir, curat amatque;
Hanc ut ego, captiva licet ferviret, amabam.
Nunc, mea quandoquidem rapuit mihi munera, neque
Lusit fraude mala, ne gnarum, & cuncta videntem 430
Tentet adhuc, nec, quo vult, posse inducere speret.
Sed tecum, Laertiade, cum regibus & tot
Consilium Argivis capiat, quo denique pacto
Instantem valeat flammam depellere classi.
Me quid opus? rerum sine me jam plurima felix
Confecit. murum struxit, fossamque cavavit
Circum amplam, ingentem, vallosque infodit acutos.
Nec miser his tamen ille potest arcere cruentum
Hectora. contra olim, cum Grajos inter & ipse
Pugnabam. audebat nunquam secedere muris 440
Improbis a patriis Hector, Martemque ciere
Longius, ad sagum vix Scaevae ab limine portae.

Progrediens. Illic me contra restitit audax
 Ille semel: propius venientem, & dira frementem
 Sed fugit, vitans tremefacto pectore mortem.
 Nunc quoniam certum est jam nolle incessere bello
 Hecora, cras, cum rite Jovi, cunctisque litaro
 Caelicolis, curvo deducam litore puppes,
 Omni gaza onerans. classẽm, spectare voluntas
 Si fuerit, surgente meam cum sole videbis 450
 Aequora piscoli ferri super Hellesponti,
 Remigio & lectam transtris confidere pubem.
 Quod mihi si facilem det cursum, & vota secundet
 Neptunus, Phthiae pingui me sistet in ora
 Tertia lux. illic ingens mihi copia rerum est.
 Multa itidem hinc avesta aderunt, aurique talenta,
 Aeraque fulva, micans & ferrum, agilesque puellae
 Doctae operum. forte obtigerunt haec omnia: munus
 At, forti exemptum dederat quod ferre merenti,
 Abstulit, atque sibi contra fas vindicat omne 460
 Atrides. cui tu nostra haec mandata referto
 Cuncta palam, cuncti ut scelus indignentur Achivi,
 Si quos sperat adhuc fraudare, & ludere posse
 Improbis ille alios. nam me, sit quamlibet audax,
 Audebit non ille oculos attollere coram.
 Nec sibi consilii speret commercia mecum
 Ulla, nec ulla operum. fatis est quod prodidit, & quod
 Fraude mala immeritum laesit. ne laedere posthac
 Posse putet, captum blandis nec fallere verbis;
 Sed male tabescat, pereatque ut dignus, ademit 470
 Juppiter ipse suo sanam cui numine mentem.
 Dona invisa mihi sua sunt, invisus & ipse.

Non

Non mihi si denis, vel bis tot partibus auctum
Quidquid habet donet, majoraque pluraque large
Congerat; Orchómenum non si quaecumque vehuntur,
Ægyptive urbem Thebas, ubi plurima gaza
In domibus congesta jacet, centumque superbae
Urbem ornant portae, tum porta ex quaue ducenos
Ire ferunt ad bella viros in curribus altis;
Non, donis cumulet si dona, & pulveris, & quae 480
Omnis litoreae numerus non aequet arenae,
Flexerit idcirco me Atrides ante, nefandi
Quam sceleris poenas, noxamque expenderit omnem.
Nec placet ulla Agamemnonio de sanguine conjux.
Non, Veneri forma si certet, sique labore
Ipsam operum solers aequet, vincatque Minervam.
Ergo alium, quem vult, generum sibi deligat inter
Grajugenas, scepro qui major, quique sit olli
Aptior. at, si me fervent di, dentque reverti
Ad patriam incolumi sedem, pater ipse repertam 490
Mi thalami fociam prima de gente jugabit.
Multas Hellas habet, multas & Phthia puellas
Patribus eximiis natas, qui mente sagaci,
Invictaeque urbes patrias virtute tuentur.
Harum unam, quamcumque velim, duxisse licebit.
Illic namque aveo tandem stabiliq̃ue potiri
Conjugio, simul atque mea cum compare, tristi
Vivere semotus bello, curisque solutus,
Atque frui, mihi quae congeffit plurima Peleus.
Nullum vitam aequat pretium: non quidquid habebat 500
Ilios, ut fama est, cum longa in pace vigeret,
Argolicis nondum bello tentata carinis;

Non quidquid solido constructum marmore Phoebi
 Intus habet templum Pythus in rupibus. omnis
 Gaza viro bellove capi, pretiove parari
 Possit enim; atque greges ovium, pinguesque juvenci,
 Et tripodes, currusque: unam, cum fugerit oris
 Septum, animam nullo possit vel quaerere pacto,
 Vel capere egressam, gelidosque reducere in artus.
 Quod si pulchra Thetis mater mihi vera locuta est, 510
 Ad mortis finem duplex me semita ducit.
 Si maneo pugnax Trojae sub moenibus, ullus
 Non mihi erit reditus, sed fama vigebit in aevum:
 Sin dulcem in patriam redeo, non ulla futura est
 Fama mihi, incolumis longum sed vita manebit,
 Nec cita mors viridi juvenem deprendet in aevo.
 Hoc mihi ego malo: quin Grajis omnibus auctor
 Sum quoque, ut ad patrium, Troja, Phrygibusque relictis,
 Quisque larem actutum redeant. nam vertere turres
 Pergameas nunquam dabitur; quas Juppiter ipse 520
 Ingenti altitonans dextra tegit, atque virorum
 Freta deo; vi freta sua, tot milia servant.
 Grajum igitur primos, legati haec dicta referte
 Ad proceres, vestrum est quod munus. dicite, quidvis
 Consilii melius capiant: hoc namque, repertum.
 Quod sibi crediderant, frustra cecidisse; meum cor
 Fervet enim penitus, tristisque exaestuat ira.
 Vos ite: heic maneat Phoenix, defessaque fomno
 Membra levet, cras ut mecum det vela paternas,
 Si volet, ad sedes; nolente namque molestus 530
 Non erit ut Phrygiis coram decedere ab oris.

Sic ait Aeacides, illi obstupere silentes,

Mirari

Mirati vultusque truces, atque aspera dicta.

Tum senior Phoenix fletus incendere cœpit,

Exitium classi metuens, ac talia fatur.

Tantus amor si te patriae tenet, inelyte Achilleu;

Nec placet infandos arcere a puppibus ignes,

Ira quod heu menti gravis incidit; anne ego linqui

Te sine sustineam solus? comitem tibi Peleus

Quem pater assiduum junxit (quo tempore misit 540

Te puerum Atridae auxilio, nondum arma, nec artes

Eloquii varias doctum, queis clara paratur

Fama viro) fieres ut, me monstrante, peritus

Verborum orator, rerumque effector Achivis.

Ergo a te patiar nulla mercede relinqui;

Non mihi si divum quis rugosamque senectam

Abradat, primaeque iterum me in fine juventae,

Pubentemque genis statuatur, genibusque vigentem:

Qualis eram patriae fugi quando exsul ab oris

Hellados, evitans, genitor quae saevus Amyntor 550

Ormenides in me congeffit pellicis ergo

Jurgia flavicomae; quam foede incestus amabat,

Conjuge contempta: mater me, at sprete rogavit

Supplex genua tenens, patrios ut blandus amores

Praeriperem; juvenem pellex ut nacta, seniles

Horretet thalamos. tandem precibus, lacrimisque

Victus ego cessi maternis. sensit, & ira

Horribili exarsit saevus pater, atque precatus

Dira mihi est, tristisque vocabat Erinnyas, orans

Nequa sibi orta meo de sanguine luderet unquam 560

Excepta in genibus soboles. nec inania fudit

Vota; precì annuerunt infernus Juppiter, ac trux

Per-

Persephone, horrendum, nulli & placabile numen.
Hunc ego tum ferro volui furiatus acuto
Confodere: injecit vesano at fraena dolori
Nescio quis divum, mentique opprobria famae
Objecit; Grajum ne passim in gente vocarer
Impius, atque mei temeratus caede parentis.
Sed mi animas, patre irato, & tam dira precante,
Amplius in patria versari exhorruit aede. 570
Multi me noti circum, multique propinqui
Affusi orabant, profugus ne tecta, Laremque
Defererem. tum multa oviumque, suumque, boumque
Corpora caesa ignis torrebat: multaque versis
Fusa cadis, vidit senior sibi vina perire.
Noctes illa novem manus egit me prope, somnum
Partita excubiasque alternis; arsit & usque
Ignis inextinctus, media hic succensus in aula,
Hic thalami ante fores, & primi ad limina tecti.
Sic noctes abiire novem. nox attulit umbras 580
Cum decima, effregi thalami firma ostia, & aulae
Parvo transfiliens evasi septa labore;
Nec famulae sensere fugam, nec turba virorum,
Servabant qui me custodes. Hellada fugi
Per mediam; Phthiaeque agros & pascua laeta
Ingressus, veni tecta in regalia Pelei.
Is bonus excepitque, & miro fovit amore
Me, pater ut gnatum, solus qui, urgente senecta,
Obtigerit magno in censu; largisque beavit
Divitiis, gentesque ampla ditione regendas 590
Concessit. Phthiae extremas nam missus in oras
Imperio Dolopas fraenabam. tunc ego, Achilleu
Magne,

Magne, ipsis nunc par superis, te sedulus altor
Eduxi, ac feci tantum. nam parvulus a me
Avelli haud usquam poteras, convivia ad ulla
Nec duci, vescive domi prius, ipse locato
In genibus praecisa darem quam obsonia; vinum
Ori adhibens, quod tu, puerorum qualia tristis
Fert aetas, haustum egestans, mihi saepe rigasti
Bacchi flore almo perfusam ad pectora vestem. 600
Sic multa eduxi te cura; quodque molesti
Cumque fuit, faciliq; & laeta mente ferebam,
Hoc animo versans; quando mihi nulla deorum
Numine nata meo obtigerat de sanguine proles,
Te generi ut nostro infererem, mihi dulcis ut esses
Filius, atque seni posses depellere quondam
Indecores obitus, & durae incommoda vitae.
Sed jam age, parce odiis: animum, fortissime, vince
Ipse tuum quo nil majus. te non decet esse
Corde fero indocilem flecti. flectuntur & ipsi 610
Di, quorum major multo vis, atque potestas,
Atque honor est; tamen hos votis, nidore, profuso
Atque mero placant mortales fasque piumque
Transgressi; nec verba cadunt neglecta precantum.
Ipse Preces genuit magnus nam Juppiter: illae
Incedunt gressu malefirmo, tristibus ora
Contractae rugis, dejectae lumina; diram
Et Noxam assidue procurant pone sequentes.
Illa vicens, valido nixa & pede, praevolat almas
Torva deas, laeditque viros late improba in oris 620
Omnibus. inde Preces veniunt, laesisque medentur.
Hae, quicumque volens venientes excipit, alti

Et bo-

Et bonus observat natus Jovis, omnibus illum
Usque bonis augent, nec spernunt vota precantis. .
Contra abigit si quis venientes efferus, & si
Abnuit oratis, tum summi celsa parentis
Testa adeunt, orantque malum mala Noxa sequatur
Ut semper, poenasque viro saeva irroget aequas.
Ergo aliquo magni prolem Jovis affice honore.
Flectit honos mentes, & mitia corda bonorum. 630
Dona tibi si nulla daret, si nulla daturum
Sponderet, ferus & nondum pacatus, Atrides;
Non ego te hortarer, posita jam mitis ut ira
Auxilium Danaïs supremo in tempore ferres.
Nunc dat multa tibi, nunc spondet plura; virosque
Huc misit supplex, tota quos legit Achivum
De gente, & bello eximios, & foedere tecum
Dulcis amicitiae junctos magis omnibus. horum
Noli verba, pedes noli contemnere. justa
Ultra ne veniae se fines proferat ira. 640
Sic priscos perhibent heroas, prima viroꝝ,
Si quando subito laesi exarsere furore,
Placari solitos verbis, nec spernere dona.
Hoc olim factum memini; remque ordine totam,
Ut fuit, expediam dulces heic inter amicos.
Pugnam Curetes, Aetolum & Martia pubes
Contulerant pulchram propter Calydonā. tueri
Certabant muros Aetoli, evertere contra
Curetes diro succensī corda furore.
Hunc Trivia Aetolis objecit saeva laborem, . 650
Quod frumenta olli post condita muneris Oeneus
Nil dederat, dum festa agitāt Cerealia in arvis.

Quis-

Quisque deum tulerat solitos epulatus honores;
Nata Jovis sacra caruit dape sola, relictam
Vel quod praeteriit gnarus, vel mente quod olli
Excidit oblita. magnas exarsit in iras
Diva potens arcu, germen Jovis; atque, furore
Acta gravi, Oeneos immanem saeva per agros
Misit aprum; qui vasta dabat late omnia, dente
Fulmineo sternens radicibus eruta ab imis 660
Obvia quaeque. solo passim squaliente jacebat
Multa suis dejecta ingens cum floribus arbos.
Hunc tandem Oenides leto stravit Meleager,
Urbibus arcessens e multis robora pubis
Venatu adsuetae nemorum, celeremque canum vim.
Tantus enim paucis nulla virtute domari
Ille viris poterat: quin multos efferus atras
Impulit in flammis, & funere merisit acerbis.
Qui simul ac jacuit victus, Dictynna tumultu
Incendit mentes; acuitque in tristia bella, 670
Horrendumque caput propter fetosaeque terga,
Curetas duos, & magnanimos Aetolos.
Ac dum Marte ferox Meleager in arma ruebat,
Pressa malo gens est Curetum, & milia quamvis
Multa virum, haud poterant extra consistere muros.
Ira sed ut subiit Meleagrum saeva (tumescit
Qua cor saepe viris etiam, quos predita multo
Mens decorat sensu) matris facta impia propter
Althaeae; moestusque animi, flagransque furore
Tectorum & thalami secreta in parte sedebat 680
Uxorem juxta Cleopatram; filia pulchra
Eveni quam magno Idae Marpissa crearat.

Idae,

Idæ, illo, ut perhibent, quo nemo fortior aevo
 Est natus; Phoebum qui, rapta conjuge, contra
 Corripuit validosque arcus, invictaque tela.
 Hanc genitor, verso Cleopatrae nomine, dulcis
 Et genitrix aede in patria vocitare solebant
 Alcyonen, Marpissâ parens quod rapta querelas
 Alcyones ritu longas, fletumque profudit.
 Quam prope turbata Meleager mente sedebat. 690
 Indomitos volvens alto sub corde dolores;
 Iratus matri Althæae, quae caede perempti
 Fratris dira furens, gnato crudele precata est
 Exitium; terraeque manu percussit utraque
 Frugiferum matris gremium; genibusque volutans
 Prona, genas largo & fletu perfusa madentes,
 Plutónem e tenebris nigrum, nigramque vocabat
 Persephonen, gnatum crudeli numen utrumque
 Perderet ut leto. clamantem dira profundo
 Audiit ex Erebo, tenebras quae lustrat, Erinnyes. 700
 Jamque adeo ad portas fragor ingens, armaque, pulsae
 Horrendum & duro resonabant ariete tures.
 Turba senum at moerens, duroque exterrita casu,
 Supplex orabat Meleagrū, multas & ibat
 Ad limen prima lectus de gente sacerdos.
 Arceret cladem extremam, auxilioque veniret
 Civibus atque urbi. nec non ingentia dona
 Spondebant. qua parte nitet Calidony's amoenae
 Pinguis ager melius, legeret sibi jugera terrae
 Quinquaginta illic; quorum pars consita pulchris 710
 Vitibus una foret, Cereri pars altera longe
 Optima se curvo facilem praeberet aratro.

Ipse

Ipse etiam tristi senio tum fessus, at olim
Acer equis, Oeneus supplex ad limina venit;
Ac thalami postes manibus quassabat, opertas
Ante fores orans. nec mater, turba fororum
Nec deerat fratrem conclamans. ille moveri
Nil, ferus indomitusque animi. venire sodales
Unanimes, ut quisque viro conjunctus amore,
Atque diu longo fuerat mage cognitus usu. 720
Nec tamen idcirco poterant inflectere mentis
Consilium durae precibusve, aut fletibus ullis
Ante, domum circa ingrueret quam ferrea grando
Telorum, turrestque furens evadere in altas
Curetum inciperet pubes, ac templa deorum,
Atque domos late subjectis urere flammis.
Tum formosa virum conjux orabat, obortis
Triste gemens lacrimis; longam & numerare malorum
Aggressa est seriem, capta quae civibus urbe
Eveniunt. atros urbem confidere in ignes, 730
Sterni caede viros passim; durumque subire
Servitium abductos longe, miserabile vulgus,
Et pueros, raptas & foeda ad munia matres.
Talia perstabat memorans. flexere ferocem
Dicta virum, lento audivit nec pectore saevos
Luctifici casus belli, sed fortis in hostem
Prosiluit tandem, fulgentiaque induit arma.
Nec mora Curetas longe verso agmine victor
Depulit, Aetolis & fata horrenda, diemque
Supremum avertit, patriae non ille precanti, 740
Ipse suo ast animo parens: nulla ergo dedere
Deinde viro, gratis servati, munera cives.

Haec

Haec eadem tibi ne sedeat sententia; ne quis
 Hanc deus injiciat tibi mentem, dulcis amice,
 Consilium & laevo pervertat numine. flammam
 Pulchrius instantem classi est avertere, serum
 Quam ferre ardenti auxilium. cape munera laetus,
 Atque veni Danaïs lux una atque unica; magnis
 Qui similem excipiant te dis, & laude locabunt
 Astra super. quod si nunc spernas dona, cruentam 750
 Ultro dehinc subeas extremo in tempore pugnam,
 Non erit ut parilem referas vel victor honorem.

Haec senior longo Phoenix sermone peregit.
 Tum breviter contra Pelides talia fatur:

O Phoenix, longoque aevo sceproque verende;
 Nil mihi opus tali est, qualem tu dicis, honore;
 Nec mihi honos unquam summo ab Jove defuit, unquam
 Nec deerit; cujus me nutus, genua moveri
 Dum poterunt, pectus nec vitae liquerit aura,
 Ut tenet, ad puppes heic, si volet, usque tenebit. 760
 Praeterea hoc dicam; tu pectus dicta sub altum
 Conde, pater: misera frustra hunc miscere querela
 Parce animum flens multa, & plorans, atque probari
 Atridae cupiens. non te decet, optime, nostri
 Hostis amor, ne sis odio mihi dignus amanti:
 Sed, me qui laesit, mecum a te laedier usque,
 Id decet, id dignum est te, Phoenix. nil tibi mecum
 Non commune volo: vel regni fraena capeſſe
 Mecum una, imperio mihi par, atque alter Achilles.
 Nunc adeo hi responsa ferent: tu fessâ, reclina 770
 Strato membra super molli. cras, fulserit Eos
 Cum caelo exoriens, pariter statuemus uterque,

Heic

Heic perstare, domum an praeestet jam classe reverti.

Sic ait, ac nutu Patroclum ponere iussit

Mollia strata seni condense vellere; visa,

Tandem oratores ut, re, tentoria celsa

Linquentes irent jam facto fine: deo par

Cum Telamoniades infit sic farier Ajax:

O Laertiade solerti pectore Ulyssè,

Tempus abire, via est quando haec praeclusa, nec ullus 780

Exitus est longis sermonibus. ire necesse,

Regibus & Danaum tandem haec responsa referre,

Quamvis laeta parum, nostrum qui mente sedentes

Exspectant cupida reditum. nam pectore in hirtio

Hic gerit indomitumque animum, mentemque superbam

Ferreus; & dulces haudquaquam curat amicos;

Nec meminit quanto sit nobis cultus honore.

Immitis! fraterna aliquis pro caede solutum

Accepit pretium tandem, gnatove perempto.

Atque alter patria tutus versatur in urbe

790

Rite ubi persolvit noxam, placatus at alter

Triste odium ac diros ponit de corde furores:

At tibi di faevos, nulla & ratione domandos,

Injecere animo sensus, iramque puellae

Unius ob raptum, finem quae nesciat, ullis

Muneribus vinci quae non queat. en tibi septem

Eximias unam contra praebere paramus,

Praeter & has tot dona. bonus tantum indue demum

Mitem animum. reverere, habitas quae tecta. tuos en

Heic sumus ante focos, de caetu missus uterque 800

Huc Danaum; nemo queis certe impensius alter

Remve tuam curat, tibi vel conjunctior usu est.

Tom. I.

P

Haec

Haec Ajax . contra Pelides : Optime regum
 Magnanimi clarum germen Telamonis, amico
 Ista quidem verax es visus dicere cuncta
 Ex animo : mihi sed tumidum cor fervet ab ira
 Usque , subit quoties menti malus ille , superbo
 Qui me animo in mediis contemptum sprexit Achivis ,
 Erronem veluti patriaque domoque carentem .
 Ite igitur , Danaisque actutum audita referte . 810
 Non erit ut pugnae subeat me cura cruentae
 Ante , ferox bello curvas quam venerit Hector
 Myrmidonum ad naves , celsa & tentoria , sternens
 Argivam ferro pubem , victorque carinas
 Usserit : at , veniet postquam ad mea septa measque
 Ad puppes , pugnae , reor , ultro desinet ipse ,
 Quamvis Marte furens , caedisque incensus amore .

Talia Pelides : hi vina liquentia sumptis
 Libarunt pateris , tacitique abiire carinas
 Ad Grajum . ante Ithacus graditur ; Mavortius Ajax 820
 Pone subit , moesto figens vestigia vultu .

Patroclus socios jussit , famulasque relicto
 Velleribus densis Phoenici rite cubile
 Sternere . festinant alacres , mora nulla , torumque
 Suppositis ovium villis , stratisque superne
 Vestibus , & lini candentis flore , pararunt ;
 Fessa ubi membra senex posuit , roseamque jacebat
 Auroram opperiens , curis ingentibus aeger .
 Pelides etiam , celsum in penetrale recedens ,
 Somno membra dedit : regem juxta Diomede 830
 Filia Phorbantis , quam Lesbo abduxerat ipse ,
 Accubuit . bonus adversum penetrale petivit

Patro-

Patroclus; preflitque idem captiva cubile
Iphis, quam dulci socio donarat Achilles,
Scyrum urbem regis cum victor cepit Enyei.

Multa oratores digressi at noctis in umbra
Ut magni venere Atridae ad septa; frequentes
Exsiliuntque sua de fede, atque aurea circum
Affusi praebent certatim pocula Graji,
Pro se quisque rogans. primus scitatur Atrides:
O Laertiade, Grajum lux, navibus ignem,
Dic, abiget, ferus an renuit; pectusque superbum
Miscet adhuc, Danaum precibus nec flectitur ira?


Ingemuit; lacrimans dehinc talia reddit Ulysses:
Maxime Grajugenum regnator Atrida, movetur
Ille nihil, tristemque iram restinguere saevus
Abnegat; ardescit quin & magis usque furore
Indomito, ac spernit teque, & tua munera; misso
Et se, Grajorum cum primis te jubet ipsum
Consulere, exitium qua genti, quaque carinis
Arte queas tristes longe depellere flammis.
Ille autem, tenebras ut primum Aurora fugarit
Exoriens, puppesque suas deducere in aequor
Velle ait, & falsas Phthiam dare vela per undas:
Auctor, & est aliis, cuncti ut remeare Penates
Ad patrios ponto properent. namque Ilion altam
Verti posse negat, dextra quam Juppiter ipse
Altitonans tegit ingenti; quam firma virum vis
Tutatur fidens, elata & Marte secundo.
Haec mandata dedit: testes mihi vera loquenti
Magnanimusque Ajax, nobiscum & missus uterque
Praeconum, fidi comites, rerumque periti.

At senior Phoenix cubat illic; jussit Achilles
Quod fieri, ad patrias ut secum in puppibus oras
Cras abeat, si forte velit; namque ire negantem,
Haud coget, nec vi abducat per caerula ponti.

Sic ait: illi autem, perculsa mente, silentes
Obstupuere. feri mirantur tristia regis
Dicta omnes, moestoque premunt sub pectore curam.
Armipotens tandem Diomedes talibus infit: 870

Inclyte Grajorum dux & regnator Atrida,
Nunquam utinam orasses Peliden, tantaque totque
Munera pollicitus: fastu satis ante tumebat
Sponte sua; inflasti nunc tu magis. attamen illum
Mittamus, siue ire, mari & dare vela, manere
Sive parat. bellum rursus pugnamque capeffet
Cum mens dira virum, vel cum deus ipse ciebit.
Vos agite, atque meis, focii, parete volenti
Consiliis animo. potu dapibusque refecti,
Unde viro vis & robur venit omne, sopori 880
Ite artus placido fessos date: deinde, rubebit
Cum veniens Aurora, altis pro navibus omnem
Siste aciem, peditesque, & currus, pectora dictis
Exacuens, o rex, pugnans praeque omnibus ipse.

Sic ait: at reges cuncti assensere loquenti,
Laudaruntque acres animos, & verba diserta.
Ergo ubi libatum dis est tentoria quisque
Ad sua digressi, noto abiecere cubili
Corpora fessa, almi cepere ac munera Somni.



H O M E R I

I L I A D O S.

LIBER DECIMUS.

AD naves alii, multa jam nocte, jacebant
 Alto fessa duces devincti membra sopore:
 At non Atriden Agamenona dulcis habebat
 Sopitum requies curarum. multa volutat
 Secum animo, ac trepidam versat circum omnia mentem.
 Formosae ut conjux Junonis fulgurat olim,
 Ille parans pluviosam hyemem, vel grandinis imbrem,
 Sive nivem vastos late quae contegat agros,
 Sive mali clades ac dira incendia belli;
 Crebra poli micuere; igni tremit aura corusco: 10
 Sic gemitus imo ducebat pectore; saevo
 Pulsa metu assidue sic regi corda micabant.
 Et nunc spectabat campum, Trojanaque castra,
 Admirans crebros urbis pro moenibus ignes,
 Ingentique sono attonitus, quem plurima passim
 Tibia, multa dabat quem passim fistula, creber
 Atque virum fremitus citroque ultroque meantum;
 Argivas nunc ad puppes tremefactaque vertens
 Castra oculos, nudo multum de vertice crinem
 Vellebat, caelo attollens manantia fletu 20
 Lumina, triste gemens alto de corde, Jovemque
 Obtestans. animo tandem haec sententia fedit,

Neliden citus ut ferret se ad Nestora, si quid
 Consilii struerent pariter, quo lapsa juvari
 Possêt res Danaum, prohiberi & flamma carinis.
 Ergo membra toro arrexuit, tum pectora circum
 Induitur tunicam, plantisque Argiva revinxit
 Vincula, & horrendi, ex humeris ingentibus imos
 Demissa ad talos, se involvit pelle leonis,
 Fulgentemque manu bellator corripit hastam.

35.

Nec minor interea Menelaum nocte sub alta
 Exercet metus infomnem, curaeque soporem
 Avertunt trepido rerum; fata ultima fortes
 Ne subeant Graji, pubes delecta virorum,
 Olli quae, longum ratibus delata per aequor,
 Venerat auxilio, belloque exarserat audax.
 Raptim humeris tegmen pantherae ingentibus heros
 Circumdat varium, galeamque attollit ahenam
 Imponens capiti; validamque hastile coruscum
 Implevit dextram. tum sic tentoria fratris
 Celsa petit, somno ut regem citus excitet, omnes
 Cui soli parent Danaï, solumque verentur,
 Observantque. altis ceu lapsum numen ab astris.
 Hunc puppim, dum se cingit fulgentibus armis,
 Nactus ad extremam est, gratusque advenit, amico
 Et vultu exceptus, prior est sic farier orsus:

40

Quid, frater venerande, armis nunc te induis? omni
 Anne aliquem e numero lectum vis mittere, Troum
 Callidus exploret castra ut speculator? at istud
 Hortanti quisnam pronittat? solus ut hostem
 Noctu adeat speculans? audax certe, atque pericli
 Nil metuens fuerit, si quis non abnuet ire.

50

Haec

Haec ait: ast lacrimans Agamemnon talia contra:
Confilio nunc prudenti, multumque sagaci
Est opus, immani quod Grajos, quodque carinas
Subtrahat exitio, cum nos mutatus iniqua
Mente praeiit, sacrisque animum, fati ordine verso,
Iuppiter Hectoreis adjecit. namque nec ipse
Vidi unquam, audiui quemquam nec dicere, totque
Uni & tanta viro gesta una luce, quot Hector, 60
Ille quidem non patre deo, non matre creatus
Ille dea, in miseros gessit Jove fretus Achivos,
Quantaque molitus rerum una est luce, cruenta,
Tristitia, dira; dies quae nulla, & nulla fluentum
Eximat annorum series de pectore Grajis.
Tot passim clades dedit, & tot funera victor.
Verum agedum Ajacemque celer, fidumque vocato
Idomeneae rates adiens. Ego Nestora dium
Conveniam, hortaborque senem consurgere; sacrum
Custodum si forte velit procedere ad agmen, 70
Quodque opus est, mandare viris. nemo aptior ille est,
Cuique velit potius pubes parere iubenti.
Nam vigilum dux est Thrasymedes, inclyta proles
Nestoris, atque una bonus armiger Idomeneos
Meriones, cunctis delecti & milibus ambo
Rectores juvenum, excubiis qui castra tuentur.

Haec frater: contra Menelaus talia reddit.
Quo mandas pacto, atque jubes? maneamne, tuumque
Illic adventum opperiar; festinus an ad te
Huc redeam ut cursu celeri, mandata peracta 80
Rite ubi jam fuerint, regumque vocatus uterque?

Ille refert: illic praestat, Menelae, manere

Dum veniam, ne forte viae nos femita fallat,
 Diverso nam multa fecat via tramite castra.
 Praeterea clamaque altum, & vigilare iubeto,
 Praeteriens dum carpis iter, propriaque vocato
 Quemque a gente virum, multo & blanditus honore
 Compella, fastumque, & magnos, comis in omnes,
 Pone animos. duri nam pondus ferre laboris
 Nos quoque opus, primo quando nos magnus ab ortu 90
 Juppiter aerumna, curisque oneravit iniquis.

Haec postquam est fatus, mandavitque omnia rite,
 Ipse petit Pyliae rectorem Nestora gentis.
 Hunc, septa ingressus, puppes invenit ad altas,
 Membra toro stratum in molli. multo arma lepore
 Picta jacent juxta regem, scutum aere corusco,
 Tela duo. insignis triplici galea aurea cono;
 Nec procul inde ingens, opus admirabile, balteus,
 Quo cingi fuerat senior cum tristia torvus
 Armabat se in bella, suas ad praelia turmas 100
 Acer agens: nec enim senio cedebat inertī.
 Qui, simul ac sensit venientem, sustulit alte
 Cervicem, &, cubito nitens, haec ore profatur:

Quis juxtaque rates, media & per castra sub atra
 Nocte meat solus, somno dum cetera pubes
 Strata jacet? vigilum numquem tibi? numne sodalem
 Quaeris? age, eloquere. huc tacitus ne accede. quid heic est,
 Quid tibi opus? Tales jactanti e pectore voces,
 Atrides lacrimis fatur sic moestus obortis:

O Nestor Nelide, o Graiae gloria gentis, 110
 Noveris Atriden Agamemnona, Juppiter omnes
 Quem miserum in curas mergit; luctusque laboresque
 Agge-

Aggeret usque, meum donec spirabilis aura
Incolet hoc pectus, genibusque erit his vigor ullus.
Sic erro; nec enim dulcis mihi lumina somnus:
Ægra super fedit; belli sed cura, sed instans
Jam clades mentem pavido quatit usque. supremum
Exitium metuo Danaïs; nec pectora constant
Firma: timor mentem attonuit; micat usque, sinuque
Exsilit e medio trepidum cor, membraque subter 120
Quassa tremunt; nec vis animove aut artubus ulla est.
At tu, si quid habes fieri quod possit, Achivam
Si quid moliris quod rem juvet, (& tibi namque
Nox agitur dulci somni sine munere) mecum
Egressus castris paullum descende, juvenus
Lecta ubi pro muro vigilat; ne forte, labore
Defessa atque gravis somno, dare membra sopori
Coeperit, excubias & negligat immemor. hostis
Nam prope adest; metuoque, audax ne nocte sub ipsa
Arma ferat, subitoque invadat Marte carinas. 130

Haec ait. at Nestor: Fide, o rex optime regum,
Fide animo. non cuncta, ferus quae cogitat Hector,
Atque struit vana tumidus spe, Juppiter illi
Providus & perfecta dabit: quin pluribus angi
Ut reor, incipiet curis, placatus Achilles
Si modo magnanimum cor tristi vertet ab ira.
Nunc te mente sequor, quo ducis cunque, volenti.
Verum alios etiam pulso jam surgere somno
Hortemur Danaum reges, hastaque superbum
Tydiden, vafrum & Laertiadem, & Oilei 140
Pernicem, & Phylei praestantem robore gnatum.
Atque utinam Ajacemque parem dis, Idomenea
Et re-

Et regem sit qui nobis adeatque vocetque.
 Ambo etenim longe hinc absunt, curvasque locarunt
 Secreti extrema castrorum in parte carinas.
 At, quem praecipuo, ut dignus, complector amore,
 Atque colo, quid ni Menelao irascar; acerbo
 Et quamvis doleas dicto, nil pectore celem
 Dissimulans; mollis quod somno indulget inerti;
 Et patitur solum te duro instare labori. 150
 Quem decuit curisque angi, nec parcere multae
 Ipsum operae, cunctos orantem ex ordine reges
 Suppliciter; cum dura urget res, cumque malorum
 Immane incubuit, nec jam tolerabile pondus.

Haec Nestor: cui sic Atrides: hortor ut illum
 Incusisque alias, Nestor, culpesque; laborem
 Saepe ubi res poscit celerem, cessatque, fedetque
 Nam lentus; (non ille quidem male segnis, inopse
 Consilii; sed me respectans usque, nec audens
 Incoepare meo rerum sine numine quidquam) 160
 At nunc strata prior liquit, seque obtulit ultro
 Ipse mihi subito adsistens, quin missus ad istos
 Dudum abiit, tibi quos arcessi nunc placet ambos.
 Ergo age, ne pigeat mecum una pergere murum
 Extra, ubi nos (illic etenim consistere jussi)
 Expectant vigilum lecta cum pube sedentes.

Tum Nestor: Laudo; sic nemo irascier olli
 Argivum poterit; nemo non dicta facesset,
 Hortetur si quem, vel si quid jusserit unquam.

Sic ait, & mollem tunicam dat pectora circum; 170
 Aptat pulchra pedum vario dehinc vincula plexu;
 Tum laenam induitur, multo quam fibula morsu

Aurea

Aurea connectit. duplicem, latamque, colore
Puniceo insignem, crispa & lanugine mollem;
Deinde capit ferro praefixum robur acuto.
Jamque viam carpit gradiens per castra, cietque:
Magna voce vocans, propius cum venit, Ulyssēm.
Cui simul ac subitus mentem sonus attigit, heros
Corripuitque toro corpus; tentoria & extra
Processit, trepidoque viros sermone rogavit: 180

Cur naves propter soli & per castra sub alma
Itis nocte? urget quae res, cogitque vagari?
Cui Nestor: Parce irasci, tam saevus Achivis,
O Laertiade, dolor ingruit. en age, nobis
I comes; hortatu nostro ut jam surgat & alter;
Consiliumque una capiat, pugnamne subire
Praestet, caeruleas longe an dare vela per undas.

Haec senior: mora nulla, Ithacus tentoria rursus
Alta subit, clypeumque humeris ingentibus aptat,
Et comes ambobus graditur, magni Diomedis 190
Septa petunt. regem heic propter tentoria somno,
Ut venere, vident stratum, fulgentibus armis.
Cinctum artus. juxta focii caput acclinarant
Scuta super; fixaeque solo stant omnibus hastae,
Aerata lucem jactantes cuspide, fulgur
Ut Jovis. hi nuda circum tellure jacebant:
Heros terga feri supra cubat horrida tauri,
Purpureo caput effultus regale tapete.

Huic tum Nelides propior stetit, ac, pede tactum
Urgens, increpuit, strato & consurgere jussit. 200

Surge, ait o Tydei proles generosa. soporem
An carpes tota, quam longa est, nocte? nec hostem

Con-

Confedisse audis non longe a puppibus altis,
Et parvo hinc spatium distare in colle propinquo.

Sic ait: exsiluit somno citus ille fugato,
Atque senem dictis alacer compellat amicis:

Infelix, nunquam parcis tibi, at usque senectam
Ferreus exercēs opera omni, omnique labore.

Quid? juvenes defuncti obeant qui castra, sopora
Et pulso, consueta vocent ad munia reges?

210

Sed tu opere a duro nulla es revocabilis arte.

Talia Tydides. cui Nestor talia reddit:
Vera quidem fateor, quae dicis, dulcis amice.
Egregii mihi nec gnati, nec copia deficit
Multum virum, mitti qui possint, quique vocare.
Sed fors dura premit Grajos, tempusque supremum.
Summa etenim extremo est res in discrimine, cuncti
Fatum triste obeant, an pergant vivere Achivi.

Nunc agendum Phylei gnatum: celeremque vocato
Ajacem, excussoque jube consurgere somno;
Junior es quando, atque meum miserare laborem.

220

Haec senior. fulvi exsuvas, atque hirta leonis
Terga humeris heros circumdat, magnaque, & imos
Demissa ad talos: tum dextra corripit hastam.
Dehinc abiit, jussitque viros consurgere, secum
Et rediens ambos parvo post tempore duxit.

Hi postquam egressi portis venere catervas
Ad vigilum, somni expertem videre sub armis
Quemque ducum, campo lecta cum pube sedentem.
Ut quondam, ad caulas, pastorum & septa, Molossos
Cum vigil exercet noctu custodia, densum
Per nemus ut sensere truncem descendere ab alto

Monte

Monte feram ; magno circum vox crebra tumultu
Atque virum atque canum resonat , nec cura quietis
Ulla subit ; sopor ex oculis prorsum excidit omnis :
Sic juvenum ex oculis fugit sopor ; ulla quietis
Nec superest jam cura , atrae dum noctis in umbra
Tristes excubias agitant ; ac lumina vertunt
Ad campum assidue , quoties Troumve meantum ,
Aut alius longe arrectas sonus impulit aures . 240

Hos senior laetusque animi conspexit , & ore
Compellat blando ; firmatque his pectora dictis :

Sic eat ; o dulces pueri , vigilate , nec ulli
Obrepat somnus , ne gens inimica repente
Ingruat , ac faciat sibi nos risumque jocumque .

Haec fatur fossamque ultra procedit , euntem
Pone manus regum sequitur , quoscumque vocarant .
Meriones comitem queis sese , & clara propago
Nestoris addiderat , magna ad consulta venire
Ipsi etiam , & regum coetu se adjungere jussi . 250

Ingentem egressi fossam , qua parte vacabat
Caede locus , spatiique horrenda in strage relictum
Est paullum congesta virum prope corpora ; faevus
Unde Hector , Danaum clades , ad moenia gressum
Rettulit , obscura noctis deprensus ab umbra ;
Confedere omnes , atque orsi dicere summa
De re . quos inter Nelides talia fatur :

O focii , nec erit cui sit fiducia Troas
Hinc ad magnanimos furtivo accedere gressu ?
Si quem forte virum , castrorum in parte repertum 260
Extrema , capiat ; vel si quem proximus aure
Rumorem excipiat : quid rerum scilicet inter

Sese

Sese consultant; placeatne heic usque manere
 Urbem extra, Grajum non longe a navibus, urbem
 An magis in patriam parta jam laude reverti.
 Haec fors audiret catus omnia, sospes & inde
 Huc rediens, omnes ingenti laude clueret
 Per populos, caeli quotquot convexa tuentur.
 Nec vero eximio Grajorum in gente carebit
 Munere. nam reduci, qui praesunt navibus, omnes 270
 Pro se quisque dabunt, pinguem atri velleris agnum
 Lanigera cum matre, viro quibus utilis aequae
 Non ulla est rerum, in censu quas possidet omni.
 Omnibus ille choris aderit, spectabilis omni
 Ille epulo in regum semper conviva sedebit.

Sic ait: at vultu dejecto quisque silebat.
 Magnanimus tandem Diomedes talibus infit:

En mihi, Nestor, avet nullo tremefacta periclo
 Mens ire, utque jubes, hostemque inimicaque castra
 Haec petere: at, veniat si quis comes, acrior ibo, 280
 Et multo ad rerum casus audentior omnes.
 Nam, duo cum pariter concordī mente feruntur,
 Alterius mentem quod praeterit, id videt alter,
 Atque monet. soli, quamvis rem viderit ipsam,
 Tardior est animus, ratioque infirma levisque.

Haec ubi ait; multi cum magnanimo Diomede
 Ire volunt. ambo Ajaces, fortissima bello
 Pectora, Meriones, Thrasymedes, inclytus hasta
 Atrides Menelaus, & aspera fuetus Ulysses
 Ferre, cupit Troum castris irrepere furtim, 290
 Ille animi fidens audaxque ad fortia semper.
 Quos inter tali est Agamemnon voce locutus:

Care

Care mihi ante alios, Tydide, quem tibi cunque
Vis comitem, hos inter melior quicumque videtur,
Delige. namque alacres animis, tecumque paratos
Ire, vides multos. laeva ne mente verere
Tu quemquam; socium tibi nec malecautus adopta,
Deterior quicumque fuit, meliore relicto,
Dans aliquid generi; quamvis & sanguine longe
Clarius, & regno sit longe major avito. 300

Sic ait, ille timens Menelao, arcere periculum,
Et caro cupiens fratri frater. Diomedes
Inclytus haec alacri tum rursus voce profatur:

Quandoquidem jubeor socium legere ipse, mihique
Unum optare inter multos, an pectore possum
Immemor oblito divinum spernere Ulysses?
Eximio qui me semper complexus amore est;
Magnanimo cui vis invicta in pectore; nullus
Quem frangit terretve labor; Tritonia Pallas
Quem juvat ac mediis praesens tutatur in armis. 310
Hic mihi si veniat fidus comes, igne reverti
Ex ipso incolumes, credo possumus uterque;
Tantum consilio praestat, vasisque repertis.

Arridens paucis contra respondit Ulysses:
Ne lauda nimium, neu culpa; namque scientes
Ista inter Grajos loqueris, jam tempus abire:
Nox ruit, adventat propior lux, sidera caelo
Prona cadunt, geminae ternis de partibus actae
Jam sunt, vix tantum superest pars tertia noctis.

Haec fati, saevis festinant cingier armis. 320
Ancipitem Tydidæ enssem fortis Thrasymedes
Donat: namque heros clypeumque, enssemque carinas

Liquerat ad curvas. capiti dehinc impiger idem
 Imposuit galeam, cono cristaque carentem,
 Taurinam, prisco quae nomine dicta cataetyx,
 Gestamen juvenum primaevae in flore vigentum.
 Meriones arcum pharetramque ensesque coruscum
 Dat Laertiadae; dura & de pelle rigentem

Imposuit capiti galeam; quam multa coercent
 Lora intus, candent extra, valloque frequenti 330
 Setigeri dentes apri horrent, lanaque textu
 Daedaleo mediam, nutet ne in vertice, complet.

Hanc olim Autolycus cum victor Amyntoris aedes
 Hormenidae effregit, captam abstulit ex Eleone,
 Scandeam & veniens munus dedit Amphidamanti;
 Amphidamas tum deinde Molo, cum jungeret heros
 Hospitium; Molus at gnato concessit habendam
 Merioni. caput egregii tum clausit Ulyssæi.

Corpus ut horrendis ambo includere sub armis,
 Continuo linquunt focios, Trojanaque furtim 340
 Castra petunt. iter ingressis Tritonia virgo
 Ardeolam dextra misit de parte. volabat
 Illa viam juxta; sed caeca in nocte videri
 Ipsa quidem haud potuit, clangor tantum attigit aures.
 Sensit avem, laetusque deam compellat Ulysses:

Audi haec, aegifoni proles Jovis, aequa labore
 Quae mihi, diva, faves, atque adstas semper in omni;
 Quam lateo nunquam gradiens quacumque; Minerva,
 Nunc mihi ades, nunc me, si quando, mitis amore
 Prosequere. ad naves da salvum in castra reverti; 350
 Da magnum patrare aliquid, quod Troica factum
 Mireturque omni doleatque in tempore pubes.

Has

Has Laertiades; dehinc has de pectore voces.
 Suspiciens caelum fudit fortis Diomedes.
 Audi, nata Jovis Tritonia, me quoque; praefens
 Atque veni mihi fida comes; venisse parenti
 Diceris ut Tydeo quondam; Thebana petebat
 Moenia cum linquens Asopi clara fluenta,
 Solus ab armigeris orator missus Achivis.
 Ille quidem Cadmi ad gentem tunc mollia comis 360
 Verba tulit, sed dura abiens horrendaque gessit,
 Te fretus, dea magna, Jovis genus. ipsa ferebas
 Adstans namque viro auxilium. sic me quoque ferva,
 Diva, tuum, facilisque volensque adsisse vocanti.
 Ipse tibi lata spectandum fronte juvencum,
 Indomitum, intactaque ferum cervice, revertens
 Constitutam ante aras, affundam & cornibus aurum.

Has ambo fudere preces: Dea magna precantes
 Audiit, ac votis laeta annuit. Ergo leonum
 Affimiles ivere alta sub nocte per arma, 370
 Per caedem, exanimisque viros, atrumque cruorem.

Parte alia, Troas placidae indulgere quieti
 Non finit, & proceres in coetum convocat Hector;
 Atque, virum in medio consistens, talia fatur.

En, quis erit magnum hoc facinus qui spondeat ingens
 Ob pretium? merces factum satis ampla sequetur.
 Namque viro currumque, alta & cervice jugales
 Polliceor geminos, qui forma, & robore cunctis
 Ad Grajas praestent, cursu & pernice carinas,
 Audebit quicumque (decus quo scilicet ausu 380
 Eximium ipse sibi quaeret) furtivus Achaeas
 Ire gradu tacito ad raves; ac discere, puppes

An pergant fervare citas velut ante, labore
 An fracti, & nostro domiti sint Marte, fugamque
 Turpem agitent patrias ad sedes; fessa juvenus
 Nec velit excubias ultra tolerare sub armis.

Talia Priamides: olli obstupere silentes.

Forte Dolon aderat Eumedis filius illic:
 Eumedis sacri praeconis, dives & auri,
 Aeris & omnigeni, foedo turpissimus ore, 390
 At pedibus celer ante alios; patri editus heres
 Quinque inter solus nullo cum fratre sorores.
 Is tum adeo procerum in medio sic HecTORa dium
 Compellat, tumidusque effatur voce superba:

En, mea me virtus ciet, Hector, pergere puppes
 Ad Danaum, & propius speculari, ac discere cuncta.
 Quare age, rite manu sceptrumque attolle, daturum
 Et sponde currus vario circum aere micantes,
 Et quos acer equos curru subjungit Achilles.
 Nec tibi ego vanus fuero speculator, inani 400
 Trojanos ludam nec spe. nam castra subire
 Certum est, ac medios furtim subrepere in hostes;
 Tandem Agamemnoniam liceat dum accedere puppin,
 Atque audire duces Danaum sub nocte silenti
 Versantes, fugiantne domum, an magis arma capestant,

Sic ait: ille manu sceptrum tenet, atque ita fatur:
 Audiât altitonans haec Juppiter, optima Juno
 Coniuge quo gaudet: Troum non ullus in istis,
 Te dempto, bijugis unquam spectabilis ibit.
 Solus in Aeacidæ pulchro spectabere curru. 410

Talia perjurans, fatuum tamen impulit. ergo
 Protinus incurvos humeris accommodat arcus;

Inde

Inde lupi tegmen circumdedit artubus album,
Mustelaeque habilem fulva de pelle superne
Aptavit capiti galeam; dextraque ferebat
Exiguum ferro prefixum hastile corusco.
Sic graditur, Troas linquens, ad litora puppes
Et Danaum, nunquam rediturus, visa referret
Atque audita suis ut verax civibus auctor.
Jamque, virum turbam, turbamque egressus equorum, 420
Mente viam cupida celerans carpebat, Ulysses
Cum subito sensit venientem; nec mora, gressum
Continuit, caro & Diomedi talia fatur:

Ille vir e castris venit, o Diomede: carinas
An ferat ad nostras sese ut speculator, an armis
Grajum aliquem ut nudet confusa in strage jacentum,
Incertum. tu parce manu tantisper in umbra
Dum noctis gradiens campo sese inferat, ac nos
Praetereat paullum: subito capiemus uterque
Deinde virum a tergo. quod si praeverterit ambos 430
Ille pedum melior motu, terrere fugacem
Sis memor, &, campo aversum castrisque suorum,
Ad naves compelle hasta magis & magis instans
Usque, levi effugiat ne forte ad moenia cursu.

Haec fati excessere viae de tramite noto,
Et terrae acclinant sese post corpora leto
Strata virum. imprudens celeri pede praeterit ille.
Jamque adeo tantum processerat, ante juvencos
Mularum sulcus quantum se tendit, aratra
Longius in pingui ducunt quae curva novali. 440
Tum sese a tergo attollit bellator uterque,
Atque virum rapido cursu petit. audiit ille

Ut strepitum, stetit, ac retro vestigia torfit.
 Quippe venire aliquem Teucrorum sperat, euntem
 Qui revocet, mandata ferens, quae miserit Hector.
 Inde, ubi jactum intra teli venere, propinquos
 Territus agnovitque hostes, celerique movebat
 Genua fuga, si qua eripiat se forte periclo.
 Illi tergo instant, cupidique apprehendere certant.
 Ut gemini cum densa canes per lustra sequuntur 450
 Hinnuleum, aut leporem saltu in frondente, nec usquam
 Absistunt; trepidus raptim fugit ille, gemitque:
 Sic Laertiades cum belligero Diomede
 Seclusum a fociis acres hunc usque sequuntur.
 Jamque adeo ad litus fugiens prope venerat agmen
 Custodum: ipsa novum Pallas Tritonia robur
 Cum subito injecit Diomedi; ne quis Achivum
 Forte viri sese jactaret vulnere primus,
 Ipse foret post hunc, non aequa laude, secundus.
 Ergo, hastam ingentem quassans, ita turbidus infit; 460
 Vel tu siste gradum; vel te nunc, improbe, telo
 Assequar hoc; nec fata diu vitabis, opinor,
 Hac domitus dextra. dixit, ferrumque volucre
 Contorsit; paullumque volens ablusit ab ipso
 Corpore: sed magno venit stridore per auras
 Hasta humerum supra dextrum, juxtaque nitenti
 Cuspide fixa solo est. conterritus ille repente
 Constitit, intremuitque artus, dentesque paventi
 Insonuere; timor pallentia concutit ora.
 Turbato heroes gemini assiluisse, manusque 470
 Pectore anhelantes, manibus tenuere. rigavit
 Ille genas lacrimis; pavitans dehinc talia fatur:

Hanc

Hanc fervate animam; pretio me rite soluto
Dehinc redimam. fulvumque aurum, ferrumque labore
Daedaleo factum servat mihi, pondus & aëris
Immensum varii domus alta. hinc plurima, si me
Audierit vivum ad naves, pater afferet ultro,
Atque dabit, gnati pretium, facilisque volensque.
Haec prior ille: refert sapiens cui talia Ulysses:

Fide animo; leti mentem nec turbet imago. 483

Nunc age, dic verax hoc primum, & pande roganti:

Quonam digressus castris, & solus in umbra

Obscurae graderis noctis, dum fessa virorum

Mulcet membra sopor? stratumne in caede cadaver

Grajorum ut nudes aliquod fulgentibus armis?

An litus classemque petis speculator Achaeam,

Hectoris hortatu impulsus, vel sponte profectus?

Ille refert: (subter fanti genua aegra tremebant)

Hector me noxa implicuit nil tale volentem.

Ille, mihi Aeacidae bijugos, atque aere superbum 490

Pollicitus currum, nigra me noctis in umbra

Obscurae jussit furtivum accedere puppes

Ad Grajum, & propius speculari, ac discere, celsas

An pergant fervare rates velut ante; labore

An fracti, & nostro domiti sint Marte, fugamque

Turpem agitent patrias ad sedes; fessa juvenus

Nec velit excubias ultra tolerare sub armis.

Subridens contra quem sic affatur Ulysses:

Egregium optabas tibi certe munus, Achilles

Magnanimi bijugos; durum quos flectere cuivis 500

Et tractare viro est mortali; quos agit unus

Aeacides per bella, dea est qui matre creatus.

Verum age, & haec verax mihi nunc ex ordine pande.
 Hector ubi est? quamam liquisti parte morantem
 Huc veniens? qua parte feri nunc Martia regis
 Arma jacent? ubi equi sunt olli? cetera pubes
 Nunc vigilat, jacet an dulci devincta sopore?
 Quenam agitant consulta viri? placet esse sub armis
 Urbe procul, Grajum non longe a navibus; urbis
 An magis ad muros, parta jam lande, reverti? 519

Haec Laertiades. juvenis cui talia contra.
 Ista tibi, quaecumque rogas, vera omnia dicam.
 Hector agit coetu in procerum; quos consulit Ili
 Ad tumulum, a strepitu longe turbaque remotus.
 Excubiae (quando has, heros invicte, requiris)
 Custodum certae nullae usquam castra tuentur.
 Nam, quaecumque ignem circa sedere manipuli
 Trojugenum, quos cura urget patriaeque domusque,
 Et vigilant, seque infomnes hortantur habere
 Excubias: at qui longe venere vocati 629
 Auxilio, passim straverunt corpora somno,
 Ac Troas fervare sinunt, quodcumque tuendum est,
 Conjugibus nec enim metuunt gnatisque periculum,
 Qui longe Iliacis semoti a moenibus absunt.

Tum Laertiades: Dic, inquit, (scire laboro
 Hoc quoque) Trojanam mixti cum pube, seorsum
 Anne cubant, tacita carpentes nocte soporem?

Ille refert: Dicam vera omnia, & ordine pandam,
 Ad mare qua vergit campus, tentoria Cares,
 Armati & curvo posuerunt Paeones arcu, 530
 Et Leleges, & Caucones, clarique Pelasgi.
 Ad Thymbram Lycii sedem, Mysique superbi

Sorte

Sorte datam tenuere, Phrygesque, & Maeones. at quid
Ista opus incassum scitari singula? Troum
Castra juvat penetrare nigrae si noctis in umbra,
Non procul hinc venere domo qui ad bella recentes,
Extrema primi castrorum in parte seorsum
Thraces agunt, inque his ille editus Eioneo rex
Rhefus: cujus equos formaque & mole superbos
Admirans vidi. vincunt candore vel ipsas 540
Namque nives; aequant rapidas at cursibus auras.
Argento clari currus auroque refulgent.
Arma tulit veniens aurata, ingentia, visa.
Mira; viros quae non mortales scilicet, ipsos
At deceat gestare, adeunt cum praelia, divos.
Nunc agite ad naves vel me compellite, duris
Implicitum vinclis heic me vel linquite, vestro
Solvendum in reditu; testis cum res erit ipsa
Nimirum, cuncta haec sim vera an falsa locutus.

Illum torva tuens Diomedes: Ne mihi, dixit, 550
Effugium meditare, Dolon, (quamquam optima rerum
Narrasti) quando semel huc fors egit iniqua
Te in nostras, malecaute, manus. nam, sive redemptus,
Sive abeas nobis dimissus, rursus Achaeam
Aut furtim ad classem venies speculator, aperto
Aut Grajos contra pugnabis Marte: meis at
Si manibus domitus vitam cum sanguine fundes,
Non erit ut posthac argivos laedere possis.
Dixerat ille: Dolon dextram admovebre trementem
Suppliciter mento coepit, blandaque morari 560
Fata prece; alte heros ferrum extulit, atque loquentis
Cervicem saevus mediam ferit, ac fecat ambos

Nervorum plexus: jacuit lapsum caput ipfos
 Ante pedes. galeam hic de vertice detrahit; album
 Ille lupi ex humeris tegmen, tentoque sonantem
 Nervo arcum, & longum fulgenti cuspide telum.
 Quae dextra extollens alte omnia dius Ulysses,
 Munus praedatrix tibi Pallas, talia fatur:

Gaude his, diva. deum primam, qui lucida caeli
 Testa colunt, te rite vocabimus usque. sed alta 570
 Insuper ad Thracum nos hinc tentoria recto
 Tramite duc, ad equos currusque, ad strata virorum.

Sic ait; atque, manum protendens, cuncta myricae
 Imponit; signatque locum ramisque virentis
 Virgulti, & vulsis vicino ab limite cannis,
 Obscura ne post redeuntes nocte lateret.

Inde gradum celerant per tela, nigrumque cruorem
 Nec mora, Threiciae venere ad castra phalangis.
 Defessi toto proflabant pectore somnum.
 Arma solo sua cuique jacent, currusque, jugales 580
 Et gemini juxta. terno circum ordine pubes;
 In medio, Rhesus, religati & curribus altis
 Regis equi alipedes. prior hunc & vidit Ulysses,
 Et socio ostendens Diomedi, talia fatur:

Ecce virum, Diomede, tibi, niveosque jugales,
 Ecce, Dolon Thracum pubem quam dixit. at omne
 Tu nunc prome animi robur. cunctarier armis
 Non decet heic. age, equos tu solve; aut ense jacentes
 Caede viros, curam interea mihi linquito equorum.

Haec Laertiades: Tydidæ at fortia Pallas 590
 Magnanimo adspirans incendit corda furore.
 Ergo strata virum dat leto corpora; partem

Et nunc

Et nunc se in dextram vertens, nunc ille sinistram,
Late fulmineum rotat ensē turbidus. ingens
Exoritur gemitus suprema in morte querentum:
Purpureo passim tellus rubet uda cruore.
Ille velut caulas, nullo custode, cruentus
Irruit, ac turbata leo per ovilia saevit;
Sic Thracum in medio Tydides perfurit; & jam
Bissenos Orco demisit. dius Ulysses 600
Interea, quemcumque virum premit ense corusco
Tydides, pedibus correptum pone trahebat,
Latum iter ut praeberet equis, facilemque pararet
Egressum; turbati animo ne forte paverent
Strata virum supra gradientes corpora: namque
Nondum etiam bello adfuerant, caedique cruentae.
Ast, ubi jam regem Tydides venit ad ipsum,
Dulcem animam & rapuit suspiria longa trahenti,
(Triste etenim visum supra caput adstitit olli,
Proflanti somnos nigra sub nocte, Minervae 610
Missum consiliis, Oenidae filius audax)
Tum Laertiades vinclisq̃ue exemit, habenis
Et nexos conjunxit equos, turbaque virorum
De media exegit; scuticamque oblitus ab aurea
Sumere pendentem sella, quem sustulit, arcu
Caedebat prae se pellens; dehinc sibila mist
Nota, monens fidum Diomedem excedere castris.
Fluctuat ille anceps animi, secumque volutat
Majus adhuc aliquod facinus; dubitatque, prehensum
Annae trahat currum raptans temone, superba 620
Regis ubi sunt arma; humeris an fortibus alte
Sublatum imponat, secumque exportet; an ense
Fulmi-

Fulmineo in Thracum turbam defaeviat omnem,
 Detque viros leto passim. cui, talia secum
 Dum volvit, pendetque animo, Tritonia Pallas.
 Adstitit, ac celeri compellat voce morantem:

Ad celsas jam tempus adest remeare carinas,
 Tydide; redeas ne mox non sponte fugatus;
 Troas ne quis deus excitet alter in arma.

Sic ait: ille deae confestim verba loquentis
 Agnovit, digressus equos & scandit; Ulysses
 Quos arcu increpitos pellebat: castra petebant
 Illi, atque Argivas cursu pernice carinas.

639

Nec vero arcitenens facta haec non vidit Apollo,
 Qui simul ac sensit, Tydei cum prole Minervam
 Ire una, divae iratus Trojana petivit
 Castra, & magnanimum somno excitat Hippocoonta,
 Threiciaeque ducem gestis, Rheseque propinquum.
 Hic strato exsiliens sedem conspexit equorum
 Ut vacuum, foedaque viros in caede jacere
 Semianimos, casu mentem concussus acerbo,
 Clamavitque altum exululans, carumque sodalem
 Nomine saepe vocans flebat, mora nulla, tumultus
 Exoritur, fremitusque omni de parte ruentum
 Trojugenum. stragem cuncti mirantur, & ingens
 Attoniti facinus, quo caeca in nocte peracto,
 Inde viri ad celsas abiere impune carinas.

649

At gemini heroes postquam venere, jacebat
 Stratus ubi leto Hectoreus speculator, Ulysses
 Sistit equos; ab equo Diomedes defilit, atro
 Exsuvias celer & manantes sanguine tollens,
 Dat socio: ipse, levi saltu sublatus, eundem

659

Scan.

Scandit rursus equum, rapidosque ad curva jugales
Litora, & Argivas ad puppes urget; at illi
Insultantque agiles campis, ultroque feruntur.

Primus ibi sonitum Nelides auribus hausit;
Atque ait: O focii, Danaum regesque ducesque,
Mentiar, an verum, mens quod jubet, eloquar? aures
Cornipedum circa resonat mihi pulsus equorum.

Di faciant huc ut Laertiades Diomede 655

Cum forti adveniat, Trojanis victor uterque
Vestus equis: metuo fedenim, duo lumina Grajum
Ne quid pertulerint, inimica in gente, dolendum.

Talia dum fatur, medio in sermone, volantum
Alipedum vecti dorso venere, relicto

Et fociiis miscentur equo. quos mente sodales
Excipiunt laeta, dextramque amplexus inhaeret
Pro se quisque, ambo compellans comiter omni
Verborum officio, promens & gaudia vultu.

Tum primus dulci Nestor sic voce rogabat: 670

O Laertiade, Grajum decus, inclyte Ulyssæ,
Istos, dic, ubi equos cepistis? castrane Troum
Ingressi? occurrens an quis deus obtulit ultro?
Solis enim similes radiis candentibus albent.


Usque acie in Teucrum verfor, nec tutâ fovere
Castra senex soleo; sed enim per praelia vidi
His ego equos nunquam similes. quos jure deorum
Esse datum vobis munus reor. ipse deum rex
Aequus enim, & Pallas Tritonia diligit ambos.

Ille refert: Nestor Grajae lux famaque gentis, 680
His etiam longe meliores munera possunt
Largiri, si forte velint; nam robore nobis

Atque

Atque opibus longe praestant: sed nulla deorum.
Dona vides, at equos, Thracum e regione recentes
Qui venere. horum regem fortis Diomedes,
Juxta & bisseños prima de gente peremit.
Praeterea, exceptum non longe a navibus, ambo
Morte virum merita ad tristes demissimus umbras,
Quem, classem ut Danaum speculatus certa referret,
Dardanii proceres, ac dirus miserat Hector. 690

Sic ait; atque ultra fossam intra septa frementes
Egit equos laetum ridens; regemque secuti
Pone ibant alii laetanti pectore Achivi.
Dehinc, ut Tydidæ celsa ad tentoria ventum est,
Cornipedes loris plenum ad praesepe revinctos
Constituunt; ubi regis equi cursu alite clari
Stabant, sub tacita mandentes hordea nocte.
Ast Itacus caesi exsuvias, capta arma, Dolonis
Deposuit celsa in puppi, dum sacra Minervæ
Apparet, ac meritos aris indicat honores. 700
Inde mare ingressi, multum frigentibus undis
Sudorem abluerunt, merfantes cruraque, utrumque
Et femur, & madidam cervicem: jamque marino
Abluti fluctu, falsoque humore relecti,
Dulcis aquae in folio lavere, ac membra nitenti
Perduxere oleo. tum victu corpora firman
Fessa viri, atque haustum magno e cratere sedentes
Libabant vinum victrici rite Minervæ.



HOMER

I L I A D O S.

LIBER UNDECIMUS.

Ithoni e thalamo surgens Aurora ferebat
Caelicolis formosa diem & mortalibus alnum:
Dira Jovis missu curvas Discordia puppes
Ad Danaum venit, dextraque immane cruenti
Attollens belli signum super adstitit altam
Puppem Ithaci, quae mole ingens, atque edita stabat
Castrorum in medio; vox missa ut posset utrinque
Audiri, magnusque Ajax, & dius Achilles
Qua fixere sibi tentoria parte, carinas
Extremi & curvo statuere in litore, freti
Invictisque animis ambo, validisque lacertis. .
Hic dea stans altum clamavit, pectore ab imo
Horrendam intendens vocem, subitumque vigorem
Mentibus injecit, calefactaque corda furore
Belligero incendit, faevique cupidine Martis.
Pugnae gliscit amor cunctis in pectore, bellum
Dulcius est reditu, nec jam dare vela paternas
Mens avet ad sedes, duro sed cernere ferro.
Continuo Atrides armari ad praelia pubem
Magna voce jubet, fulgentiaque induit arma.
Principio furis ocreas circumdat ahenas,
Artis opus mirae, multo quas crura tegentes
Fibula jungebat nectens argentea morsu.

Dehinc

Dehinc humeros rutilum thoracem & pectora circum
Induit. hunc Cinyras olli donaverat hospes.
Ad Cyprias nam fama ingens pervenerat oras
Argivos classem in Teucros, bellumque parare.
Qua motus, regi donum rex misit amico.
Hunc multa omnigeno variaverat arte metallo
Docta manus; cyanique decem nigrantis, & auri 30
Bissenas fulvi ducens, stannique nivali
Vicenās candore vias: ad colla dracones
Hinc atque hinc terni se attollunt, pulchrā colore
Caeruleo queis terga nitent; quale Irides olim
Aeriae fulgent, omen mortalibus, atras
Ipse inter nubes figit quas Juppiter altus.
Injicit inde humeris ingentem, ac subligat ensē,
Auratis clarum clavis, vagina corusco.
Quem septa argento, lorisque ardentibus auro,
Pendeat ut laevo lateri decus, apta recondit. 40
Dehinc ingens, pulchrum, partes versatile in omnes
Attollit clypei tēgmen, deni orbibus orbes
Inolusi solido cui circum ex aere coruscant:
Bisdeni umbones stanni e cadente metallo,
E nigro medius cyano tumet: atra cruentae
Gorgonis in summo facies, cui torva tuenti
Horrendi adsunt comites Terrorque Pavorque:
At, lorum supra clypeo quod pendet ahenō,
Argentoque micat pictum fulgente, draconis
Caerulei sinuans flectit sese horrida imago 50
Cui capita ex una tria se cervice profundunt:
Inque orbem linguisque micant, vulnusque minantur.
Dehinc galeant imponit capiti conisque superbam

Qua-

Quatuor, & fetis insignem in vertice equinis,
 Quae motae horrifico terrebant lumina nutu.
 Tum duo tela manu tollit bellator, acuta
 Cuspide, dura, ignem fulvo jactantia ab aere.
 Sidereas longe ad sedes. Postquam acer in armis
 Constitit, impulso Juno & Tritonia Pallas
 Aere altum sonuere, novo diva utraque regem 60
 Portento ditis certans ornare Mycenae.

Aurigae jam quisque suo mandata dedere,
 Ordinibus rite instructis, retinere jugales
 Ad fossam: pedibus, ferro fulgente corusci,
 Ipsi alacres in bella ruunt: it clamor ad auras
 Immensus primo Aurorae surgentis in ortu.
 Junctus eques pediti est; sed fossam primus ad ipsam
 Stat pedes, inde equites densi post terga sequuntur.

Haec subitum ex alto Saturnius axe tumultum
 Juppiter ingentis pugnae ciet; aethere summo 70
 Sanguineum & rorem genitor demisit, acerba
 Morte parans multas duro in certamine Martis
 Heroum fortes animas detrudere ad Orcum.

Parte alia Troes pubem exhortantur in arma
 Colle super medio camporum; maximus Hector,
 Polydamasque bonus bello, similisque deorum
 Aeneas, divum in Teucris & cultus honore,
 Tresque Antenoridae, Polybusque, & dius Agenor,
 Primaevusque Achaemas pulchro par corpore divis.
 Ordinibus celer in primis ingentia magno 80
 Membra tegens clypeo fert se Mavortius Hector.
 Sanguineus veluti nigra de nube cometes
 Nunc subito exoritur fulgens ferale, recondit

Nunc

Nunc iterum obscurae multam se nubis in umbram.
Sic Hector variatque vices, per densa virorum
Agmina & imperitans, nunc primos cernitur inter,
Nunc se postremis miscet, totusque coruscet
Aere, Jovis ceu, cum nigram quatit aegida, fulgur.

Ac velut in domini messorum divitis arvo
Adversa veniunt hinc atque hinc fronte, secantes 90
Hordea, triticeam vel messem; decidit hausta
Falce seges; densi terram stravere manipuli:
Sic Troum pariter Danaumque adversa feruntur
Agmina, conciduntque viri se mutua: nemo
Terga fugae dat versa; aequo sed vertice quisque
Arduus incurritque hosti, sistitque ruentem.

Illi inter sese rixantur more luporum;
Dira tuens tristem gaudet Discordia pugnam.
Nam sola ex omni praefens certantibus illa
Divorum adstabat numero: secesserat omnis 100
Turba deum longe Trojano ab litore, & armis
Quisque sua positus immotus in aede sedebat,
Dis ubi structa domus juga per stellantis Olympi.
Illic moerentes turbato corde queruntur,
Incusantque Jovem graviter, praebere quod ingens
Trojanisque velit decus, & contempserit idem
Caelicolas, sedeatque in caeli vertice solus,
Conspicius radiis, regali & laetus honore,
Trojanam spectans urbem, Grajumque carinas,
Horrendumque aeris ferrique micantia late 110
Fulgura, caedentesque, & dura morte cadentes.

Ac dum pulchra polum bigis Aurora subibat,
Crescebatque novis magis & magis auctibus usque

Clara

Clara dies, tela hinc atque hinc stridentia utroque
 Figebant, pubesque solo dejecta cadebat.
 At, quo lignator sibi tempore prandia in alto
 Monte parat, duro satiatus robora ferro
 Caedere, pertaesufque operis revocare labantes
 Jam dulci vires victu cupit; ocyus omnes
 Hortati socios, densas fregere phalanges 120
 Trojugenum Danaï. prae cunctis turbidus ira
 Profilit Atrides Agamemnon, teque, Bianor,
 Ductorem feriens tristes demittit ad umbras.
 Tum socium aurigamque viri prosternit Oilea.
 Ille quidem, curru exsiliens, citus obvia contra
 Arma tulit: mediam Atrides at vulnus adegit
 In frontem; aere gravem galeam transverberat hasta,
 Ossaque perrumpit, cerebroque infixæ cruento,
 Perdomuit flagrantem animis ac dira minantem.
 Illos victor humi linquit stratos Agamemnon, 130
 Candida ubi scissâ nudavit pectora veste.
 Dehinc ruit, Ifus ubi & frater simul Antiphus uno
 In curru volitant, ambo Priameia proles,
 Ille nothus, iusta contra hic de conjugē natus.
 Lora nothus tractat; validam quatit inclytus hastam
 Antiphus. Inter oves herbosæ in collibus Idæ
 Hos quondam cepit, lentoque revinxit Achilles
 Vignæ, post magna solvit mercede redemptos.
 At nunc Atrides huic pectus trajicit hastam
 Per medium; stricto extremam ferit ense sub aurem 140
 Antiphon, & curru moribundum evertit ab alto.
 Inde solo stratos victor spoliabat, utrumque
 Ille fatis noscens. namque olim viderat ambos,

Ex Ida ad naves captos cum duxit Achilles.
 Ac veluti saltu frondosa cubilia in alto
 Velocis cervae nactus leo, dentibus atrox
 Hinnuleos validis frangit manditque, labore
 Mollem animam eripiens nullo; nec moesta propinquam
 Si mater cladem vidit, pereuntibus esse
 Quit tamen auxilio; subito magis ipsa pavore 150
 Contremit, ac viridem per silvam, densaque anhelo
 Lustra fugit sudans cursu, si forte sequentis
 Effugiat rictumque ferae, dirosque furores:
 Sic Troum nemo fatum his avertere quibat;
 Quisque sibi at cladem, perculso corde, timebat.
 Hos ubi dejecit, Pisandrumque Hippolochumque
 Torvus adit, prolem Antimachi; cui ditia dona,
 Magnum auri pondus, dederat Paris: ille dolosis
 Dardanidum in coetu verbis, vafraque vetabat
 Improbis arte, Helenam reddi flavo Menelao. 160
 Hujus tum gnatos major deprendit Atrides
 Pulchro ambos una in curru, dum lapsa receptant
 Lora manu, ac bijugos retinent, trepidantque payentes
 Turbatique animis. veluti leo, concitus ille
 Contra ibat: juvenes tremefacto at pectore curru
 Ex ipso tenduntque manus, ac talibus orant:
 Has, Atride, animas serva: non parva sequetur
 Gratiæque, & merces factum. nam plurima in altis
 Aedibus Antimachus servat congesta; metalli
 Omnigeni ignotum pondus, ferrumque labore 170
 Daedaleo factum, fulgentiaque aera nec auri
 Vim modicam. hinc pretium solvet non parcus, & ultro
 Dona dabit, nos audierit si vivere puppes

Ad

Ad Danaum. Regem affati sic mollibus illi
Plorantes verbis, responsum haud molle tulerunt:

Proles Antimachi, Troas qui perfidus olim
Hortari est ausus, Menelaum absumere leto
Illicet in coetu medio: nec rursus Achivum
Ad gentem, & Grajas vivum dimittere ad oras;
Unde huc cum dio venit legatus Ulyssæ; 180
Nunc patrio dignas dabitis pro crimine poenas.
Saeva luet vestro genitor mihi sanguine dicta.

Sic ait, & curru Pisandrum dejicit alto:
Adversi valida pectus nam perforat hasta;
Ille cadit plangens resupino corpore terram.
Desilit Hippolochus: lapsum tellure superstans
Quem premit, ac, geminasque manus, cervice resectum
Et caput eripiens, truncum vi propulit heros,
Sub pedibusque virum, foedoque in pulvere volvi.
Hos ibi tum linquit; seque illuc turbidus infert, 190
Ardet ubi major vario certamine pugna.

Quem focii magno pariter clamore secuti
Incurrunt. peditem pulsum pedes urget, equesque
Versa equitem post terga premit; tum pulveris atrii
Se campo attollit nubes, quam concita equorum
Aeripedum pulsu ingenti ciet ungula. princeps
Ante omnes caeditque hostem, sociamque phalangem
Hortatur clamans, belloque incendit Atrides.

Ac veluti si forte vorax densum incidit ignis
In nemus, ac venti volvunt incendia, gliscit 200
Flamma furens late, ramosque ac tota repente
Arbusta indomitus prosternit stirpis ardor:
Ingentem capitum sic Atrides Agamemnon

Dejicit ad terram numerum; multique superba
 Cornipedes cervice inter media agmina currus
 Cum sonitu vacuos raptant, clarosque requirunt
 Aurigas; tellure jacent hi pulvere in atro,
 Gravior alitibus quam sponfis turba futura.

Talia dum campis late dat funera victor
 Atrides, extra telorum Juppiter imbrem, 210
 Extra pulveream nubem caedemque, cruoremque,
 Horrisonosque virum fremitus, turbamque ruentum,
 Hectora seduxit. Teucros premit usque Agamemnon,
 Hortaturque suos, animisque audacibus implet.
 Jamque Ili veteris transvecti nobile bustum,
 Agrestem & ficum Troes per plana ruebant
 Camporum cursu contento, moenia tutae
 Optantes urbis. tergo instat saevus Atrides,
 Vociferans, foedusque manus ac tela cruore.
 Verum, ubi perventum Scaee prope limina portae, 220
 Et celsam ad fagum, firmato pectore, primi
 Substituerunt; socios &, versa fronte, manebant.
 Extremi at trepida caeci formidine, lato
 Palantes campo fugiebant. Nocte sub alta
 Ut fugiunt armenta boum tremefacta fugavit
 Omnes cum subito veniens leo: triste sed uni
 Ingruit exitium; validis cui dentibus atrox
 Cervicem primum fregit dehinc viscera saevus
 Devorat, atque avido nigrum bibit ore cruorem:
 Agmina sic Troum palantia maximus heros 230
 Insequitur, letoque extremum semper acerbo.
 Sternit dira fremens: fugit usque exterrita pubes:
 Et multi curru ex alto volvuntur Atridae

Sub manibus, varioque ruunt pronique supinique
 Ad terram casu. magna sic efferus hasta
 Fulgurat ante alios, atque hosti fervidus instat.
 Jamque propinquabat muris, urbique; deorum
 Cum pater atque hominum, summo digressus Olympo,
 Sedit in irriguis praeclissae rupibus Idae,
 Ille gerens dextra fulgur multo igne coruscum. 240
 Hinc Irin croceis fulgentem concitat alis,
 Atque jubet mandata leves deferre per auras.

Iri, ait, i Trojae sub moenia, naetaque dium
 Hæctora, quae ferri mando, fer nuncia verax.
 Atriden donec magnum pugnare videbit
 Ante aciem primum Argolicam, Troumque phalanges
 Caedere, devitet pugnam, sensumque recedat
 Ipse pedem referens; alios hortetur in arma,
 Urgeat & pavidum praesens in praelia vulgus.
 Verum, ubi percussusve hasta, fixusve sagitta 250
 Atrides currum scandet, tunc numine nostro
 Laeta olli dabitur victoria; caedat Achivum
 Ut pubem, ad celsas dum naves venerit; ortus
 Noctis & occiduis Titan se merferit undis.

Sic ait: illa fecat ventos, & vertice labens
 Idaeo Trojana tulit se ad moenia; naeta
 Magnanimum & celsis in curribus Hæctora, juxta
 Adstitit, atque ultro compellans talibus infit:

Hæctor Priamide, sapienti pectore & alta
 Mente Jovi assimilis, missu Jovis ipsius ad te 260
 Huc veni, patrisque tui mandata per auras.
 Atriden donec magnum pugnare videbis
 Ante aciem primum Argolicam, Troumque phalanges

Caedere, devita pugnam, sensimque recede
 Ipse pedem referens; alios hortare sed acer,
 Atque urge pavidum praesens in praelia vulgus.
 Verum ubi percussusque hasta, fixusve sagitta
 Atrides currum scandet, tunc ab Jove magno
 Laeta tibi dabitur victoria; fortis Achivam
 Ut caedas pubem, ad naves dum veneris; ortu 270
 Noctis & occiduis Titan se merferit undis.
 Haec effata Iris paribus longe avolat alis.
 Hector at e curru claris conspectus in armis
 Desilit, &, magna quassans bellator acuta
 Tela manu, huc illuc partem discurret in omnem,
 Hortaturque viros, pugnaeque incendit amore.
 Haud mora, consistunt alacres, atque obvia contra
 Arma ferunt, frontemque adversaque pectora telis
 Opposuerunt: instant Graeci, densantque phalanges.
 Ardet pugna iterum: summa nituntur opum vi. 280
 Hinc atque hinc. laetus totam procurrit Atrides
 Ante aciem, exultatque animis, gaudetque cruentae
 Prae cunctis laudem primus decerpere pugnae.
 Dicite nunc, musae, caeli fulgentia templa
 Quae colitis, forti Atridae quisquam obvius aut Tros
 Aut focius toto princeps ex agmine venit,
 Iphidamas Antenorides, quem, corpore magnum,
 Fortem animo, dives Thracum in regione beata
 Eduxit puerum Ciffes avus, unde Theano
 Orta est pulchra genas; nec, postquam contigit aevi 290
 Pubentis florem, patriam dimisit ad urbem,
 Sed tenuit, gnatamque dedit, formosa, Theanus
 Formosae soror, in patria quae manserat aede.

At

At juvenis, famam sectatus classis Achaeae,
 Continuo, thalamum linquens coeptosque Hymenaeos,
 Vela dedit, fociis bisseña in puppe secutis.
 Ventum ubi Percopen, curvas liquere carinas,
 Et sacrae pedites venere ad moenia Trojae.
 Is tunc Atridae sese obvius obtulit. Hasta,
 Ut propius venere, Agamemnon Iphidamanta 300
 Appetiit; quae, versa alio, non pertulit ictum.
 Amphidamas zonam at mediam thorace sub imo
 Percussit; manibus validis & fretus, acutum
 Urgebat robur; varium pervadere balteum
 Nec potuit. duro argenti luctata metallo
 Nam; molle ut plumbum, flexit se ferrea cuspis.
 Quam dextra arripiens Agamemnon, ut leo fidens
 Ille animi, ad sese traxit, telumque minacis
 Evulsum e manibus rapuit: dehinc protinus ense
 Cervicemque secat, sternitque immania membra. 310
 Sic duro jacuit somno, dum civibus affert
 Auxilium, longe, infelix, a conjuge, primo
 Quam duxit florentem aevo, magnisque paravit
 Muneribus, centum ille boves largitus; ovesque
 Pollicitus dehinc mille simul pinguesque capellas,
 Innumerae quae prata illi silvasque replebant.
 Tum vero exanimem victor spoliavit Atrides,
 Atque abiit Grajos inter fulgentia secum
 Arma ferens: Hunc forte Coon, Antenore eodem
 Editus, ac natu major, conspexit; & atra 320
 Nube viro luctus velavit lumina fratrem.
 Ob caesum. ruit ergo furens (nil sensit Atrides)
 A latere; ac mediam telum defigit in ulnam

Sub cubito; ac totam valido transverberat ictu.

Horruit Atrides, conspecto sanguine, pugnae

Non tamen & finem^{*}posuit: sed turbidus hasta

Irruit, atque ipsi ante omnes fert fata Cooni.

Ille pede arreptum fratrem celer Iphidamanta

Frigentem ad socios foedumque cruore trahebat,

Auxilioque virum primos virtute vocabat.

330

Huic hastam aerata fulgentem cuspide adegit.

Sub clypeum, stravitque virum, supraque cadaver

Fraternum exanimi rigido caput abstulit ense.

Sic fata explerunt, nigrumque abiire sub Orcum

Ambo Antenoridae sub^{*}magnanimo Atrida.

Ordinibus Troum qui mixtus corpora leto

Multa dabat, nunc ille hasta, nunc ense, molari

Nunc saxo horrendum pugnans, manabat ab alto

Sanguis adhuc tepidus dum vulnere; dehinc, ubi vulnus

Siccatum, & sanguis tandem stetit, altus acuto

340

Figebat miserum telo dolor; Ilithyiae,

Junonis proles, duris quae partibus adsunt,

Quâli saepe solent, partus ubi venerit hora,

Telo aerumnosas stimulare ac figere matres.

Ergo, ut vis duro defecit victa dolore,

Infilat in currus, aurigam & vertere fidum

Jussit equos longe ad naves; labefactaque pressus

Corde malo, cedens altum clamavit Achivis:

O focii, Graiae gentis regesque ducesque,

Vos bellum Argivae pestemque avertite classi,

350

Me quando hinc longe supremus Juppiter arcet,

Nec toto finit usque die producere pugnam.

Sic ait: elato bijugis auriga flagello

Instat

Instat equis: illi ad litus classẽmque volabant
 Ultro alacres, spumisque albescentes pectora, & infra
 Pulvereo sparsi nimbo, moestumque gementemque
 Hostibus e mediis regem in sua castra ferebant.

Hector, ubi Atriden vidit secedere ab armis,
 Hortatur socios, acuitque in praelia laetum
 Voceiferans; Troes, Lyciique, ac Dardana pubes, 360
 Este viri, atque animos & notas promitte vires.
 Optimus en abiit bellator; Juppiter aequus
 Eximium praebet mihi nunc decus. ite volucris,
 Resta ite in Danaos curru: date lora; paratam
 Ut toties vobis cumulet nova gloria laudem.

Haec memorans acri succendit corda furore.
 Qualis venator saevos ciet ille Molossos
 Instigans aprum contra rabidumve leonem:
 Talis magnanimos instigans Troas Achivam
 In pubem torvo Marti par concitat Hector. 370
 Ipse inter primos graditur, Grajumque phalanges
 Turbidus in medias infert se; qualis, ab alto
 Incumbens, niger ex imo ciet aequora turbo.
 Quem primum, quem postremum Jove fretus amico
 Ille virum Stygias victor demisit ad umbras?
 Assaeum ante alios premit, Autonoumque, & Opiten,
 Et Dolopa Clytiden, & Opheltion atque Agelaum,
 Aesymnumque, Orumque, & dura ad praelia fortem
 Hipponoum. hos prima Danaum de gente peremit;
 Dehinc pavidum caedit vulgus, miscetque. madentis 380
 Imbrifero collecta Noti ceu flamine differt
 Nubila trux Zephyrus; fluctu maria alta frequenti
 Volvuntur, stridunt aerae, sublataque flabro

Tur-

Turgida multivago in spumas diffunditur unda:
 Sic versat, turbatque hostes, ac disjicit Hector,
 Crebra virum capita ense metens: clademque supremam
 Ille adeo genti, & non eluctabile ferret
 Exitium; versi fugerent ad litora, in ipsas
 Et sese irruerent trepida formidine puppes:
 Effet ni caro Diomedi haec orsus Ulysses:

390

Tydidem, nam cur sic ambo haeremus inertes,
 Virtutem obliti solitam? mihi proximus adsta.
 Turpe etenim ambobus, naves si ceperit Hector.
 Haec Laertiades: Diomedes talia contra:

Ipse quidem maneoque, & forti mente manebo,
 Quidquid erit: nostri sed enim non magnus, amice,
 Usus erit, laudem nobis cum sumus adeptam
 Dardaniae mavult largiri Juppiter urbi.

Sic ait; & curru Tymbraeum evertit, acuto
 Ad laevam telo figens praecordia mammam.

400

At, comitem famulumque, Moliona stravit Ulysses.
 Hos vitae, ac pugnae exortes liquere, ruuntque
 Adversum in vulgus turbantes agmina late.

Ut duo, fulmineis confisi dentibus, apri
 Venantum incurrunt canibus, torvique feruntur
 Per medios, clade ingenti; sic ocyus, ut se
 Convertere viri, turbant sternuntque phalangem
 Dardaniam: at pulsi requierunt, pectore paullum
 Sedato, Danaï, quos Hector terga premebat.

Tum juvenes geminos praestanti corpore, eodem
 Invectos curru dant leto. utrumque creavit
 Eduxitque Merops Percosius, ille futuri
 Ante alios augur longe doctissimus omnes:

Ire

Ire nec optantes bellum ad crudele sinebat.
 Frustra; nam patrios monitus sprevere. cruentam
 Parca etenim ad mortem faeva inter bella trahebat.
 His rigida vitam Diomedes abstulit hasta,
 Exanimisque solo radiantibus exuit armis.
 Hippodamum Laertiades, & Hyperochon Orco
 Misit; at exuvias victor sibi cepit opimas. 420

Tunc pater, ex alta spectans haec desuper Ida,
 Ipse parem aequato fecit certamine pugnam.
 Obnixi alternis caedebant mutua sese
 Hinc atque hinc telis. heros Tydeus hasta
 Paeoniden valida percussit Agastrophon ipsam.
 Ad coxam: huic bigae, fugiens quas scandere posset,
 Non aderant. longe vesana mente relictus
 Has, dominum frustra quaerens, auriga tenebat;
 Ille pedes per bella ruebat, pulvere in atro
 Dum cecidit, multo & vitam cum sanguine fudit. 430
 Hos procul ut vidit sternentes agmina, clamans
 Horrendum cursu rapido volat obvius Hector:
 Quem comitans Trojana phalanx ruit agmine denso.
 Prospexit subito venientem, atque horruit acer
 Tydides, sociumque monens, haec fatur, Ulysses:
 Nobis hic turbo malus ingruit, effusus Hector:
 Attamen & stemus, contra pugnemus & una.

Sic ait; ingentemque hastam jacit; ac ferit ictu
 Ille quidem Hectoreum certo caput; ante sed, intus
 Acta cutem cuspis quam tangeret, aerea cassis 440
 Obstitit, oblongam, triplicem, tela omnia contra
 Ipse olim dederat regi quam Phoebus Apollo.
 Hector at absiluit longe conterritus; & se

Rettu-

Rettulit ad focios, nutanti & corpore pronus
 Genua solo posuit, terraeque accline parumper
 Suffulsit dextra corpus: nox urget opaca
 Nube oculos; tenebris nigrescunt omnia circum.
 At, dum Tydides primos volat inter, & hastam
 Impiger, in viridi stratam tellure, capeffit;
 Interea lucemque hausit, mentemque recepit,
 Et, curru exceptus, Troum sese intulit Hector
 In turbam, mortemque fuga vitavit acerbam.
 Quem raptō insequitur telo rursus Diomedes,
 Cedentem & longe dictis incessit amaris:

450

Mortem iterum fugiens vitas, canis improbe. venit
 Quippe malum prope te, quo dignus. rursus Apollo
 Eripuit, dirunt servans caput; arma capeffens
 Cui tu vota facis, credo: tamen obvius olim
 Te leto sternam, si quis deus & mihi praesens
 Venerit auxilio. nunc, quem mihi cunque tuorum
 Fors alium obtulerit, praestat demittere ad umbras.

460

Sic ait; & pulchris nudabat Agastrophon armis.
 Flavicomae at conjux Helenae, Paris, inclytus, arcum
 Tendeat contra Tydiden, ille columnam.
 Post latitans, Ili stabat quae infixā sepulcro,
 Prisci Dardanidae. Tydides arma legebat
 Paeonidae, varium thoraca, ingentia scuta,
 Aere gravem galeam: cornu arcus ille recurvi
 Adduxit; nervo nec frustra pulsa sonante,
 At dextrum transacta pedem, plantamque sub ipsam
 Evadens, penitus telluri est fixa sagitta.
 Tum Paris e latebra citus exilit, atque cachinans
 Jacundum, has fudit laetanti pectore voces.

470

Vulnus

Vulnus habes, cuspisque meo non fugit ab arcu
 Irrita. sic utinam ventrem tibi fixa sub imum
 Illa foret; Troasque metu, longaue levasset
 Aerumna; qui te fugiunt horrentque, capellae
 Saevum ut balantes pavitant, haedique leonem.

At non dejectusve heros, vel territus: Uno

Arcu fortis, ait, bellator, compte, puellas

480

Fallere docte, palam ferro si cernere mecum

Jam libeat, nil tela tibi, nil proderit arcus.

At nunc, ima pedis telo quod stringere tantum

Contigit, exsultas animo, jactator inani.

Vulnere nil moveor; ceu si me foemina, parvus

Vel puer imbelli dextra pulsarit. inertis

Tela viri nam cassa volant. contra, mea telum

Dextera quod misit, subit alte, ac dejicit hostem.

Exanimum; & siquem paullum modo contigit, olli

Uxor scissa genas moeret, gnatique parente

490

Flent orbi; ipse atro putrescit sanguine terram

Perfundens, non testa intra de more puellis

Fletus, at alituum saevo discerptus ab ungui.

Haec ille: interea, trepidusque accurrit Ulysses,

Atque hosti adversus carum stetit ante fodalem.

Ille autem seditque solo post terga, sagittam

Et volucrem talo extraxit. dolor ingruit ingens

Continuo. ergo aeger currum conscendit, & altas

Aurigam ad puppes cursum contendere jussit.

✓ Solus ibi, aucto Diomede, relictus Ulysses;

500

Nec lateri adstabat quisquam comes: at procul omnes

Dilapsi, gelido tremefacti corda pavore.

Ergo altum ingemuit; secum dehinc talia fatur.

En

En quid agam? fugisse, malum; deprendier unum
 Hostibus in mediis, pejus. namque altus abegit,
 Inque fugam hinc Danaos convertit Juppiter omnes.
 Sed mihi mens geminas cur nunc distracta volutat
 Haec secum in partes? Novi quid praestet. inertes
 Excedunt pugna, fortis vir perstat eodem
 Usque loco, figitque hostem, vel figitur hosti. 510
 Tales dum tacito versabat pectore curas,
 Interea Troum adventat scutata juvenus,
 Et magno circum fundit sese agmine, cladem
 Illa suam densa cingens claudensque corona.
 Ac velut in silvis juvenumque, canumque caterva
 Densa ruens aprum premit omni ex parte; profundum
 Ille nemus linquens malasque obvertit, aduncum
 Et dentem infrendens acuit; circum undique sese
 Hi glomerant, instantque acres, hirtisque morantur
 Horrentem setis, atque ore immane frementem: 520
 Sic Laertiaden pubes condensa premebat.
 Ille sed ingenti contra imperterritus hasta
 Profilit, ac primum dat leto Deiopiten
 Egregium, feriens vibranti cuspide colla
 Supra humerum: inde Thoona inde Ennomon occupat, inde
 Chersidamanta, celer dum curru desilit alto,
 Trans clypeum fixa in ventrem transverberat hasta.
 Corruit, ac passis tellurem amplectitur ulnis.
 Deserit hos; telo & Charopem ferit acer acuto
 Hippasiden, Soci fratrem. qui, vulnus acerbum 530
 Vidit ubi cari fratris, luctu efferus, amens,
 Advolat auxilio, & propior stans talia fatur:
 O Laertiade, quem fraudum, quemque laboris
 Omni-

Omnigeni clarat non unquam expleta cupido.
 Hippasidum vel te jactabis morte, cruentis
 Et spoliis hodie amborum, confossus ab hasta
 Hac potius vel tu nigras mittere sub umbras.

Dixerat & clypeum vesana concitus ira
 Ingentem ferit; hasta gravis quem fregit & ipsum,
 Loricam & vario fulgentem transiit aere, 540
 Atque cutem secuit, costisque abscidit: at intro
 Visceribus ferrum demergi haud passa Minerva est.
 Non letalem hastam sensit venisse, recedens
 Et paullum, his Socum dictis compellat Ulysses:

Ah miser! exitium quem jam fatale merentem
 Opprimet: a pugna tu me hinc fecedere cogis;
 At tibi ego heic mortem dico fore; teque, meo jam
 Perdomitum telo, mihi laudem scilicet, Orco
 Tristi animam caeca longe sub nocte daturum.

Sic ait: ille fugae dat sese aversus; at hastam 550
 Hic tergo infixit medio, pectusque cruentam
 Per medium exegit. ruit ingens, terraque subter
 Insonuit. caeso insultans haec fatur Ulysses:

O Soce, eduxit frustra quem clarus in armis
 Hippasus, en domitus leto es, nec tristia fata
 Vitasti. infelix! tibi non pater, & bona mater
 Exanimi claudent frigentia lumina, dirae
 Sed volucres alis complexae rapta vorabunt:
 At mihi, morte obita, Grajum gens funera ducet.

Haec fatus, validam, Socus quam torferat, hastam 560
 Exemit costis, clypeoque: e vulnere sanguis
 Emicuit, durique animum subiere dolores.
 Magnanimi at Troes, conspecto sanguine Ulysssei,

Cla.

Clamorem tollunt, seque exhortantur, & omnes
Uni instant. retro ille pedem fert usque recedens,
Et magna caros inclamat voce sodales.

Ter vastum toto clamorem ex ore profundit,
Ter missam audivit vocem fortis Menelaus;
Et citus Ajacem compellans talia fatur:

Ajax, clarum alti germen Telamonis, Ulyssæi 570
(Nec fallor) pulsas mihi vox circumsonat aures,
Clamantis, solum ceu si Trojana juvenus,
Seclusum longe a fociis, pugna urgeat acri.
Ergo, agedum, celeremus opem, densamque ruamus
Per turbam; nequid, solus foede hoste relictus
In medio, ferat ille manu bonus, atque sagaci
Ingenio cunctis praeestans vir; raptus & ingens
Ne desiderium, luctumque relinquat Achivis.

Dixit, & antetulit gressum celer: incitus aequè
Ajax par divis graditur, Troasque superbus 580
Dat sese in medios, ubi dium plurima Ulyssæm
Turba, instans telis, magno & clamore, premebat.
Cervum avidi ut quondam circumstant agmine denso
Ingentem thoes; telo venator adacto
Quem fixit; citus ille abiit, cursuque sequentem
Evasisit, tepidus dum sanguis, dumque moventur
Crura; inde, ut vires penitus jam dira sagitta
Perdomuit, stratum calsis in montibus umbra
Sub nemorum thoes discerpunt: ducat eodem
At subito fortuna horrendum siqua leonem, 590
Illi dissugiant, praedam hic sibi vindicat unus:
Sic Laertiaden dextra laevaue premebat
Martia Trojugenum pubes: at faucius heros,

Hastam

Hastam aegre intentans, a se vix tristitia fata
 Arcebat. subito magnus cum se intulit Ajax,
 Immanem & laeva gestans, turrique superbae
 Assimilem clypeum, propior stetit. at pavor omnes
 Invasit gelidus Troas, passimque, soluta,
 Huc temere, atque illuc trepidi fugere, phalange.
 Interea turba e media Menelaus Ulysses 600
 Eduxit, dextra sustentans, impiger egit
 Dum celeres, dominum excipiens, auriga jugales.

Ast Ajax Troas contra ruit, atque Doryclum
 Morte, nothum Priami, sternit; dehinc Pandocon hasta,
 Lyfandrumque ferit; dehinc Pyraon, atque Pylarten.
 Ac veluti praeceps montano a vertice torrens
 Subjectos ruit in campos, ille imbribus auctus
 Ab Jove; & ingentes annofo robore quercus,
 Et piceas raptat secum, vastoque sonore
 Turbidus aequoreas limum devolvit in undas: 610
 Sic campo eximius ruit Ajax, agmina late
 Versa virum sternens; peditesque horrendus, & acres
 Turbat equos; longe ignarus dum parte sinistra
 Totius in pugnae Martem exercebat amoenas
 Ad Xanti ripas Hector, capita alta virorum
 Multa ubi praecipue cervice abjuncta cadebant,
 Immensusque ibat pugnantum ad sidera clamor,
 Nestora Neliden circa, & circa Idomenea.
 His sese intulerat ferus Hector, diraque patrans
 Vastabat densas curruque hastaque phalanges. 620
 Nec tamen urgenti pubes cessisset Achaea,
 Et latum praeberet iter dimota; Machaon
 Ni, primos inter dum pugnat, laesus acuto

Dextrum ferro humerum subito foret. eminus arcum
 Intendit contra, fixitque tricuspide telo
 Namque ducem conjux Helenae, Paris: at metus acer;
 Vulnere conspecto, spirantes robur Achivos
 Incessit, ne forte virum, verso agmine, Troes
 Exciperent. Ergo Idomeneus compellat amicum
 Nestora, & haec moesto suspirans pectore fatur: 630

O Nestor, Grajae gentis decus, en age, currus
 Scande tuos, tecum & scandat, mora nulla, Machaon;
 Alipedes & equos pelle ad tentoria. ferva
 Regem, oro, medica praestat qui clarus in arte,
 Unus & est pretio par multis, fixaque tela
 Eximere & saevum doctus lenire dolorem.

Haec ait: hortanti paret Neleius heros,
 Atque suos scandit currus; juxtaque Machaon
 Ascendit, proles Asclepi, clara medentes
 Inter quem caelo sublimem gloria tollit. 640
 Tum bijugos flagro admonuit resonante: volentes
 Illi corripiunt spatium, curvasque volucri
 Ad naves curfu, ac tentoria nota feruntur.

Cebriones Troas turbatos, Hectoris alto
 Auriga e curru prospexit; nec mora dium
 Hac regem fidus compellat voce minister:

Hector, nos longe camporum in parte remota
 Heic Danaum vulgo miscemur, limes ubi ipse
 Horrisoni est belli: Troes turbantur in illa
 Parte alii; magnoque viros, currusque tumultu 650
 Disjicit, ac miscet pulsos Telamonius Ajax.
 Quippe virum nosco, clypei septemplicis orbe
 Lato septum humeros. Quin ergo vertimus illuc

Jam bijugos, currumque, gravi certamine pugna
 Fervet ubi, mixti & pedites equitesque fragore
 Mutua se ingenti caedunt, ardetque virorum
 Clamor inextinctus pugnantum, animisque framentum?

Sic ait; ac torto pendens in verbera flagro
 Argutum insonuit. simul audire flagellum,
 Incaluerè animis acres, currumque sonantem 660
 Alipedes cursu volucris per Troas, Achivum
 Per cuneos rapuere, virum per strata jacentum
 Corpora, per clypeos. infra madet axis, & omnem
 Perfudit sanguis currum; geminique rotarum
 Orbes, cornipedum & pulsu gravis ungula rorem
 Purpureum late spargit. cupit ille subire
 Adversam Grajorum aciem ac perfringere; jamque
 Se dedit in medios atrox, trepidisque tumultum
 Intulit, arma ruens contra obvia: saevus & usque,
 Ordinibus passim disjectis, ense corusco, 670
 Fulmineaque hasta, saxisque molaribus instans.
 Nec tamen Ajacem est ausus tentare; sed unum
 Vitabat, metuens vimque, ac immania membra.

At pater Ajaci attonans in corda timorem
 Incussit. stetit attonitus; timidusque pericli
 Rejicit in tergum clypei septemplicis orbem;
 Intremuitque artus, pugnaque excedere coepit,
 Ille ferae similis, vertens huc lumina & illuc
 Se circa, dubiusque ferens vestigia retro
 Improperata; hosti, conversa fronte, resistens 680
 Interdum. fulvum a stabulis ceu densa leonem
 Turba canum, atque virum certat prohibere; boum nec
 Impleri cupidum pingui sinit, usque sub alta

Nocte vigil; diro praedae succensus amore
 Ille ruit contra; quidquam nec proficit; auras
 Certa secant; validis nam tela intorta lacertis,
 Atque faces missae terrent, sistuntque: recedit
 Moestus mane, gradu & lento sua lustra revisit:
 Sic Troum e turba, moerenti pectore, lentus
 Digreditur, classemque Ajax, & curva capeffit 690
 Litora; & Argivis timet Hectoris arma carinis.
 Ac veluti, pueris nequidquam obstantibus, arvom
 Ingressus tarda quadrupes de gente rudentum;
 Multi cui fracti sunt duro in tergore fustes,
 Calluit & plagis dorsum; depascitur altam
 Dentibus attondens segetem: circum undique molles
 Pascentem pulsant pueri, masefirmaque jactant
 Brachia nequidquam vi nulla; vixque morantem
 Expellunt, postquam se pastu implevit opimo:
 Sic Telamoniaden Troes, focique premebant 700
 Ingentem: ille autem adversa nunc fronte resistens
 Pugnabatque acer, sistebatque agmina; taedae
 Versa fugae nunc terga dabat: cunctisque morando
 Obstitit, ad curvas ne possent ire carinas.
 Ille quidem medius Troumque & pubis Achaeae
 Dira fremens stabat; validis contorta volabant
 Tela virum e manibus: pars vasto fixa tremebant
 In clypeo, pars magna, solo delata prius quam
 Fulgenti quirent ferro contingere corpus,
 Horrebant spatio in medio, tepidumque cruorem 710
 Optabant, fraudata ictu, defixaque terrae.

Hunc ubi conjectis Euaemonis inclyta proles,
 Eurypylus, telis vidit pressum undique, propter

Ad-

Adstitit, atque hastam ferro vibrante coruscam
 Torfit, Phasiaden figens Apisaona regem.
 Quippe gravis subter praepecta transit ictum
 Hasta jecur, stravitque virum, & membra omnia solvit.
 Eurypylus celer adsiliit, rapiensque trahebat
 Arma humeris. humeris Apisaonis arma trahentem
 Conspexit pulcher longe Paris, & citus arcum 720
 Direxit contra sinuans, dextroque sagittam
 Letalem immisit femori. diffractaque arundo est,
 Et femur indoluit fixum alto vulnere: vitans
 At mortem Eurypylus sociumque recedit inf agmen,
 Atque, alta Danaos inclamans voce, profatur:

O socii, o Graiae gentis regesque, ducesque,
 State hostem contra, mortemque arcete cruentam
 Ajaci; quem tela premunt, quem ferrea grando
 Obruit: horrifonae vivus discrimina pugnae
 Nec, reor, effugiet. versis at frontibus omnes 730
 Ajacem circa magnum consistite; magno
 Cuncti alacres Telamoniadae prohibete periculum.
 Saucius haec, Danaum succendens pectora, clamat
 Eurypylus. versi consistunt agmine denso;
 Seque viro agglomerant, humerisque micantia scuta
 Inclinant, hastasque aerata cuspide torvi
 Arrexere. Ajax venit queis obviis, hosti
 Et stetit adversus, socium stipante caterva.
 Sic latis illic pugnae certamina campis
 Ardebant. quales volvunt incendia flammæ. 740

Parte alia patriis linquebat praelia Nestor
 Vestus equis; madidae largo sudore vehebant
 Quae simul ad litus curvasque Machaona puppes.

Hunc pernix longe conspectum agnovit Achilles,
 (Stabat enim celsa in puppi, Danaumque laborem
 Spectabat, miseramque fugam) tum protinus ad se
 Voce vocat carum e navi Patroclon, amicam
 Agnovit vocem, citus ac tentoria linquens
 Patroclus prodit Marti par. hoc fuit olli
 Principium cladis fatale, ac mortis origo. 750

Peliden prior his affatur clara Menoeti
 Progenies: Tibi me quid opus Pelida? vocatum
 Quid facere, aut quonam ire jubes? Cui fortis Achilles:

Die Menoetiada, ante omnes mihi care sodales,
 Nunc Danaï, reor, haec venient ad septa, meisque
 Suppliciter genibus se affundent. queis grave tristis
 Aerumnae incubuit nec jam tolerabile pondus.
 Sed celer i tu, care Jovi Patrocle, rogato
 Nestora; quis, curru impositum quem praelia secum
 Extra fert? mihi, dum contemplor terga; Machaon 760
 Esse Asclepiades est visus: cernere frontem
 Hand licuit, celeres cum transcurrere jugales.

Talia Pelides, Patroclus iussa capeffit,
 Itaque rates praeter celeri ac tentoria cursu.

Illi ut Nelidae venere ad septa, relicto,
 Ad terram Nestor, curru, pariterque Machaon
 Descendunt: Ast Eurymedon auriga frementes
 Curru abjungit equas. maris heic in litore paullum
 Constiterunt, tunicas multo & sudore madentes
 Laxarunt Zephyri perflandas lenibus auris. 770
 Dehinc geminis, celsa ingressi tentoria, fellis
 Confedere. illis potum formosa Hecamede,
 Rite manu rerum commisceas multa, parabat.

Hanc

Hanc senior Tenedi cum moenia vertit Achilles,
 Magnanimi natam Arsinoi, memorabile donum,
 Ceperat; exsortem Nelidae coetus Achivum
 Quam dederat, Grajos inter quod primus haberi
 Consilio meruit sapiente bonoque. nitentem
 Haec illis mensam apposuit tunc sedula, nixam
 Cyaneis subter pedibus; mensaeque superne 780
 Aeratam imposuit lancem, potantibus aptum
 Quae caepe, ac mellis flaventia dona gerebat.
 Tum niveam juxta haec Cererem; pateramque, suorum
 Gestamen proavum, patria quam Nestor ab aede
 Attulerat, claram bullis radiantibus auro.
 Quatuor huic aures exstant, ad quanque columbae
 Hinc atque hinc geminae ex auro fulgente locantur.
 At duo sunt fundi subter. quae plena Lyaeo
 Cum staret gravis, haud ullo molimine tolli
 Cuiquam longaevo poterat. tollebat at unus 790
 Ille tamen, nulloque ferebat ad ora labore.
 Heic mulier tum dia illis Pramneia vina
 Miscuit, & pressi lactis derafit ab orbe
 Pauxillum solido, super & candente farina
 Insperfit; iussitque bibi jam rite paratum.
 Illi ubi proluerunt arentia labra, sitique
 Jam posuere modum, alterno sermone fruuntur.
 Ecce autem in foribus Patroclus constitit. illum
 Ut vidit senior, miratus sede nitenti
 Exsiluit, prensisque manu in tentoria duxit, 800
 Et, blando affatus vultu, confidere iussit.
 Abnuit, ac celeri haec festinus voce profatur.

Nil opus ut fedeam; mihi nec mora libera, parce

Hortari, venerande senex. multumque verendus,
Et laedi est facilis, qui me vir misit, & unum
Scitari hoc iussit: quis faucius ille, vehebas
Quem curru? at novi, videoque Machaona regem.
Nuncius ergo ibo celer hoc dicturus Achilli.
Namque, senex, scis ipse, animi quam saevus & asper
Ille sit, & culpae expertem culpae paratus. 810
Talia Patroclus. Nestor cui talibus inquit:

Nam cur nunc Danaum, passim qui vulnera, magnum
Peliden miseret? necdum scit quanta per omnes
Tempestas ivit; quanto castra omnia luctu.
Miserentur. curvas ad naves lumina Grajum
Prima jacent, hastisve icti, volucrive sagitta.
Arcu vulnus habet Diomedes inelytus armis;
Hasta Ithacum fixit, fixitque Agamemnona diu;
Eurypylo dextrum subiens femur hausit arundo;
Hunc ego nunc pugnae subduxi, pulsa sonante 820
Quem nervo cuspis laesit. nec dius Achilles,
Ille bonus bello ut nemo, curatve, doletve
Rem Danaum lapsam? nec adhuc miserescere saevus
Incipit? an flammam exspectat dum puppibus Hector
Inferat, Argivis frustra & pugnantibus, igni
Cuncta cremet; Grajosque extremum ad litus adactos
Caedat acervatim ferro? non est mihi namque,
Olim agili fuerat quae vis in corpore. talis
O si nunc essem, primaevae in flore juventae
Qualis eram, Eleos inter, Pyliosque coortum est 830
Certamen, raptis, qua tempestate, juvencis.
Leto ego Hiperochiden cum scilicet Itymonea,
Qui sedem in diti sibi fixerat Elide, stravi,

Rigno-

Pignoribus captis, & praeda laetus abacta.
 Ille quidem, armentis Pylas avextere turmas
 Dum cupit, ac primos inter dum pugnat, acuto
 Dextra virum haec telo Stygias demisit ad umbras:
 Qui postquam jacuit, tremefactaque fugit agrestum
 Dura manus, secum quos duxerat ille, virorum;
 Egimus ingentem nos praedam ex omnibus agris, 840
 Quinquaginta bouum procera armenta, gregesque
 Caprarum totidem, totidemque oviumque, suumque,
 Et decies quindena rubentum corpora equarum;
 Nec paucis suberant generoso e semine pulli.
 Haec nos cuncta Pylum, Neleus ubi regna tenebat,
 Compulimus nocturni: animo est laetatus at ille,
 Quod juveni obtigerat, tum primum ad bella profecto;
 Tam diti praeda magna cum laude potiri.
 Ac primo veniens Aurora ut fulsit ab ortu,
 Praecones magna clamantes voce vocabant, 850
 Elide quis aliquid quisquam deberet in ampla;
 Et Pylis tota, proceres ex urbe coacti
 Rite suas praedam in partes tribuere (superbi
 Rapta etenim multis debebant plurima Epei,
 Ex quo fracta malis fuerat Pylus, ac data pessum.
 Quippe olim veniens armis afflixerat urbem
 Alcides, floremque virum prostraverat omnem.
 Bisseni fuimus Nelidae fortibus armis
 Egregii; solus restabam: cetera fratrum
 Turba omnis leto crudeli strata jacebat. 860
 Nos igitur, tumidique animi, bellicque potentes,
 Spernebant, nunquam & cessabant laedere Epei.)
 Tum senior Neleus numero sibi legit ab omni

Atque

Atque boum, atque ovium tercentum corpora, multam
Pastorum & turbam. magna illi debita namque
Res erat, alipedes quatuor certamine in omni
Adfueti palmis, currusque, ad praemia missi,
Eximium ut tripodem cursu pernice referrent.
Hos sibi rex illic Augeas ceperat, omne
Contra fas retinens: aurigam at multa dolentem 870
Dimisit, probrisque minax oneravit acerbis.
Haec propter maledicta senex malefactaque, toti
Iratus genti, sibi multa exemit, in omnes
Cetera dehinc jussit tribui, pars ut sua cuique
Expleret magno acceptam cum foenore noxam.
Talia dum laeti curamus in urbe, juvencos
Et pingues vulgo festas mactamus ad aras,
Continuo, tres post soles, venere parati
Bello, multa virum pubes, multusque frementum
Cornipedum numerus; geminique Moliones arma 880
Induerant pariter, pueri ambo, corpora nondum
Firmi, nec vario docti contendere Marte.
Est quaedam Alphæi ripam super edita in alto
Colle, Pyli extremis in finibus, urbs Thryoessa.
Hanc tristi primam optabant evertere bello.
Necdum etiam campos transgressi moenibus altis
Admorant aciem; caelo est delapsa Minerva;
Atque, Pyli mediam cursans nocturna per urbem,
Armari jussit pubem; cunctique ruebant,
Sponte sua cupidi, faevae in certamina pugnae, 890
Me tamen armari Neleus haud sivit, equosque
Abcondit; nec enim varii satis esse peritum
Martis adhuc, aevi pubentem flore, putabat.

Non

Non minus at currus inter spectabilis ibam
 Ipse pedes; ducebat enim sic Pallas in arma.
 Est flumen, dicunt Minyeum nomine, quod se
 Arenen juxta aequoreas devolvit in undas.
 Heic equites Pylîi, pubes delecta, rubentem
 Mansimus Auroram, peditumque affluxit eodem
 Post nos densa manus. tum, bello instructa juvenus, 900
 Cuncti una, Alphei, medio jam Sole, fluenta
 Venimus. utquē Jovi primum de more litatum est,
 Alpheo taurum, taurum mactamus opimum
 Neptunio, indomitamque bovem, sua sacra Minervae,
 Instruimusque dapes turmatim; strataque, in armis
 Quisque suis, dedimus jucundo membra sopori
 Propter aquam. Haud longe Thryoessaë ad moenia Epei
 Constiterant, urbemque armis vastare parabant.
 Ante sed inferrent quam se urbi, triste coortum est
 Martis opus duri miseris. nam, luce rigavit 910
 Terram ubi Sol clara exoriens, nos, rite precati
 Caelicolum regem, bellatricemque Minervam,
 Congredimur. primo tunc pugnae primus in orsu
 Fortem ego, cornipedes capiens currumque, peremi.
 Mulion, egregium bello sibi legerat ipse
 Quem generum Augeas; thalamo cui junxerat ultro,.
 Natarum primam formaque aevoque, Agameden
 Doctam cuncta, effert late quae pharmaca tellus.
 Hunc fixi contra venientem cuspide primus
 Aerata. jacuit, vasto ingens corpore, in atro 920
 Pulvere; laetus ego vacuos celeri pede currus
 Insilui, primisque antistans praelia obibam
 Ordinibus. trepida capti formidine Epei

Diffu.

Diffugere solo postquam videre jacentem,
 Qui, bello ante alios longe fortissimus omnes,
 Dux turmas equitum bellantes primus agebat.
 Ast ego nigranti similis per bella procellae
 Usque ruens, cepi currus fulvo aere nitentes
 Quinquaginta, mea confossi & corpus ab hasta
 Quoque duo e curru terram petiere minaci 930
 Ore viri. quin morte Molionas Actore cretos
 Strassem etiam, pueros deus ipse tridentifer ambos
 Ni subito involvens nebula rapuisset opaca.
 Tunc laudem Pyliis diyum rex ac decus ingens
 Annuit. hostem etenim fufum per plana secuti
 Arva fumus, caedi instantes, atque arma legentes,
 Buprasium donec celeres ad pingue jugales
 Egimus, Oleniamque ad rupem, & Alefion, illuc,
 Est ubi (sic vocitant) Collis; nos unde Minerva
 Ire domum reduces jussit; postremus ubi hasta 940
 Vir mihi confossus cecidit. tum laeta juvenus
 Vertit equos digressa Pylum; gratulque canebat
 Quisque Jovem e divis, mortali e gente virorum
 Nestora. Talis eram bellantum in pube: suorum
 Immemor at soli sibi tantum est fortis Achilles.
 Sed tamen ipse etiam flebit, reor, omnis Achivum
 Dardanio fuerit pubes cum perdita ferro.
 O bone, nunc patris subeant tibi verba Menoeti,
 Qraeque dedit praecepta senex, mittebat Atridae
 Auxilio cum te patriis e finibus; ipse 950
 Auribus his quae cuncta, & mecum audivit Ulysses:
 Quippe ambo Pelei pulchras advenimus aedes,
 Cogimus Argolicas dum pubem ad bella per urbes.
 Illic

Illic tum nobis herosque Menoetius, & tu,
 Parque deum pueris puer est inventus Achilles.
 Quippe Jovi media Peleus adolebat in aula
 Pingue femur tauri ingentis, pateramque tenebat
 Auratam vinum fundens ardentia supra
 Extæ: dapes at vos memini curare. morati
 Nos paullum ante fores stetimus: miratus Achilles 960
 Exsiluitque, manuque apprensos duxit in alta
 Limina, & ingressos blandus confidere jussit,
 Apposuitque epulas large bonus hospes amicis
 Hospitibus. functi dapibus, dulcique Lyæo
 Ut sumus, orsus ego sermonem, hortabar utrumque
 Nos ad bella sequi. vobis at Martis amore
 Ocyus arserunt miro juvenilia corda.
 Tum cupidis ambo mandata dedere parentes.
 Ac senior primum Peleus praecepit Achilli,
 Semper ut in Grajum numero foret optimus omni. 970
 Actorides at plura Menoetius hæc tibi dixit:
 Nate, patrum claro est te sanguine major Achilles,
 Viribus & validis; tu patu major at illo es.
 Ergo comes quod opus juveni praecribe, monere
 Nec parce: ille tibi parebit vera monenti.
 Hæc mandata dedit senior, quæ jam tibi mente
 Oblita fluxere. sed, o bone, dicito Achilli
 Hæc eadem vel nunc. forsân meliora sequetur;
 Atque, deus tua dicta aliquis si forte secundet,
 Immanem vinces animum, durumque rigorem 980
 Inflectes monitis: socio vis magna monenti est.
 Quod si forte aliquod devitat conscius omen,
 Ab Jove si retulit quidquam dea mater acerbi;

Te

Te saltem, ipse manens, mittat, tecumque suorum
 Agmina Myrmidonum; tam nigro in turbine belli
 Siquam forte queas Danaïs affundere lucem.

Arma tibi sua det tantisper ferre; reversum
 Trojugenae si forte putent in praelia Achillem,
 Decepti armorum facie; pugnaque timentes
 Abstineant paullum, pubes dum Martia Grajum 990
 Pressa malo, revocetque animos, longique laboris
 Vel parvam capiat requiem. vel parva laborum
 Dulcis enim requies bellanti. prona levisque
 Res fuerit vobis, integro robore, Troas
 Pellere defessos, ratibusque avertere ad urbem.

Sic ait, incenditque viro praecordia dictis.

Ergo alacer praeter naves tentoria curfu
 Fertur ad Aeacidæ celeri. sed, venit Ulyssis
 Ut propter puppes; ubi Grajis jusque, forumque,
 Atque deum puro constructa altaria saxo; 1000
 Illic Eurypylus, proles Euaemonis alti
 Clara, improvisio miranti occurrit, acuto
 Ille femur fixus telo. & vestigia claudus
 Tarda trahens; largusque humeris & vertice fudor
 Manabat; faevoque niger de vulnere sanguis
 Exfiliens ibat; sed mens immota manebat,
 Nec dejecta malo. Quem cernens, flevit, & alto
 Verba Menoetiades gemitu haec de pectore fudit:

O miseri Danaum regesque ducesque! futuri
 Estis ut heic, longe a patria carisque propinquis, 1010
 Esca feris canibus Trojano in litore! at, heros
 Eurypyle, immanem, dic, sisent Hectora Graji?
 Illius an faeva domiti sternentur ab hasta?

Eury-

Eurypylus contra: Nullum, Patrocle relictum est
 Perfugium Grajis; dura qui morte peribunt
 Navibus in mediis. nam, quorum plurima virtus,
 Visque, jacent cuncti ad naves, pars cuspide caeca
 Eminus, aerata pars vero cominus hasta
 A Teucris confossa. quibus magis & magis usque
 Membra vigent, animosque ciet Mavortius ardor. 1029
 Verum age, & hanc animam ferva. tentoria ad alta
 Duc aegrum; femorique haerentem excide sagittam,
 Ac tepidos adhibe latices, nigramque cruorem
 Elue: sparge super dehinc lenia pharmaca, sistat
 Queis dolor, ipse tuus tibi quae monstravit Achilles,
 Ut perhibent, docuit quem Chiron, optimus ille
 Inter centauros, & servantissimus aequi.
 Qui duo sunt medici, Podalirius, atque Machaon,
 Saucius horum alter jacet ipse, optatque medentem,
 Ut reor, eximium; duro sub Marte laborem 1030
 Alter in Iliaco fert miscens praelia campo.

Talibus oranti Patroclus talia reddit:
 Aequa rogas: anceps at distrahor. en quid agemus.
 Eurypyle armipotens? quae mandat Nestor, Achivum
 Custos, dicta fero Pelidae. nec tamen, etsi
 Festinem, deero tibi tali in tempore, amice.

Dixit, & amplexus regem in tentoria duxit.
 Cui famulus viso taurorum mollia terga
 Substravit: supra porrecto excidit acutum
 Patroclus cultro telum, tepidamque cruorem 1040
 Lavit aqua, & manibus radicem trivit amaram,
 Insperfitque: omnes olli quae inspersa dolores
 Sedavit; sicco stetit ater vulnere sanguis.

H O M E R I

I L I A D O S.

LIBER DUODECIMUS.

Sic Danaum in castris proles invicta Menoeti
 Eurypylo vulnus curabat. Troia pubes,
 Atque Argiva gravi interea certamine durum
 Martem exercebant conferti; fossaque, & altus
 Nequidquam obstabat murus, quem Graja tuendis
 Navibus ingentem fuerat molita juvenus;
 Centum nec tauros mactaverat auspicibus dis,
 Inclusas intus naves, gazamque coactam
 Undique ut ille diu servaret. numine structa
 Moles magna deum non aequo, tempore parvo 10
 Mansit, dum vixitque Hector, vitavit & arma
 Iratus Danaïs Pelides, & stetit alta
 Urbs Priami, nondum Grajorum subruta ferro.
 At, postquam Troum quisquis praestabat in armis
 Absumptus leto est, Grajum & pars triste subivit
 Fatum, pars tota sospes de gente relicta est,
 Ac decimo urbs tandem Priameia concidit anno,
 Et Danaï patrios petierunt classe Penates;
 Consilium cepere una rector maris alti
 Neptunus, Phoebusque, omnem de sedibus inis 20
 Eruere extemplo murum, rapidamque frementum
 Subjectam in molem subito vim mittere aquarum,

In

In mare silvosa quotquot volvuntur ab Ida;
 Rhœsumque, Heptaporumque Caresumque, Rhodiumque,
 Aesepumque, & Granicum, diumque Scamandrum,
 Et clarum Simoenta; ubi fœta ingentia, multæ
 Et galeæ, atque virum jacuit sub gurgite pubes
 Inclyta femideum. spumantia Phoebus Apollo
 Horum cuncta simul convertitque ora, novenos
 Perque dies muro laxis immisit habenis.

30

Interea caelo mittebat Juppiter imbrem
 Perpetuum, eluvie magna demersa periret
 Ocyus ut moles; sublatumque ipse tridentem
 Neptunus dextra gestans ducebat aquosum
 Agmen, cuncta solo & vellens disjecit in undas
 Fundamenta, labor quæ Grajum jecerat ingens,
 Stipitibusque altis, saxoque exstructa molari;
 Omnia & æquavit late ad rapidum Hellespontum.
 Inde, ubi disjecti nusquam vestigia muri

Restabant, multa litus complevit arena,
 Dimisitque amnes. rursus se ut conderet alveo
 Quisque suo, puras ubi fuerat volvere lymphas.

40

Sic murum Neptunus erat Phoebusque daturus
 Exitio, tum circa ingens clamorque virorum
 Pugnaque fervebat; celsa & tabulata fonabant,
 Aeriæ & densa telorum grandine turrets.
 Ad naves Danaï pressique, Jovisque flagello
 Edomiti, faevi metuebant Hectoris iras,
 Horrendam & faciem. nigræ par ille procellæ

Ut prius exercet Martem, & ruit acer in hostem.
 Qualis aper, leo vel torvus, juvenumque canumque
 Venantum in turbam dat sese robore multo.

50

Tom. I.

T

Effe-

Effertus: hi densantque agmen, contraque resistunt
Crebra manu valida torquentes tela: movetur
Ille nihil, nec corde pavet, nec tuta capeffit
Digrediens, mortem nec vitat; seque cruentus
Versatque, immittitque viris. quacumque furens se
Intulit, ingentem pubes dat versa tumultum.
Sic Hector partes sese convertit in omnes
Dira fremens; Troasque hortatur primus ovantes, 60
Pellere trans fossam bijugos: cui tamen ipsi
Audebant proferre pedem, sed margine acutum
In summo aeripedes hinnibant; lataque fossa.
Terrebat, trans quam nec saltu evadere, cursu
Nec facili quibant transire. abruptus utrinque
Nam margo, & praeceps descensus; desuper alti
Et valli horrebant, duro quos robore, acutos,
Ingentes, densos magno fixere labore
Certatim Graji, faevos munimen ad hostes.
Nullus equo, valida currum cervice trahenti, 70
Hac aditus; pediti magnus labor, obvia siqua
Perrumpat, murumque furens evadat ad altum.
Tum prope stans tali compellat voce superbum
Hectora Polydamas: Hector, regesque ducesque
Trojugenae, focique omnes, impellimus acres
In fossam stulte bijugos: transmittere durus
Quam labor est; circum vallis namque horret acutis,
Statque ingens juxta murus: quo nulla potestas
Sese inferre equiti, pugnamve capeffere in arctum
Concluso, haud, equidem credo, sine vulnere, multo 80
Et lapsu. Ac, siquidem Grajis mala nunc struit, altum
Aethera qui tonitru miscet, pater, hoc ego vellem
Ocyus

Ocyus heic fieri, atque omnes, ex ordine ad unum

Indecores perdi Trojano in litore Aechivos

Argolica procul a terra, patrioque sepulcro.

At, subito si forte animis Argiva-refectis

Convertat sese pubes, Troasque fugatos

Navibus a celsis iterum premat, inque profundam

Pulsus eques fossam incurrat; non ullus, opinor,

Effugiat, vivus cladem qui nunciet urbi.

90

Quare agite, atque meis cuncti parete volentes

Consiliiis: vacuos heic currus, atque retentos

Fidi habeant bijugos aurigae: fortibus armis

Induti pedites peditem nos Hectora denso

Agmine, quo ducit, Grajorum in septa sequamur.

Non erit ut maneantque loco, longumque resistent,

Exitii ad metam si jam venere supremi.

Talia Polydamas: tutum bonus approbat Hector;

Consilium. Ergo, armis tectus fulgentibus, alto

Desilit e curru; regisque exempla secuti

100

Desiluere alii pariter. tum quisque relicto

Aurigae mandata dedit, jussitque manere

Ad fossam, bigas retinere inque ordine: quinas

Ipsi agmen totum in turmas tribuere, suosque,

Instructi bello, ductores pone sequuntur.

His Hector praeit eximio cum Polydamante,

Qui, plures numero, praestantes robore, scisso

Optabant muro primi oppugnare carinas.

Priamidis etiam comes ibat tertius audax

Cebriones: alius curru est auriga relictus.

110

Partem aliam ducit Paris, Alcathousque, & Agenor.

Tertia turma Helenum post, Deiphobumque secuta est,

T 2

Pri-

Priamidas; horumque ibat comes Asius heros;
 Asius Hyrtacides, patriae qui moenia Arisbae
 Liquit, vectus equis ingenti mole, rubente
 Et tergo rutilis a flumine Seleente.
 Dux Anchisiades Aeneas inde cohortem
 Ducebat quartam, claroque Antenore nati
 Archelocusque, Acamasque, bonus bellator uterque.
 Sarpedon socios tandem postremus agebat; 120
 Atque sibi Glaucumque, & magnanimum Asteropaeum
 Addiderat comites; visi quod robore cunctos
 Sunt praestare alios, se dempto scilicet uno,
 Cui nemo primae certabat laudis honore.

Hi, postquam densi junxerunt mutua sese
 Tergoribus duris taurorum, cominus ibant
 In Danaos incensi animis; nec posse teneri
 Sperabant, rapido inciderent quin puppibus actu.

Sic Troesque animis, focique, volentibus ultro
 Consilio parent, dederat quod mente sagaci 130
 Polydamas, monitus spreuit praeceptaque solus
 Asius Hyrtacides; voluit nec linquere ibidem
 Aurigamque & equos: curru sed vectus in alto
 Ad naves ibat: demens! quem triste manebat
 Fatum illic; nec erat, sibi quod promissit, ovanti
 Curru Dardanias rediturus victor ad arces.
 Parca virum tristes misit namque ante sub umbras,
 Deucalidae magni perfolium pectora telo.
 Egit enim currum laeva ad navalia, pubes
 Qua Grajum, e campo rediens tremefacta, ruebat 140
 Nec valvas naetus clausas, atque objice fultas,
 (Portarum nam claustra viri patefacta fugaci

Prae-

Praebant turbae; si quis de clade superstes
 Adveniat, seque ad naves in tuta recepit)
 Turbidus huc advertit equos, mora nulla, frementes:
 Clamore at socii post terga sequuntur acuto,
 Freti armis; nec posse putant consistere Grajos,
 In curvas trepido quin se dent pectore puppes.
 Pro stulti, ac vana tumidi spe! limine in ipso
 Invenere virum par nobile, bellipotentum 150
 Progeniem Lapithum, Polypoeten patre creatum
 Pirithoo, atque parem Marti virtute Leontea.
 Hi duo pro portis, fulgentes aere corusco.
 Stabant. Aeris procero vertice densae
 Montibus ut geminae stant quercus, vastaque totos
 Flabra dies, pluviasque ferunt, longisque sub altam
 Defixis terram immotae radicibus haerent:
 Sic illi manibusque, invicto & robore freti
 Nusquam abstinebant portis, magnumque manebant
 Hyrtaciden; quicum pubes condens ruebat 160
 Ad murum, laeva parmas, arèntia tollens
 Terga boum, altum ululans post lamenumque, & Oresten,
 Asiademque Acamanta, Theonaeque, Oenomaumque.
 Interea Grajos variis hortatibus ambo
 Illi urgent pugnare alacres pro navibus. at, cum
 Densa phalanx propius venit, formidine capti
 Versa fugae dant terga alii: bellator uterque
 Sed citus occurritque hosti pugnamque capessit.
 Agrestes cen cum juvenumque, canumque tumultum
 Excipiunt apri venientum in montibus altis; 170
 Atque ruunt cursu obliquo: virgulta fragore.
 Ingenti prostrata cadunt, quacunq; furentes

Convertere viam: frendent immania faevis
 Dentibus ora; gravi cuspis dum missa lacerto
 Transfossis multo eripiat cum sanguine vitam:
 Sic horum circa pectus fulgentia densis
 Ictibus aera sonant, acri dum Marte resistunt,
 Vique sua freti, & saxis, quae crebra superne
 Intorquent focii celsis de turribus, hostem
 Atque sibi atque suis arcentes navibus, omni 180
 Et, quae inerat vicina intra tentoria, gazae.
 Densa nivis virides ceu late vellera campos
 Consternunt, valido spargit quae turbine ventus
 Caeruleas agitans nubes: sic densa cadebant
 Hinc effusa, atque hinc manibus stridentia tela
 Grajugenum, Troumque. imbri galeaeque sonabant
 Saxorum horrifico, clypeique umbone tumentes.
 Alius at cernens haec, spe deceptus inani,
 Ingemuit, dextraque femur percussit, & alto
 Suspirans gemitu, haec effudit pectore dicta: 190
 Tune etiam es mendax, o Juppiter? en ego, fretus
 Te, pater, Argivos dicebam terga daturus;
 Nec fore, Trojanae quae sese opponere turmae
 Auderet. nunc hi; latebroso in tramite vespae
 Ut sibi quae fodere larem, patriumve tuentes
 Limen apes, densae pro gnatis praesta miscent;
 Nec testis abscedunt quoquam, cupidoque manentes
 Raptori sese objiciunt; sic dira frementes
 Soli pro portis forti stant pectore, quoquam
 Nec cedunt cuiquam, certi vel sternere duro 200
 Dardaniam leto pubem, vel sternier ipsi.
 Sic ait, ille Jovem nec fatus talia flexit.

Uni

Unī nanque decus genitor, laudemque parabat
Priamīdae; auspicio solus Jovis iverat Hēctor.

Uno pugna loco nec fervet. praelia portas
Ante alias alii miscent: sed facta profari
Fortia quaeque, deum veluti, me sanguine cretum
Mortali, durum est, nec fas. pugna undique ad omnes
Namque atrox portas gliscebat, flammaque murum
Circa ingens ibat caelo: pro navibus (urget 210
Aspera fors quando miseros) pugnabat Achivum,
Quamvis fracta massis, & moerens corda, juvenus.
Dī quoque moerebant ipsi, quicumque juvare
Suerant magnanimos prius inter praelia Grajos.
At gemini Lapithae pugnam invasere. trabali,
Pirithoi proles, Polypoetes turbidus hasta
Per galeam, solido quae malas aere tegebat,
Percussit Damasum. perque aes, perque ossa cerebro.
Infixa est medio cuspis, domuitque furentem,
Protinus inde neci dedit Ormenon, atque Pylonia. 220
Antimachi at prolem praestans virtute Leonteus
Trajicit Hippomachum, teritur qua balteus alvo.
Inde cava ferrum vagina eduxit acutum;
Et primum Antiphaten, adversum ingressus in agmen,
Cominus invadit ferro, terraeque supinum
Dejicit; inde Menona, inde Iamenūque, & Oresten
Sternit, & ingentem dat victor caedis acervum.
Hos illi stratos dum nudant fortibus armis,
Lecta manus juvenum, Trojanæ robora pubis,
Ante alios cupidi murum perrumpere, & igni 230
Conjuncto Argivas actutam exurere puppes,
Hēctora Priamiden, & Polydamanta sequuntur.

Qui tamen ad fossam, suspenſa mente, manebant
 Ancipites, viſam, dum greſſum inferre parabant,
 Propter avem. altivolans laeva de parte miniſtra
 Nam Jovis ingenti conterruit omine ituros.
 Unguibus implicitum quae vaſta mole draconem
 Puniceis clarum ſquamis geſtabat: at ille
 ſaſcius, aegre animam ducens, convertit in hoſtem
 Ora tamen, ſupra & pectus prope colla, tenentem, 240
 Convolvens ſeſe flexa cervice, cruento
 Dente ferox petiit: volucris tum victa dolore
 Demiſit pedibus praedam, quae decedit agmen:
 In mediū: clangens in ventos illa reſeſſit.
 At Teucris micuere metu praecordia; monſtrum
 Ut Jovis aegifoni dirum videre, jacentem
 Ante pedes varia maculoſum pelle draconem.
 Nec mora, Polydamas turbato haec peſtore fatur:

Hector, ſaepe mihi ſuccenſes vera loquenti
 Trojugenum in coetu: nec enim civem decet unquam 250
 Mente loqui falſa quidquam bellive, domive,
 Blandirique tibi, atque tuas extollere laudes.
 Nunc etiam, quod opus, veraci peſtore dicam.
 Parcamus Grajis, oro, arma inferre carinis.
 Quippe etenim, ut dicam, ſic nobis grandia tandem
 Orſa cadent. quando fossam tranſire paratis
 Augurium dedit altivolans de parte finiſtra
 Dirum aquila, ungue ferens ingenti mole draconem
 Sanguineum, nondum exanimem; praedamque remiſit
 Ante, cito nidum quam niſu tangeret, & quam 260
 Dulcem praeberet pullis inimitibus eſcam:
 Sic itidem, quamvis nobis perfringere portas,

Obſtan-

Obstantem & murum contingat robore nixis
 Invicto, & cedant pulsi tantisper Achivi;
 Attamen indecores gressum referemus eadem
 Inde via; & multos Troium linquemus, ad ipsas
 Grajorum stratos immani caede carinas.
 Sic erit: hoc quicumque bonus responderit augur,
 Doctus monstra deum, populi quem vera monentem
 Observent. Haec Polydamas: cristatus at Hector 270
 Fratrem torva tuens affatur voce superba:

Polydama, ista, mihi quae scis ingrata, profare;
 Quamvis non desit melior, quem promere possis,
 Sermo alius. quod vera istaec si rere, monesque
 Ex animo, nae sanam aliquod male numen amicum
 Exemit misero tibi mentem. Juppiter ipse
 Annuit altitonans mihi quae promissa, jubere
 Non pudet oblita dimittam ut mente; volantum
 Utque velim parere alis? quas nil moror omnes,
 Quot sunt, nec curo, seu dextra Solis ad ortum, 280
 Solis ad occasum seu laeva parte ferantur.

Nos magno parere Jovi nunc addecet, omnes
 Qui nutu regit omnipotens hominesque, deosque.
 Primum hoc augurium, cunctis & pulchrius, urbe
 Pro patria pugnare: Quid hostem? praelia quid tu
 Saeva times? cuncti ut pereant, sternantur Achaeas
 Et leto ad naves, mortem vitabis, inersque,
 Nec pugnax. sedenim si te cessare vel ipsum,
 Vel timidis videam verbis avertere ab armis.
 Quenquam alium; mora nulla, mea confossus ab hasta 290
 Indecorem fundes multo cum sanguine vitam.

Dixit; & antetulit gressum, quem pone secuti

Immen-

Immenſum ſocii clamorem ad ſidera tollunt.
 Tunc adeo tonitru gaudens & fulmine, celſis
 Montibus ex Idae ſubitam pater ipſe procellam
 Impulit in naves recta, quae pulveris atri
 Vim ſubitam, vento dirum ſtridente, ferebat.
 Idem Grajum animos enervans fregit, & ingens
 Addidit Heſtoreo capiti decus. ergo ſuoque
 Robore; prodigiis & freti, evertere murum 300
 Ingentem Danaum certantes, vellere vallum
 Inſtabant, pinnaſque; & propugnacula magnis.
 Veſtibus, ac pilas ingenti mole ruebant,
 Prima olim poſitas fundamina turribus altis.
 Has ferro aggreſſi ſperant ſubvertere poſſe
 Emotas, denſique everſo irrumpere muro.
 Stant Graji contra obnixi, clypeoſque ſiniſtris
 Objiciunt hoſti, ſpargunt tela omnia dextris,
 Ac denſa muro ſubeuntes grandine pulſant.
 Nunc huc, nunc illuc per turres curſat uterque 310
 Ajax, & focios animis audacibus implet,
 Hunc placidis hortans verbis, hunc voce minaci
 Increpitans; ſi forte aliquem ceſſare videret:

O focii, o quiſquis praeſtanti eſt robore, quiſquis
 Deterior, quiſquis medius; non contigit omnes
 Eſſe pares quoniam bello; pro parte virili
 Nunc opus o veſtrum, nunc quiſque urgete. videtis
 Ipſi etiam quid res, quid tempus poſcat. eodem
 State loco: ne quis vaſto clamore, miniſque
 Territus ad naves fugiat: quin pergite fortes 320
 Ulterius, fociumque hortetur quiſque: repulſo
 Hoſte, dabit nobis magni fors rector Olympi

Uſque

Usque sequi Phrygiam Trojana ad moenia pubem.
 Hoc ambo exacuunt clamore in praelia Grajos.
 Ac velut, hibernis densas ubi Juppiter horis
 Depromit, sua tela, nives; tacet aura: profundit
 Ille manu magna vellus glaciale, supremos
 Jamque tegit montes, camposque, & pingua culta,
 Litoraue, & portus late omnes; una coerces
 Unda imbrem fluctu gelidum; circum omnia cudent: 330
 Sic lapidum hinc atque hinc nimbus ruit horridus, & quos
 In Teucros Graji, quos & Trojana juvenus
 In Grajos contra torquet: circum sonat omnis
 Assiduo murus fluctu; fragor aethera complet.
 Nec vero portas, nec duros objice postes
 Agmina vel Troum, vel rumperet inclytus Hector:
 Juppiter ipse, suam prolem, Sarpedona Grajos
 Ni contra, magnum ceu contra armenta leonem,
 Excitet, indomito succendens corda furore.
 Ille gravem clypeum prae se gerit. arte rotundum 340
 Quem multa solers duxit faber; aequae superne
 Obduxit late fulgens, taurinaque terga
 Insuit inferne densans, virgisque per orbem
 Extremum fulvi longis ornaverat auri.
 Hunc prae se gestans laeva, dextraque coruscans
 Bina manu longo praefixa hastilia ferro,
 Ingreditur; silva qualis leo fulvus ab alta:
 Suadet enim vesana fames, magnique superba
 Vis animi, tentare pecus vel tuta domorum
 Istra septa; viros nec si venabula dextra 350
 Vibrantes juxta invenit, saevamque canum vim,
 Territus absistit coepto; sed vel stabula alta

Insi-

Infilit, ac praedam fert victor; vel cadit ipse
Ante, gravi medium transfixus cuspide pectus:
Sic animus diu Sarpedona fortis agebat
Irruere, atque ingens muri perrumpere septum.
Nec mora, compellans Glaucum sic farier orsus:

Glaucе, quid eximios nacti laetamur honores,
Sedem, epulas, grato nunquam non plena Lyaeo
Pocula? cur similes divum nos cetera turba 360

Suspicit in Lycia? partemque tenemus amoena
Ad Xanti ripas magnam agri, vitibus almis,
Frumento & pingui felicia rura? virorum
Nos decet in primis haec propter stare, caputque
Objectare ultro, Mavors ubi plurimus ardet.

Dicat ut hoc aliquis Lycia de gente sodali
Bellator: Nostri reges non dulcia tantum
Vina bibunt, ovium nec pinguia viscera tantum
Vescuntur, laudem obliti; sed robore praestant,
Ac primos inter stant laeti, hostemque lacestant. 370

Hoc etenim si post belli discrimen, amice,
Vitatum ambobus, senio, letoque carendum
Jam foret; haud equidem primis ego mixtus in arma
Sic ruerem, nec te verbis in pulchra cierem

Praelia. nunc, quando mortis fata undique durae
Instant, quot nequeas numero comprehendere, nulli
Quae fugere, aut vitare homini licet omnia; in hostem
Perge alacer mecum, nostro ut vel sanguine magnam
Laudem aliquis referat, laudem vel praebeat ipse

Ut nobis. Haec Sarpedon sic fatus; at acer 380
Haud renuit caro Glaucus parere sodali.

Ergo ibant Lycium ducentes agmen uterque.

Hos

Hos ubi prospexit venientes clara Menestheus
 Progenies Petei, perculsus corda periclo
 Horruit. ad turrim namque illius aere coruscans
 Ibat densa phalanx, clademque infesta ferebat.
 Nec mora, circum oculis perlustrans omnia, siquem
 Forte ducum videat, dirum qui, robore praestans,
 Exitium posset sociis defendere; vidit
 Stare simul geminos Ajaces, pectora bello 390
 Haud expleta unquam, ac Teucrum tentoria celsa
 Linquentem, haud longe. verum exaudire vocati
 Haud poterant: aures tantus percellit ab omni
 Parte fragor, caelumque sonus ferit, ista remittunt
 Quem scuta, & galeae, praeduro & robore postes.
 Namque omnes sese ad portas admoverat hostis,
 Atque furens omnes omni tendebat opum vi
 Rumpere. praeconem jubet ocyus ergo Thooten
 Ire; citis trepidus mandat cui talia verbis:
 I celer, Ajacesque voca mihi, die Thoota, 400
 Ambos; id fatius multo atque optatius; ingens
 Instat enim heic Grajis clades, dirumque propinquat
 Exitium: Lyciis pubes cum regibus huc se
 Nam fert, illa ferox animi, spectataque bello:
 Sin illic etiam labor ipsis, pugnaque fervet,
 At veniat saltem fortis Telamionius Ajax,
 Atque bonus volucris Teucer pugnare sagitta.
 Sic ait: ille citus confestim iussa capessit;
 Atque viam celerans it murum praeter Achaëum;
 Et prope stans geminos Ajaces talia fatur: 410
 Belligeri Ajaces, ductores pubis Achivae,
 Magnanimi proles Petei vos dia, Menestheus;
 Ire

Ire citos jubet ad fese, partemque laboris
 Ferre aliquam fecum, quod multo optatius, ambos;
 Ingens instat enim clades, dirumque propinquat
 Exitium. Lyciis pubes cum regibus illuc
 Nam ruit, illa ferox animi, spectataque bello:
 Sin istic etiam vobis labor, ortaue pugna est,
 At veniat saltem fortis Telamonius Ajax,
 Atque bonus volucris Teucer pugnare sagitta. 420

Sic ait: at dictis paret Telamonius Ajax;
 Nec mora, Oiliden compellans, talia fatur:
 Ajax, heic stantes tuque, & fortis Lycomedes
 Hortari ad pugnam Danaos ne parcite: visam
 Ipse illuc, belloque occurrat; rursus eodem
 Huc referat, postquam socios praesente levaro
 Auxilio. haec effatus, abiit Telamonius heros.
 It comes huic Teucer germanus, cretus eodem
 Ille patre. hos sequitur Pandion, atque pharetram
 Fert Teucris flexosque manu, bonus armiger, arcus. 430

Jamque adeo fortis turrim advenere Menesthei,
 Septa inter muri gradientes tuta, labore
 Ingenti pressum nacti. nam, turbinis atri
 More, duces Lycii jam propugnacula in alta
 Scandebant nisu rapido: pugna aspera gliscit
 Jam propior; magnusque virum ferit aethera clamor.

Primus ibi ante omnes Ajax dejecit Epiclem
 Magnanimum, dii focium Sarpedonis, ingens
 Ille manu jaciens saxum; quod forte jacebat
 Murum intra juxta pinnae; quod tollere nemo 440
 Ambabus posset manibus vir, firma juvena
 Membra vigens valida, quali nunc corpore gignit

Terra

Terra viros: alto correptum ex aggere misit
 Ajax, & conis insignem quatuor ictu
 Infregit galeam, capitisque latentia subter
 Ossa, gravi: summa exanimis de turre per auras
 Decidit, ut celsa qui se de puppe natator
 Corpore subjectas inverso mittit in undas
 Ina petens. Glancum Hippolochi, dum fortis in altum
 Evadit murum, Teucer stridente sagitta 450
 Fixit, qua extremum vidit nudasse lacertum.
 Ille dolens, pugnae nec jam aptus, ab aggere furtim
 Descendit retro cedens, ne vulnus Achivum
 Forte videns aliquis verbis se jactet amaris.

Sarpedon Glauci digressu moestus, abire
 Ut sensit, pugnae tamen instat fervidus acri.
 Nec mora, Testoriden Alcmaona cuspide acuta
 Transadigit, ferrumque trahens eduxit: at hastam
 Ille sequens, prono collapsus corpore duram
 Planxit humum, circumque aera insonuere jacentem. 460
 Tunc ingens pinnam arripuit, validisque trahebat
 Ad sese manibus Sarpedon: tota secuta est
 Illa manus, magnoque ruens avulsa fragore,
 Amplum liquit iter, qua multi irrupere possent.
 Protinus huic magnusque Ajax, Teucerque furentes
 Adversi occurrunt. Teucer stridente sagitta
 Ingentis clypei lorum ferit ocyor ipsum
 Ad pectus: gnato sed fatum Juppiter altus
 Arcuit, ad puppes Danaum ne morte periret:
 Est Ajax clypeum assiliens percussit; & hasta 570
 Defixa est aere in medio, dirumque frementem
 Repulit. immani retro conterritus ictu

Cessit

Cessit enim paullum; muro nec fugit ab alto.
 Ille tamen, laudis speratae incensus amore;
 Versus & ad Lyciam clamavit talia pubem:

Quae mora nunc, Lycii? quid statis? promite vires,
 Atque animos. durum, quantumvis robore praestem,
 Est soli & murum rupisse, & longius altas
 Sternere iter Danaum ad puppes. incurrite fortes,
 Ite simul mecum. turba unum viribus anteit. 480

Talia Sarpedon; hi, regis iussa verentes,
 Incubuerunt omnes operi, densique feruntur.
 Stant Graeci contra obnixi, firmantque phalanges
 Murum intra; genti durus labor ortus utrique est.
 Nam neque vi Lycii fortes irrumperere murum,
 Atque viam ad Graecos tandem sibi pandere puppes;
 Martia nec Danaum pubes avertere muro,
 Ut semel institerunt, Lycios, ac pellere quibat:
 Ceu commune duo aggressi partier aruum
 Agricolae, inter se certant de finibus; ambo 490
 Mensuram & manibus gestantes, multa vicissim
 Jurgantur, parvi cui cedat limes agelli:
 Sic illi ad pinnas magno certamine pugnant
 Hinc, atque hinc, caeduntque boum praetenta virorum
 Tergora pectoribus, clypeos, parmasque moveri
 Alarum in speciem celeres; multique cadebant
 Saevis fixi hastis, & si quis verterat hosti
 Pulsus terga, locum & servans confossa per ipsum
 Maxima pars clypeum. turres pinnaeque maeabant
 Purpureo sparsae Danaum, Troumque cruore. 500
 Usque urgent Lycii; manet usque Argiva Juventus.
 Foemina ceu, tolerare colo tenuique Minerva

Vitam

Vitam sueta, duas aequato examine lances
 Attollit, pondusque & lanam pensitat aequans,
 Justa, suisque parans mercedem sedula gnatis
 Exiguam: sic pugna anceps pendebat utrinque
 Ante, decus magno quam Juppiter annuit ipse
 Priamidae; muri primus qui claustra refregit.
 Ille suos altum clamans hortarier infit:

Ite alacres; murum, Troes, perrumpite, Grajis 510
 Puppibus & rapidam certatim immittite flammam.

Sic ait, incendens animos ad fortia. late
 Audivere omnes clamorem, atque agmine denso
 Incurruntque acres, scanduntque ad culmina magno
 Celsa gradu, aeratas quatientes cominus hastas.
 Ipse autem ingenti dextra celer extulit alte
 Saxum ingens, imaque tumens in parte, superne
 Ac sese in conum tenuans, quod forte jacebat
 Haud longe a porta. non illud, fortia quamvis,
 Bina virum, quae nunc producit corpora tellus, 520
 Sublatum possent stridenti imponere plaustro;
 Solus at ille manu raptum torquebat: Olympi
 Nam leve tollenti regnator fecerat ipse.

Ac veluti caeso cum pastor ab ariete vellus
 Dereptum portatque manu, nec pondere ab ullo
 Urgetur: valvas contra sic ille ferebat
 Sublatum duras lapidem; quas, robore firmo
 Compactas, bifores, munibant objice vestes
 Transverso gemini, clavis jungebat & una.
 Ipsum inde ad limen veniens, stetit arduus; olli 530
 Et ne plaga foret forte irrita, cruraque late
 Diduxit, toto & connixus corpore, valvas


Tom. I.

V

Per-

Percussit medias. cardo est infractus uterque,
Turbine & immani missus lapis, incidit intro.
Argutum valvae crepuerunt, vectis & ictum
Haud tenuit geminus, sectoque e robore postes
Disilluere: atrae nocti par, turbidus Hector
Irruit. horrendum fulgebant aerea circum
Arma; duas manibus quassabat fervidus hastas.
Nec quisquam auderet, portae cum se intulit altae, 540
Obvius ire, deos praeter, nec sistere posset.
Acres igne micant oculi: tum versus ad agmen
Iliacum, clamaus hortatur scandere murum.
Nec mora festinant jussi. pars ardua septa
Transgreditur, portae pars magna infusa patenti
Irrumpit. Danaï trepida formidine curvas
Diffugiunt versi ad naves, & litora cursu
Prima petunt: magno miscentur castra tumultu.





H O M E R I

I L I A D O S.

LIBER TERTIUSDECIMUS.

Uppiter Argivis ut puppibus Hæctora, Troum
 Et pubem admovit, durum hos perferre laborem
 Aerumnamque illic sivit; longe ipse nitentes
 Inde oculos vertit Thracum ad Mavortia regna,
 Et Mysos, bello durum genus, Hippomolgos.
 Et tenui laetos victu, servantior aequi
 Nulla quibus gens est. Horum defixerat oris
 Lumina; nec Trojae campos, Phrygiumque tueri
 Litus erat jam cura: deum de gente putabat
 Nec quemquam auxilio venturum in praelia Grajis, 10
 Aut Teucris. Fratrem versum illuc ocyus alti
 Sensit Neptunus maris arbiter: ut procul acrem
 Spectabat pugnam, & certamina dura virorum
 Ille Sami tacitus residens in vertice summo
 Threiciae; unde omnis late simul Ida videri,
 Trojanaeque arces poterant, & classis Achaea.
 Illic nempe, mari digressus, rupe sedebat
 In celsa, Danaos miserans, quos Marte videbat
 Sub Phrygio domitos; fratrique iratus acerba
 Mente Jovi. aerii praeupto a vertice montis
 Ergo ruit gressum celerans. juga subter euntis
 Neptuni pedibus late montana tremebant,

V 2

Et

Et nemora, & silvae. ter gressum extendit; ad Aegas
 Pervenit gressu quarto; maris alta sub imo
 Tecta ubi sunt regi, laetum fulgentia puro
 Marmore, clara auro, nullis labentia seclis,
 Huc postquam venit genitor, mora nulla, volucres
 Sub juga cogit equos, aurato crine comantes,
 Aeripedes; fulvoque artus ipse induit auro.
 Deinde manu auratum cepit de more flagellum, 30
 Et currum inscendit, summas & laxa per undas
 Lora dedit. subter, circumque immania cete
 Exsultant, latebris egressa humentibus, alti
 Et regem agnoscunt pelagi: maris unda quieti 35
 Huc, atque huc, leni decedens murmure, pandit
 Laeta viam; subtus nec tingitur aereus axis.
 Sic investus equis ad naves ibat Achaeas.
 Est specus ampla mari in medio, qua clauditur alta
 Hinc Tenedo, hinc celsis praeruptae cautibus Imbri.
 Heic Neptunus equos tenuit, curruque solutis 40
 Ambrosium apposuit gramen; dehinc aurea vincla,
 Ullo quae solvi pacto, frangive nequirent,
 Aptavit pedibus; reducem post saeva manerent
 Praelia uti regem; pedes inde profectus Achaeas
 Qui venit celer ad naves, Argivaeque castra.

Heic Teucri, flammae similes, atraeque procellae,
 Hectora post magnum, densique, & Marte furentes
 Indomito, clamantque, ruuntque; & classe potiri
 Argiva sperant, Graiosque in litore, ad ipsas
 Compulsos puppes, certae demittere morti. 50

At, qui magnum ambit, quassatque tridentifer orbem,
 Neptunus, ponto egressus clamore ciebat

Graju-

Grajugenas. habitumque, & membra ingentia, vocemque
 Invisitam similis Calchanti: coepit & ambos
 Hortari Ajaces, verbisque incendere, fortes
 Sponte sua, & duro cupidos contendere Marte:

Magnanimi Ajaces, pugnae memor acris uterque,
 Immemor atque fugae, vos nunc servabitis uni
 Rem Danaum. Teucros, alibi densò agmine celsum
 Transgressòs murum, haud metuo; quos sistet Achivum 60
 Martia, credo equidem, pubes. heic funera, magnam
 Heic metuo cladem, flammae par efferus Hector
 Ducit ubi, fretus Jove, jactat quem sibi patrem.
 Atque utinam hanc aliquis praesenti numine mentem
 Nunc deus injiciat vobis, pugnare nec ipsos,
 Nec pavidum ut pigeat firmare ad praelia vulgus.
 Ille pedem, quamvis tumidusque furensque, referret,
 Ipse virum vel si rex incitet altus Olympi.

Haec fatus, scepro ingenti Neptunus utrumque
 Contigit, ac validum incussit per membra vigorem, 70
 Vimque levem subtus pedibus, manibusque superne.
 Ipse autem; ut liquidum celeri secat aera lapsu
 Accipiter, saxo cum se demisit ab alto,
 Ille sequens ima conspectam in valle volucrem:
 Sic celer hos, nisu fugiens pernice, reliquit.

Prinus Oilides cedentem agnovit, & ora
 In socium obvertit mirans; dehinc talia fatur:
 Ajax, nempe aliquis divum, alti cultor Olympi,
 Calchanti similis, jussit pugnare, tueri
 Et naves; nec erat Calchas, quem vidimus, augur. 80
 Crura, pedumque tuens vestigia namque notavi;
 Agnovique deum: pronum est agnoscere divos.

Praeterea pugnae miro mihi pectus amore
 Ardet, membra ciet subitus vigor, & mihi subtus
 Non cessant gestire pedes, palmaeque superne.
 Haec ille; haec alacer contra Telamonius Ajax:
 Et mihi saevae hastam circa gestire videntur
 Usque manus, pectusque viget, pedibusque repente
 Subulto ambobus, mensque intus flagrat amore
 Martis inexpletum, cupioque invadere pugnam 90
 Hectora Priamiden contra vel solus. uterque
 Talia jactabant, afflati numine, magnis
 Ardentes animis, laetique cupidine pugnae.
 Interea extremos in bella ciebat Achivos
 Neptunus, paullum ad naves qui corda levabant
 Aegra brevi requie, fracti defessa labore
 Membra gravi, dejecti animos moerore, tuentur
 Dum Teucros murum transgressos agmine magno
 Ingentem. Hos moesti spectabant, oraque oborto
 Humebant fletu miseris; nec posse putabant 100
 Exitium extremum, tristisque evadere Parcas.
 Cum subito praefens Neptunus in arma phalanges
 Incendit, Teucrumque, & Leiton impulit hortans,
 Peneleumque heroa Thoantaque, Deipyrumque,
 Antilochumque, & Merionen, Mavortia corda.
 Hos prope stans coepitque hortari, ac talia fatur:
 Non pudet, o juvenes primaevi, robora pubis
 Argivae! vestra fretus virtute putavi,
 Nostras posse mala servari a peste carinas.
 Vos quoque si duri est pertaesum denique belli, 110
 Si vires languent ad praelia, Marte supremum
 Iliaco domitos lux haec spectabit Achivos.

Pro superi! hoc potui sperare; hoc ipse videre
 Monstrum oculis? Grajas Trojanam accedere pubem
 Ad naves; cervis quae visa fugacibus ante
 Est similis, quos per silvas saltusque luporum
 Acre genus, pardique, ac thoes perdere nunquam
 Cessant, discerpuntque avido male dente, vagosque,
 Imbellesque animi, nec saeva ad praelia natos.
 Sic Grajum quondam Troes roburque, manusque 120
 Vitabant, non unquam ausi consistere contra
 Vel paullum. patriis nunc longe a moenibus ipsas
 Pugnant ad naves, vitio regisque superbi,
 Et male cessantum populorum scilicet, olli
 Qui certant animis discordibus; arma nec arcent
 Puppibus, atque sibi clademque & funera, lenti.
 Sed licet ex merito late regnans Agamemnon
 Culpetur, fortem quod laesit iniquus Achillem;
 Non tamen idcirco cessare, ac parcere pugnae
 Nos decet; at farcire malum, & quacunque mederi. 130
 Quippe etenim pronum est mentes sanare bonorum.
 Hoc certe vobis, qui forti pectore cunctos
 Vincitis in Danaïs, nunc turpe, remittere pugnam.
 Haud equidem objurgem, si quis malus obviis hosti
 Ire neget: tales languenti corde federe
 Irascor, doleoque. o molles, jam feret istaec
 Vestra quies aliquid gravius, penitusque supremo
 Rem Danaum dabit exitio. nunc este pudoris,
 Nunc probri memores. ingens nunc omnibus ortum
 Certamen. pugnat namque efferus Hector Achivas 140
 Ad naves, portasque & longa repagula fregit.
 Sic hortans pugnae mentem succendit amore:

Ajaces circa multa se pube phalanges
 Denstabant; quas nec Mavors contemnere posset
 Adveniens, nec, faeva ciet quae praelia, Pallas.
 Stabant, flos juvenum, ac Troas, diumque manebant
 Hectora, septi armis; hastasque, & scuta vicissim
 Arctarant. clypei clypeis, galeaeque micantes
 Confertim haerebant galeis, densusque viro vir:
 In conis & pulchra comantes mutua sese 150
 Tangēbant, moto nutantes vertice, cristae;
 Horrebant hastae ingentes, validisque coruscant
 Quassatae manibus jactabant cuspide lucem.
 Dira fremunt, rectaque parant invadere pugnam.
 Ante sed incurrunt densi magno agmine Troes;
 Quos praeit exsultans animis ingentibus Hector.
 Mole lapis veluti magna, magnoque futurus
 Exitio, celsa quem torrens rupe solutum,
 Impulit in praeceps montano a vertice, lapsu
 Horrendo volvit per prona & confraga sese, 160
 Exsultatque solo volucer; subterque fragorem
 Dant silvae: ille ruens immani turbine fertur;
 Planitiem donec nactus, defigitur arvo
 Improbus in molli, nec se rotat incitus ultra:
 Ad mare sic, puppesque Hector, tentoria & alta,
 Spe tumidus, minitans & fata extrema, ruebat;
 Verum, ubi ad obstantes condensa pube phalanges
 Perventum, ille quidem voluit se immittere gressu
 Audaci applicitus; Graji sed cōminus aere
 Ancipiti, longisque hastis, strictisque furentem 170
 Ensibus adversi pepulcrunt: Ille retrorsum
 Abstitit; ac, Teucros inclamans, talia fatur:
 O Troes,

O Troes, Lyciique, & pubes Dardana, eodem
 State gradu. haud longum quibit me Graja morari
 Pubes, illa licet magno fese agmine contra
 Denſarit; ſed pulſa mea jam cedit ab haſta,
 Ut reor; ipſe ſuo ſi me regnator Olympi
 Impulit altitonans haec laetum ad praelia juffu.

Sic juvenum clamans incendit corda furore.

Quos inter princeps, fretus virtute, ferebat 180
 Deiphobus ſe Priamides, ibatque rotundo,
 Ingrediens leviter, clypeo protectus: at haſtam
 Meriones contra intorſit, taurinaque certo
 Fixit terga iſtu, ſed non & tranſiit; haſta
 Longa etenim prius eſt extremo in robore fracta.
 Deiphobus clypeum reſonantem a pectore longe
 Amovit, metuens telum, quod miſerat heros
 Meriones belli doctus: citus ille reſeſſit,
 Mixtus & eſt ſocium turbae; doluitque nec hoſtem
 Perdomitum, fractumque, amiſſa cuspide, telum. 190
 Ergo abiit praeter naves, tentoria curſu
 Nota petens, illinc aliam ut depromeret haſtam.
 Interea pugnantque alii, immenſuſque virorum
 It clamor caelo. Magnò Telamone creatus
 Primus ibi Teucer leto dedit Imbrion, armis
 Egregium genuit Mentor quem dives equorum.
 Pedaeum hic coluit prius; oras claſſis Achaea
 Quam peteret Phrygias, thalamo & ſociatus habebat
 Stirpe notham Priami de clara, Medeaſthen.
 At, poſtquam Grajae Trojana ad litora puppes 200
 Advenere, celer petiit Priameia ruſus
 Moenia, Trojugenaſque inter praeftabat honore,

Re-

Regali exceptus tecto regalibus una
 Cum gnatis, Priamo regi dilectus & aequae.
 Hunc Telamoniades ipsam percussit ad aurem;
 Extraxitque hastam de vulnere: concidit ille,
 Alta' velut celsi confurgens vertice montis
 Fraxinus aerata quondam succisa bipenni
 Concidit, ac ramos terrae prolapsa virentes
 Admovet. haud aliter procero corpore terram. 210
 Planxit; & ingentem sonitum circum arma dedere.
 Accurrit cupiens Teucer spoliare jacentem.
 Hector, ubi vidit venientem, turbidus hastam
 Fulgentem intorsit: telum sed vidit, & ictum
 Vitavit, paullum deflexo corpore, Teucer: •
 Hasta, volans praeter, prolem defigitur ergo
 In Cteati Aetoridae, Amphimachum; transverberat ingens
 Et pectus contra venienti ac tela ferenti.
 Concidit; arma super magno intonuere fragore.
 Amphimachi galeam, quae tempora flava tegebat, 220
 Detrahat ut capiti, stratum super advolat Hector.
 Quem, celeri fertur dum cursu concitus, Ajax
 Vibranti appetiit procul hasta; attingere corpus
 Nec tamen evaluit; claro nam tectus ab aere
 Totus erat: scuti umbonem percussit, & ictu
 Repulit horrendo: citus ille cadaver utrumque
 Absistens liquit; Graji quae protinus ad se
 Traxere. Amphimacum Stichius, fortisque Menestheus,
 Cecropidum primi, Grajorum in castra tulere:
 Imbrium at Ajaces, belli duo fulmina. capram 230
 Ut gemini, raptam canibus, per densa leones
 Lustra ferunt nemorum, malisque immanibus, alte
 Elatam

Elatam a terra, portant: sic Imbrion ambo
 Sublinem Ajaces simul a tellure tenebant,
 Nudabantque armis. caput a cervice recidit
 Saevus Oilides, ob caesum percitus ira
 Amphimachum, atque rotans Trojanum jecit in agmen.
 Hectoris ante pedes jacuit quod pulvere in atro.

Tunc & Neptunus tristes exarsit in iras
 Ob carum indigna prostratum morte nepotem. 240
 Ergo, rates praeter gradiens celer, ocyus ibat
 Hortari Danaos, moliri & funera Teucris.
 Idomeneus, hasta clarus bellator, eunti
 Occurrit rediens a caro forte sodali,
 Quem, faevo laesum ferro sub poplite, pugna
 Extulerant focii. Idomeneus, mandata medenti
 Ut dedit, egressus tentoria celsa, redibat
 Caedis adhuc pugnaeque avidus. rector maris alti,
 Obvius huic, infit paucis: (vocem ille Thoanti,
 Et vultum similis; qui, claro Andraemone cretus, 250
 Pleurone in tota, celsa & Calydone regebat
 Aetolum populos, multo diis equus honore)

Idomeneu, Cretum rex inclyte, nunc ubi Grajum
 Virtus, atque minae tot, quas jactare solebant?

Idomeneus contra gemitu cui talia reddit:
 Magne Thoa, nemo, fallunt ni me omnia, nunc vir
 Culpari dignus. scimus tractare cruentum
 Omnes Martis opus; nulli tremefacta pavore
 Torpent corda, piger nec fegni pectore quisquam
 Devitat pugnam: Saturnius at, reor, ille, 260
 Vertit cuncta suo qui nutu, Juppiter Argo
 Vult procul, indecori perdi omnes funere Achivos.

Verum

Verum age, tu, belloque bonus, fuetusque, remissum
Siquem forte alium videas, hortarier; & nunc
Ne cessa pugnare, hortari & quemque virorum.

At rector maris: Idomeneu, ne Troica linquat
Arva utinam, redeatque domum; sed stratus ab hoste
Ludibrium heic jaceat canibus, quicumque, remissa
Pugna, hodie, ac positis lentus cessaverit armis.
Huc ades ergo, humeris loricam indutus ahenam. 270
Haec opus est una curemus, si quid Achivam
Vel duo rem pariter possimus forte juvare,
Saepe etiam imbelles, collato robore in unum,
Profuerunt. quid nos, haud tantum caedere ferro
Vulgus iners, primis fueti at pugnare virorum?

Haec fatus, rediit rursus deus, aspera pugna
Gliscit ubi. Idomeneus postquam in tentoria venit,
Fortibus arma humeris circumdat, binaque dextra
Corripit aerata fulgentia cuspide tela.
Tum celer ad pugnam graditur; ceu fulgur, Olympo 280
Quod pater ipse manu vibrans demittit ab alto,
Juppiter, ostentum mortalibus, undique clarum
Diffundit jubar, & multo fulgore coruscat:
Sic heros in bella ruens fulgebat, & arma
Horrendam circum jactabant aerea lucem.
Ecce autem, egresso vix dum sua septa, minister
Meriones, bello clarus, sese obtulit ipsas
Ante fores, veniens hastam sibi sumere; visum
Idomeneus quem sic verbis compellat amicis:

Velox Merione, ante omnes mihi care sodales, 290
Clara Moli soboles, nam cur huc; praelia linquens,
Venisti? nam vulnus habes, atque intus adacta

Affli-

Affligit laesum cuspis? mihi nuncius illinc
 Anne venis? qui jam festino; deses inert
 Nec requies, at pugna placet, Martisque labores.

Ille refert: Cretum Idomeneu rex inclyte, siqua
 Hasta tibi superest intra tentoria, veni
 Sumpturus; nam, qua pugnabam fretus; in aereo
 Deiphobi clypeo fracta est immane furentis.

Idomeneus contra fatur cui talia: Et unam, 300
 Et tibi vicenas, si fert ita corde voluntas,
 Invenies intus; stant omnes pariete claro
 Adnixae; quas tot caesis ego victor ademi:
 Trojugenis: nec enim pugno, reor, eminus hosti
 Bella gerens. multae idcirco mihi scilicet hastae,
 Et galeae, clypeique aerato umbone tumentes,
 Loricaeque graves, horrenda & luce coruscae.

Tum sic Meriones, prudenti mente, vicissim:
 Et mihi Trojugenum exuvias tentoria servant
 Omne genus: sed longe absunt, ne sumere possim. 310
 Nec mihi enim languet vis lento in pectore: primos
 Inter at Argivum sto, cum certamina belli
 Dura vocant. alium; pugno dum strenuus hosti,
 Fors aliquem lateo; tu certe noscis, opinor.

Novi, ait Idomeneus, novi o fortissime, quinam
 Sis. quid opus gnaro te nunc mihi dicere quidquam
 Istorum? insidiis non si nunc forte locandis
 Eximii tota Grajorum in classe legamur;
 Insidiis, virtus ubi se dat clara videndam
 Praecipue; atque patet, quis forti pectore sit vir, 320
 Quis contra ignavo (ignavis namque errat in ore
 Incertus color, atque animus praecordia subter

Stare

Stare negat, placide ut fideant; sed genuaque flectunt.
 Alternantque pedes; nigraque in imagine mortis
 Defixis corda usque micant, dentesque tremore
 Dant sonitum. forti contra manet unus in ore
 Usque color; nec mens trepidat, postquam semel audax
 Infeditque locum, fraudesque ac furta paravit,
 Sed conferre manum, pugna & decernere gestit
 Ocyus.) haud quisquam vel tum reprehendere possit 330
 Vimque manusque tuas; nec, te inter praelia si quis
 Eminus invadat ferro, vel cominus hostis,
 Cervicem averso vel tergum fixerit, ultro
 Sed primos inter vadenti, pectora, ventrem
 Vel medium. sed ne puerorum haec irrita more
 Jactemus frustra stantes, quae audita superbus
 Forte aliquis risu, vel justa exceperit ira.
 I citus ergo, hastamque intra tentoria fume.

Sic ait: ille gradum celerat festinus, & hastam
 Corripit aerata fulgentem cuspide, pugnae 340
 Atque avidus graditur regi comes acer in hostem.
 Sanguineus veluti Mavors in praelia, caedem
 Et ruit in mediam; dulcis cui filius una
 It lateri affixus Terror validusque, pericli
 Nec metuens, trepido bellantum & corda pavore,
 Quamvis firma, tamen quatiens. a finibus illi
 Threiciis Ephyros contra, Phlegyasque feruntur
 Magnanimos; nec voto aequi precibusque moventur
 Amborum, alterutris dant fuso at sanguine laudem:
 Sic duo Grajugenum ductores torva petebant 350
 Praelia fidentesque animis, atque aere corusci.

Meriones prior haec: Qua Throum invadere densam,
 Deu-

Deucalide, nunc vis aciem? dextrane feremur?
 An magis in medios? an laeva? nam, reor, illic
 Praecipue auxilium res poscit, parte nec ulla
 Est opus aequae armis, multo & certamine Achivis.

Tum sic Idomeneus: Medias defendere puppes
 Qui valeant, alii haud defunt; duo fulmina belli
 Ajaces, Teucerque arcu voluerique sagitta
 Optimus ante omnes bellator; nec malus idem 360
 Stare loco, & gravibus Martem exercere sub armis.
 Hi longa explebunt pugna saevumque furentemque
 Hectora: nec validum, quantumvis fortis & audax,
 Obstantum pariter quibit pervincere robur
 Indomitasque manus, ignemque inferre carinis;
 Ni gravis ipse manu torrem Saturnius altas
 Torqueat in puppes jaculans. haud cessërit unquam
 Ingens quippe viro cuiquam Telamonius Ajax,
 Constet mortali qui corpore, frugibus almae
 Et Cereris vesci fuerit, quem laedere possint 370
 Aera intorta manu valida, vastique molares:
 Ipsi nec pugnans stabili pede cedat Achilli;
 Cui rapido haud quaquam potis est contendere cursu.
 Ergo, age, sic pariter laevum pergamus in agmen,
 Aut aliquis nobis decus ut ferat, aut alicui nos.

Sic ait: at rapido Marti par incipit ille
 Ocyus ire virum in turbam, quo jussërat heros
 Idomeneus. Troes postquam videre coruscae
 Assimilem flammae regem, regisque ministrum
 Merionen pulchris ambos procedere in armis, 380
 Inter se hortati, concurrunt, agmine magno,
 Ac sese affundunt circum; juxtaque carinas

Orta

Orta recens magno fervet certamine pugna.
Ut rapidas vesana crient cum flabra procellas,
Tempore quo late campique, & strata viarum
Arescunt, spissoque horrent sub pulvere; vento
Se glomerat subito commotae nimbus arenae:
Sic illi densantque acies, & cominus ardent
Se ferro adversi per turbam figere acuto.
Effera protentis pugna late horruit hastis; 390
Quas manibus validis, praelongas, membra secantes,
Quassabant. oculos praestringit fulgor ahenus,
Quem jactant leves galeae, exterisque recenter
Thoraces, clypeique ardentes, agmine denso
Mutua se urgentis turbae, dirumque furentis.
Certe audax, durusque animi foret ille, tueri
Horrendam rerum faciem, immensumque laborem
Qui posset, laetus spectaculo, experire doloris.
Discordes divi, Saturno cretus uterque,
Fortis uterque, viris clademque, & fata struebant. 400
Juppiter Iliacas acies, diumque juvabat
Hectora, Peliden cupiens extollere laude
Ingenti, atque Thetin decorans: (nec perdere Achivam
Ille tamen gentem in Phrygiis decreverat oris)
Neptunus Grajos praesens in bella ciebat
Egressus furtim cani maris aequora; pubem
Namque premi Argivam Phrygia sub gente dolebat,
Inque Jovem indignans immani exarserat ira.
Unum quippe genus, patria una ambobus: at ortus
Juppiter in lucem prior est, ac grandior aevo 410
Norat plura. palam quo circa ferre cavebat
Auxilium Danaïs Neptunus, clam modo turbam,

Ille

Ille viro similis mortali, se dabat usque
 In mediam, vario incendens hortamine corda.
 Sic gravis hi belli, pugnaeque immanis utrinque
 Implicuere ambos, discordi numine, vinclo,
 Ulla dissolvi quod vi, frangive nequiret;
 Unde solum genibus multi planxere solutis.
 Heic, quamquam canis sparsus jam tempora, Grajos
 Hortatus, Troumque invasit turbidus agmen, 420
 Injecitque fugam Idomeneus formidine captis.
 Namque Cabesaeum leto dedit Othryonea.
 Excitus belli fama se nuper ad urbem
 Iliacam hic tulerat, Cassandrae incensus amore,
 Omnes quae Priami gnatas pulcherrima regis
 Vincebat longe forma; quam dote sine ulla
 Poscebat, spondens opus ingens, litore abactos
 Dardanio egregius bellator pellere Achivos.
 Ergo viro Priamus tanta mercede puellae
 Regalem annuerat thalamum, confusus at ille 430
 Pollicito ingenti, praeceptis in bella ruebat.
 Huic procul intorquet Cretum rex inclytus hastam,
 Dum contra tumidus fert se, gressuque superbo
 Incedit; thorax nec ferrum sistere ahenus
 Evaluit; medium fulgens defigitur alte
 Cuspis at in ventrem: magno ruit ille fragore
 Stratus humi. Idomeneus dictis cui fatur acerbis
 Irridens: Omnes magna mihi laude ferere,
 Othryoneu, supra mortales, si modo praestes
 Re, quod pollicitus Priamo es; qui jure spondidit 440
 Regalis thalamum tibi gnatae scilicet. ultro
 Nos etiam aequa sumus large spondere parati.

Natarum Atridae quae formosissima regis,
 Hanc, tibi uti nubat, patriis ducemus ab Argis;
 Nobiscum Iliacam si bello everteris urbem.
 Verum age, me sequere ad naves, de conjugē, deque
 Dote illic inter Grajos acturus: opimam
 Invenies foceros dotem praebere paratos.

Sic ait; atque pede arreptum per tela trahebat
 Perque viros. vindex cui protinus Asius audax 450
 Adfuit, ille pedes gradiens, quem pone secutus
 Auriga, afflantes tergum prope semper habebat
 Alipedes. Cretum ductorem figere acuto
 Asius optabat ferro; percussit adacta
 Sed prior Idomeneus hunc hasta, rupit & alto
 Vulnere sub mento jugulum: collapsus at ille
 Concidit, ut quondam vel quercus celsa, vel alta
 Populus, aërio vel surgens vertice pinus,
 Quam, casus videant lignum ut navale marinos,
 Aggressi ferro certatim, in montibus altis 460
 Ingentem valida fabri stravere bipenni.
 Sic currum hic propter stratus, bijugosque jacebat,
 Dentibus infrendens ac pressans arva cruore
 Foeda suo. domini leto conterritus amens
 Auriga obriguit; nec retro vertere currum,
 Nec vitare hostes audebat. Martius hasta
 Quem medium Antilochus transverberat; arcuit aere
 Nec rigido vulnus thorax; at, cuspidē ventrem
 Saucius, e curru moribundus decedit alto.
 Acer equos Teucrum e turba, mora nulla, frementes 470
 Nestorides vertens, in densos egit Achivos.
 Asion ob caesum doluitque, ac Idomeneae

Deiphobus contra procurrat; proximus hastam
 Torfit & ingentem fulgenti cuspide: telum
 Ille immane volans viditque, &, corpore flexo,
 Exiit, occultans clypei sese orbe sub amplo,
 Quod, testumque boum tergis, teretique coruscum
 Aere, aptum & duplici loro, de more gerebat.
 Hunc subter sese collegit: concita supra
 Longe abiit vacuas alio delata per auras, 480
 Tranque volans, clypeum & stringens, dedit hasta sonorem.
 Nec valido incassum fugit tamen acta lacerto;
 Hippasiden regno sed clarum Hypsenora in imum
 Saeva jecur fixit, subter praecordia, leto
 Et stravit. quem Deiphobus premere arva peremptum
 Ut vidit, laeto has effudit pectore vocas:
 Ultus habet poenas en Asius; imaque duri
 Tecta petens Orci portasque & ferrea claustra,
 Gaudet multa, reor, comitem quod munere nactus
 Ille meo est, nigras pariter qui tendat ad umbras. 490

Haec ait. Argivi dictis doluere superbis,
 Praecipue Antilochus luctu est confusus acerbo:
 Non tamen extinctum neglexit moestus amicum,
 Sed cursans circum clypei tellure jacentem
 Objectu ingentis texit; quem deinde sodales
 Mecistheus Echii proles, & fortis Alastor
 Subductum extulerunt manibus, curvasque ferebant
 Exanimem ad naves moestique, & multa gementes.
 Acer at interea Idomeneus haud secius acri
 Instabat pugnae, cupiens vel mergere caeca 500
 Nocte aliquem Troum, vel, caris arcet Achivis
 Dum pestem, ipse cadens extremae occumbere morti.

Tunc Aesyetae claro de sanguine cretum
 Heroa Alcathoum, qui Dardanii Anchisae
 Natarum primam sibi duxerat Hippodamiam,
 Quam pater eximio & mater dilexit amore
 Cum patrias coleret sedes, aequalibus una
 Quod cunctis forma insigni praeftabat, & omni
 Docta opere, atque animi solerte mente. puellam
 Ergo sibi thalami sociarat foedere nulla 510
 Inter Trojugenas ulli vir laude secundus.
 Hunc dedit Idomeneo forti maris arbiter alti
 Maestandum, ipse oculos mulcens, formosaeque membra
 Praepediens. nec jam poterat gressumve referre,
 Aut vitare hostem: sed, qualis saxea pila
 Stat, vel celsa arbor frondoso vertice, stantem,
 Immotoque artus torpentem corpore, pectus
 In medium valida Cretum rex perculit hasta,
 Loricaeque gravis perrupit ahenea texta;
 Fida prius juveni quae mortem arcere solebat, 520
 Tum raucum insonuit ferro diffissa fragorem
 Ille dedit terrae afflictus, defixaque cordi
 Hasta imo, cor dum trepidat, simul illa tremebat.
 Robur ibi Mavors, anima fugiente, remisit.
 Idomeneus magnum clamavit laetus, amaris
 Deiphobum & verbis irridens, talia fatur:

Deiphobe, an videor sat reddere digna, peremptum
 Contra unum qui tres dederim? jactator inepte,
 Huc ades, atque manum confer, consistere coram
 Nec pigeat. nosces qualis Jove cretus ab alto 530
 Huc veni. magnum Cretae Minoa potentis
 Rectorem genuit nam Juppiter; edidit ille

Lau-

Laudibus eximiiis florentem Deucalionem,
 Amplae Deucalion me Cretae regna tenentem,
 Multa virum parent cui milia, quemque carinae
 Huc vexere tibi, patrique, aliisque futurum
 Trojugenum exitio. Idomeneus haec fatur; at anceps
 Deiphobus pendensque animi versabat, in agmen
 Iliacum cedens retro sibi quaereret omni
 Unum aliquem e numero comitem, discrimen adiret 540
 An solus. potior visa haec sententia menti est,
 Iret ut Aeneam ad magnum; qui, praellia vitans,
 Agmine in extremo stabat, bellator iniqua
 Mente ferens, quod Marte bonum, primisque virorum
 Certantem, Priamus nullo accipiebat honore.
 Hunc adit, atque citus verbis compellat amicis:

Magnanime Aenea, Teucrum fortissime ductor,
 Nunc fer opem, caraeque viro succurre fororis
 Exanimi, affinis mentem si cura remordet
 Ulla tui. citus huc sequere: Alcathoo simul ambo 550
 Forti ut opem, Grajis ne cedat praeda, feramus:
 Alcathoo, patria qui te nutrit in aede
 Infantem educens puerum; quem jam inclytus hasta
 Idomeneus dulci spoliavit lumine vitae.

Sic ait, incenditque animum. ruit incitus ergo
 Idomeneum contra, flagratque cupidine pugnae.

At non Idomeneus visu est contreritus; usquam
 Nec fugit, mollis veluti puer; acer ibidem
 Sed mansit. ceu torvus aper vi fretus in altis
 Montibus, opperiens turbamque, infestaque tela 560
 Venantum, solo in saltu stat; terga superne
 Horrescunt fetis; ardentes igne corusco

Horrendum micuere oculi; frendetque, recurvos
 Et dentes acuit, turmas arcere paratus
 Atque canum, atque virum: sic heros Lyctius, usquam
 Ille pedem haud referens, visum imperterritus, audax
 Aeneam, adversa venientem e parte, manebat;
 Voce tamen socios inclamans; oraque ad acrem
 Ascalaphum obvertens, Aphareaque, Deipyrumque,
 Antilochumque, & Merionen, Mavortia doctos 570
 Praelia. quos hortans, haec fudit pectore dicta:

Huc agite, o focii; solum ne linquite. contra
 Qui venit, Aenean metuo: mihi turbidus ecce
 Ingruit, ille viros turbare ac caedere fortis,
 Atque vicens validae primaevo in flore juventae,
 Qua vis nulla homini major. quod bella gerenti
 Si mihi nunc eadem foret aetas; atque maneret,
 Qui nunc est, animus; pugnarem cominus ultro;
 Illo & clarus ego, vel me foret ille perempto.

Sic ait: hi laeta concordēs mente sodali 580
 Assistunt, humerisque inclinant scuta frequentes,
 At contra Aeneas socios hortatur, & ipse,
 Deiphobumque, Parinque acuens, & Agenora dium,
 Dardaniae gentis ductores, pone secuta est
 Densa cohors numero ingenti; praeit ipse. liquentem
 Ut praeit ad fontem primo cum vespere pastas
 Magnus oves aries, cunctae post terga sequuntur
 Condensae; pulcent pastori gaudia pectus:
 Sic tacita Aeneas gaudebat mente sequentem
 Ire ubi conspexit post se magno agmine turbam. 590
 Alcathoo super adversis utrinque ruebant
 Illi hastis, densique instabant cominus. aera

Pulsa

Pulsa sonant flictu assiduo praecordia circum
 Se ferro ancipiti per turbam alterna petentum.
 Praecipue gemini ductores, Martia corda,
 Idomeneus hinc, hinc Aeneas, armipotenti
 Aequus uterque deo, magno certamine corpus
 Alter in alterius cupiebat condere ferrum.
 Aeneas telum primus contorsit; at ictum
 Praevidit vigil Idomeneus, & corpore paullum 600
 Inflexo evasit: vibranti cuspide terrae,
 Missa manu valida nequidquam, figitur hasta.
 Idomeneus ventrem in medium percussit acuto
 Oenomaum ferro, duroque obstantia septo
 Aera cavi rupit thoracis, & ilia subter
 Ima hausit: jacuit collapsus pulvere in atro.
 Idomeneus alto defixum in vulnere telum
 Vi traxit rapiens: at non & pulchra jacentis
 Detrahare arma humeris potuit, sic undique telis
 Obruitur, non ille pedes, & fortia, ut olim, 610
 Crura levis volucremve sequi, quam miserat ipse,
 Vel vitare, hostis quam contra intorserat, hastam.
 Ergo locum stabili servabat Marte, cruentam
 Usque sibi mortem propulsans, lentus at idem
 Retro ferre pedem, praesensque exire periculum.
 Hunc contra, tardis dum cedit passibus, hastam,
 Usque viro infestus, fulgenti cuspide misit
 Deiphobus. frustrata manum fugit hasta per auras
 Versa alio, inque humerum subiens defigitur alte
 Martigenae Ascalapho: magno petit ille cruentam 620
 Corpore pronus humum; sonitum super arma dedere.
 Necdum etiam horrendus stratam sibi vulnere prolem

Audierat Mavors, patrii sed vertice Olympi
Auratas inter nubes regione sedebat
In summa, bello secretus; cetera ut omnis
Divum turba Jovi parens abstabat ab armis.
Densi ergo Troes, densique in bella ruebant
Afcaphum circa Danai. super infilit acer
Deiphobus, galeamque rapit fulvo aere micantem.
Armipotens cui Meriones, mora nulla, corusco 630
Affiliens ulnam telo ferit: excidit olli
Pulchra manu, atque solo sonitum dedit aerea cassis.
Meriones, vultur ceu dirus, provolat, hastam
Haerentem & recipit, sociumque recedit in agmen.
Deiphobum at, manibus medium complexus, ab armis,
Pugnantumque virum turba, strepituque Polites
Eripuit frater; seorsum & post praelia densa
Duxit, ubi currusque illi, fidusque manebat
Auriga, & bijugi celeres. hi multa gementem,
Aegrum animi, languentem artus, ad nota vehebant 640
Tecta: recens fixa manabat sanguis ab ulna.
Nec minus interea focii certamine magno
Martem exercebant. clamor magis & magis usque
Ardet inextinctus. longa tum fervidus hasta
Aeneas Apharea Caletoriden ferit; aere
Adversi & jugulum faevo pertundit: at olli
Inflexumque humero jacuit caput, & galea alta,
Et fulgens clypeus, magna una est mole secutus
Ad terram: atra viro densa nox ingruit umbra.
Antilochus trepidum, vertit dum terga, Thoona 650
Observans, telo assequitur, venamque, per omne
Quae dorsum currens cervicem irrepit in altam,
Absci-

Abscidit sectam penitus: nigram ille supinus
 Planxit humum, passas extrema in morte sodales
 Ad caros tendens palmas: super insilit acer
 Antilochus; jamque arma humeris apprensâ trahebat;
 Huc atque huc volvens oculos celer. undique Troes
 Condensi clypeum ingentem, varioque metalli
 Pictum opere, usque hastis pulsabant: nec tamen aere
 Saevo ipsum poterat quisquam perstringere corpus. 660
 Nam proli deus ipse tridentifer usque periculum
 Nestoreae praesens arcebat, densa micarent
 Arma licet circum; nec enim bellator ab hoste
 Usquam abscedebat, turba sed fortis in ipsa
 Versabat sese, nec longa immota manebat
 Hasta unquam in manibus, ferro at crispante coruscant
 Jactabat lucem, juvenis dum mente volutat
 Troum aliquem aut longe jaculari, aut sternere leto
 Cominus. haec versans haud ille Adamanta fefellit
 Axiaden. subito adveniens percussit acuto 670
 Hic medium ferro clypeum: Neptunus at, arcens
 Triste viro exitium, telo vim protinus omnem
 Abstulit. Antilochi pars scuto infixâ, praeusta
 More sudis, mansit, pars subter lapsa jacebat
 Ante pedes. Adamas socium tremefactus in agmen
 Cedebat mortem vitans; fulgente secutus
 Meriones hasta cedentem fixit in imo
 Ventre, via est leto qua proxima. concidit hastam
 Ille sequens, vastoque afflictus corpore terrae
 Semianimis sese contorquet. qualis in alto 680
 Monte olim taurus, vinculis quem fortia colla
 Ducunt implicitum, luctantem & multa, bubulci:
 Talis

Talis tunc Adamas, immani vulnere ventrem
 Saucius, hac fese moribundo corpore & illac,
 Ilia singultu quatiens, versabat, adactum
 Meriones donec veniens telum abstulit, ad se
 Vi retrahens: nigrae illi oculos pressere tenebrae.
 Deipyrum ferit: heic Helenus malam super ense
 Threicio, ingenti, galeamque excussit ab alto
 Vertice: lapsa solo insonuit, longeque volutam 690
 Ante pedes Grajus sibi miles sustulit; atra
 Deipyrum densa nox at caligine texit.
 Indoluit cari leto Menelaus amici,
 Nec mora, progreditur contra, torvusque minatur
 Multa Heleno, dextraque hastam quatit: ille sed arcum
 Corripuit: cupidique ardent, hic sternere longa
 Pinu Helenum, hic certo Menelaum figere ab arcu.
 Priamides misit nervo stridente sagittam.
 Illa cavum ad pectus pepulit thoraca, resultans
 Inde abiit delata alio, velut ampla per aestum 700
 Area sive fabae, nigri seu trivit acervos
 Cum ciceris, filiqua foetus arente soluti
 Abfiliunt vanno a celeri; impulsuque vigentis
 Agricola, ac Zephyro subsultat flante legumen:
 Sic, ubi thoracem clari tetigit Menelai,
 Retro pulsa viam flexit, fugitque sagitta.
 Hasta sed Atridae veniens perfodit acuto
 Aere manum, qua Priamides appenderat arcum,
 Perque manum est arcu pariter defixa: recessit
 Ille agmen citus in socium crudelia vitans 710
 Fata; manu & telum suspensa immane trahebat.
 Huic hastam subito accurrens eduxit Agenor

Magna-

Magnanimus; vulnus dehinc lana involvit ovilla,
 Ac tereti adstrinxit funda, quam forte gerebat
 Assistens regi famulus. Pisander Atriden
 Interea contra graditur, quem Parca cruentae
 Ad mortis finem ducebat, Marte domandum,
 O Menelae, tuo durae in certamine pugnae.
 Hi postquam adversi propius venere, lacerto
 Quam valido intorsit Menelaus, devia longe 720
 Flexit iter fugiens, ictum nec pertulit hasta:
 Pisander clypeum clari pepulit Menelai;
 Sed non & penitus valuit demergere ferrum:
 Aereus umbo etenim tenuit, praefractaque prima est
 Pars hastae: ille tamen gaudebat, jam sibi laudem
 Victori sperans. vagina diripit ensen
 Argenti clarum bullis Menelaus, & hostem
 Aggreditur: citus aeratam rapit ille bipennem
 Sub clypeo, mediam levato aptarat olivo
 Quam faber. ambo una plagam inflixere furentes. 730
 Hic galeae conum percussit pulchra comantis
 Ipsam sub cristam, nutantem in vertice summo:
 Extremam ad nares frontem hic ferit; ossa sub ense
 Argutum crepuere; cruenti pulvere in atro
 Ante pedes oculi jacuerunt, nec mora, totus
 Curvato ad terram defluxit corpore pectus
 Cui medium pressit Menelaus calce, jacentis
 Arma legens humeris abrepta ingentibus; altum
 Et clamans, laeto haec effudit pectore dicta:
 Sic erit ut naves tandem linquatis Achaeas, 740
 O tumidi, o nunquam satiati Marte cruento
 Trojugenae, o noxae foedique haud indiga pubes
 Flagi-

Flagitii, quo me violastis, turba pudoris
Nescia, nec veriti, hospitii qui fulmine sancit
Jura, Jovem. iratus vobis qui mœnia Trojae
Versa solo dabit altitonans, quod conjuge, quod me
Divitiis ultro infontem spoliastis avitis,
Urbe, domo excepti, atque epulis socialibus. idem
Nunc inferre ignem classi, curvasque paratis
Ad puppes mactare ducesque, & vulgus Achivum. 750
Ast erit, injiciat vestro qui fraena furori.
Juppiter, egregie cordatum hominesque deosque
Te super esse ferunt: ex te tamen omne profectum
Hocce malum. Teucrum noxae, scelerique secundus
Quandoquidem indulges; qui vi laetantur iniqua,
Expleri possunt nec bello aut caedibus unquam.
Expletur quaevis hominum satiata cupido;
Somnus, amor, dulces cantus, choreaeque decentes;
Grata magis quae sunt mortalibus, effera saevi
Praelia quam belli; cujus tamen usque libido 760
Urit inexpleto, subeunt nec toedia, Troas.
Sic ait: atque viri exuvias, manantia nigro
Arma cruore, dedit fociis; redit ipse laborem
Ad durum, & primis miscet se turbidus ira.
Clara Pylaemenei proles hunc regis adivit
Harpalion; patrem Trojana ad bella secuto
Haud licuit patrias cui rursus visere sedes.
Hic medium adversi clypeum percussit Atridae
Cominus, at subter penitus defigere acutum
Aes tamen haud potuit. sociam citus ergo recepit 770
Se, mortem vitans, in turbam, lumina vertens
Anxius huc atque huc, ne quis forte hostis adacto

E. Fige-

Figeret incautum telo . dum cedit , ab arcu
 Meriones misit , nervo stridente , sagittam
 Aere gravem , cluni quae dextro infixæ sub ima
 Ossâ abiit : caros inter dulcem ille sodales
 Efflavitque animam , seseque , ut reptile , terram
 Extendit supra : niger alto e vulnere sanguis
 Ibat , perfusa & tepidus tellure fluebat .
 Illum Paphlagonæ curabant , Martia pubes ;
 Sublatumque manus inter posuere superbo
 In curru , & moesti vexere ad moenia ; fletum
 Quos inter fundens ibat pater ipse ; perempto
 Nec poenas gnato , quisquam mactaverat hostem .

780

Caede viri graviter doluit Paris , arsit & ira .
 Hospes enim quondam juveni multos fuit inter
 Paphlagonas . celerem nervo hic stridente sagittam
 In medios misit Trojano ex agmine Achivos .

Vir fuit in Grajis , Polyido vate creatus ,
 Euchenor , qui dives opum , fortisque Corintho
 Venerat Iliacum ad litus , non inscius ille
 Exitii , quod saeva deum sibi fata parabant .

790

Saepe senex etenim Polyidus dixerat , sede
 Aut morbo in patria moriturum , aut inter Achæas
 Perdomitum naves Trojano Marte : decoram
 Ille magis mortem optavit , tabescere tristi
 Quam morbo , atque notam , multamque subire reliquæ
 Militiæ indecorem . cui malam subter ad auram
 Allapsa est volucris letali cuspide arundo ,
 Exsolvitque animus sese artubus , atraque noctis
 Horrendæ supra caligo est fusa jacentem .

800

Horum sic ritu gliscentis praelia flammæ

Arde-

Ardebant. nondum audierat quidquam inclytus Hector,
 Norat ab Argivis nec foede in parte sinistra
 Dardaniam caedi pubem. victoria Grajis
 Nam prope jam laeta obtigerat; maris arbiter alti
 Sic mentesque virum Neptunus in arma ciebat,
 Atque, suas idem vires, invictaque promens
 Robora, ab Argivis arcebat puppibus hostem.
 Haec nondum audierat, nec norat Martius Hector; 810
 Septa ubi sed muri, portamque invaserat altam,
 Perrumpens densae bellator texta phalangis,
 Illic perstabat; qua parte in litore curvo
 Subductas magnusque Ajax, & Proteusilaus
 Constituere olim puppes. depresso illic
 Murus erat: Graeae flos illic pubis, equorum
 Turba ingens, peditumque; illic Boetus, Iason,
 Locrique, Phthiique, invicto & robore Epei
 Conferti obstabant simul omnes agmine magno;
 Nec flammæ similem torrenti aspellere quibant 820
 Hectora, in Argivas cupidum se immittere puppes.
 Cecropidae lecti ante alios, ductore Menestheo,
 Quem focii pariter concordi mente sequuntur
 Phidasque, Stichiusque, Biasque: at ductor Epeis
 Phylidesque Meges, Amphionque, Draciusque.
 Phthios ante Medonque, ferox & Marte Podarceus
 Ibant; ille, nothum divini germen Oilei,
 Frater & Ajacis; patria procul aede colebat
 Sed Phylacen profugus; furiata mente, novercae
 Quod leto dederat germanum Eriopidos: alter 830
 Phylacida Iphiclo natus. ducebat uterque
 Phthium agmen; juncti & Boeoto puppibus hostem
 Arce-

Arcebant. forti celer Ajax cretus Oileo
 Haerebat magno Telamoniadae, comes usque
 Perpetuus lateri affixus. cervice juveni
 Ut duo contenta, concordi mente novali
 In magno ducunt pressi grave robur aratri;
 Ima fluit circum queis largus cornua fudor,
 Discretique jugo tantum, vestigia figunt
 Aequa pari gressu per fulcos, subter at alte 840
 Duram findit humum fulgenti vomere aratrum:
 Sic gemini Ajaces simul ibant, alter adhaerens
 Alterius lateri; sed enim Telamone creatum
 Lecta manus, focii multi, fortesque sequuntur;
 Et clypeum excipiunt, quoties lassata fatigat
 Genua labor, fudorque viro: contra ortus Oileo
 It solus, Locri nec juxta in praelia tendunt.
 Haud etenim conferre manum, atque invadere pugnam
 Cominus audebant, queis deerat cassis equinis
 Aerea densa jubis, & scuta ingentia, & hastae 850
 Fraxineae: tantum freti arcu, & vellere ovillo
 Contorto in fundam, venere ad moenia Trojae;
 Eminus & telis, faxorum & grandine saeva
 Aeratas Troum vastabant saepe phalanges.
 Ergo & tunc alii claro septi aere praeibant,
 Denisque cum Teucris atque Hectore cominus arma
 Contulerant; locri a tergo, de more latentes,
 Tela manu assidui spargebant. Troica pubes
 Esse memor pugnae haud poterat; cui corda micabant
 Usque metu longe missis tremefacta sagittis. 860

Tunc adeo, Danaum puppes, tentoria & alta
 Linquentes, foeda patrios cum clade redissent

Ad

Ad muros Teuceri, audacem bonus Hectora verbis
Effet Polydamas ni sic affatus amicis:

Hector care, nequis dictis parere monentum.
An, tibi quod bello dederunt excellere divi,
Vis & consilio sapienti excellere cunctis?
Non est ut solus capias simul omnia. divi
Dant alium duro insignem clarescere bello;
At choreis præstare alium, cantuve, lyrave. 870
Sunt quibus ipse bonam locat alto in pectore mentem
Juppiter; unde bonum multis mortalibus ingens,
Servanturque urbes totae, servantur & ipsi.
Audi ergo: dicam quod nobis profore credo.
Te circa, frater, flagrat saeva undique pugna:
At Troum, postquam murum evasere, labore
Pars defessa procul secessit, statque sub armis;
Pars naves circa pugnat dispersa, nec hosti
Par numero. ergo refer gressum, proceresque vocato
Tecum omnes, simul ut consultant, vadere Grajas 880
Praestet an in puppes, (tantam si Juppiter aequus
Det laudem); anne domum potius sine clade reverti,
Dum licet. hesternam ne Graji forte rependant
Nam cladem, metuo: naves quod saevus ad altas
Bellator sedet; in tanto nec cardine rerum,
Ut reor, immotus longum cessabit ab armis.

Haec tum Polydamas: tutum non abnuat Hector
Consilium, & curru saevis horrendus in armis
Desilit, atque virum compellans, talia fatur:
Polydama, heic tecum primos tu siste virorum: 890
Ipse ibo, ac pugnae occurrā; citus inde revertar,
Cum dederō mandata illic, quorum indiget usus.

Sic

Sic ait; atque virum incescit per densa, nivali
 Affinilis monti, colles qui vertice supra
 Arduus attollit se celfo; &, lumina gentis,
 Troasque & focios magno clamore vocabat.
 Qui simul Hecstoream vocem audivere, ruebant
 Cuncti ad Pantoiden, ut iussi, Polydamanta.

Hector Deiphobumque, Helenumque per agmina regem
 Asium & Hyrtaciden, atque Asiam Adamanta 900
 Hac illac errans quaerebat, sicubi posset
 Nancisci. incolumes haud nactus, nec sine clade.
 Nam pars ad naves Argivo Marte jacebant
 Exanimes, murum pars intra faucia telis
 Languiebant. pugnae tum laeva in parte sodales
 Hortantem adveniens vidit Parin, arsit & ira
 Turbidus, ac propior, dictis ita fatur acerbis:

Infelix, violare thoros, Pari, docte, puellas
 Et captare, ubi nunc tibi Deiphobusque, Helenusque,
 Asidesque Adamas? bello praeclarus uterque, 910
 Othryoneus ubi, & Hyrtacides? nunc omnis ab alto
 Culmine Troja ruit: tibi nunc primo ingruit ipsi
 Exitium. Fratri, haec jactanti jurgia, formam
 Par superis leni Paris est sic voce locutus:
 Hector, ne culpa infontem. fortasse mereri
 Ista alias potui convicia lentus ad arma.
 Imbellem nec me prorsus genuere parentes.
 Ex quo etenim es durae exorsus certamina pugnae
 Ad naves, conferre manum non parcimus usque
 Cum Danais, longum & Martis durare laborem. 920
 Quos quaeris, morte absumpti periere sodales,
 Deiphobo, atque Heleno exceptis. hi, laesus uterque

Aere manum fixo, pugna excessere cruenta;
Arcuit at mortem divum pater atque hominum rex.
Nunc quocumque lubet duc, laeta mente sequemur;
Non erit ut quenquam possis reprehendere; quanta
Vis etenim cuique est, alacres pugnabimus; ultra
Namque suas potis est nemo contendere vires.
Sic fatus, fratri mentem & praecordia flexit.
Ergo abeunt illuc, Mavors ubi plurimus ardet 930
Cebrionem circa, & praeclarum Polydamanta,
Phalcenque, Orthaeumque, & magnanimum Polyphoeten,
Palmynque, Ascaniumque, Morynque, duo Hippotionis
Germina, ab Ascaniae missi qui pinguibus oris,
Luce urbem ad Troum hesternam venire, vicissim
Submissi bello defessis. Juppiter egit
Continuo quos dura inter discrimina pugnae.
Immanes veluti nigro cum turbine venti
Camporum per plana ruunt magni Jovis alto
Sub tonitru, atque mari miscent se flabra tumultu 940
Horrissono; spumis albescunt caerulea; vasta
Mole tument, seseque urgent ad litora fluctus:
Sic alii, tum deinde alii densa agmine Troes,
Aere omnes clari, adventant, regemque sequuntur;
Ante gradu magno fert sese, non minor ipso
Marte, ferox Hector, scutique ingentia praefert
Texta, bouum tergo confuta, atque aere corusco
Testa super; geminis nutu concussa micabat
Temporibus cassis. clypeo sic testus adibat
Ille hostem, contra gradiens, densasque phalanges 950
Tentabat, posset si qua pervadere; quibat
Nec turbare tamen mentes ac pectora Grajis.

Primus

Primus ibi, Telamoniades immane frementem,
 Ille gradu incedens magno, sic voce laceffit:
 Huc propius confiste: quid Argivos male terres,
 Infelix? varias Mavortis novimus artes
 Nos etiam; nec tu, sed tristi Juppiter ille
 Nos domuit flagro infensus. vastare caritas
 Vana tibi sperat nunc mens; at, pellere vint vi
 Quae valeant, etiam nobis sunt tela, manusque. 960
 Capta magis nostro, vastataque Martē peribit
 Ilios alta, opibus dives, multaue beata
 Prole virum. atque adeo tibi tempus jam reor ipsi
 Instare, hinc fugiens tremefacto ut corde precere
 Atque Jovem atque alios divum, cupiasque volucris
 Accipitrum penna celeres magis ire jugales,
 Pulvereum qui te per campum ad moenia cursu
 Praecipiti referent. Haec tanti apparuit ales
 Ecce Jovis dextra altivolans de parte superne.
 Agnovere omen laeto clamore secundum 970
 Grajugenae; magnus reddit cum talia contra
 Priamides: Ajax jactator, garrule, inepte,
 Nam quid ais? quas tu nugas, quae monstra locutus?
 Sic utinam claro genitor mihi Juppiter esset
 Altitonans, partu & me regia lucis in auras
 Fudisset Juno, templisque arisque dicatis,
 Quo Pallas, vel quo Phoebus dignarer honore;
 Exitium ut Danaïs feret haec lux omnibus, utque
 Hos inter stratus leto simul ipse jacebis,
 Stare loco, & conferre gradum, longamque manere 980
 Hastam hanc ni renuis; tibi quae florentia morsu
 Membra gravi figet: procurvo in litore Achaeas

Stratus ut ad naves immani viscere, multo
Et pingui longum pascas avidasque volucres,
Atque canes. Hektor sic fatus protulit ultra
Gressum audax. focii magno clamore sequuntur.
Nec minus adversa Graji de parte dedere
Clamorem horrendum, promuntque in praelis vires,
Trojugenum & primos stant contra: gliscit utrinque
Clamor adusque domos Jovis, & caeli aurea templa. 990



H O M E R I

I L I A D O S.

LIBER QUARTUSDECIMUS.

U
Ngens Nestoreas belli sonus impulit aures,
 Dum potu revocat vires. exterritus ergo
 His Asclepiaden compellat vocibus heros.
 Quis novus hic subito clamor, juxtaque carinas
 Florentum fremitus juvenum, divine Machaon?
 Tu tamen heic placide potansque sedensque maneto,
 Dum caleant igni latices, atrumque lavacro
 Abluat in molli tibi flava Hecameda cruorem:
 Ipse ibo; & noscam e speculis quae causa tumultus.

Sic ait; atque intra tentoria celsa jacentem 10
 Attollit gnati clypeum Thrasymedis, ahenum,
 Caelatum pulchre, fulgentem; patris habebat
 Namque sui clypeum juvenis; tum corripit hastam
 Ingentem, aerata radiantem cuspide. talis
 Processitque, stetitque extra tentoria. foedum
 Cernit opus; cessisse loco, trepidosque referre
 Usque pedem Danaos: Troas contra ire superbos,
 Et proferre gradum magis & magis usque: jacere
 Argivi dejecta solo muri ardua septa.
 Ingens ut tacito pontus nigrescere fluctu
 Cum coepit, vastae opperiens arguta procellae
 Flabra: haeret suspensa, usquam nec volvitur unda

Huc propulsa, vel huc; aliquis dum nube solutus
 Ex alta veniat ventus celer ab Jove summo:
 Sic anceps animi pendebat, multa volutans
 Mente senex, partesque labans distractus in ambas:
 Grajorumne ferat sese inde hortator ad agmen;
 An petat Atriden Agamemnona, si quid uterque
 Consilii simul expediant. sententia menti
 Haec dubiae potior visa est, festinus Atriden 39
 Ut ferat ad magnum sese. Troesque & Achivi
 Interea instabant caedi; horrendumque sonabant
 Ensisibus atque hastis pulsata micantibus aera.

Nelidae, per castra viam dum carpit, Achaei
 Occurrunt reges, laesi qui corpora ferro
 Excessere acie; Tydides, major Atrides,
 Tertius inde Ithacus. digressi a navibus ibant
 Hi pariter; quorum puppes in litore stabant
 Extremo, longe a pugna, tetigere priores
 Iliacam nam quae terram, de litore longe 49
 Subductas ultra in campum traxere seorsum,
 Et muro ingenti cinxere, ac turribus altis.
 Litus enim, quamvis latum, complectier omnes
 Haud poterat; populique angusto in fine moveri
 Haud quibant: alias ergo statuere gradatim
 Ante alias, totam & compleverunt litoris oram,
 Quanta patet cautes projectas inter utrinque.
 Quocirca pugnam cupidi spectare, tumultu
 Exciti & subito, nitentes cuspide longa,
 Ibant festini; tristisque in pectore multus 59
 Moeror erat. Nestor visus formidine mentes
 Perculit. hunc ultro sic est affatus Atrides:

Iugens

Ingens o Grajae gentis decus, optime Nestor,
 Nam cur, hoste, affers huc te, pugnaque relicta?
 Heu vereor, mihi ne re praestet Martius Hector,
 Trojugenum in coetu quondam est quod voce superba
 Pollicitus: Grajis non ante a navibus urbem
 Venturum Iliacam, quam captas igne carinas
 Ureret, atque ipsos penitus deleret Achivos.
 Haec tum pollicitus; quae nunc heu cuncta videmus 60
 Jam perfecta dari. pro di! me, ut saevus Achilles,
 Sic cuncti oderunt Danaï; nec promere vires,
 Mente volunt alacri, nec pestem arcere carinis.

Haec ille: acer equis Nestor cui talia reddit:
 Ista quidem manifesta; queat nec Juppiter ipse
 Jam facere infectum, quod factum vidimus. ingens
 Stratus enim jacuit murus, munimen ab hoste
 Quod fore sperabant Danaï clasique sibi que
 Invisum, nullis frangendum viribus unquam.
 Ipsas pugna atrox ad naves; noscere cernens 70
 Nec possis Graji quam de parte fugaces
 Turbentur. nusquam non caedes, densaque mixtim
 Funera, confususque ruens ad sidera clamor.
 At nos, consilio si quis locus, optime regum,
 Quaeramus quid res fieri nunc poscat. inire
 Nam pugnam haud jubeo. pugnae non aptus & armis
 Bellator, validum enervant cui vulnera corpus.

Haec fenior, tum sic Atrides: Nestor, ad ipsas
 Quandoquidem pugnant naves, nec structus Achivis
 Jam prohibet murus Troas, nec fossa, paratum 80
 Quod fore perpetuo casus munimen ad omnes
 Spes erat, incassumque abiit labor irritus; omnes,

Nunc, reor, a patria longe carisque propinquis
 Juppiter indecori vult leto occumbere Achivos.
 Noram quippe, aequa Danais cum mente favebat:
 Novi nunc etiam, cum Teucros aequat honore
 Caelitibus, nostrasque ligat viresque manusque.
 Ergo agite, atque meis cuncti parete volentes
 Consiliis. naves, quae primam in litoris oram
 Subductae, confestim altum trudamus in aequor, 90
 Semotas longe a terra quas anchora curvo
 Detineat firmans morfu, dum venerit atra
 Nox (tristi absistant si pugna nocte sub ipsa
 Trojugenae); tum deinde alias deducere puppes
 Cura fuit, quaecumque absunt a litore. cladem
 Non turpe est ipsas inter vitare tenebras;
 Atque malo potior multo est fuga. Talia fantem
 Torva tuens sic est sapiens affatus Ulysses:

Atride, nam quae ista tibi vox fugit ab ore?
 Exitium Grajis quod nam struis? o mage digne, 100
 Indecori praesidis qui genti cuilibet, inter
 Quam nos sceptras geras; primo quis magnus ab aevo
 Juppiter extremae ad finem dedit usque fenestae
 Duro exerceri bello, nescire laborum
 Et requiem, dum quisque obeat sua fata sub armis.
 Siccine Dardanium vis linqui turpiter urbem,
 Quam propter tulimus tot dura atque aspera Graji?
 Parce loqui, Danaum te ne quis talia fantem
 Audiat, effari quae possit nemo virorum
 Suetus sana loqui, sceptroque insignis, & idem 110
 Tot populis, quot tu, imperitans. male displicet istud
 Consilium, damno & penitus tua dicta, tumultu

In

In medio pugnaque jubes deducere curvas
 In mare cum puppes; cui jam victoria cedit,
 Successu magis atque magis laetetur ut hostis.
 Miles enim pugnam renuet perferre, carinas
 In mare deduci simul ut conspexerit, hosti
 Et cedit, celerisque fugae spe abstat ab armis;
 Atque tuum tibi consilium, rex perdet Achivos.

Haec Ithacus; rursus Atrides cui talia fatur: 120
 O Laertiadae, monitu mihi corda subisti
 Ima gravi: sed enim invitos deducere classem
 Haud equidem jubeo Grajos; cupioque doceri
 Quid sit opus; meliusque opto, quod profit Achivis,
 Consilium promat quivis juvenisve, senexve.

Tum sic magnanimus Tydides: Istud abunde
 Qui praestet, nec abest, nec longo est tempore vobis
 Quaerendus; modo si placeat parere monenti,
 Nec quisquam irasci incipiat, vel spernere dicta,
 Quod vobis aevo me cernitis esse minorem. 130
 Namque meum genus haud, credo, contemnitis; ortus
 Qui patre sum Tydeo, Thebis quem bella gerentem
 Excepit gremio tellus, conditque sepultum.
 Terna etenim Portei nata est de femine proles
 Inclyta, quae Pleurona, altam & Calydona colebat,
 Agrius, atque Melas, belloque acerrimus Oeneus,
 Patre meus pater est quo scilicet editus. inter
 Praestitit hic fratres mira virtute, paternas
 Et tenuit sedes. variis erroribus actus
 At Tydeus Argos coluit, caelestibus ut dis, 140
 Atque Jovi est placitum; regali & sanguine guatam
 Adraſti duxit, florens opibusque domoque

Egre-

Egregia, atque tenens late arva ingentia, dives
Frugè solum, multo circum & pomaria versu,
Lanigerique greges pecoris; tum clarus Achivos
Hasta inter cunctos, si quando bella vocarent.
Haec, ut vera, reor vobis audita. parentum
Nunc memores, ne me imbellem ignavumque putate,
Nec, dicam juvenis si quid bene, spernite dictum.
En agite, ad pugnam vel tardi vulnere, quando 150
Res dura & praefens discrimen cogit, eamus.
Illic semoti a telis, ne faucia quisquam
Figat membra. novo neu vulnus vulnere acerbet,
Hortemurque alios, & pubem, fegnis ab armis
Quae cessat, voce incensam mittamus in hostem.

Sic ait: hi parent dictis, juvenile secuti
Consilium; atque gradum celerant; dux ibat Atrides.
Sensit caerulei rector maris, oraque cano,
Ora, habitumque, feni similis processit, Atriden
Et prope magnanimum citus adstitit, atque prehensum 160
Dextra, sic blandis compellat vocibus ultro.

Atride, faevus nunc certe gaudet Achilles;
Exsultatque viro dirum cor, spectat Achivum
Dum caedemque, fugamque. infelix! pectore in alto
Cui nil mentis inest sanae. sic numina perdant
Iusta illum, damnoque onerent, probroque merentem.
Sed te nondum omnes di, rex, odere. videbis
Laetus adhuc Troum raptim regesque ducesque,
Pulvere complentes camporum lata, relictis
Navibus effuso sua ferri ad moenia cursu. 170
Haec ait; & campis celeri pede concitus, altum
Clamavit. quanta conclamant voce novena,

Pri-

Primam ineunt quando pugnam, vel dena virorum
Milia; Neptunus tantam de pectore vocem
Fudit, & indomitum Grajis in corda furorem,
Robur & iniecit subitum, bellare sine ullo
Ut sine, ac forti vellent decernere pugna.

Interea magni supremo a vertice Olympi
Terram humilem late despexit regia Juno:
Atque suum atque sui germanum conjugis ire 180
Per medias vidit festinum laeta phalanges:
Parte alia irriguae celsis in montibus Idae
Rupe Jovem in summa; cui diva infensa, sub imo
Irarum ingentesolvebat pectore fluctus.
Huic ingressa dolos moliri; fallere si qua
Possit, & Argivo districtum avertere bello.
Omnia versanti, haec animo sententia fedit,
Compta omni ut pulchre cultu descendat in Idam;
Eximio captum formae si forte lepore
Implicet, exceptoque ulnis & lumina, totam 190
Et mentem ignavo componat callida somno.
Ergo suum fert se in thalamum, quem filius olli
Mulciber exstruxit, valvasque aptavit ahenas
Postibus arcana clavi, secreta subire
Limina ne quisquam posset de gente deorum.
Huc ingressa, operit radiantes lumine valvas:
Et primum ambrosia perfundens membra liquenti
Abluit; hinc oleo perduxit, diva pararat
Quod sibi suaveolens; quod tantum ut morat in alta
Aede Jovis, miro late caelumque profundum, 200
Terrasque, tractusque maris complebat odore;
Hoc postquam corpus perduxit diva, capillum

Et rite

Et rite aurato discevit pectine; doctis
Composuit manibus formans pulchrosque, nitentesque,
Et fusos varie divino a vertice plexus:
Fulgidulum hinc peplum, quod longo virgo labore
Ipsa suis olli manibus Tritonia fecit,
Et rerum omnigenis ornavit rite figuris,
Induit; ad pectus multo quod fibula morfu
Aurea nectebat. zona post ambiit arcta 210
Corpus, multiplici ornabat quam fimbria villo.
Dehinc triplicem pulchra gemmam suspendit ab aure,
Hinc atque hinc aptans opus admirabile visu;
Atque recens factam imposuit candore nivali.
Ambrosio vittam capiti, quae fulgida, soli
Assimilis, partem radios jactabat in omnem.
Tum nitidis soleas pedibus subnectit; &, omni
Ornatu fulgens, thalamo procedit ab alto;
Ac Venerem coetu a superum dea sevocat omni,
Seductam & blandis affatur callida verbis: 220
Dulcis nata, meis precibus flectere? negabis
An flecti? ac noles, quam nunc rem poscere mens est,
Largiri, irascens mihi scilicet, ipsa favere
Quod Danaïs; tu, diva, soles defendere Troas?
Cui Venus: o Juno, dea magna, o regia magni
Proles Saturni, quod versas mente, profare,
Quidquid id est: fieri possit modo, laeta volensque
Nam faciam, atque omnes impendam sedula curas.
Tum sic orsa loqui fallaci pectore Juno est:
Illecebrasque, tuosque mihi da, diva, lepores, 230
Queis polles, mentesque domas hominumque deumque.
Namque abeo extremas almae telluris in oras.

Ocea-

Oceanumque deum patrem, Tethynque parentem
 Visere, qui me ambo primaeva aetate suaque
 Excepere domo, curaque aluere puellam
 Ingenti; Rhea quam dederat, quo tempore caelo
 Saturnum exegit, terrasque & fruge carentem
 Sub pontum ad Stygias detrusit Juppiter umbras.
 Hos abeo visura, queam si forte molestam
 Adveniens blando affatu componere litem. 240
 Namque diu thalamo sejuncti mutua sese
 Oderunt; quorum mentes si neectere vinclo
 Dulcis amicitiae liceat mihi, magnaque, & omnes
 Ante alios merito dilecta vocabor utrique.

Cui Venus: haud quidquam, quod poscas cumque licetve,
 Aut decet abnuere, o divum regina, supremi
 O soror, atque eadem conjux augusta Tonantis.

Dixit; acu & pistum solvit de pectore lorum,
 Artis opus mirae, humanas mulcentia mentes
 Cuncta ubi rerum inerant, amor, atque cupido, loquela 250
 Et dulcis, furtim sapientum & corda subire
 Blanditiae quotquot fuerunt, ac vertere mentes.
 Hoc divae in manibus posuit: dehinc talia fatur:

Hoc tibi habe, atque sinu lorum, regina, reconde,
 Cuncta ubi sunt, quaecumque optas tibi. non erit ut re
 Infecta redeas, coepto & laudaris inani.

Sic Venus: ampla oculos Juno subrisit; & abdit
 Diva sinu eximium laetanti pectore munus.

Nata Jovis patrias retulit se rursus in aedes:

At Juno summo digressa est vertice Olympi; 260
 Pieriam & lapsu celeri super, & juga pulchrae
 Emathiae fugiens, nive tecta cacumina, Thracum

Aerios

Aerios tranat montes; nec concita subter
 Contingit pedibus terram. tum rupibus altum
 Linquit Atho, labensque maris descendit ad undam
 Fluctifoni, Lemnumque advenit, regna Thoantis.
 Convenit hic, Leti fratrem, dea candida Somnum;
 Et dextram dextra contingens talia fatur:

Somne, hominum, atque deum domitor, si tempore in ullo
 Audisti facilis mea vota, hoc adde rogatus 270
 Optanti eximium nunc munus, nulla vetustas
 Quod memori ex animo acceptum mihi debeat unquam.
 Mecum ades, atque Jovi, simul ac mihi proximus ille
 Procumbet, placido fulgentia conde sopore
 Lumina. si facies, auro radiante coruscum,
 Pulchro fufum opere, haud ullo corrumpier aevo
 Quod possit, folium dabitur tibi, magna laboris
 Merces: Vulcanus multa quod sedulus arte
 Conflabit meus, atque, pedes quod fulciat apte
 Dum celebras epulas, supponet rite scabellum. 280

Huic lenis placido respondit pectore Somnus:
 Magni Juno genus Saturni, prima dearum,
 Nullum ego non ausim divum sopire, vel ipsum
 Oceanum, unde genus divis, immane ruentem,
 Volventemque altos ingenti murmure fluctus;
 Unum sed metuo propius vel adire, sopore
 Vel dulci mulcere Jovem, nisi si velit ipse.
 Nam me alias etiam stimulasti, diva, secabat
 Aequeoreas qua luce vias magno Jove cretus
 Alcides, Trojae post moenia diruta bello. 290
 Tunc ego complexu molli praecordia magno
 Ina Jovi affusus demulsi: tu, dea, cladem

At fu-

At subitam es molita hosti; flabrisque furentum
 Ventorum, ac faevo turbasti caerula fluctu;
 Et cursu excussum, fociaque a pube revulsum,
 Egisti Coam vesano turbine ad urbem.

Excitus immanes divum rex arsit in iras:
 Atque deos celsa jactans turbabat in aede;
 Meque furens animi primum quaerebat; ab alto
 Contusum & caelo salsas jecisset in undas, 300
 Ni me servasset domitrix hominumque deumque
 Nox, gremio excipiens fugientem. turbidus ira
 Ille manum abstinuit, noctem quod laedere sacram
 Est veritus. Nunc tu caput objectare periclo,
 Diva, jubes iterum, moliri &, quae male cedant.

Tum Juno: Quid, Somne, animo nunc talia versas;
 Atque tibi trepidat formidine pectus inani?
 Anne putas Teucros propter sic posse moveri
 Corda Jovi, Alcidae ut gnati sunt mota periclo?
 Surge agedum; pretium dabitur, fociare jugali 310
 Quam tibi dudum optas vinclo, pulcherrima coetu
 E Charitum, primo vernantum flore juventae,
 Pasithea. Ingenti percussus corda repente
 Pollicito somnus laeto haec citus ore profatur.

En age, diva, lacus Stygios, violandaque nulli
 Flumina jurato verax. rite altera pinguem
 Tellurem tangat facito manus, altera falsi
 Marmoreos ponti fluctus: testesque vocato,
 Quotquot Saturnum circa tenet alta sub umbris
 Terra, deos, thalami cupio cui foedere jungi, 320
 Te mihi Pasitheam, coetu praecellit in omni
 Quae Charitum prima florentum aetate, daturam.

Haec

Haec somnus: dictis paret dea; jurat & omnem
Vim divum infernam, subter quos Tartara tellus
Ima tenet clausos; Titanas nomine dicunt.

Ut jurata fidem fecit, testataque divos,
Festinant ambo, Lemnoque Imbroque relictis,
Atque auras carpunt nigra caligine septi.
Jamque adeo celsam pariter venere sub Idam
Fontibus irriguam crebris, matremque ferarum, 330
Lectum ad litoream. ponti dein aequora linquant,
Inceduntque solo raptim; silva alta tremebat
Sub pedibus. Somnus, venientem Juppiter ante
Quam videat, tenuitque gradum, furtivus & altae
Abjetis ascendit ramos, qua nulla per auras
In tota ad caelum surgebat longior Ida.
Heic frondes inter, densa protectus ab umbra,
Sedit avi similis, vocitant in montibus altis
Chalcida quam divi, genus at mortale Cymindin.

At Juno summum celeri pede Gargaron Idae 340
Ibat ad excelsae. quam vidit Juppiter, arsit
Confestim & toto flammatus pectore: qualis
Divae furtivo primum est cum junctus amore.
Obvius & veniens haec leni est voce locutus:

Juno, quo properans alti de vertice Olympi
Huc te affers? nec currus adest, geminique jugales:
Tum sic orsa loqui fallaci pectore Juno est:

Longe abeo extremas almae telluris in oras,
Oceanumque deum patrem, Tethynque parentem
Visere. qui me ambo primaeva aetate suaque 350
Excepere domo, curaque aluere puellam
Ingenti. hos abeo visum, si forte molestam

Adve-

Adveniens aliqua possim componere litem.
 Namque diu thalamo sejuncti, mutua sese
 Oderunt, animisque agitant discordibus iras.
 Irriguae in primis volucres radicibus Idae
 Stant bijugi, qui me celeri terraque marique
 Axe vehant: prius haec summo de vertice Olympi
 Sed veni dictura tibi, ne mente doleres
 Irata, si forte irem taciturna remotas
 Oceani longe ad sedes ac testa profundi.

360

Sic ait: altitonans contra sic Juppiter infit:
 Ire illuc tibi mox actutum, diva, licebit:
 Nunc mecum haud pigeat paullum cessare, meoque
 Indulgere animo; cui nunquam pectora tantus
 Cepit amor; nec quo conjux Ixionis olim
 Tempore Pirithoum, similem dis corda creavit;
 Clarum prae cunctis mortalibus Acrifone
 Persea nec Danae genuit quo pulchra, nec illa
 Nobilis eximii Phoenicis filia prolem
 Quo geminam Minoa tulit, dium & Rhadamantum:
 Nec tam grata mihi Semele fuit, Alcmenēve,
 Altera magnanimi Alcidae, partu altera Bacchi
 Nobilis, humanas solvit qui ad gaudia mentes;
 Nec regina Ceres flavo bene compta capillo,
 Inclyta nec Latona, eadem nec tu, dea, tanto
 Aeque grata mihi complesti pectus amore.
 Juppiter haec. Juno verbis cui vasa dolosis:

370

Nam quid ais? tibi quis mentem, Saturnie, dirus
 Versat amor? Ida in summa nudoque sub axe
 Quid si divum aliquis videat nos forte cubantes,
 Atque aliis narret superis? qua fronte reverti

380

Tom. I.

Z

Caeli-

Caelicolum ad sedes tunc possem conscia probri?
Verum; ita si placitum, si fert ita corde voluntas,
Est thalamus tibi, quem Vulcanus condidit, aptans
Postibus ille feras solidis. quin perginus illuc
Et somnum in clauso petimus de more cubili?

Tum sic altitonans, caelo qui nubila densat:
Ne dubita, divum neu quemquam, Juno, verere,
Aut hominum: auratam cogens denso aere circum 390
Sic tibi ego nubem offundam, quae pervia nulli
Sit visu; haud ipsi, qui perspicit omnia, Soli.

Haec ait: ac placidae pariter dat membra quieti
Stratus humi: alma thorum tellus, mora nulla, recentem
Submisit, gramenque sinu foecunda profudit
Suaveolens, densum, lotumque, crocumque rubentem
Flore novo, & violas, & purpureos hyacinthos.
At nubes fudit se circum pulchra repente
Auratis fulgens radiis, fudoque nitebant
Rorantes caelo passim per gramina guttae. 400

Sic divum pater atque hominum rex ardua supra
Gargarâ, perdomitus tandem somnoque, dolisque
Conjugis, oblita carpebat mente soporem.
Quem simul ac toto sopitum pectore sensit
Somnus, continuo ad naves descendit Achaeas;
Nuncius & veniens Neptuno, talibus inquit:

Laetus nunc fer opem Danaïs, Neptune, parumper
Et saltem fessis laudem praebere decusque
Ne dubita: ignarus rerum, victusque sopore
Dum jacet, ille mea domitus vi, & conjugis arte, 410
Juppiter. Haec Somnus: longe dehinc avolat ipse,
Et claros hominum coetus, urbesque revisit:

Acrius

Acrius arserunt Neptuni at corda, juvaret
 Quo Danaos. ergo primis se concitus infert
 Ordinibus, magnaue hortatur voce morantes:

Argivi, an segnes patiemur ab Hectore vinci
 Priamida, ut capiat puppes, pugnaeque reportet
 Ut decus? hoc certe speratque, & jactat, ad altas
 Quod cessat naves, corda ira incensus, Achilles.
 At, si erimus tamen auxilio nos mutua nobis, 420
 Non erit invictum cur multum optemus Achillem,
 Ergo agite, atque meis cuncti parete volentes
 Consiliis. clypeis praesepti ingentibus, ictus
 Qui validos perferre queant magis omnibus, aere
 Et claro galeis tecti radiantibus, hastas
 Et manibus longo quatientes robore, eamus.
 Dux ego praegrediar cunctos; nec tempore longo
 Stare loco poterit, qui nunc furit, improbus Hector.
 Quisquis Marte bonus scutum at breve gestat, habendum
 Pejori tradat, tollat sibi grandius ipse. 430

Sic ait: hi dictis parent. ad praelia ~~terni~~
 Quos reges, aegrique, ~~accepto~~ & vulnere tardi,
 Armabant, Laertiades, & primus Atrides,
 Inclytus & bello Tydides, quippe virorum
 Hi sese cuneis miscentes, omnia obibant,
 Armaque mutabant armis; melioribus iret
 Septus uti melior, pejoraque pejor haberet.
 Inde viri, ut corpus texerunt aere micanti,
 Hostem alacres contra vadunt: praeit omnibus, ingens
 Qui terram quassat, Neptunus; fulminis ensem 440
 Et dextra similem gestat, longumque, coruscis
 Horrendum & radiis; quem tristi attingere nunquam

Fas quemquam in pugna; subitus perculsa videntum
 Terror habet sed corda virum, longeque coercet.
 Parte alia Troum disponit rite maniplos,
 Atque animos juvenum pugnae aptat Martius Hector.
 Sic ambo infestis durum certamen in armis
 Contulerant, Hector, pater & Neptunus, Achivam
 Hic, Phrygiam hic contra certus defendere pubem.
 Interea terram fluctu mare proluit ipsas 450
 Ad naves, Danaum densa & tentoria; vastus
 It caelo clamor confertim in bella ruentum.
 Nec tanto ad terram fremitu ruit unda, furentis
 Ex alto Boreae pellunt quam flabra; nec ignis,
 Aerio in saltu silvam qui concitus amplam
 Corripuit, laxisque intro se immisit habenis;
 Nec validas inter frondoso vertice quercus
 Dira sonat reboans immani murmure ventus;
 Quantus erat Danaum fremitus Troumque, vicissim
 Hortantum sese, vesano & Marte furentum. 460
 Primus ibi Ajacem in magnum ferus Hector adegit
 Telum ingens recta; frontem ut converterat illuc;
 Nec ferrum ablusit quoquam, sed pertulit ictum
 Adveniens, duplex qua supra ingentia balteus
 Pectora tendebat sese, clypeum alter, at alter
 Argenti clarum bullis religaret ut ensen.
 Hi ferrum tenuere, viro ne membra subiret
 Mollia. Priamides immani turbidus ira
 Ingemuit, dextra quod fugerat irrita cuspis;
 Et, mortem vitans, socium cedebat in agmen: 470
 Ingens cedentem faxo Telamonius Ajax
 Ingenti, (nam multa, citas religare carinas

Queis

Quis soliti, ante pedes pugnantum sparsa jacebant)
 Horum unum attollitque manu, clypeique rotundum
 Supra orbem, colli prope finem, turbinis instar,
 Contorsit magno in pectus stridore per auras.
 Qualis ubi rapido Jovis igni procidit ingens
 Ad terram quercus radicitus exturbata,
 Sulfuris ac tetrum late diffundit odorem;
 Tum, si quis vidit propior, micat ima pavore 480
 Corda tremens (magni dirum Jovis, & grave fulgur):
 Sic prostrata solo vis concidit Hectoris: hastam
 Abjecit, clypeusque ingenti est mole secutus,
 Et galea: arma sonum dederunt circum aerea. laeti
 Accurrunt vasto Danaï clamore, jacentem
 Spes & erat trahere ad sese; tum spicula densi
 Multa manu intorquent, nequidquam: figere nemo
 Eminus evaluit, vel cominus. undique regem.
 Nam circumfusi, procerum flos, prima virorum,
 Aeneasque, & Polydamas, & dius Agenor, 490
 Et Lycium duxor Sarpedon, Glaucus & acer:
 Nec socium e numero quisquam neglexit, & omnes
 Protexere virum, clypeosque ad tela sinistris
 Objicere hosti. medio e certamine pugnae
 Sublatum donec fidi avexere sodales,
 Atque manus inter tulerunt, semotus ab armis
 Totam ubi post aciem currus auriga tenebat,
 Alipedes & equos. hi regem ad nota ferebant
 Moenia, torpentemque artus, aegroque cientem
 Ore graves trastrum gemitus. dehinc, pulchra fluentem. 500
 Vorticibus rapidis ad Xantum, cui genus alto
 Ab Jove, cum venere, citi curruque superbo

Depositum stravere solo, laticesque jacenti
 Affudere: auram paullum sibi redditus ille
 Dulcem hausit, caelumque oculis suspexit apertis;
 Inde genu flexo nitens crassum ore cruorem
 Evomuit, rursusque ad terram in terga supinus
 Defluxit; nigraque oculos caligine texit
 Nox iterum. nam plaga ingens mentemque domabat
 Percussam, nec sueta aptos ad munia nervos. 510
 At Danaï, postquam viderunt Hectora longe
 Avectum, Troasque urgent, ac praelia miscent.
 Primus Oilides celer Ajax perculit hasta
 Satnion Enopiden procurrens, optima Nais
 Quem tibi quondam, Enops, pascenti armenta creavit,
 Nympha viro; pulchri prope flumina Satnioentis.
 Cominus huic, Ajax defixit in ilia ferrum.
 Labitur ad terram resupino corpore; circum
 Orta gravi est Danaum ac Troum certamine pugna.
 Ocyus huic, valido quassans immane lacerto 520
 Telum, Polydamas, Panthei genus, advolat ultor,
 Atque humerum ferit in dextrum Prothœnora, diam
 Fortis Areilyci prolem: gravis hasta cruentum
 Trans abiit propulsa humerum: pronus cadit ille,
 Sternitur & passis immundo in pulvere palmis.
 Polydamas laeto haec tum fudit pectore dicta:
 Ni me oculi fallunt, validam non irrita fugit
 Panthoidæ hasta manu, excepit sed corpore missam
 Grajum aliquis; possit certe vestigia firmans
 Quæ niti, obscuri sedes dum pergit ad Qrci. 530
 Sic ait: Argivis mentem dolor imaque fodit
 Corda; sed ante alios magno Telamone creatum

Impu-

Impulit Ajacem, juxta quem faucius heros
 Planxit humum: citus ergo, refert vestigia in agmen
 Dum focium, aerata praefulgens cuspide telum
 Cedenti adjecit jaculans: praevидit at ictum,
 Obliquansque viam se morte abduxit ab atra
 Polydamas; telum Archilochus fatale recepit
 Immemor. hunc placitum dis est demittere morti.
 Summa etenim capiti qua cervix nectitur imo, 540
 Hasta subit, nervumque secans praecidit utrumque.
 Procidit, atque solum tangit prius ore, solutis
 Quam genibus. contra tum sic Telamonius Ajax
 Inclamans, fortem compellat Polydamanta.

Polydama, perpende animo, verumque fatere:
 Istene vir dignus, caesum Prothoenora caesus
 Qui penset? certe mihi nec malus esse videtur
 Ipse, malo natus nec semine; Marte superbi
 Filius at, fraterve Antenor's: huic reor esse
 Nam similem facie, atque humeris, & corpore toto. 550

Sic ait, ille virum noscens: praecordia Teucris
 Ima dolor subiit, morfu & perfodit acuto.
 Boeotum heic Achamas Promachum longa ferit hasta,
 Fertque citus fratri auxilium; quem scilicet ille
 Arreptum pedibus, cupiens spoliare, trahebat.
 Tum super haec magno gaudens clamore profatur:

Graji, turba ferox levibus pugnare sagittis,
 Et vanas jactare minas assueta sine ullo
 Fine, labor certe non solis, multus & usque
 Moeror erit nobis: etiam vos tristia tandem 560
 Fata prement; etiam vobis alterna vicissim
 Funera. jam Promachus (mentes advertite) longo est

Compositus fomno, mea quem vi perculit hasta,
Ne mihi dilatam frater moereret inultus
Ob poenam. in patris fratrem hoc sibi quisque relinqui
Aedibus exoptat, caedem qui caede rependat,
Ultor & inferias fratri pius immolet hostem.

Haec ait: Argivi dictis doluere superbis.
Peneleo mens ante alios incensa furore.
Ergo ruit contra: venientem, ac dira frementem 570
Stare Achamas coram haud ausus, regisque manere
Penelei telum. qui protinus Ilionea
Dejecit leto cretum Phorbante beato;
Ante omnes unum Troas quem dexter amavit
Majugena, & censu, lucrisque ingentibus auxit.
Huic unum conjux partu edidit Ilionea:
Hasta supercilium cui tum gravis asta sub ipsum,
Ejecitque oculum penitus, nervumque recidit
Pervadens retro; passis at faucibus ille
Sedit humi palmis: vagina diripit ensē 580
Peneleus, dextraque micantem extollit, acuto
Cervicem & mediam ferro fecat. aerea cassis,
Abscissumque solo jacuit caput: hasta cruento
Haerebat defixa oculo. caput ille, papaver
Ceum festum, dextraque attollit, clamat & altum
Vociferans: Troes, matremque, patremque jubete
Ilioneo luctus ordiri ac funera. laeto
Nec Promachi conjux Alegenoridae ad sua vultu
Testa virum excipiet reducem, post eruta bello
Pergama cum patrias Graji veniemus ad urbes. 590

Haec ille: at gelidus confestim in pectora Teucris
Insinuat pavor: huc atque huc pallentia vertunt

Ora,

Ora, fuga liceat duram si evadere cladem.

Dicite nunc, Musae, celsi domus ardua Olympi
Quas habet, occiso quis primus ab hoste cruentas
Retulit exuvias, Neptuni ut numine flexit
Pugna vias, magno & Troum res versa tumultu est.

Hyrton ante omnes stravit Telamonius Ajax
Gyrtiaden, Myfae ductorem gentis; at acer
Antilochus Phalcenque & Mermeron exuit armis; 600
Meriones leto dedit Hipprotiana, Morynque;
At Teucer Prothoona simul premit & Peripheten;
Tum deinde Atrides regali Hyperenora sceptro
Insignem longo percussit ad ilia telo,
Visceraque & penitum discindens cuspide acuta
Ventre hausit: qua nacta viam per vulnus in auras
Vita abiit tenues: oculis nox ingruit atra.
Plurima sed Troum demisit corpora morti
Magnanimo pernix Ajax prognatus Oileo,
Cui similis nemo versis instare sequendo 610
Agminibus, postquam terrorem in corda virorum
Juppiter, atque fugam altitonans immiserat atram.

H O M E R I I L I A D O S.

LIBER QUINTUSDECIMUS.

AT postquam Troes pulsi, verso agmine, vallum
 Sunt aegre ac fossam transgressi, ac terga prementum
 Sub manibus multi jacuerunt pulvere in atro:
 Hi, vacuos juxta camporum in gramine currus,
 Constiterunt paullum, tremefacti corda pavore,
 Ora metu exsangues pallentia; vertice in Idae
 Juppiter at somno Junonem propter inertem
 Excitus; inque solo viridi stetit, ac vigil ora
 Vertit ad Argivos, Troasque; hos & videt hosti
 Terga dare, hos caedi spoliisque instare; simulque 10
 Ire maris regem Neptunum. parte jacere
 Ast alia dium videt Hectora; fida, sodales,
 Pectora, quem circum turbata mente sedebant.
 Ille autem vix ore animam ducebat anhelum
 Attonitus, sensuque expers, crassumque cruorem
 Ejectans: nec enim dextra perculsus inertem
 Conciderat. pater hunc hominumque deumque dolore
 Haud tacito miserans, Junonem torvus acerbo
 Horrendum adspexit vultu, dehinc talibus infit:
 Arte tua abjectusque Hector, Troesque fugati, 20
 Vafra dolos versare, & fraudes nectere, Juno.
 Quarum, credo equidem, fructus tu prima dolendos
 Per-

Percipies flagris iterum conscissa cruentis.

Anne dies memori ex animo tibi fluxit, ab alto

Qua te suspendi caelo, geminasque revinctis.

Incudes pedibus demissi, atque aurea palmis,

Nulla quae frangi vi quirent, vincula neſtens

Implicui. vacuo pendebas aere; divi

Toto indignantes turbabant plurima caelo;

Nec quibant circumfusi te exsolvere vinclis.

30

Ast ego, quem validis apprehendere cunae furenti

Contigerat manibus, jaciebam limine Olympi

Praecipitem ex alto longum per inane, pavore

Semianimis donec telluris dura veniret

Ad sola. nec tumidum post haec tamen omnia facta

Pectus adhuc fervens penitus mihi liquerat ira,

Alciden propter laesum. quem scilicet, atras

Ipsa ciens contra Borea stridente procellas,

Mente mala vasti missum per caerula ponti

Abstuleras urbis Coae sub moenia cursu

40

Excussum. pater at gnatum solvique, labores

Et passum duos, Argivae ad moenia gentis,

Atque domus patriae miserans ad tecta reduxi.

Haec si forte animo exciderunt, meminisse recenti

Admonitu rursus cogam; fraudumque, dolique.

Ut pigeat, noscas & tandem quid tibi lucri

Blanditiae, amplexusque ferant, sociumque cubile.

Juppiter haec: perculsa animum formidine Juno

Intremuitque artus, celeri & sic voce locuta est.:

Esto nunc testis mihi tellus, atque superne

50

Ingens quod partes caelum se tendit in omnes;

Atque, deis qua nil jurari est sanctius, alta

La-

Labens sub terra nigrae Stygis unda; tuumque,
 Sancte, caput; nossterque, ausim quem fallere mendax
 Haud unquam, thalamus: qui nunc Neptunus Achivos
 Allevat auxilio, magna & premit Hectora clade,
 Dardaniam & pubem, non suafu ad praelia venit
 Ille meo, sed sponte sua, miseratus ad ipsas
 Argivos naves tot rerum dura ferentes.

Ipsi ego quin fuerim, si me nunc audiat, auctor, 60
 Ire, voces quacumque, animo & parere volente
 Imperiis rex magne tuis, qui nubila cogis
 Aetitonans, nigraque tegis caligine caelum.

Sic Dea: sic hominum contra divumque creator
 Subridens placido respondit Juppiter ore:

O Juno veneranda, deum si tu mihi coetu
 In magno affideas concors, nostrique vicissim
 Conveniant sensus; nae, quem nunc dira cupido
 Fert alio, mentem Neptunus vertat, utrique
 Et nostrum adjungat sese facilisque volensque. 70
 Verum age, quae dixti, vera si mente locuta es,
 Ocyus i superum ad sedes, celeresque iubeto
 Huc veniant Irisque, arcuque insignis Apollo:
 Iris ad Argivas ferat ut se nuncia puppes,
 Neptunum & regem tristisque excedere pugna
 Aetutum, atque suas jubeat se condere in aedes;
 Phoebus at ad pugnam rursus excitet Hectora, vinque
 Inspiret praesens validam, saevosque dolores,
 Pressa domant qui corda viro, depellat; Achivos
 Terreat ut rediens, enervi & vertere cogat 80
 Terga fugae, donec trepidum formidine vulgus
 Ipsas Pelidae in puppes incurrat Achillei.

Ille

Ille suum exhortans in praelia dura ciebit
 Patroclum; hunc urbis non longe a moenibus Hector
 Congressus leto sternet, tumidumque virorum
 Multa caede, meo clarum & Sarpedone vita
 Exuto. iratus Patroclum propter Achilles
 Hectora tum nigras Orci demittet ad umbras.
 Ex illo Argivis a puppibus usque repulso
 Troas terga fugae cogam dare versa, Minervae
 Consiliis, Grajumque manu dum concidat alta
 Ilios. ante modum statuam nec mitior ipse
 Irarum, patiar nec divum accedere quemquam
 Auxilio Danais, magni quam dius Achilles
 Attigerit finem voti, perfectaue cernat,
 Quae sum pollicitus, moto & quae vertice nutu
 Ingenti jurans firmavi, qua Dea luce
 Genua mihi supplex Thetis est amplexa, rogavit
 Ornarem & fortem ut, Danais infestus, Achillem.

90

Juppiter haec. dictis paret dea; liquit & Idam, 100
 Atque deum celfas abiit sublimis in aedes.

Ut cum saepe viri mens pervolat incita, magnos
 Terrae qui tractus lustravit, multaque secum
 Corde putans memori versat: locus hic prius, ille
 Dehinc alius, tum deinde alius mihi tactus eunti est:
 Sic celeri magnum nisu per inane, supremum
 Se tulit aerii tunc Juno ad culmen Olympi;
 Inque domum venit celsam Jovis, atque deorum
 Obtulit adveniens coetu se diva. frequentes
 Caelicolae assurgunt venienti, ac pocula praebent 110
 Plena manu affusi certatim. negligit omnes
 Illa alios: quam pulchra Themis praebibat, amice

Acce-

Accepit pateram. prae cunctis nam Themis olli
Obvia se celeri gressu tulit; atque ita, magnam
Diva deam trepida compellans voce, locuta est:

Adventus subiti quanam tibi caussa? videris
Cur perculsa metu, Juno? conterruit an te
Conjux immani Saturnius, ut solet, ira?

Cui Juno graviter fufpirans: O Themis, parce
Ista rogare. mei quam saevus quamque superbus. 120
Conjugis est animus, nosti fatis ipsa superque.
Verum age, nunc epulis tu curam impende regendis
Aequa domo in superum: cunctos audire licebit
Mox inter divos, quae rerum horrenda minetur
Efferus; haud quisquam possit quae audire, nec angi,
Mortalisve, deusve, licet solemnia laetus
Mente hilari plenis agitet convivia mensis.

Sic ait; auratoque locavit membra fedili.
Omnes percusso moerebant pectore: summis
Illa tenus risit, non laeta fronte, labellis; 130
Atque irata deis haec moesto corde profatur:

Vecordes, stolidique, labor exercet inanis
Quos frustra, iratosque Jovi, cupidosque parantem
Quae lubet, aut verbis, aut vi cohibere. movetur
Ille nihil, longaque sedens nos, nostraque spernit
Orsa: deos dicit nam sese morte carentes
Antistare animis, invicto & robore cunctos.
Ergo, dabit cuivis quam partem cunque malorum,
Acquo ferte animo. Marti sua noxa dolorque
Jam, reor, obvenit; pugna cui dulcis in acri 140
Ascalaphus leto domitus jacet; ille, virorum
Nemo unus Marti est quo carior; ille, fatetur

Esse

Essè suo natum fortis quem sanguine Mavors.

Dixerat: iratus femur at percussit utrumque
Pronis Mars palmis, gemituque haec addidit alto:

Ocyus, o superi, nec sit grave, turbidus altas

Hinc feror ad naves Danaum. stat qualibet illic

Ulcisci gnati mortem: nec fulmine stratus

Ipse Jovis, fuerit mihi si fatale, recuso,

Inter purpureo manantes sanguine rivos, 150

Pulvere in immundo, mediaque in caede jacere.

Haec effatus, equos curru subjungere jussit

Terroremque, Metumque; armis fulgentibus ipse

Interea sese cingens in bella parabat.

Heic superis multo gravior majorque coorta

Ab Jove confestim summo foret iraque, & atrox

Flamma odii; metuens cunctis at sede Minerva

Exsurgens subito e celsa, primum evolat extra

Vestibulum; atque dei galeam de vertice ahenam,

Deque humeris clypeum detraxit; cuspide & hastam 160

Aerata dextraeque extorsit, limen ad altum

Sepositam & statuit; verbisque ~~in~~ fatur acerbis:

O vesane, excors, male perditæ, num tibi frustra

Sunt aures? periitne omnis tibi mensque, pudorque?

Non audis, narrat quæ Juno candida, ab ipso

Illa recens digressa Jove? eheu tristia, frater,

Tuque prior vis multa pati, ac remeare coactus

Vi dura caeli ad sedes; & grandia nobis

Ferre mala, atque omnes ingenti perdere clade.

Confestim Danaos linquet Troasque superbos 170

Nam pater, ac veniet nobis iratus; Olympo

Et dabit ingentes turbas, fontesque furore

Per-

Percitus, infontesque una raptabit. ademptum
 Ob gnatum irasci nunc ergo desine. multi
 Longè illo manibus meliores vique, vel ante
 Sunt caesi, vel post caedentur; nec queat omne
 Eximere humanum morti genus ulla potestas.

Haec ait; ac Martem consueta in sede locavit.
 Interea Juno testis Phoebum evocat altis,
 Atque Irin, superum quae fert mandata per auras; 180
 Compellansque ambo celeri sic ore profatur:

Ad sese in Phrygiam vos Juppiter ocyus Idam
 Ire jubet, coramque audire, ac discere, mandet
 Quid fieri. celerate viam, ac parete jubenti.
 Haec ait ante fores: intro dehinc Juno reversa,
 Aurato sedit folio. festinus Apollo,
 Atque Iris celeri lapsu venere ferarum
 Ad matrem, crebris manantem fontibus Idam.
 Caelicolum hic nacti sunt regem in Gargaro alto
 Solum supremo residentem in vertice: cui se 190
 Circum suaveolens fundebat candida nubes.
 Huic ambo sistunt sese. quos mitis amico
 Excepit vultu sedata Juppiter ira:
 Paruerant celeres nam jussis, regia Juno
 Quae tulit. affatur prius almam his vocibus Irin.

Iri, agedum, celeri lapsu hinc i nuncia regi
 Neptuno, & verax, quae mando, haec ipsa referto.
 Aetutum, *tristi bello pugnaque relicta,
 Aut abeat superum ad coetus, aut sub vada ponti.
 Sin dictis parere negat. spernitque jubentem; 200
 Quantumvis fortis, videat ne forte manere,
 Si veniam, nequeat me contra; viribus illum

Qui

Qui vinco, & major sum natu, sit licet audax
 Ille, parem & stulte sese mihi jactitet. horrent
 Omnes quem pavidō tremefacti pectore divi.

Juppiter haec: Iris paret; ventisque vocatis,
 Vertice ab Idaeo Trojanas. tendit ad arces.

Ut quondam volitans aut nix, aut frigida grādo
 Raptim nubifugi Boreae vi concita fertur:

Sic medias fugit raptim levis illa per auras; 210
 Neptunōque adstans regi, sic farier inquit.

O terras complexe omnes, o crine decore
 Caeruleo Neptune, Jovis tibi nuncia missu
 Advenio, dictura, jubet quae dicier ipse.
 Actutum, tristi bello pugnaque relictā,

Í superum longe ad coetus, aut sub vada ponti.

Sin dictis parere negas, spernisque jubentem;

Huc se venturum dicit: verum admonet ante

Ut vites conferre manum. nam viribus ille

Te vincit longe, natuque est grandior, et si 220

Esse parem jactas tu te illi scilicet, ~~horrent~~

Omnes quem pavidō tremefacti pectore divi.

Indignans gemitu Neptunus talia reddit:

Nam quid ait? tantumne animis timet ille superbis,

Cogat ut invitum, sibi, quamquam fortis, honore

Quem tamen esse parem novit? tres nam sumus orti

Saturno fratres, Rhea quos veneranda creavit.

Ille, & ego, tristes & Pluto qui regit umbras:

Tres rerum & summam in partes divisimus omnem.

Cuique sua obvenit pars aequa sorte; profundi 230

Regna mihi pelagi, Plutoni horrenda sub imis

Caligo terris, caeli domus aethere in alto

Ampla Jovi. tellus, tractusque ingentis Olympi
 Nunc quoque communes post tempora longa supersunt
 Ergo Jovi nil est cur vivam obnoxius: aequus
 Me sinat; atque habeat placide, quae tertia cessit.
 Tunc, sibi regnorum partem: nec robore quamquam
 Magno est, ignavum veluti, me territet ille;
 Sed natos dictis natasque minacibus ultro
 Incessat potius, genuit quos ipse, jubentem 240
 Queis audire patrem, dicto & parere necesse est.

Talia Neptunus; contra Iris talia: mene
 Istaec dura jubes, Neptune, atque aspera fatu
 Ferre Jovi responsa? an, verso pectore, mutas
 Dictum aliquod? flecti non raro versa bonorum
 Corda soleat; nosti &, natu majoribus adsint
 Ut Dirae, ac vocem faciles nutumque sequantur.

Tum sic caerulei rector maris: O dea, dicis
 Vera istaec; bene habet res & se, mente sagaci,
 Quid deceat quid non, cernit cum nuncius: atro 250
 Sed mihi felle dolor subit in praecordia, natum
 Sorte pari ac fato, verbis cum saevus acerbis
 Increpat; imperitans aequali. at, percita quamvis
 Fervent corda furore, placet nunc cedere fratri
 Sponte mea. dicam ast aliud, veraxque minabor
 Ex animo: si forte, invitis meque, Minerva
 Et celeri, forti & Vulcano, Mercurioque,
 Junone & magna, solusque pepercerit urbi
 Pergameae, vastare volet nec moenia bello,
 Argivaeque decus meritum concedere genti; 260
 Triste sibi a nobis odiumque iramque paratam
 Aeternum sciat esse. Haec fatus liquit Achaeam

• Ultro

Ultro aciem, atque mari genitor se condidit alto:
Absentem optabant moerenti pectore Graji.

His Phœbum affari dictis tum Juppiter orfus:
Dulcis Phoebe, adeas mando nunc Hœstora bello
Egregium. ponti Neptunus cessit in alti
Jam vada, formidans alto me corda furore
Flagrantem; quod ni cessisset sponte, fragorem
Ipsi etiam audissent pugnae, quoscumque sub Orco 270
Ima deos circa Saturnum terra coerces.

Verum hoc ambobus multo est optatius, illi,
Atque mihi, pugnam vitans, iramque manusque
Ipse meas metuens longe quod cessit ab armis.
Nam sudore foret perfectum non sine multo
Certamen. Nunc, quod superest, age, nate, coruscis
Horrendam villis cape turbidus aegida, & usque
Concutiens, Grajas imple terrore phalanges.
Idem tu clari, arcitenens, mihi suscipe curam
Hœstoris, atque viro validum per membra vigorem 280
Aspira, ingentesque animos, dum, Graja ~~casinas~~
Venerit ad curvas fugiens ~~ac~~ titora pubes.
Tum statuam quod opus, rursus ut recreata vigescat
Gens, defessa malis, & duro fracta labore.

Juppiter haec: patri non segnis paret Apollo.
Continuo ex altis mittit se montibus Idae,
Accipitri similis rapido, per inane columbas
Qui sequitur, vincitque alis genus omne volantum.
Ut venit, fortis Priami prolem, Hœstora dium,
Jam non membra solo stratum, velut ante sedentem 290
Corpore sed flexo invenit. namque, excitus alto
Ceu somno, focios agnorat: anhelitus inum

Aeger nec pectus quassabat, frigidus ibat
 Nec sudor: Jovis auxilio sibi redditus heros
 At fuerat. pulchro quem juxta constitit arcu
 Insignis Phoebus, fuditque has pectore voces:

Hector Priamide, longe semotus ab armis
 Cur langues? mentem subiit quaenam anxia cura?

Aegre animam ducens cui talia reddidit Hector:
 Quis coram scitare istaec, divum optime? necdum 300
 Audisti naves propter bello acer Achaeas
 Ut me Ajax, olli focios dum perdere leto
 Non cesso, immani faxo male perculit ipsum
 In pectus, pugnaque exegit, robur & omne
 Solvit: ego hac certe manes me luce putavi,
 Atque domos Orci visurum, pectore dulcem
 Jam jam animam exhalans. Haec Martius Hector: Apollo
 Haec contra: Nunc fide animo; talem tibi magnus
 Juppiter ex alta submisit providus Ida
 Custodem comitemque, aurato bella gerentem 310
 Phoebum ense; exitium tibi qui fatale nec ante
 Cessavi prohibere ipsi, nec moenibus urbis.
 Verum age, nunc denfos equites ad litora, curvas
 Et puppes hortare, leves impellere currus:
 Ast ego praegrediens bijugisque volantibus omnem
 Ante viam sternam, diro & terrore fugaque
 Turbabo attonitis percussam pectus Achivis.

Sic ait; ac subitum afflavit per membra vigorem.
 Ac velut in plenis praesepibus hordea pastus
 Ille diu sonipes, rupit si vincla, virentum 320
 Planitiem & fugiens camporum est nactus apertam;
 Insultatque solo, celsum & caput arrigit alte

Luxu-

Laxurians, luduntque jubae per colla, nitentes
 Perque armos; volat ante levis Zephyrumque Notumque
 Arva secans; & nota petit vel pascua equarum,
 Vel fluvium, adfuetus vitreas innare per undas:
 Genua pedesque levis rapido sic incitus Hector
 Jaetabat cursu, exhortans ad praelia turmas,
 Ut dulci divina sono vox impulit aures.

Cornigero veluti sublimem vertice duri 330
 Agricolae in cervum, fida stipante canum vi,
 Aut capream, cursu, vasto & clamore feruntur.
 Ille quidem rupeſve inter virgultave densa
 Abditus occultat sese; verum excitus acri
 Interea fremitu silva leo prodit ab alta,
 Atque viam horrendus mediam tenet: haud mora cuncti
 Percussis cecidere animis; tremefactaque gressum
 Turba refert: gelida pallent formidine vultus:
 Sic Danaï Teucros urgebant agmine denso,
 Ancipiti & fero caedebant, ensibus, hastis 340
 Et rigidis: magnum subito at videre manipulis
 Hectora ut in mediis, turbato pectore cuncti
 Intremuere; omnis excussa est pectore virtus.

Hos inter, proles Andraemonis inclyta, coepit
 Corde Thoas fari haec perculso, maximus ille
 Aetolos inter bellator, telaque doctus
 Missa manu torquere, manum & conferre; diserto
 Ore idem cedens paucis, contendere verbis
 Si quando in coetu pubes coepisset Achivum.
 Hic Grajis est in mediis ita farier orsus; 350

Pro superi! quale hoc percellit lumina monstrum!
 Qua, fatum eluctans, vitae se Martius Hector

Restituit rursus? quem spes erat omnibus una
 Sub Telamoniadae manibus cecidisse cruento
 Perdomitum leto. Grajis male numen amicum
 Nempe aliquod mortisque virum de faucibus atræ
 Exemit, servatque; neci qui faevus Achivos
 Ante dabat, dabit atque iterum. nec enim sine magno
 Ille Jove exultatque in primis, & furit acer
 Ut nemo. Haec propter, mentes advertite, dicam 360
 Quid sit opus: dictis nemo at parere recuset.
 Hortemur vulgus procul hinc fecedere celsas
 Ad puppes: ipsi ante alios, qui dicimur esse
 Egregii bello, stemus; si forte ruentem
 Occursu primi valido cohibere queamus
 Arrectis adversi hastis; nec, fortis & acer
 Sit licet, audebit Danaum se immittere turbae.

Haec ait: at Graji parent, ac dicta capeffunt.
 Continuo magnusque Ajax, rectorque virorum
 Idomeneus, Teucerque, Magesque, atque inclytus armis 370
 Meriones, ipso bellantum flore coacto,
 Instruxere aciem adversi, pugnaeque parant se:
 Turba retro interea ad naves, ut jussa, redibat.

Incurrunt primi Troes denso agmine, gressu
 Quos Hector magno torvus praeit. altus Apollo
 Ante virum graditur, niveos circumdatus atra
 Nube humeros, faevusque manu præportat utraque
 Aegida terrificam, villis horrentibus hirtam
 Hinc atque hinc, late fulgentem; Mulciber olim
 Quam fecit, donumque Jovi dedit ipse, virorum 380
 Terreret pavidas diro ut gestamine mentes.
 Hanc gestans manibus, Troas ducebat Apollo.

Quos

Quos Argiva phalanx adversa fronte ruentes
 Sustinet. it caelo sublatus clamor utrinque
 Ingens; tela volant nervis propulsa, frequentes
 Bellantum e manibus magno stridore feruntur
 Usque hastae, ac juvenum florenti corpore sese
 Pars condit, pars magna solo defixa, priusquam
 Adversum posset veniens attingere corpus,
 En mediis stabat, cupiens haurire cruorem. 390

Immotam donec gestavit Phoebus Apollo
 Aegida, tela pari certamine missa volabant
 Hinc atque hinc, pubes & leto strata cadebat:
 Ille sed Argivum postquam conversus ad agmen
 Aegida terrificam concussit, voce ruentes
 Et contra horrenda increpuit; vim protinus omnem
 Infregit, mentes enervans: excidit omne
 Continuo robur, dextraeque ad fortia torpent.
 Ut geminae deprensa boumve armenta, gregumve
 Magnum ovium quandoque ferac, dum caeca, flet nox, 400
 Incurfu turbant subito; procul inscius inde
 Pastor abest: Danaï magno sic versa tumultu
 Terga dabant pavidi, enerves; foedam altus Apollo
 Namque fugam injecit miseris; magnumque secundus
 Priamidæ saevo ac Teucris indulsit honorem.

Tum vir quisque virum legit, quem mitteret Orco,
 Ut rara est laxis acies disiecta manipulis.
 Hector dat leto Stichiumque ac Arcesilaum,
 Boeotae hunc gentis ductorem, fortis at illum
 Ante alios fidum comitem per bella Menesthei. 410
 Aeneas telo premit Iason, atque Medonta
 Ajacis fratrem, atque notham praestantis Oilei

Progeniem. hic celsam patria procul urbe colebat;
 Extorris Phylacen; irata mente, novercae
 Confodit ferro quod fratrem Eriopidos, acer
 Regali thalamo sibi quam sociarat Oileus:
 Iasus at, claro natq; de Sanguine Spheli
 Bucolidæ, Aëtaeam pubem ductabat in arma.
 Polydamas fortem fortis Mecisteæ mactat;
 Priamides Echium prima inter tela Polites;
 At Clonium eximius morti demittit Agenor;
 Deiocho in primis fugienti, pone sagittam
 Infra humerum dorso fixit Paris, egit & alte
 Horrendum stridens aerata cuspide telum.

420

Interea, caesos illi fulgentibus armis
 Dum spoliant, cursu vallum fossamque petebant
 Praecipites trepido Graji, muroque subibant.
 Hector at, inclamans altum, jubet ire carinas
 Ocyus ad celsas, praeda spoliisque relictis.

Nam procul Argivis a puppibus ire virum quem 430
 Si videam, ipse manu confossum protinus Orco
 Demittam: nec erit, fratres. caræque sorores
 Exstincto ut funus curent; sed foeda jacebit
 E sca lacer canibus patriæ sub moenibus urbis.

Sic ait; ac bijugos, contingens terga flagello,
 Egit equos, rapidoque volans obit omnia curru,
 Hortaturque viros. regem clamore secuti
 Horrisono, increpitant rapidos urgentque jugales,
 Quisque suos. gradiens prae cunctis Phoebus Apollo
 Labra celer fossæ nullo subversa labore

440

Proruit, in medium devolvens; stravit eunti
 Et curvae longamque viam latamque, volantis

Quam

Quam longe teli jactus pertingit, adegit
 Quod vir, firma suae tentat dum robora dextrae.
 Hac se confertim densi infudere; praeibat
 Attollens sacram deus aegida, septaque muri
 Sternebat; puer aequoream ceu parvus arenam.
 Qui sibi ludicrum studio cum struxit inani,
 Ludo rursus idem manibus pedibusque solutum
 Disjicit. ingentem Graeae curam atque laborem 450
 Sic gentis tu, Phoebe, levi simul omnia miscens
 Impulsu, ad terram fudisti; pectus & idem
 Complesti attonitum Danaïs terrore fugaue.

Sic illi, ad naves compulsi, litore in arcto
 Constiterant sese hortantes, disque omnibus alto
 Cum gemitu ac votis tendebant lumina, & ambas
 Suppliciter palmas. Nestor queis talia princeps
 In mediis fudit moerenti corde, supinas
 Ille manus tollens caeli ad stellantia templa:

Jupiter omnipotens, Argiva siquis in urbe, 460
 Taurorumve oviumve imponens pingua flammis
 Viscera, pro reditu dulci est tua magna precatus
 Numina; tuque ~~pias~~ non averfatus amica es
 Aure preces; mentem subeant nunc omnia; cladem
 Nunc, pater, horrendam fessis averte, nec omnes
 Heic finito Grajos Phrygio sub Marte domari.

Talibus oravit Nelides: verba precantis
 Audiit, ac tonitru caelum concussit ab Ida
 Jupiter altisono. pubes Trojana secundo
 Freta Jove, incurritque audax, atque acrior instat 470
 Ingens ut vasti fluctus maris, alta carinae
 Septa supergreditur, venti cum saeva tumentem

Ex

Ex alto impellunt vefano turbine flabra;
 Sic Troes muro sese infudere patenti,
 Curribus & magno immixtis clamore, cruentam
 Protinus invadunt pugnam. stant curribus altis
 Hi rigidas dextra quatientes cominus hastas;
 Puppibus in celsis stat contra obnixa juvenus
 Grajugenum, longos, quorum ingens copia, contos
 Tela manu gestans navalia, robore duro 480
 Firma, aciem inducto summam fulgentia ferro.

Patroclus, curvis dum longe a navibus acres
 Praelia miscebant Danaï Troesque, soluto
 Eurypyli residens intra tentoria manfit
 Usque animo; atque aegrum vario sermone levabat,
 Inspiciens miti vulnus medicamine, duos
 Paeonia relevans & fedulus arte dolores.
 Verum ubi transgressos muri septa ardua Troas
 Sensit, & exortus fugientum est clamor Achivum;
 Ingentemque dedit gemitum, percussit utrumque 490
 Et pronis ululans manibus femur; inde, jacentem
 Ad socium versus, dedit has de pectore voces.

Eurypyle, indigeas licet aeger me, tibi adesse
 Amplius haud equidem possum. nam dura coorta
 Pugna est. heic adstans famulus te curet amice,
 Soleturque: adeo Peliden ocyus ipse,
 Regem hortans si forte queam propellere in arma.
 Forsitan admonitu, si quis Deus adjuvet orsus,
 Ille meo tandem victus flectetur. amici
 Nam saepe admonitu flectuntur corda bonorum. 500

Haec ubi sic fatus, celeri pede concitus ibat.
 Interea Graji constanti pectore stabant

Adversi

Adversi Teucris, multi nec pellere paucos
 Navibus a celsis quibant; Trojana juvenus
 Grajugenum objectas quibat nec densa pha'anges
 Rumpere, & in medias tandem se immittere puppes:
 Navale ut lignum recto cum limite norma
 Dirigit in manibus fabri, quem numine multo
 Afflavit, docuitque artes Tritonia Pallas:
 Horum pugna aequo sic se tendebat utrinque 510
 Limite, nec partem vergens flectebat in ullam.
 Pugnabant alias alii certamine magno
 Ad naves; clarum contra processerat Hector
 Ajacem. his ingens ortus labor unius ergo
 Puppis erat; nec Priamides Telamone creatum
 Exigere, atque cavis ignes inferre carinis;
 Nec Telamoniades quibat depellere saevum
 Priamiden, deus ipse virum postquam appulit illuc;
 Tum, Clytii genus acre, Caletora maximus Ajax,
 Ignem infert puppi dum turbidus, occupat hasta 520
 Transadigens pectus; magno ruit ille fragore
 Ad terram: excussus longe ~~dextra~~ excidit ignis.
 Hector, ubi carum vidit sibi morte propinquum
 Prostratum ante oculos jacuisse in pulvere, nigra
 Haud procul a puppi, magno clamore suorum
 Incenditque animos hortans, ac talia fatur:
 O Troes, Lyciique, & pubes Dardana, bello
 Clari omnes, spatium ne quis mihi segnis in arcto
 Heic pugnet. Clytii gnato succurrite, nudent
 Ne stratum ad naves Danaï fulgentibus armis. 530

Sic ait: atque ingens vibranti cuspide telum
 Ajacem in magnum torlit; nec figere pectus

Ille

Ille tamen potuit; vacuas petit hasta per auras
 Ajacis famulum comitemque Lycophrona, pulsus
 Olim qui patriis, patrata caede, Cytheris
 Exsul magnanimi Telamonis testa colebat.
 Huic (prope nam regem stabat), rigido caput aere
 Hasta volans laevam supra transverberat aurem.
 Pronus humum petiit, puppi dejectus ab alta,
 Collapsique artus nervis jacuere solutis.

540

Horruit, affaturque his fratrem vocibus Ajax,
 Carum Teucra caput, nobis bonus ecce sodalis
 Mastorides leto comitus jacet; ille Cytheris
 Qui pulsus, nostrasque exsul susceptus in aedes,
 Carus erat nobis, aequae ac pater ipse. peremit
 Hunc Hector. Quo tela tibi letalia? quo nunc
 Arcus, Teucra, abiit, tibi quem donavit Apollo?

Haec Ajax: jussis paret citus ille; propinquas
 Adstitit & fratri, gestans arcumque sonantem,
 Atque gravem telis pharetram: raptimque sagittas 550
 Impiger Iliacum celeres mittebat in agmen.

Ille satum forti Clitum Pisenore fixit,
 Panthoidae socium praecleari Polydamantis,
 Docta lora manu dum concutit; atque volantes
 Pellit equos turbam in mediam, qua plurima fervet
 Pugna virum, seque ostentat, magno ille placere
 Priamidae, & Teucris cupiens: sed triste repente
 Exitium misero super ingruit, arcuit olli
 Quod nemo e sociis optanti; cuspis in ipsam
 Venit enim averso cervicem, vulnus & aegros 560
 Apportans gemitus: curru moribundus ab alto
 Corruit; at bijugi retro cessere, sonore

Quas,

Quassantes bigam ingenti. quibus ocyus ipse
 Objecit se Polydamas, tenuitque furentum
 Fraena manu: Aistynoo Protiaonis inde regendos
 Tradit, multa monens, sese ut per bella sequatur
 Observans, vacuoque legens vestigia curru:
 Ipse autem primis rursus se immiscuit armis.

Ast aliud telum interea depromsit in ipsum
 Hectors magnanimus Teucer, quod dira frementi 570
 Dulcem animam eripiens, pugnam sedasset Achaeas
 Ingentem ad naves, dempto duce: sed Jovis alti
 Haud latuit mentem, diuni qui providus omni
 Hectors servabat cura, Teucroque repente
 Eximiam Telamoniadae laudem abstulit ipse.
 Namque arcu in valido nervum de more trahenti
 Ad sese, nervum quem multa torserat arte
 Bellator, subito rupit: detorta sagitta
 Est alio, atque ingens laeva procul excidit arcus.
 Horruit; ac fratrem his compellat vocibus heros: 580
 Eheu! consilium nobis deus, orsaeque pugnae
 Mente aliquis laeva praecidit, qui mihi & arcum
 Excussit manibus validis, nervumque recentem
 Rupit, ego quem primo hodie cum lumine solis
 Aptavi cussa ingenti, dare volantum
 Possset ut impulsus telorum firmitus ad omnes.

Haec fratri Teucer: tum sic Telamonius Ajax:
 Quin tu igitur flexosque arcus, volucresque sagittas,
 Frater, mitte, tuis numen quando obstitit orsis,
 Et laudem invidit Danaïs; scutum indue forti 590
 Nunc humerò, ingentemque manu tolle impiger hastam,
 Et pugna in Teucros, turbamque hortare: carinas

Ne

Ne capiant saltem, quamvis victoribus esse
 Contigerit, vacui cura ingentique labore.
 Rumpe moras: ambo & pariter pugnemus in hostem.

Sic ait: ille abiit celsa in tentoria, & arcum
 Seponit, scutumque humeris ingentibus aptat
 Quadruplex; capitique habilem flammisque vomentem
 Induitur galeam, summo cui vertice equinae
 Horrendum setae nutabant: corripit hastam 600
 Inde manu validam, fulgentem cuspide acuta;
 Evolat & rapido cursu, fratrique revertens
 Adstitit eximius gravibus bellator in armis.

Ast Hector, postquam Teucris tela irrita vidit,
 Sic Troas Lyciosque affatur voce superba:

O Troes Lyciique, ac pubes Dardana, nunc o
 Este viri, vestramque alacres vim promite Grajas.
 Certatim ad puppes. vidi namque irrita ab ipso
 Facta Jove, his oculis modo vidi, fortia primi
 Tela viri. facilis nosci est mortalibus alti 610
 Vis Jovis, aequus opem seu cum fert, ac decus auget;
 Sive aliquem premit irascens, atque abjicit idem:
 Argivos ut nunc certe premit, ac bonus ultro
 Nos juvat. o fortes, denso nunc agmine, ad ipsas
 Nunc puppes pugnate, viri. quod cominus ictus,
 Eminus aut si quis, fatalis venerit horae
 Ad metas, leto domitus cadat; ac erit hostem
 Arcenti dulci a patria cecidisse decorum;
 Uxor & extincto incolumis, natiue manebunt,
 Et domus, & patrii census, Argiva paternas 620
 Hinc longe ad sedes fugiat si denique classis.
 Talibus incendit vires ac pectora dictis.

Parte

Parte alia hortari socios non definit Ajax:
 Proh pudor! Argivi, praestat vel dura subire
 Fata semel, Grajam vel rem servare, supremam
 Et cladem, dirosque ignes arcere carinis.
 An, miseri, spes est, naves ubi ceperit Hector,
 Possè domum pedibus trans caerula vasta reverti?
 Hectora non Teucros omnes clamore cientem
 Auditis, furit igne cavas qui exurere puppes? 630
 Non ciet ad choreas, at faeva in praelia pubem.
 Nil melius nobis at quisquam suaserit, hosti
 Quam conferre manus, tristisque occurrere pugnae
 Cominus. hoc certe praestat, semel ire sub umbras,
 Aut vitam pulso dulcem servare periclo,
 Quam longo implicitos angi ac tabescere bello
 Paullatim, fortesque hosti succumbere inerti.
 Sic fatus, pugnae cunctos incendit amore.

Tum Schedium, prolem Perimedei, perculit Hector,
 Clarum Phocaeae rectorem pubis, at Ajax 640
 Laodamanta, fatus magno qui Antenore, agebat
 Bellator peditum ~~florentes~~ aere catervas.
 Durum Polydamas Otum, quem frigida misit
 Cyllane, focium Phylidae, gentis Epeae
 Ductorem, ferro adveniens mactavit acuto.
 Huic ruit adversus, fatum ut conspexit amici,
 Phylides: telum vitavit corpore flexo
 Polydamas; Panthi gnatum nec passus Apollo est,
 Dum primos inter pugnat, demittier Orco.
 Ergo Meges medium Croesini transverberat hasta 650
 Ingenti pectus; sonitum dedit ille cruenta
 Stratus humo: extinctoque Meges jam pulchra trahebat
 Arma

Arma humeris; sed tela Dolops tulit obvia contra
Lampetides, genuit quem maximus ille virorum
Laomedontiades, doctum bella omnia, Lampus.

Is tum Phylidae medium perfodit acuta

Scutum hasta adfiliens; at durus funera thorax

Aere cavo avertit. Phyleus hunc belliger alta

Ex Ephyra tulit olim a flumine Selleente;

Euphetes oliv dederat quem regius hospes,

660

Ferre inter pugnas faevo tutamen ab hoste:

Hic tum illi gnati florenti a corpore letum

Arcuit, ac Dolopis telum fatale repressit.

At contra Dolopi Phylides cuspide acuta

Aeratae conum galeae percussit, equinam

Abstulit & ferro cristam, quae pulvere in atro

Fulgens purpureo dejecta colore jacebat.

Huic, Dolopem contra dum pugnat, vincere sperans

Possè virum, auxilio venit Menelaus, & hastam

Quassans obliquus Dolopi stetit, & grave telum

675

Inque humerum tergo fixit, pectusque per altum

Exegit: pronus moribundo corpore terram

Ille petit: lapsoque instant, fulgentiaque arma

Detrahère hi cupiunt humeris. at Martius Hector

Omnes ingenti fratres clamore vocabat

Increpitans, fortem ante alios, Hicetaonis alti

Egregiam prolem, Melanippum. paverat olim

Percota hic tauros in pingui, moenibus hostis

Donec erat longe a patriis: at, litus Achaea

Venit ubi ad Phrygium classis; rediitque paternas

680

Ad sedes, Troasque inter praestabat honore,

Par Priami & natis regalia tecta colebat.

Hunc

Hunc Hector primum increpitat, proprioque vocatum
 Nomine sic notis compellat vocibus ultro.

O, Menalippe ergo lenti cessabimus? ergo
 Nil movet heu cari caedes indigna propinqui?
 Nondum etiam correpta vides ut fortia Graji
 Arma legunt Dolopis? quin tu per tela per hostes
 Me sequere. haud ultra tutis licet eminus hostem
 Missilibus contra pugnare, at cernere ferro 690

Cominus, aut illi pereant, aut funditus omnis
 Dum cadat alta suis cum civibus Ilios: Hector
 Haec postquam effatus, gressum tulit ante; secutus
 Vir simul est superis par forma & robore divis

Interea hortatur Grajos Telamonius Ajax:

Este viri, & mentem subeat pudor; atque sodales
 Quisque suos veritus, constanti pectore pugnet.
 Queis pudor est cessasse loco, carosque verentur
 Qui focios, vivunt plures, quam morte domantur:
 Qui fugiunt, horum perit omnis visque, decusque. 700

Sic ait: illi, hostem cupidi prohibere carinis
 Sponte sua, condunt alto sub pectore magni
 Verba ducis, densique armis fulgentibus adstant,
 Atque rates septo cinxerunt protinus aereo.
 Iliacum in Danaos divum pater incitat agmen:
 At minor Antilochum in Teucros instigat Atrides:

Antiloche, haud quisquam Grajum florentior aevo,
 Haud quisquam est pedibus melior te, viribus aequae
 Nec validis pugnare audax. age, figere siquem
 Profiliens possis, morti & demittere Teucrum. 710

Haec fatus medio ardentem sermone reliquit
 Abscedens rursus. Antilochus levis evolat ante
 Primam aciem, telumque manu fatale coruscat,

Tom, II,

Bb

Huc

Huc atque huc vertens oculos. Trojana minantem
 Turba tuens, gressum retulit. non irrita fugit
 Hasta manu e valida, gnatoque Hicetaonis, acer
 Dum ruit in pugnam, juxta perlata papillam,
 Transiit ingenti perfossū vulnere pectus.
 Concidit: arma super magno intonare fragore.
 Advolat Antilochus: celerem super ut canis olim 720
 Hinnuleum, nemorum e latebris, notoque cubili
 Commotum, longe telo venator adaſto
 Quem fixit, nervosque omnes ac robora solvit:
 Sic te magne super ſævus Menalippe jacentem
 Irruit Antilochus, cupiens fulgentia ferre
 Arma ſibi victor: dium tamen Hectora currens
 Haud latuit; qui tela inter, turbamque virorum
 Per mediam curſu rapido fert ſe obviuſ. illum
 Ut vidit contra venientem atque arma ferentem
 Antilochus, quamquam bello impiger, haud tamen auſus 730
 Stare loco, tremuitque artus, & palluit ora;
 Ille ferae ſimilis, noxae quae conſcia, caeſo
 Vel cane, vel tauros circa paſtore, prius quam
 Turba virum raptis veniens ſuper ingruat armis,
 Tuta petit, montesque fuga ſeſe abdit in altos.
 Talis Neſtorides tremefacto pectore fugit,
 Hector ubi, ac Troes vaſto clamore ſecuti
 Denſa manu valida coeperunt fundere tela.
 At, poſtquam ſocium in turmam ſeſe abdidit heros,
 Reſtitit, ac frontem rurſus convertit in hoſtem. 740
 Interea Troes, praedantum ut ſæva leonum
 Turba, ruunt contra naves, ſummique faceſſunt
 Magna Jovis mandata; viris per membra vigorem
 Qui magis atque magis praeſenti numine dexter

Invi-

Inviſtum afflabat, Grajorum peſtora contra
 Enervans, partumque decus, laudemque paratam
 Eripiens, donec magnus clareſceret Heſtor
 Unus ſupra omnes, flammamque inferret in ipſas
 Indomitam viſtor puppes, Thetidisque neſaſtam
 Parte precem ex omni compelleret. providus ergo 750
 Flammam exſpectabat, puppi ex ardente videndam
 Se daret optanti clara dum luce, fugaret
 Troas ut inde iterum, laudem & praeberet Achivis.
 Haec verſans, Danaum in puppes pater uſque ciebat
 Heſtora Priamiden; furiato peſtore ſaevus
 Quamquam ſponte ſua ardebat; veſanus ut haſtam
 It quatiens Mavors; aut ſilvam ingreſſus opacam
 Ignis edax furit aeriis in montibus olim.
 Spumant labra, oculis ardentia fulgura torvis
 Abſiſtunt, galea alta viro cava tempora circum 760
 Horrendum concuſſa tremit. rex ipſe deorum
 Bellanti auxilium caelo nam praebet ab alto,
 Millibus in multis uni & largitur honorem
 Eximium, atque decus: limes quippe ultimus aevi
 Haud aberat longe miſero, lucemque ſupremam
 Magni ſub manibus Pelidae inimica parabat,
 Triſte urgens juveni fatum, Tritonia Pallas.
 Ille quidem cupiens aciem perrumpere, ſeſe,
 Qua turbam qua tela videt denſiſſima, certat
 Irruere in medios: ſedenim fruſtra omnia tentat, 770
 Nec potis eſt uſquam durum pervadere ſeptum.
 Nam, turris validae in ſpeciem, denſo agmine ſtabant
 Conſerti. qualis procurvo in litore cautes
 Vaſta, horrens, canum procurrans edita in aequor,
 Siridentum furias ventorum. undaeque; fragorem
 Bb 2 Inſa-

Infanum & ponti perfert, ac mole sua stat:
 Tales Grajugenae stabant, Troumque catervam
 Hectoraque obnixa contra. ferus infilit ille
 In medios igni fulgens unde unde corusco.
 Caerulea sub nube ingens tumefactaque vento 780
 Ut cadit unda ratem supra gravis: albet at illa
 Spumigero candens fluctu perfusa; superne
 Velum dira fremens niveum quatit aura: tremiscunt
 Nautis corda metu leti jam limine in ipso:
 Sic Danaïs micuere sinus formidine, & anceps
 Invasit mentes turbataque pectora terror.
 Adveniens ceu cum saevo leo dente juvencae
 Invadit prato in viridi prope stagna, per herbam
 Dum sese innumerae densant; ac servat euntes,
 Nescius ille feras contra pugnare magister 790
 Cornipedum de caede boum; primaque, vel inter
 Extremas graditur; pernici sed leo cursu
 Infilit in medias, stratamque ex omnibus unam
 Devorat: armentum trepida formidine circum
 Diffugit omne: omnes Danaï sic Hectora dium,
 Atque patrem fugere Jovem; solum inclytus heros
 Morte Mycenaeum subita stravit Peripheten.
 Hunc genuit Copeus, Eurystei iussa ferebat
 Qui magno Alcidae: non claro patre sed ortus
 Filius est longe melior, virtutibus ille 800
 Omnigenis clarus, cursu bonus, acer ad arma,
 Consilii prudens auctor, procerumque Mycenes
 Par primis. magno tum stratus ab Hectore laudem
 Eximiam, atque decus victori praebuit ingens.
 Nam, dum versa fugae dat terga, offendit in oram
 Ipse sui extremam clypei, Troum omnia contra
 Quem

Quem tela oblongum talos gestabat ad imos.
 Huic temere impegitque pedem, retroque supinus
 Concidit, afflictus terrae; galea alta recusso
 Aere dedit sonitum ingentem cava tempora circum. 810
 Sensit, & accurrens lapsum super adstitit Hector,
 Defixitque hastam fulgentem in pectus, amicos
 Inter & oppressum, leto dedit. obuius ire
 Nemo ausus, nec opem deprenso ferre sodali;
 Ipse sibi Hectoreis nam quisque timebat ab armis.
 Jamque adeo retulere gradum, & cessere carinas
 Post primas, septi extremis, a litoris ora
 Quae minus abstant. Troum denso agmine pubes
 Affudit sese, certatimque ingruit hosti:

Argivi primas puppes liquere (coactos 820
 Urget enim res dura); alta ad tentoria crebri
 Sed mansere tamen, nec se per castra solutis
 Ordinibus passim fudere; pudorque, metusque,
 Continuit magnum clamantes, atque vicissim
 Mutua se hortantes. Quos prudens Nestor, Achivae
 Eximius gentis custos, per tecta, parentisque
 Et gnatos lacrimis obtestabatur obortis:

Este viri, o focii: nunc famam quemque vereri,
 Nunc meminisse decet natorum, conjugis, unde
 Ortus & est, patriaeque domus, matrisque, patrisque, 830
 Seu vivunt, seu jam sunt passi extrema. per hosce,
 Qui longe hinc absunt, obtestor; state, manete
 Inviato fortes heic pectore, terga nec hosti
 Vertite. sic animos incendit Nestor, & acres
 Admovit stimulos. nubem at caliginis atrae,
 Ossusam late, discussit Pallas. obortum
 Continuo est oculis jucundum lumen utrinque,

Litore

Litore ab extremo, pugnaeque a parte cruentae.
 Apparet magnusque Hector, focique, retrorsum
 Quicunque abstiterant pugna, & quicunque feroci 840
 Obnixi ad curvas pugnabant Marte carinas.

Magnanimo tunc Ajaci, quo caetera stabat
 Grajum turba, loco haud placuit consistere; obibat
 Sed magno incedens gressu tabulata; gravemque
 Hac illac versans contum quassabat, ahenis
 Praefixum clavis, telum ad navalia factum
 Bella, bis undenas protentum robur in ulnas,
 Ac veluti quondam doctus defultor, ut omni
 Quatuor e numero praestantes corpore pulchro
 Legit equos, campo admissos dehinc pellit ad urbem, 850
 Auspila volans qua strata viae se publica tendunt;
 Mirantur dextra & laeva matresque virique
 Spectaclum attoniti; celer ille huc transilit atque huc,
 Mutatoquo sedet dorso imperterritus; Eurum
 Ante levem volucres cursu hi pernice feruntur:
 Sic Ajax per crebra gradu tabulata ferebat
 Se magno, insiliens nunc hanc, nunc impiger illam
 In puppin; tum missa viri vox ibat ad astra
 Ingens, Argivos vasto clamore jubentis
 Tutari curvasque rates, tentoria & alta. 860
 Quippe audax Troum in turba non se tenet Hector;
 Sed, veluti celeri lapsu Jovis involat ales
 Anseribus, gruibusve, aut cygnis, agmine magno
 Dum liquidum ripa in viridi pascuntur ad amnem;
 Caeruleam affectat puppem sic maximus heros
 Affiliens: dextra magnus quem Juppiter, ipsum,
 Et socios simul horrendo clamore sequentes,
 Impulit ingenti. surgit pugna aspera: nusquam

Cessa-

Cessatur. credas nunc primum praelia inire
 Integros, ullo nec fessos membra labore;
 Sic alacres in saeva ruunt certamina. nec spes
 Pugnantum est eadem. non ullo evadere cladem
 Possè modo Graji sperabant, diraque fata;
 Sperabant Teucri, curvas exurere puppes,
 Et pubem penitus morti demittere Achaeam.
 Talia versabant animis, densique premebant
 Hinc atque hinc sese magno certamine anhelì.

Adjecit dextram saevus tum denique puppi
 Hector, ad Iliacum quae litus Protefilaum
 Pulchra tulit, sed non & sedes pulchra revexit 880
 Incolumem ad patrias. hanc circum Troica pubes
 Grajaque se duro caedebat mutua ferro
 Cominus. haud etenim flexo volitantia ab arcu
 Spicula, missa manu abstantes nec tela manebant:
 Fortia pectoribus prope juncti at pectora, acutis
 Miscebant horrenda securibus, atque bipenni
 Praelia certatim ferro, magnique micabant
 Ensesque, ancipitesque hastae; insertique nigranti
 Ingentes gladii capulo tellure jacebant,
 Hi lapsi e manibus pugnantum, fortibus illi 890
 Ex humeris; subterque ibat cruor undique rivis.
 Hector ubi arripuit puppin semel, alta tenebat
 Aplustra, & Teucros magno clamore vocabat:

Ignem ferte, viri, pugnamque intendite: lucem
 Juppiter hanc nobis aequus dedit, una rependat
 Tot moestos quae laeta dies; exurere puppes
 Qua datur, iratis huc dis quaecunque profectae,
 Intulerunt nobis tot tristia damna, senatus
 Iliaci culpa; qui me, obvia ferre volentem

Arma,

Arma, diu tenuit, pubemque in bella paratam, 980
 Exire haud passus. nostras at Juppiter olim
 Si laevus mentes laesit, nunc incitat idem
 Hortator ductorque. Hektor sic fatus; at illi
 Acrius incubuere, infano & Marte ruebant:
 Nec Telamoniades Ajax jam quibat eodem
 Stare loco (obruitur sic densis undique telis);
 At retro paullum cessit, fata ultima vivans,
 Et liquit tabulata heros, septemque pedali
 Constitit in transtro, circum vigilantia volvens
 Lumina, bellator conto & gravis usque trabali 910
 Instantes arcens Troas, flammamque ferentes,
 Atque hortans magno focias clamore cohôrtes.

O focii, heroes Danaï, Mavortia pubes,
 Este viri, ac patrium memores expromite robur.
 A tergo ne aliquem vobis, nunc esse putatis
 Qui ferat auxilium pulsus? an firmior usquam
 Est aliquis murus, possit qui avertere cladem?
 Urbisne aliqua est propius, praecinctam turribus altis
 Quam liceat populi alterna fervare corona?
 Bellantum at campo in Teucrum, longeque remoti 920
 A patria, & ponti conclusi degimus unda.
 Ergo manus poterunt, non lenta ignavia lucem
 Ferre aliquam tandem, & rebus succurrere lapsis.


Haec ait: ac torvus, furiata mente, petebat
 Hasta omnes, quotquot se curvas igne ferebant
 Accincti ad naves, quo saevus jusserat Hektor:
 Bisseni & magna perfossi cominus hasta,
 Ante ipsas leto strati jacuere carinas.

FINIS TOMI PRIMI.

VAl
 155 3759

84.
 8.
 13.





711

9

28

